




Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
383 M 9






Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
383 M 9





Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
383 M 9



Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
383 M 9









Edith
H
qu
je
K
T

Eddidit hoc opusculum
Florentius Petrus Pitterius,
qui et notas in calce ad-
jexit. Cf. Haubold et
Koch, in *Hugonis Horreo*
Turis Civilis, II. 320. 497.





BIOI NOMIKΩN

SIVE

DE JURISPERITIS ^{skw}

LIBRI DUO. ³⁸³

AUCTORE ^{Al 9}

JOANNE BERTRANDO

PRÆSIDE TOLOSANO.

Secunda editio, emendatior & nitidior.



*Koninklijke
Bibliotheek
te 's-Hage.*

LUGDUNI BATAVORUM,
Apud JOHANNEM à GELDER.

M D C LXXV.

LIBRI NOMINIS

LIBRI

DE JURISPRUDENTIA

ALBERTI D. D. O.

LIBRI

JOHANNES BERTHOLDUS

PAULUS TIGERICH

JOHANNES BERTHOLDUS



INCIPIT LIBRARIUS

ALFRED JOHANNES BERTHOLDUS

LIBRI

LIBRI

AG
S

In
F

B

in
not
pro
ctu
eos
Sen
dina
Pro
Maf
17



ILLUSTRI VIRO
ÆGIDIO MASUERIO
SENATUS TOLOSANI
PRINCIPI,

*Tristandus Bertrandus Senator Tolosanus, &
Franciscus Bertrandus Catoursæus
fratres S. D.*

BI N O M I K Ō N Joannis Bertrandi pa-
tris nostri, sive de Jurisperitis libros
duos, in lucem mittimus. Homines
quidem mali, & filii parum pii simus,
si hosce ingenii paterni foetus, & in fiduciaria
nostra tutela existentes, fraterno amore non
prosequamur. Quod autem illustrius veri affe-
ctus testimonium à nobis exhiberi potest, quam
eos in lucem prodeuntes nomini tuo Princeps
Senatus illustriss. dicare? cujus virtus & do-
ctrina in luce hujus regni, & in oculis clarissimæ
Provinciæ posita est; & quem non solum, ut
Masuerium; sed ut alterum Masurium * ἀπαλα-
ξήριον, καὶ σοφὸν, καὶ ὑδένος δότερον, cives omnes suspi-
ciunt

* Athenæus lib. 14.

ciunt & admirantur. Postulat etiam hoc à nobis
paternæ dignitatis pia recordatio, & Juriscon-
sultorum, qui hoc in libro describuntur, nun-
quam satis laudata memoria. Qua enim justiore
hostia paternæ laudi, horumque veterum viro-
rum doctrinæ, parentare possumus: quam li-
brum ejus, qui in senatu principatum tot annos
non indigne sustinuit, tibi Principi senatus me-
ritissimo, offerendo? & Jurisperitorum vitas, à
Jureconsulto (hoc nobis filiis de patre effari li-
ceat) non contemnendo scriptas, tibi Juris-
consultorum peritissimo, consecrando? His
tanquam cumulus accessit, humanitatis tuæ
singularis testata omnibus professio, quæ nobis
non parum gratum, jucundumque hoc munus
te habiturum, facile per suasit. Quod si, hoc à
te suppliciter postulantes, litare possumus; satis
magnum nostræ in manes paternos pietatis fru-
ctum, & tuæ erga nos benevolentix summum
testimonium, percepisse videbimur. Vale.

JOAN-



JOANNIS BERTRANDI
PRÆSIDIS TOLOSANI
VITA.

AUCTORE
FRANCISCO BERTRANDO J.F.
CATOURSÆO.

AB illustri rerum Gallicarum scriptore traditum est togatos homines Reipub. vel Principibus utilissimos esse, cum boni sunt: atque perniciosissimos, cum mali & iniqui. Quod quam verum sit, ultima Galliae nostrae calamitosa tempora satis testantur. In hac enim communi & novissima rerum pene everfione, quot togati Rempub. seditionibus undique erumpentibus concussam in eos scopulos impulerunt, ad quos naufragium facturam sperabant? Quot denique è contrario, togatam omnem auctoritatem & scientiam, ad Reipub. regnique salutem conferentes, in hoc publicum naufragium colligendum & reficiendum, fideliter constanterque incubuerunt? Quamobrem quod de lingua hominum vulgo dicitur, eam optimam & pessimam omnium corporis humani partium esse, id ad togatos homines, vere & non ineleganter referri potest. Politia enim regia, quæ corpus civile est, membra sua partesque sicut humanum habet. Manus, sunt.

* 3

mili-

JOANNIS BERTRANDI

militēs : nervi , vectigalia : pedes , plebeia multitudo : Rex , pro capite constituitur : ejus consilium anima est , quæ totum civile corpus movet & regit : linguam autem præcipuam capitis partem animæque interpretem , togati homines conficiunt . Sic Quæstor sacri palatii , qui princeps togatorum est , lingua & vox à celeberrimis auctoribus dicitur . Mala autem & incommoda quæ Reipub. togati quidam intulerunt , qui , ut Tullius linguam appellat , flabella seditionum fuere , ea quidem tanta sunt , ut à me verbis exprimi , & describi nullo modo queant . Illud tamen non minus vere , quam libere dicam , inter omnes togatos bonos cives , & Reipub. amantiſſimos (qui quamplurimi quidem fuere , quosque meliorem humani generis partem cum Symmacho nuncupare possumus) neminem Joanne Bertrando majori cum integritate , & constantia Rempub. capeſſiſſe , prudentiaque gubernasse . Cujus vitam , ob eximiam ejus virtutem , & in Occitanam provinciam merita , tanquam integritatis & religionis tabulam proponere decrevi , ut aliis admirationi , suis vero exemplo esse possit .

Certum itaque Bertrاندorum gentem ab illustri Comitum Tolosanorum familia originem duxisse . Ramundus enim Bertrандus decimus Tolosanorum Comes quatuor habuit filios , Bertrандum , Guillerimum , Alphonſium , & Odophredum : quorum tres primi comitatum obtinuerunt . Odophredus vero , qui Trinquévalli Vicecomitis Bitterensis & Carcaſſonenſis filiam uxorem duxit , pro portione ſua hereditaria Servianum agrum in Narbonenſi provincia ſitum habuit , cognomineque paterno , quod retinuerat , ad poſteros omnes tranſmiſſo , filium reliquit Hadrianum Bertrандum , qui Rogerii Bertrандi pater fuit : quorum poſteri præcipuis militaribus , & eccleſiaſticis Gallie honoribus ornati , agri Serviani illis gentilitii poſſeſſionem dominatumque adepti ſunt , ad atavum uſque Joannis Bertrандi , à quo abjudicatus eſt . Abavus qui tunc penè puer literarum
cauſa.

PRÆSIDIS TOLOS. VITA.

causa Tolosa aiebatur, simul cum re parente amisso, se ad Biterensis Episcopi avunculi sui fidem, potestatemque totum contulit; cui juvanda pueri fortuna in omni genere officii nec facultas, nec voluntas defuere. Sed eo paulo post obitum patris etiam mortuo, avunculi ope, opibusque paternis ille destitutus, post susceptos ex Agnete Fabritia nobili fœmina liberos, neglectis ambitionis studiis tranquillitatem vitæ sequutus est, & in Dominicano cœnobio reclusus, pie sancteque ad mortem usque vixit. Proavus togatis Reip. muneribus functus, non solum antiquitate nominis voluit, sed etiam virtute commendari. Avus in restauranda familiæ dignitate erectior, & Alebreti Principis Cancellarius factus, quatuor liberos superstites habuit: Joannem Bertrandum S. R. E. Cardinalem, Archiepiscopum Senonensem, Galliarumque Cancellarium: Petrum Episcopum & Comitem Cadurcensem: Nicolaum Senatus Tolosani Præsidem, & Catharinæ Mediceæ tunc Delphinæ Cancellarium: aliumque Petrum Abbatem Saramonensem: qui quidem præstanti gloria, rebusque præclare gestis maximè flourerunt. Ex Nicolao autem & Antonia Jordania, natus est Joannes Bertrandus anno 1527. quinto Id Maji. Cujus prima ætatis initia cum patris diligentia, tum etiam naturali literarum desiderio munita, docilitatis suæ non parvum experimentum dedere. Deinde ex puerili institutiune edoctus, sub Antonio Usilio non indocto homine, majorem quandam rationem complexus est, confirmationemque doctrinæ. Inde ad juris scientiam delapsus, unum ex omnibus Antecessoribus Arnaldum Ferrerium, magnum ætatis suæ virum, & Jurisconsultum celeberrimum ita coluit, ut cum eo à Valentinis ad jus publice profitendum accersito, Valentiam profectus sit, ibique doctoratu accepto Tolosam continuò reversus, patrem gravi morbo, & mortifero affectum invenit. Post cujus obitum in aulam profectus ad Joannem Bertrandum patrum suum, sub Lodoico

JOANNIS BERTRANDI

Stræbeo viro doctissimo, cum Guillermo Bertrando Villamorio fratre patruele aliquandiu vixit. Paulo tamen post, necdum senatorie ætatis adolescens, Senator Tolosanus factus est. Cujus immature promotionis hæc narratur fabella. Cum jussu patrui sui Dianam Valentinæ Regulam, quæ apud Henricum secundum prima erat, salutatum iisset gratias acturus, quod ea potissimum intercedente, honorem amplissimum adeptus esset: Dianam ab illo petisse an Cardinalis Galliarum Procancelarii ex fratre nepos esset: quo annuente, suavit ei Diana ne Regis vultum subiret. Nec enim (inquit) Rex imberbes adolescentulos, Consiliarios habere se existimat. Tum postea regii, & sacri consistorii Consiliarius factus: tandemque sextus Tolosani senatus præses à Carolo IX. Galliarum Rege. creatus, magna integritatis, & religionis commendatione semper floruit. Quarum virtutum in eo eminentium innumera licet dentur exempla: perpauca tantum proponam, ut ex iis tota vite sue inclinatio, tanquam ex ungue leo, dijudicari possit. Solent in senatum cooptati ulnas quasdam panni serici Principi senatus dare; is quamvis sub ejus principatu triginta in senatum lecti sint, nihil unquam à quoquam accepit. Munera vero non solum à litigantibus non sumpsit, sed ne quidem à propinquis, & conjunctioribus. Præter solemnia stipendia, congiaria annua dederat ei Rex Henricus tertius ex mulctarum curie exactione, ea tamen recusavit, ne videretur mulctam dicere, ut congiaria sibi solverentur, & quasi ovem deglubere, ut pellem lucraretur. Emolumenta autem illa quæ à litigantibus, ob lites calculo rationique obnoxias, iudicibus dantur, quæque Sabatina Tolosæ nuncupantur rejecit, & tanquam dignitatis senatus parum digna, condemnavit. Tantaque fide & religione vixit, ut dierum illorum quibus privatis negotiis occupatus à curia abstinerat, stipendia regia sibi solvi noluerit, Quæstorique reddiderit. Codicillos senatorie in Curia Tolosana

PRÆSIDIS TOLOS. VITA.

sana dignitatis à Carolo Lotharingio Guisianarum partium in Gallia tunc Principe datos remisit; nec rei publicæ à se gesta remunerationem à quoquam se accepturum, nisi à Rege suo, animose & fortiter rescripsit. Quæ quidem summa innocentia ratio, eo magis in ipso enitebat, quod & liberorum numerus, & rei familiaris angustia, eum ad opes non spernendas invitare satis videbantur. Religionis autem & pietatis antiquum prope modum exemplar: quippe qui sine ostentatione piissimus, & sine superstitione religiosissimus fuerit. Singulis diebus dominicis sacra eucharistia communione utebatur: Jejunia vero ab ecclesia præcepta ita ex præscripto observabat, ut ne quidem prope septuagenarius ea unquam solvisse intelligatur. Vita ei proba, mores innocentes, animus quietus & placidus: oratio tamen severa, sed in qua non infrequenter comitas quedam urbana eluceret. His itaque animi & pietatis dotibus instructus, ad senectutem usque summam constantissime vixit. Sed hoc magnopere mirum in homine nobili, & ad res magnas nato & alto, quod magistratus sui partem ad judicia spectantem tractandam tantum susceperit: illam vero ambitiosam Reip. curam, quam tot homines & stulte & infelicitè amplectuntur, sibi fugiendam non minus, quam navigantibus Syrtes aut Scyllas putaverit. Quod autem ei de judiciario labore temporis dabatur, in studiis literisque conquiescebat, otium sine literis, mortem & hominis vivi sepulturam cum Seneca dicens. Verum in suscepto tranquillitatis consilio solidam vitam agere, fata rerum ei non concesserunt, necessitate temporum invitum eum ad Reip. curam sollicitudinemque rapiente. Sicut enim primum mobile, ceteros orbes contrarium motum habentes, rapacitate sua violentiaque secum trahit, sic universa Gallicarum rerum perturbatio, cujuscunque ordinis & naturæ homines, repentino suo impetu cursum hunc violentum, nolentes etiam, sequi coëgit. Ad instar tamen stellarum orbiumque cælestium, qui primum

JOANNIS BERTRANDI

mobile sequendo, motum suum proprium non amittunt: Joannes Bertrandus in hac rapacissima rerum omnium conversione, tranquillum moderatumque animi sui motum, & circulum semper peregit. Ita enim aquabiliter, temperateque cuncta gubernavit, ut in maximis turbinibus ac fluctibus, civitatem suam sola placabilitate, & sedatione conservavit. Verum ut, quem cursum civitas Tolosana eo gubernatore & Præsede tenuerit, cunctis ostendere facile possimus, eundem nos rectâ tenebimus. Duobus itaque fratribus Duce & Cardinale Guisii, Blesios, ubi conventus Gallici agebantur, interfectis: ad hujus necis rumorem tota fere Gallia commota est, & quod medicamentum Reip. salutare credebatur, malorum fuit irritamentum. Plebecula enim urbana suapte natura ad seditionem prona, pene omnis agitata est: maximeque Tolosana, à concionatoribus quibusdam: qui quum adversus Regem quædam seditiose perorassent, tum Joannis Stephani Durantii Senatus Principis, regique nominis acerrimi vindicis dignitas ab eis laceratur. Qua concionum licentia, & maledictorum impunitate, factiosi de defectione cogitantes animos sumpsere, & concilium ex cunctis ordinibus, penes quod summa rerum esset, creari postularunt. Quod quidem eis concessum, repugnante Joanne Bertrando. Prævidebat enim vir ille in rebus judicandis sagax, eos ex hac administrationis concessione, quid ad Reip. eversionem possent, cognituros, ad instar Herculis apud Senecam, qui

Posse coelum viribus vinci suis
Didicit ferendo.

Hujus autem concilii princeps constitutus est Joannes Bertrandus, ut hominum novarum rerum cupidorum turbulentas voluntates moderatione sua mitigaret, & auctoritate frænaret. Verum eò seditio serpsit, ut jam timidiores de defectione à Rege non silerent; & cum Dasius advocatus Regius causidicum

PRÆSIDIS TOLOS. VITA.

cum quendam accusasset, quod effigiem Henrici tertii è capitolio dejiciendam censuisset, tanta in eum commotio facta est, ut magnum sibi creaverit vitæ periculum. Itaque cum ad hoc usque tempus Durantius occulte cuniculis oppugnaretur, aperto Marte in posterum expugnari cepit. Sept. enim Cal. Febr. 1589. hora post meridiem quarta, eum è Senatu exeuntem, rhedamque ingressum quamplurimi armati homines eductis gladiis aggressi, ad extremum deduxissent casum: ni rhedarius equorum velocitate è manibus eorum evadens, dominum ab omni injuria prohibuisset, Bertrandus autem cum Stephano Bertrando Quintio filio suo, qui hoc in repentino motu, cum militari manu ad patrem accurrerat, è curia domum suam incolumis se recepit: primusque aggere doliario, in modum eritii militaris, vici sui angulos clausit. Cujus exemplum sequuti reliqui cives, in singulis urbis vicis aggeres similes egere. Sed tandem Durantius in Dominicano cœnobio, in quod cum militum custodia inclusus erat, decima quinta die post fugam, à plebe armata, sive potius plebis colluvie occisus est, cum Dafisio advocato Regio, quem in castro Narbonensi custodius vinctum, ob servatam Regi fidem clausum habebant: & ita pluribus vulneribus confossus per totam urbem funiculo pedibus alligato, cum Regis Henrici tertii effigie maxima cum ignominia trahitur, & ad scalas D. Georgii, ubi damnati & facinorosi homines plectuntur, cum omnium bonorum mœrore suspenditur. In hac tanta tamen atrocitate temporis, Joannes Bertrandus quæ fortem civem, & Senatorem optimum decebant, gerere non destitit. Nam cum tertiana ipse in lecto laboraret, filium suum Stephanum Bertrandum Quintium civibus ducem ostentavit ad hanc indignissimam calamitatem è clarissimorum virorum cervicibus depellendam. Sed cunctis perterritis, Quintius publicam causam suscipere non potuit: hanc tamen plebis facem è palatio & Dafisii nece revertentem, partim amissis gladiis

JOANNIS BERTRANDI

gladiis & telis, partim ereptis, diffugere solus ipse cum paucis amicis coëgit. A quibus autem plebs ad hunc furorem impulsæ fuerit, varie narrabatur: vel ab his qui privatas injurias publica manu vindicare tutum putabant: vel ab illis qui quum populari tantam freti potentia à Rege defecissent, credebant hoc facinore admissò, plebeculam metu supplicii ad sanitatem facile non reversuram. Hoc quidem popularis levitatis testimonium, & ætatis nostræ corruptæ argumentum: inter præcipuas odii & necis causas, eam tunc vulgo ferri, quod rheda in palatium & curiam gestaretur, quasi alienum illud ab antiqua parcitate, & rogata modestia. Durantii vero fortis constansque animus in amplectenda morte, à multis laudatus est. Sed hoc in eo mirabile, quod hostium furori, tanquam hostiam publicam sese libentur obtulerit, & pileo quadrato, toge dignitatisque insigni, capiti imposito, senatoriaque toga sumpta, eodem vultu quo senarum ingrediebatur, furiosam turbam ad exitium suum paratam & anhelantem adierit: ut ipse qui toge honor & decus fuerat, vere togatus mori videretur. Hoc autem omni admiratione dignissimum, quod his senatoriis insignibus indutus, tanquam alter Arion citharædi palla, non Orthion ut ille Diis maritimis, morti se offerens: sed hoc vere orthon & rectum Christi carmen Divis cœlestibus pie cecinerit: Domine ignosce illis, quia nesciunt quid faciunt. Durantio itaque mortuo, Joannes Bertrandus principatum senatus obtinuit. Ne tamen publicæ calamitatis molestiam domestica felicitate leniret, filium natum majorem Stephanum Bertrandum Quintium nefarie trucidatum hoc ipso tempore amisit, natum annos tantum xxiii. relicto puerulo bimensi ex Francisca Vabresia à Castronovo, fœmina nobili, omnique honesto lepore conspicua. Cujus mortem quam graviter tulerit, satis intelligent qui se patres meminerint. Hoc tamen exasperabat dolorem, quod in tam misero regni statu, nullo publico solatio, privati mœroris luctum levare posset. Veruntamen
sta-

PRÆSIDIS TOLOS. VITA.

statim atque civitatis Tolosanae clavum tenuit, nihil antiquius habuit, quam senatus auctoritatem prostratam & afflictam erigere: Senatoresque profugos, qui ex civitate in hoc communi Optimatum periculo cesserant senatusconsulto revocare. Quod quidem fecit repugnantibus quibusdam populi primariis, nonnullisque ex senatu. Cur enim, inquit ille, tot Senatores viri boni, & nulla ignominia notati in eam civitatem non revertentur, in qua tot perditos & facinorosos homines non solum habitare, sed etiam auctoritatem habere sinimus. Jam Reip. Tolosanae tranquilla satis & serena frons apparebat, induciaeque pactae inter Guisianarum & Regiarum partium duces, domi forisque cuncta quietiora fore pollicebantur: cum subito discordiae animos hominum ad nova surgentes veluti pestilenti quodam sydere afflavit. Urbano Sangelasio Convenarum Episcopo, à senatu absente Guillermo à Joyosa Galliae Mareschallo, Occitaniae Prorege, urbis Tolosanae cura demandata erat. Sed cum populariter nimis se gereret, Patres Joyosano auctore, ejusque sententia principe, de abroganda ejus potestate consentiunt. Sangelasius qui cuncta, quae adversus eum parabantur, satis superque noverat, conturbari Rempub. quam minus ipse valere malens, ut invisum plebi Joyosanum redderet, contra publici solennisque jurisjurandi religionem, eum cum haereticis hostibusque inducias fecisse criminatur: & sodalitatem nomine corporis Christi prætens, post consilia cum plebeiis novarum rerum cupidis, interdiu noctuque agitata, Richardum ordinis D. Francisci à Paulo sodalem, in fano D. Mariae Dealbatae concionari jubet. Is quum de Reip. statu multa disseruisset, Sangelasium tanquam Religionis catholicae verum propugnatorem, plebi commendat: Mareschallum Joyosanum, Patrumque Principes, de urbe hostibus dedenda cogitasse. Quibus sermonibus, jam per se accensi incitantur à monacho plebis animi. Cui concione finita ad arma discurrenti, Sangelasius armatus occurrit: seque pro
liber-

JOANNIS BERTRANDI

libertate & religione arma sumpsisse clamitans, ne defensorum suum in ipso discrimine periculi cives destituant precatur. Interim Bertrandus à Mareschallo evocatus, ad Archiepiscopatus aedes proficiscitur: ubi cuncta turbide & turbulente agitantur. Quidam enim ex nobilitate, vi armisque rem agendam censebant: rudem & inexercitatum turbam ensium solo fulgore terreri. Alii tamen lenibus remediis subveniendum putabant: vim armaque desperata Reipub. tantum medicamenta: concitatos autem plebis animos, cum tutius, tum facilius flecti posse quam frangi. In qua sententiarum ancipiti contentione, Bertrandus nihil temere tendendum suadet: & vocatis Francisco Gargasio primæ sententiæ Senatore, viro constantissimo prudentissimoque, & quibusdam aliis Senatoribus, qui nihil antiquius communi salute judicabant, capitolium petit: ibique Octumviros ad Senatus, & Mareschalli auctoritatem armis tuendam excitare tentavit. Sed cum illi in varias traherentur sententias, nihilque certi decernerent, Bertrandus uno ex capitolinis cum militum cohorte secum assumpto, purpureaque toga induta, totam urbem perlustrans: civibus imperat, ut Mareschalli Joyosani dicto tantum audientes, aliorum recusent jussa: nec à quolibet ambitioso senatus decreta infirmari impune patiantur. Sed tanta vis, tabesque morbi omnes ferè cives invaserat, ut apud quos seditio non exarserat, esset dissimulatio, & qui nullarum partium essent, animos ex eventu se sumpturos demonstrarent. Dum hæc Bertrandus ageret, alia ex parte Sangelasius, Richardus monachus, ceterique aduersæ factionis cives Joyosanum ob inducias cum hostibus pactas criminantur, concurrant circum tabernas, & multitudinis rerum imperita sollicitando & pollicitando animos lætant. Has autem contentiones cum nox superveniens diremisset, sequens dies renovavit: postridie enim summoque mane, plebe rursus tympano ad arma vocata, major in plateam Dealbata, multitudinis

PRÆSIDIS TOLOS. VITA.

dinis furentis fit concursus. Quo novo populi tumultu Mare-
schallus perterritus, Bertrandum invocat: plurimique ex Se-
natoribus domum ejus veniunt ferè exanimati; admonent in
tam aperto rerum discrimine non cunctandum: sed contra
periculosissimas factiosorum potentias, conditioni senatus, bo-
norumque omnium saluti providendum. Quamobrem Bertran-
dus diutius non cunctatus, cum Senatoribus Marefchallum adit:
simulque de summa rerum agunt vocatis ad consilium patri-
bus, octumviris, & ex nobilitate proceribus. Quidam qui non
tam incolumem civitatem quærebant, quam in quorum manu
esset, tentandam rem armis censebant: hoc indecorum Gal-
liæ Marefchallo, si cum urbana multitudine manum conserere
non auderet. Paucorum autem animi à certatione abhorrebant;
quorum sententiæ Bertrandus adjecit similia quædam verba:
Ut prius noscerent vires quas haberent exiguas, quam Mare-
schalli vitam, senatus dignitatem, Occitaniæ tranquillitatem,
bonorum denique fortunas in discrimen adducendo, quicquam
periculo ultimo tentandum statuerent: pro dignitate antea
pugnari potuisse, nunc pro vita & salute decertandum: satis
decora, quæ tuta: & gloriosorem eum exitum rerum fore, qui
partibus adhuc integris cum pace fieret. His ita dictis, legatos
ad Sangelasium mittendos censer. Sed Marefchallo cunctante,
quum legationis missæ nomen, timoris signum videretur, tulere
nonnulli conditiones has pacis, ut qui ex capitolinis Foyosana-
rum partium erant, populo suspecti claves urbis redderent, da-
rentque eas civibus probatis, & à plebe electis. Tum deinde
Marefchallus, copias quas circum se habebat dimitteret: San-
gelasio se dimissurum suas pollicente. Quibus conditionibus Ma-
refchallo jam commoto, clamatum est à cunctis hæc frau-
dulenter dici: si claves darentur, eos in manu hostium esse:
haberent saltem liberam exitus portam; si victoriæ, fors clau-
deret. Nec imprudenter dictum, Sangelasio, tota urbe occu-
pata,

JOANNIS BERTRANDI

pata, ad Mareschallum obsidendum adventante. Quo novo fremitu crebrescentis seditionis, languere statim multorum studia coeperunt, qui primo alacres, fidem atque animum ostentaverant. Mareschallus propter exiguitatem copiarum suarum, nec occupare pericula, nec obsidionem tolerare contra concitatam multitudinem, tutum & honestum putat: in bona enim causa, sed adversa, bene cedere, quam male opprimi utilius duxit. Cum paucis itaque Mareschallus clam ab urbe exiit. Quo subitaneo discessu nonnulli Senatores perculsi, urbe cedentes cum eo ad Castrum Balmanum ex Archiepiscopatus ditione pervenerunt. Post ejus discessum, rerum omnium potitus Sangelasius, cum universo Clero militum ordinibus stipato, ad Archiepiscopatus ades proficiscitur: ibique diris per omnium Sacerdotum religiones Mareschallus devovetur. Inde effrenata plebecula, nihil nisi cades & rapinas cogitabat, quum Bertrandus qui post discessum Mareschalli, domum suam se receperat, Sangelasio mandavit, ut praedas, quibus armata turba potentiorum domus minitabatur, prohiberet, provideretque ne quid detrimenti Respublica caperet: Senatum se coacturum, rogabat ut adesset, & ne rerum non penitus desperatarum remedia negligeret. Sed cum ille iratae plebis impetum cohibere se non posse, nec in alios, nec in Bertrandum ipsum, qui imperium illi abrogare voluisset, acerbè & minaciter respondisset: Bertrandus ut ab urbe exiret, Mareschalli literis quotidie monebatur. Ille tamen non videbat, quemadmodum id fieri posset, nec deberet. Nec movebat eum quod Sangelasius civitatem occuparet: quum neque Solonem cum Pisistratus, neque Socratem cum triginta tyranni essent, pedem porta extulisse diceret. Conjiciebat etiam non ex alitis volatu, nec ex cantu sinistro oscinis, ut in veteri Romanorum augurum disciplina erat: sed vero prudentie augurio, dominationem illam vix bimestrem fore. Violenta enim imperia nemo diu continuat. Domi itaque remansit Ber-

PRÆSIDIS TOLOS. VITA.

Bertrandus absque ulla Reip. gubernatione. Qui tamen in tam gravi vulnere, non ob erepta civitatis gubernacula, sed Reip. tantum causa dolebat. Jam enim pridem virum illum minime ambitiosum gubernare tadebat, etiam cum licebat: & ad instar fici, dulcedinem suam, id est domesticam tranquillitatem retinere malebat, quam imperium adipisci. Caterum cum ab Scipione Regulo Joyosano, qui exercitum ob vindicandam patris injuriam comparaverat, Tolosa premeretur: à nonnullis civibus viriliter ejicitur Sangelasius, dum vulgus ignavum, & nihil ultra verba ausurum ad sui auxilium frustra appellat. Sangelasio expulso Joyosanus in urbem recipitur, Bertrandoque libera civitatis administratione restituta, cuncta ita pacata redduntur, ut qui rerum magis diffiderent, Tolosam hoc in quieto statu permansuram augurarentur. Verum serena hæc rerum tranquillitas, conjurationum procellas in Rep. maximas concitavit. Ex quibus Tornerianam omnium periculosissimam paucis describere statui, quoniam in ea compefcenda & reprimenda, Bertrandi virtus & prudentia præcipue illuxit. Anno itaque 1590. conjuratio facta est à civibus quibusdam, religionis & pietatis nomine eam prætexentibus. In Gallia quippe rerum novatores, vel boni publici, vel religionis nomen induentes, prævum animum simulatione recti semper tegunt. Princeps autem hujus conjurationis ignoratur. Simle enim veri non est Tornerium senatus tantum advocatum, nec opibus nec auctoritate potentem, tantæ conspirationis ducem fuisse: neque ejus auspiciis milites provinciales, à quibus & ipsi primarii togæ viri temporum licentia despiciebantur, ad arma convolasse credibile est. Si conjuratio valuisset, ejus principem haberemus: sed infelices successus auctores non reperiunt. Detecta autem conjuratio fuit à Galilio plebeio homine conjurationis conscio, qui cum à conjuratoribus constitutum audivisset senatores delendos VII. Id. Septemb. hora matutina, qua frequens senatus in curia esse

* *

con-

JOANNIS BERTRANDI

consueverat : de vita Assesatii Senatoris amplissimi & integerrimi metuens , cum quo vetus erat consuetudo , tale periculum ei haud occultum habuit. Quæ cum Bertrando Assesatius de nocte enuntiasset , capitolinis ad se vocatis , & Petro Caumello Advocato regio , statuit ille per totam urbem vigilias habendas , præsidiaque in curia ponenda esse , ut sequenti die summoque mane senatus cogeretur , quo frequente aliquid salutare Reip. tutò decerni posset. Postridie senatu vocato , quum ad eum ordinem hæc retulisset Bertrandus , decretum est eadem præsidia in urbe retinenda , Galiliumque in carcerem conjiciendum , ut conspirationis auctores , indiciaque sceleris patefaceret. Qui cum impunitatis spe allectus , Bernesium , aliosque accusasset : nominaturum eum ceteros conjurationis socios , boni sperabant : fontes autem timebant. Interim portarum urbis custodia Senatoribus probis , civibusque probatis committitur , ut eis curæ esset , ne alienus homo quisquam intromitteretur. Fama tunc erat quamplurimos milites ad spem prædæ undique adscitos remissos esse , qui per varias portas vel litium persequendarum , vel aliorum negotiorum nomine , Tolosam ingredi auebant. Conjuratione itaque prodita , dum Bernesio dubitanti , negantique vincula injiciuntur , tormentaque proponuntur : reliqui conjuratores sibi prætimentes jam animo cadebant , cum Tornerius simili oratione , eos ad aggrediendum projecta erexit. Si diutius , inquit , moramur extrema supplicia nobis certa sunt. Eò itaque fortune nostræ redeunt , ut pulchrius in armis mori succurrat , & ut nobis fortiter potius (licet victis) quam vinctis turpiter , cadendum sit : neque salutis via hoc modo desperata. Eos enim qui de fuga cogitare tantum nos cogitant , conjurationemque similem aquæ in olla ebullienti credunt , quæ cum detegitur fervorem amittit , inopinata aggreSSIONe terrebitur. Aspirabit sine dubio consiliis nostris fortuna , ni eam ignavia nostra contempserit : aut nisi lictores qui nos vinciant , carnificesque qui
nos

PRÆSIDIS TOLOS. VITA.

nos ad patibulum trahant, expectare malimus. Hac oratione
 maxime commoti conjuratores, ut hominum fert natura, dubiam
 spem certo excidio anteposuerunt: & die dominica v. 1d. Sep-
 temb. circa horam quartam pomeridianam, Tornerius satelliti-
 bus stipatus, Papusium & Resseguerium Senatores integerrimos,
 civesque optimos ex D. Francisci fano exeuntesprehendit: quos
 (magna voce exclamans, se libertatis & religionis vindicem)
 in insulam Tonisiam duxit, quæ seditionum & motuum To-
 losanorum, sicut Lemnos insula, fulminum & fulgurum officina
 nuncupari jure poterat. Unde & Tonisiani nomen tunc in urbe,
 seditiosi erat synonymum. Quæ cum Petro Caumello Advocato
 regio nuntiata essent, imminenti urbis Senatorumque periculo
 permotus, Bertrandum adit, cuncta narrat, orationeque vehe-
 menti animum ejus naturâ remissum, ad ultionem ita incendit:
 ut cum ipsa toga domestica, qua erat amictus, è domo exie-
 rit, populumque ad publicam libertatem, & senatus salutem
 protegendam concitare tentaverit. Dum autem Joannes Ber-
 trandus, Petrusque Caumellus plebem stimulant, affines eorum
 quamplurimi, & senatus studiosi subsidio veniunt. Quorum
 aduentu, palatio ab ipsis occupato, & in turre Tanusia, ca-
 strisque Narbonensis moletrinis præsidii collocatis, quæ insulam
 Tonisiam hac ex parte interclusam tenerent, populum denuò
 ad arma excitant: purpuraque induta magistratus insigni,
 cum tercentorum hominum manu, insulam Tonisiam versus,
 salutare expeditoque consilio profisciscuntur. Quò simul ac adve-
 nerunt, Templum D. Mariæ Dealbatæ, quod est quasi arx, &
 castellum insulæ, occupant. Si fanum tenuisset Tornerius,
 magno in periculo Tolosana civitas versabatur, plebe con-
 juratorum studiis favente, innata invidia, odioque inopum
 erga potentes: vel quod è religione ita putaret esse, à factiosis
 quibusdam corrupta, qui ambitionem suam religionis nomine
 plebi adorandam præbebant, non minus impie, quam Arelius

JOANNIS BERTRANDI

pictor meretrices suas Dearum nomine , populo colendas dedisse
 traditur. Quibus à Bertrando cognitis , ne Cultellarii pe-
 fluvium Garumnâ Tonisianis suppetias ferrent , Candellium
 & Flamandum Cultellariorum duces ad se venire iussit : quibus
 in templum Dealbatæ conclusis patibulum & crucem denun-
 ciat , si Cultellarii , contra senatum vim susciperent. His au-
 tem remediis in hoc subitaneo morbo , salui publicæ subvenien-
 dum putavit : ne tamen periculosas curationes & ancipites ad-
 hibere videretur , tentandum prius animum Tornerii , conspira-
 torumque duxit , an Senatores liberos dimittere , senatusque
 dicto audientes esse vellent. Neque enim magistratus , cives
 tabe affectos statim dividunt & præcidunt : sed tantum , ut Pla-
 to vult , quum insanabiles , & his inquinati ulceribus sunt , quæ
 Plinius desperantia vocat , & medici *ὑπερμαλὰ* , & *ὑπερβεία*
ἐλκῆ. Sed quum Tornerius mandata Bertrandi detrectasset ,
 ille non amplius cunctandum ratus , capitolinis imperat , ut e
 capitolio tormenta quædam bellica ad oppugnandam insulam de-
 duci curarent. Qui dum in ea exequenda mandata summam
 diligentiam conferrent , Aquensis Archiepiscopus qui à Cardi-
 nale Cajetano Sixti quinti summi Pontificis legato , ad sena-
 tum missus erat , Dealbatam venit , Basilio ex Franciscanis Ca-
 puccinis sodali , nonnullisque sacerdotibus è societate Jesu co-
 mitatus , qui composita ad id oratione Bertrandum à proposito di-
 movere conatus est. Sed ipse desperatis morbis extrema remedia
 ahibenda dixit , & quos legum magistratusque veneratio con-
 tinere non valuerat , armorum vi & severitate comprimendos.
 Hoc ab ipsis magistratus nomen & officium postulare , ut qui tu-
 tores Reip. essent , deteriore ejus conditionem fieri non pateren-
 tur. Rogavit demum eos ut domum se reciperent , ibique pro civi-
 tatis salute assidue vota facerent. Dum autem hæc ita colloque-
 rentur , subvenire Oderus à Sancto Ioanne unus , è sex primis
 senatus , & Antonius Chalabrius Villæ longæ Abbas , Marc-
 schalli

PRÆSIDIS TOLOS. VITA.

schalli Ioyofani ex sorore nepos, aliique quamplurimi cum hominum armatorum turba. Cumque his copiis senatoria partes confirmata fuissent, jactis prius quibusdam tormentariis globis, insulam oppugnare jussit Bertrandus, Qua quidem expugnata parum cruenta victoria, conjuratorum nonnulli viribus confisi, fluvium Garumnam tranantes: reliqui vero lyntribus & naviculis salutem sibi pepererunt. Plebecula autem Tonisiana supplicii ad pedes jacenti venia data, liberatis Resseguerio & Papusio, relictoque præsidio ad insula direptionem prohibendam, Bertrandus, Senatoresque sanum D. Maria Dealbata petierunt, & supplicationem Deo ob conservatam Remp. constituerunt. Moris erat secundum edictorum principalium præscripta, ut qui codicillis senatoriis frui vellent, frequente senatu jurarent, se dignitatem illam venali suffragio non emisse. Cum itaque Gabriel Vesianus vir ornatissimus, candidatus senatui se offerret, & cœtu amplissimo judicante probatus esset: reliquum erat ut de more juraret. Quod quidem ille se facturum denegavit, ingenuè professus codicillos se senatorios emisse. Cumque hoc durum nonnullis videretur. Bertrandus palam testatus est tantum abesse, ut Vesianum damnalet: ut potius candorem animi sui summopere laudandum existimaret. Neque enim honestum, perjurio homines in senatum sibi viam querere, justitiæ fundamentum fidem esse. Qua autem fide poterat is videri, qui sciens fallensque in ipso justitiæ templo pejeraret. Dolendum quidem venales regni potestates esse; hocque certissimum ruituræ Gallia signum. Sed principibus sic placere, quos legibus solutos nemo ignorabat. Pudendum autem senatui fore, si perjuria non solum toleraret: sed publica etiam auctoritate juberet. Quamobrem jurisjurandi illius formulam, vel potius perjurii licentiam tollendam penitus censebat. Cui sententiæ omnes ad unum assensi sunt, jusjurandumque illud abrogatum. Hæc cum domigererentur, Antonius Scipio Regulus Ioyofanus Guisiana-

JOANNIS BERTRANDI

rum partium in Occitania princeps, secundis quibusdam praeliis adversus Henricum Mommorensensem usus, tantam nomini suo peperit gloriam, ut nonnulla Gallia Narbonensis oppida ei ultro sese dederint. Inter quæ Carcasso florentissimum apud Tectosages oppidum. Cujus deditiois auctor fuit Philippus Rufus, qui magistratu in agro Carcassonensi, quem judicem majorem Occitani vocant, fungebatur; vir apud suos magna auctoritatis, & ob nomen paternum non mediocris gratiæ. Ad defectionem eum impulit libertas civium à Mommorense arce munitissima oppressa, & Francisci Sabaterii Laborgadei atrociores in eum minæ, & severius imperium. Scipio itaque Joyosanus in oppidum à Philippo Rufo accersitus, ut plebis animos sibi conciliaret, arcem diripit, & Laborgadeum senatus regii principem, & Giuronium fisci patronum captivos retinet. Ambo Scipioni invidi: Laborgadeus quod post necem Guisianorum fratrum in fide Regis permanens, beneficiorum à Joyosana familia acceptorum immemor, ad Henricum Mommerensem transisset, & ejus auctoritate fretus omnia in Occitania miscens senatum è Senatoribus quibusdam qui urbe excesserant, & novis extra ordinem allectis constituisset. Giuronijs quod quum cliens, & quasi dedititijs Joyosana familie fuisset, ingrata oratione non in causam, sed in personam invecus, frequenti senatu multa in Joyosanum acerbe & aspere dixisset. Giuronium itaque cervice frangi jussit. Laborgadeum vero eodem mortis genere affici cupiebat. Quia tamen senator magni nominis, & primæ sententiæ esset, in ejus caput nihil injuriosum & hostile, præter custodiam ausus est asferre, priusquam Joannis Bertrandi hac de re compertam voluntatem haberet. Maxima itaque qua potuit celeritate, unum ex suis, cum litteris & mandatis ad Bertrandum mittit: rogans, ut quæ ipse de Laborgadeo statuerat, à senatu probari curaret. Sed hæc duriora atrocioraque visa sunt Bertrando, quam civitas legibus stabilita & confirmata pati posset: quam-

PRÆSIDIS TOLOS. VITA.

quamobrem hanc Foyosani sevitiā damnans, rescripsit ei subito, & cum aliqua objurgationis specie. Consideraret attentius quæ gereret: neminem in caput Senatoris animadvertere posse præter senatum: Si aliquid privato imperio in Laborgadeum statuisset, senatum mirum in modum ipsi iratum fore: nec existimaret honestum esse tanta severitate in regios homines favire, & maxime in Senatorem clarissimum, cui quidem vitio hoc verti non poterat, quod ut se à laqueis inimicorum eriperet Tolosa cecisset, & se totum Mommorensi commendasset; humanitatem Duci non minus expetendam, quam rei militaris scientiam. Quæ quum intellexisset Foyosanus sententiam mutavit, & Laborgadeo se pecunia redimere permisit. Quæ quidem in re non mediocri lenitatis & magnitudinis animi specimen Bertrandus præbuit. Qui licet cum Laborgadeo maximas simultates, atque etiam apertas inimicitias exercuisset: pro illius tamen salute tanto studio erga Foyosanum, & frequenti senatu agere non destitit, quanto amicus pro amicissimo agere poterit. Cæterum quum virtute & prudentia Joannis Bertrandi res urbanæ commodiorem in statum pervenissent, sors turbulentis animis novandarum rerum materiam præbuit. Antonio enim Scipione Regulo Foyosano Occitaniæ Prorege xv. Kal. Nov. ad Villamuriū oppidum quod ipse oppugnabat submerso & rebus omnibus in exercitu perditis, de Duce novo partium eligendo varia civium sententia fuit, nonnullique è Proceribus provinciæ jam inter se de præfectura contendebant. Cum Bertrandus huic ingruenti malo occurrendum ratus, senatum cogit, & Franciscum Cardinalem Foyosanum Scipionis fratrem Proregem eligendum esse proponit. Quibusdam hoc durum videbatur & periculosum: Verebantur enim ne ecclesiastici & non militaris viri, nobilitas, legionesque imperium recusarent. Quum tamen Cardinales Strossam & Armeniacum cum militari imperio Occitaniæ provinciæ & civitati Tolo-

JOANNIS BERTRANDI

sane præfuisse Bertrandus dixisset, & sola nominis Joyosani auctoritate, suo quoque in officio contineri posse: Cardinalis Prorex Occitaniae senatus decreto factus est; mandatumque illi ut provideret, ne quid detrimenti provincia & civitas caperet. Cum tamen paucis abhinc diebus provinciam ille deposuisset, senatus nobilitate postulante Henricum à Joyosa Cardinalis fratrem in cœnobio Capuccenorum Tolos. inter sodales tunc commorantem, Occitaniae Proregem fecit. Sed ne hac in re Christiani nominis religio ulla ex parte læderetur, sacra Theologiae & universitatis Tolosanae collegium coactum est: quod nihil contra Christianae religionis leges fieri pronuntiavit, dummodo hac auctore summo Pontifice agerentur. Bertrandus itaque senatus nomine, epistolam elegantem & tersam ad Pontificem Maximum Clementem VIII. scripsit, ut, quae à senatu acta gestaue erant, ab ejus Beatitude comprobarentur.

Summo Pontifici Clementi VIII. Eccle-
siae Catholicae Patri Sanctiss. Se-
natus Tolosanus

S. D.

ET si non duditabamus, beatissime pater, quin & litteris multorum, & fama denique ipsa de morte clarissimi Ducis à Joyosa, hujus Occitanae provinciae Praefecti tibi esset allatum: tamen existimavimus à nobis quoque nuntium esse perferendum, quo significaremus, eam dolore nos, quantum maximum capere potuimus, affecisse: Intelligeresque ejus viri eximias excellentesque virtutes, omnes probos & pios viros semper fecisse maximi. Ex eo die quum in tam repentino casu, omnes hujus urbis ordines nullum tempus intermitterent de salute civium,
eorum-

PRÆSIDIS TOLOS. VITA.

eorumque omnium qui in hac Provincia nobiscum ecclesiam catholicam sartam tectam esse cupiunt, cogitandi & agendi, ne in variis voluntatibus militem sine imperatore, hostis ad suas partes traduceret: aut quorundam circa oppidanorum animi à nobis deficerent, aut illos vis aliqua externa adoriretur. Nullam moram interposuimus, quin Cardinali Ioyosano, Tolosano Archiepiscopo munus hoc tribueremus. Qui quum non multo post illud deposuisset, virum aliquem egregie fortem, & sapientem in demortui locum creari placebat, qui hujus tam afflictæ, & tantum non prostratæ provinciæ rebus succurreret. Unum esse dicebant ex Ioyosana familia Henricum Cardinalis & ipsius Ducis fratrem, nuper in Franciscanum Sodalitium allectum, pium quidem illum, & probitate innocentiaque præstantem: sed in quo sit præterea eximia belli scientia, multis antea præclaris ab eo rebus gestis parta, à quo solo opem auxiliumque provinciales, civesque nostri expectare possent: moræ periculum, Imperatorum penuriam commemorantes: si cunctaretur, à singulis factiones perventuras: in pace consuetudini, in bello necessitati esse serviendum. Nobilitas, quæ hic ob eas causas frequens convenerat, ejus imperia æquo animo passuram pollicebatur, neque ulli alii concedere in animum inducebat. Quæ cum ille recusaret, neque convenire ista ullo modo suscepto à se vitæ proposito ostenderet: adfuere pii multi sacrarum litterarum & theologicæ facultatis professores, qui illum in tanto periculi metu & rerum discrimine, ad defendendam armis adversus ecclesiæ Romanæ hostes Occitanam provinciam non solum excitarunt, sed etiam impulerunt: apud te se ejus rei consilii-que auctores fore. Quibus rebus perspectis & planè cognitis eam provinciam ei administrandam armisque tuendam factò ad hanc rem senatusconsulto commisimus, existimantes te hoc ratum gratumque habiturum, & quæ in eo censuimus, decrevimus, libenter probaturum. Et si quid ad id facilius exequendum

* * 5

per-

JOANNIS BERTRANDI

Pertinet quod à te proficisci atque impetrari debeat, si nostras ad ejus erga te preces adjungeremus facile concessurum. Quod ut facias te etiam atque etiam rogare volumus. Datum Tolosæ in Parlamento 3. Non. Decemb. anno Domini 1592.

Henrico Foyosano Prorege factò, induciæ cum Henrico Mommorantio regiarum partium principe in Occitania pactæ, Provincia laxamentum aliquod calamitatis dedere. Sed domi subito exarsit nova dissensionis occasio. Quum enim Regulus Foyosanus post susceptam provinciam in curiam venisset absente Bertrando, à nonnullis è senatu derisus, ludibriosis etiam verbis lacesfitus est. Quorum quidem oratione Foyosani fratres exulcerati, acceptam injuriam eorum relegatione ulcisci statuunt. Quod tamen quum sine tumultu, Reique publicæ perturbatione fieri non posse, judicarent, Cardinalis monachorum concionibus plebem suam facere, Regulus autem cohortes in hybernis collocatas accersere diligenter curarunt: ut populari gratia, suisque copiis confirmati, quamcunque experiri possent fortunam. Hæc quidem Bertrandum magna affecerunt sollicitudine, quod animo cerneret, si Foyosani in sententia permanerent, civitatem ad vim atque ad arma descensuram. Cui rei ut præverteret, eos privatis admonitionibus ab hoc consilio revocare tentavit; initioque orationis, non solum suum in Foyosanam familiam summum studium, summamque voluntatem; sed etiam maxima senatus in eos beneficia commemorat. Quod Proreges ipsi à senatu appellati essent: quod rejecta Mommorense familia, principatus provincie ipsis esset conservatus. Docebat etiam quæ senatusconsulta, quoties, quamque honorifica in eos facta essent. Quamobrem precabatur ne senatus auctoritatem imminuere conarentur, à quo tantam honoris & gloriæ amplificationem accepissent. Si è senatorio ordine quidam partibus suspecti essent, non ignorabant de capite Senatoris senatum tantum cognoscere posse: accusationem intentarent, senatum eadem equi-

PRÆSIDIS TOLOS. VITA.

æquitate quæ solebat, jus eis redditurum: exemplum patris, & Scipionis fratris sequerentur, qui in pari causa, quæ per vim & seditionem fortasse assequi potuissent, per senatum consequi maluerunt. Si in proposito permanerent, senatum suo jure usurum. Orabat denique ut respicerent, quam difficile esset Senatores expellere, quorum salutem neque senatus negligere neque civitas quod contra publicam libertatem hoc fieret, levi momento æstimare posset. Sed quum Joyosani à sententia non dimoverentur, capitolinos Bertrandus ad se vocat, quæ Joyosani statuerint, exponit, & eos ad publicam libertatem, senatusque auctoritatem tuendam magnopere cohortatur. Qui quum omnem suam industriam senatui Reique publicæ polliciti essent, & præsidis per plateas urbis dispositis cuncta ad arma decurrerent; Joyosani fratres incertum rerum eventum timentes, Bertrandum rogant, ut motum omnem in urbe pacaret: quacunque senatus vellet, se facturos. Posteroque die Cardinalis in curiam venit, ut senatum ab alienato sibi reconciliaret: multa in eam rem dixit, quibus familiæ Joyosanæ erga senatum voluntatem testaretur maximam. Bertrandus autem de loco suo orationem Principe senatus dignam, plenamque gravitatis ex tempore habuit. Cujus inter præcipua capita, præterire nefas hæc duxi. Senatum vivam Regum imaginem: ut illis, sic & ipsi, manus oblongas dari. Cæteras Galliæ potestates, ut caducas quotidie interire: Senatum vero ut æternum corpus, nec cum ipsa regni machina periturum. Malè semper cum illis actum, qui auctoritatem ejus labefactare conati essent: patrumque memoria & Pro reges ipsos ex vinculis causam dixisse, & adhuc carnificinas sanguine eorum qui in senatum quicquam hostile tentarant, rubescentes spectari. Cujus orationis magnitudine, maximam in senatu, & non parvam apud reliquos cives virtutis & constantiæ gloriam est consequutus. Cæterum nec oppressa Tornerii conjuratione, nec rebus ita constitutis, planè confirmam-

JOANNIS BERTRANDI

firmatam senatus auctoritatem putavit, quandiu Stephani Durantii Principis senatus mortis vindicta silentio & timore abolita remaneret. Proponenda itaque Mercurialis morem jam à quibusdam annis intermissum, renovavit. Cujus caput precipuum hoc erat, ut de Durantii nece questio decerneretur. Periculosa & intempestiva videbatur hujus rei agitatio nonnullis, qui minime pravam, sed quidem parvum & parum fortem animum ad Remp. conferebant. Alii vero quasi providi cives hac una re quietem publicam perturbari, & ab eo bellicum cani dicebant. Nunquam tamen virtus ejus contremuit: sed constanti egregioque animo, suam hac de re explicuit sententiam: inquam S. C. factum est. Quod tamen frustra sancitum: edicto regio, rerum omnium amnestia decreta, & promulgata. Quum autem hac Tolosa à Bertrando agerentur, Henricus IV. Galliarum & Navarra Rex, Lutetiam Parisiorum à Comite Brissacio, & civitatis Curatoribus recipitur. Quo Tolosa renuntiato, variis agitari cepit urbs motibus, quum quisque ad sua desideria inclinaret animum. Qui enim nomen regium oderant, subeunda antequam ei pareretur, cuncta pericula clamabant: jam Hispanorum auxilia ditionemque amplexabantur, & extrema quaque cogitationeolvebant. Alii vero qui regiarum partium fautores erant, hoc nuntio quasi è somno excitati, audacter proferunt, victori & Regi parendum: ultima tentanda non esse, nisi ad pacem veniamque praeitorum obtinendam; magnum civitati periculum impendère, nisi ad Regis clementiam confugerent: habere Parisiensium exemplum: famaue eorum conducere, ut quos ad deficiendum sequuti erant, eosdem ad novam Regi fidem præstandam imitarentur. Clamabant denique non cunctandum: ne ut officio inter ultimos, ita & gratia reponerentur. Periculosa tamen erat tam subitanea illius negotii confectio, quum maxima pars populi in contrariam traheretur partem. Ideoque Bertrandus qui nihil aliud in animo propositum habebat, quam
civi-

PRÆSIDIS TOLOS. VITA.

civitatem Tolosanam tot seditionum fluctibus, partiumque ventis agitatam, leni concordia quietisque aura spirante, ad regis potestatem, tanquam ad tutissimum portum perducere: longiorem ambitum circuitumque in hujus rei tractatione, quam ardens animus postulare videretur, amplecti coactus est. Primum itaque tentandum duxit Joyosani Reguli animum, cujus maxima & in provincia, & in urbe auctoritas erat, & fluctuantes in tam ancipiti rerum voluntatumque conditione cogitationes ejus, ad id unum maximè direxit, ut ipse se à senatu non sejungeret. Rebus igitur hoc modo paulò confirmatis, convocavit senatum, qui frequens convenit propter expectationem tanti negotii, unâque cum Regulo Joyosano decretum est, ut legati cum conditionibus ad Regem mitterentur, nomine senatus, ipsius Reguli Joyosani, & civitatis Tolosanae; in quibus præter cætera, hoc unum erat caput: senatum, civitatemque orare Regem, ut Henrico Joyosano præfectura Occitanae provinciae confirmaretur. Quum vero Anntonius Chalabrius Villa longæ Abbas, Petrus Raoüllius, & Franciscus Sallustius senatus advocati, legati cum mandatis ad Regem profecti essent, diversis denuò conquassata est urbs motibus. Nonnullis omnes pacis conditiones respuendas: aliis vero urbem Regi protinus dedendam, nec ea quæ à legatis gesta erant expectanda consentibus. Regulus autem Joyosanus, qui nullam sui rationem hac in deditioe ab eis haberi satis intelligebat, sibi ipsi præcavere cœpit, civitates præsidio sibi confirmare, & voluntates civium sollicitare. Bertrandus autem qui satis superque noverat, quam frangerentur senatus opes, Regisque negotia, ejus disjunctione: in hoc unum maximè incumbebat, ut animum ejus diversa cogitantem & molientem retineret. Iamque cura sua naufragium evaserat civitas, & propemodum in vado salutis res esse videbatur, quum Bertrandus tot vigilis curisque fatigatus, dysenteria laborare cœpit, & octavo morbi die è vita excessit Cal. Novemb.

1594.

JOANNIS BERTRANDI &C.

1594. Cujus morte luctuosa suis, & acerba patria, civitas in
veteres seditionum scopulos recidit: iique casus eam sequuti
sunt, ut non immerito boni omnes ejus mortem, tanquam pu-
blica quietis interitum lugerent. Mortuus autem est anno ætatis
sue sexagesimo septimo, superstitibus relictis uxore charissima
Maria à Castronovo Serviesia, fœmina primaria, ex nobiliori-
bus Albiensis provinciæ familiis orta, & ex ea sex liberis: quo-
rum privatis lachrymis, publicus dolor dedit se comitem.

IN-

I N D E X

Jurisconsultorum quorum vitæ hoc in libro
describuntur.

S Alvius Julianus	pag. 2	Maximus	pag. 183
Æmilius Papinianus	14	Hermogenianus	185
Q. Mutius Scævola	25	Ælius Gallus	186
Sabinus	37	Junius Gracchanus	190
Proculus	47	Cato	192
Alphenus Varus	54	Tubero	193
Antistius Labeo	58	Sextus Ælius	198
Neratius Priscus	70	Publius Mutius	200
Jabolenus Priscus	74	Brutus	202
P. Juventius Celsus	78	Matcus Manilius	208
Sextus Pomponius	86	P. Rutilius Rufus	212
Aburnius Valens	92	C. Aquilius Gallus	218
Volusius Mærianus	93	Cajus Juventius	224
Julius Mauritianus	96	Servius Sulpitius	225
Terentius Clemens	97	C. Aulus Ofilius	235
Africanus	98	Aufidius Namusa	239
Ulpianus Marellus	101	C. Ateius Pacuvius	240
Cervidius Scævola	104	Cinna	241
Florentinus	108	Publicius Gellius	244
Titus Cajus	108	L. Tubero	245
Venuleius Saturninus	116	C. Trebarius Testa	247
Domitius Ulpianus	117	Aulus Cascellius	253
Tertullianus	135	Cajus Flaccus	258
Papirius Justus	139	Fulcinus	259
Julius Paulus	140	Cartilius	260
Claudius Triphonius	157	Puteolanus	261
Callistratus	159	Vivianus	262
Arrius Menander	163	Quintus Saturninus	263
Ælius Martianus	164	Minitius Natalis	266
Julius Aquila	169	Blesus	268
Herennius Modestinus	171	Paconius	ibid.
Tarantinus Paternus	175	C. Cassius Longinus	ibid.
Æmilius Macer	176	Plautius	277
Aurelius Arcadius Charisius	179	Vindius	278
Licinius Rufinus	180	Valetius Severus	279
P. Furius Antinus	182	Pedius	282
			Lx-

Lælius	pag. 284	Arrianus	pag. 301
Atilicinius	285	Varius Lucullus	303
Octavenus	286	Vitellius	304
Sextus Cæcilius	287	Drusus	305
Urseius Ferox	289	Fufidius	<i>ibid.</i>
Papirius Fronto	290	Cælius	306
Mela	293	Atteius Capitolinus	310
Mecius	294	Nerva	317
Campanus	295	Sextus Pompeius	319
Aristo	295	Tuscanus	321
Servilius	300		

TYPOGRAPHUS LECTORI.

Quæ vetus est querela, per novorum hominum novas, ac sæpe etiam numero cacatas, ut ille dicebat, chartas fieri, ut meliorum, qui germana atque liberali doctrina politi fuerunt, scripta jaceant; ea me querela movit, perpulitque, uti nihil optare instituerim magis, quam ab hac calamitate istos heroas liberatos, & statui pristino quodam quasi postliminio restitutos videre, viderique; nam hoc idem esse votum eorum, qui veram, non simulatam eruditionem affectant, dudum intelligebam. Itaque quantum quidem ipse præstare potui, feci sedulo, ut ejusmodi notæ atque ordinis scriptores aliquot quam emendatissimi rursus in manus hominum redirent; atque adeo & Cragium *de rep. Lacedæmoniorum*, & Paschaliū *de coronis*, correcte, quo ad potuit, nitideque typis meis descriptos publico dedi; dedi etiam Labitrum, atque cum eo nunc Bertrandum tibi, Benevole Lector, offero, Jctum politissimum illum quidem, gravissimumque, at pessime priori, hoc est, Tolosana editione habitum, sive typothetæ vitio, sive etiam culpa heredum, qui cum in adducendis legum capitibus, tum in ipsis rerum argumentis tradendis non nimis intelligentes, aut ut levioere verbo utamur, parum diligentes fuisse videntur. Quapropter & ea, quæ ab Ægidio Menagio V. CL. in libro, cui titulum fecit *juris civilis amœnitatum*, quasi errata Bertrandi sparsim observata notataque sunt; quæ item ab aliis eruditis hominibus, quorum ope consilio in hac re libenter usi sumus, animadversa: huic nostræ editioni adjecimus; non reprehendendi equidem tanti viri voluntate, sed tuo commodo. Utere hac opera istorum hominum, & nostra; quam si non ingratam tibi accidisse ostendes, porro opera dabitur, uti plurimum ejusdem, id est, non publici saporis, scriptorum copiam habere per nos queas. Ex eorum numero propediem Celeberrimi Viri Jac. Gothofredi *Manuale Juris Civilis* expectare, & valere te jubeo.

Lugduni Batav. Anno æræ Christianæ 1675. a. d. XII. Kal. April.

Tuus omni studio

JOHANNES à GELDER.



DE JURISPERITIS, LIBER PRIMUS.

Egimus apud Spartianum , Severum Imperatorem quamplurimas ædes publicas ruinam minitantes & injuriâ temporum labentes, tantâ cum vetustatis reverentiâ instaurasse, ut nusquam propè suum nomen ascripserit: servatis tantùm ubique titulis conditorum. Hæc eadem fere in Justiniano antiquitatis observantia fuit. Cùm enim leges antiquas jam senio prægravatas, Jurisconsultorumque opera penè confusa & dissoluta refecit, & renovavit: licèt nomen suum præfulgere voluerit, veterum tamen Juris auctorum in primordiis Digestorum suorum inscribi nomina jussit, ut, inquit, *manifestum esset, ex quibus legislatoribus, quibusque libris, & quot millibus hoc justitiæ templum ædificatum est*; factumque ut jusserrat. Nam exarata cernuntur in omnibus

A

Pan-

Pandectarum voluminibus eorum nomina. De quibus eodem quo ille ordine dicere institui, & breviter: non enim ubertatem orationis ista desiderant, nec eam hîc cogito consèctari.

SALVIUS JULIANUS.

A Pud antiquos auctorum nomina, qui cui-dam scientiæ operam dederant, & de ea scripta posteritati mandaverant, in catalogum redigebantur, qui index vocabatur; sic indicem Jurisconsultorum Justiniani componi curavit, & Seneca mentionem facit indicis Philosophorum Epist. 39. *Sume in manus*, inquit, *indicem Philosophorum, hæc ipsa res expergiscite coget, si videris quàm multi tibi laboraverint, concupisces & ipse ex illis unus esse.* Et in his indicibus librorum ab auctoribus scriptorum numerus continebatur, ut ex indice Justiniano colligere licet, & ex Ciceronis verbis lib. 2. de Orat. *In Philosophos vestros*, inquit, *si quando incidi deceptus indicibus librorum, quòd sunt fere inscripti de rebus notis, &c.* Fiebantque è membranulis, ut est apud eundem Ciceronem. Mirabitur autem fortasse quispiam, quod Justinianus in indice Salvium Julianum primò scripserit, Quintoque Mutio Scævola, aliisque Jurisconsultis illo antiquioribus præposuerit: cùm magis congruum videretur, ut hâc in re temporis

LIBER PRIMUS.

3

ris series observaretur, quàm si confusè, & sine
 ullâ antiquitatis ratione describerentur Juriscon-
 sulti. Verùm hoc ideò factum puto, quòd Salvius
 Julianus perpetuum composuerit Edictum. Im-
 perator autem Justinianus ad Edicti perpetui
 imitationem totum Pandectarum opus confecit.
 Idcirco æquitati consentaneum ei visum est, ut
 qui Digestorum quasi prototypus erat, quem-
 que ad imitandum sibi maximè proposuerat, is
 tanquam primus hujus operis auctor, primum
 locum occuparet in indice, in quo nomina
 Prudentum eorumque libros, ex quibus Dige-
 sta composita & concinnata sunt, exarari voluit.
 Nec enim assentior iis qui scripsere, Pandecta-
 rum opifices, integros non habuisse libros Ju-
 risconsultorum: sed ex fragmentis quibusdam,
 quæ in foro circumferebantur, singulis præno-
 tatis auctoris nomine librique titulo, hoc opus
 confecisse, & prænotatum libri numerum au-
 ctorisque nomen, ut in his portiunculis inve-
 nerant, retinuisse. Simile enim veri non est,
 hoc tam magnum opus Justinianum, sive potius
 Tribonianum ex imperfectis centonibus con-
 fuisse. Quin & ipse Justinianus contrarium
 testatur in *orat. ad Senatum & pop.* In *præsenti*
autem, inquit, *consummatione maximus legum*
obtinentium congestus est numerus, ex libris raris
& qui vix inveniri poterant, & quorum nec no-
mina ne eruditissimi quidem in legibus complures

A 2

homi-

homines noverant. Quorum sanè copiam nobis uberrimam dictus gloriosissimus Tribonianus præbuit multorum librorum, & qui vix numerari possunt suppeditatâ multitudine, quibus omnibus perfectè lectis congesta sunt hæc volumina, &c. Salvii autem Juliani nomen apud antiquos maximæ commendationis fuit, illudque ipsi Impp. amplificis & honorificis verbis prosequuti sunt. Julianum enim Impp. fratres amicum, & clarissimum appellârunt in l. 17. D. de Jure patr. & Justinianus ipse, sapientissimum, in Nov. 74. de liber. quom. eos oport. vel natur. intel. Tantæ existimationis virum, & disertissimum Jurisperitum, in l. non sine C. de bonis quæ lib. Juris sublimissimum testem, in l. pen. C. de condict. indeb. & summum auctorem Juris scientiæ in l. inter antiquam C. de usufr. & habit. & optimum in orat. ad Senat. Eum etiam νομικὴς φάσ, i.e. jurisprudentiæ lumen in veteri quodam Epigrammate Græco nuncupatum legimus.

*Τὸν Ἰουλιανὸν νομικὴς φάσ ἔπov ἰδῆσαι
Ρώμῃ, καὶ Βεροῦ παντὶ θεὸς δυνάτω.*

Ubi tamen corruptè καὶ Βεροῦ exaratum puto: legendumque Ρώμῃ, Βήρυτῳ. Quamvis enim Beroës civitatis mentio fiat apud auctores, quòd ibi prædicatum sit à Paulo verbum Dei, ut in Act. Apostol. relatum est; nusquam tamen hæc in urbe doctrinam Juris publicè, vel privatim traditam legi. Berytos autem urbs est à Pomponio

LIBER PRIMUS.

5

nio Mela *lib. 1. cap. 12.* de situ orbis, in orâ primæ partis Syriæ collocata, in quâ celebre fuisse legalis scientiæ ac facultatis gymnasium constat ex Nicephoro Callisto *lib. 14. cap. 52. Eccles. histor.* Theodosii temporibus, atque etiam Diocletiani & Maximiani ex *l. 1. C. qui æt. se excus.* Et Sosomenus *Tripart. hist. lib. 1. cap. 10.* ait Tryphillum Ledrensem Episcopum, virum eloquio & sapientiâ, nec non Beryto legibus eruditum. Quamobrem arbitror legum nutricem appellari à Justiniano in procemio Digesti. Et hâc in re similem Romæ, quam patriam legum idem vocat in *Nov. const. 10.* Et Sidonius Apollinaris domicilium legum *lib. 1. epist. 6.* Rectè autem in Epigrammate Græco Ρώμη, Βή-
 ρου tantum ponuntur, quia prohibitum erat à Justiniano in aliis urbibus doctrinam Juris publicè tradere. Sed ut ad Julianum revertamur, non immeritò tot elogiis ornatus est, qui maxime nobilis gloriâque clarus ob juris civilis cognitionem fuisse dicitur ab Ælio Spartiano, & Edictum perpetuum, sicuti diximus, composuit; sive ut vult Justinianus *orat. 2. ad Senatum*, Hadrianus, assumpto ad id optimo Juliano. Et ad hunc sensum referenda sunt fortasse, quæ scribit Nicephorus *lib. 3. Eccles. histor. cap. 24.* Hadrianum leges ad Draconis & Solonis Atheniensium legislatorum imitationem promulgasse. Leges enim Romanas ex legibus

A 3

Dra-

6 DE JURISPERITIS.

Draconis, & Solonis desumptas esse certissimum est. Hoc autem ei Hadrianus commisit negotium, quasi illa quæ jam antè ab Ofilio eâ de re prodita erant, non sufficerent. Non enim sparsa Prætorum edicta solum compilavit, & in ordinem coëgit Salvius Julianus (ne quis ex verbis Justiniani in *l. pen. C. de condict. indeb.* hoc colligat, ubi eum Prætorii Edicti perpetui ordinatorem appellat) sed etiam de suo addidit, quæ ibi deesse videbantur; quod ex *l. qui duos de conjung. cum emancip. lib.* manifestò apparet. Ideoque Edicti perpetui conditor appellatur in *Const. 2. §. sed quia. C. de veteri jure enucl.* & ab Ulpiano Edicti conceptor in *l. 1. D. commod.* Hæc enim verba *qui Edictum concepit* de Juliano explicanda sunt. Quædam etiam rejecit, quæ necessaria non videbantur. Gellius enim meminit Prætorii Edicti, quo Prætor de Vestalis sacerdotis, & Flaminis Dialis juramento cavebat. *Flaminem*, inquit, *Dialem, & Sacerdotem Vestalem jurare non cogam*; cujus tamen capitis Edicti nulla fit mentio à Juliano in suâ compositione. Quædam porrò immutavit, quæ verè concepta non videbantur: sicuti videre est in *l. 1. D. commodati*, ubi olim Pacuvius Prætor sic conceperat Edictum de commodato, *Quod quis utendum dederit judicium dabo.* Julianus verò sic concepit, *quod quis commo dasset dicetur judicium dabo.* Et Ulpianus
in

in tit. de eo quod met. causâ admonet aliter olim
fuisse conceptum Edictum Prætoris, antequàm
Julianus Hadriani præcepto illud ordinasset.
Nonnulla denique contra receptam Jurisconsul-
torum sententiam scripsit, ut testatur Callistratus
in l. 1. C. de jure fisci, his verbis: *An bona quæ sol-
vendo non sint, ipso jure ad fiscum pertineant qua-
situm est Labeo scribit, etiam ea quæ solvendo non
sint, ipso jure ad fiscum pertinere, sed contra sen-
tentiam ejus Edictum perpetuum scriptum est.*
Ceterùm in hâc Edicti perpetui compilatione,
si quid Julianus dubitatione, vel animadversione
dignum inveniret, alios Jurisconsultos consulere
non dubitavit, quod colligere possumus ex l. 6.
D. de legat. præst. contra tab. quæ Juliani est ex
lib. 23. Digestorum; ex quâ constat Salvium Ju-
risconsultum Aristonem per epistolam consu-
luisse (sic enim legendum esse in Aristone
ostendemus) super hâc parte Edicti, qua eman-
cipatus acceptâ contra tabulas liberorum posses-
sione, liberis & parentibus legata præstare jube-
tur. Respondetque Aristo, hanc partem Edicti
multas habere reprehensiones, ut sæpe se anim-
advertisse testatur. Tantâ autem ingenii sedu-
litate hoc Edicti perpetui opus confectum est,
ut in posterum Impp. Romani uti eo, tanquam
vero & æquissimo jure voluerint. Idcirco Dio-
cletianus & Maximianus illud vocant jus per-
petuum in l. Præses C. de Appellation. quod

8 DE JURISPERITIS.

quidem malè interpretatur Accursius, Edictum generale in *l. un. C. quando non pet. port.* generale enim Edictum dicitur de singularibus Magistratum Edictis, quæ generaliter ad certos spectant; sicut Edictum provinciale Proconsulis de minoribus 25. annis, Cajus generale Edictum appellat in *l. 53. D. de acquir. hered.* Fuit autem hoc Edictum perpetuum à Juliano ordinatum, anno 15. Imperii Hadriani, auctore Eusebio in *lib. Chron.* Præceptorem autem se in jure civili Javolenum habuisse testatur ipse in *lege 5. D. de manum. vind.* A quo non solum ociosâ illâ doctrinâ, & in scholarum umbris delitescente institutus, & imbutus est; sed veram & puram, quæ in solem, & lucem perducitur, Philosophiam hausit. Cujus præcepta, ita infixâ in animo semper habuit, ut ad exemplum illius, in Præturâ, & in Consulatu quosdam ex servis suis vindictâ liberaverit, & aliis quibusdam Prætoribus eum consulentibus, idem suaserit. Meminerat enim Javolenum præceptorem suum in Aphricâ, & Syriâ cum consilium præberet, servos suos manumisisse, ut ipse scribit in *d. l. 5. D. de manum. vind.* Litterarum etiam, & rerum cognitionem ita ardentem appetiit: ut & honores assequutus, & senex in ore habuerit semper hæc verba, καὶ τὸν πόδα ἐν τῇ σφῶν ἔχων προσμαθεῖν τι βεβλοῖμην, i. e. *et si pedem in tumulto haberem, addiscere aliquid vellem* auctore Pomponio in *l. apud*

LIBER PRIMUS.

9

l. apud Julianum D. de fideic. libert. Quam sententiam vel à Solone accepit, quem M. Tullius in libro de Senectute ait, in quibusdam versibus gloriari, se quotidie aliquid addiscentem fieri senem: vel illud vetus proverbium imitatus est, quod usurpavit Lucianus in sectis, καὶ τὸν ἕτερον πῶδα φάσιν ἐν τῇ σωφῶν ἔχων. Honores autem & Magistratus eos gessit, quos summi Jurisconsulti consequi solebant. Hadrianum enim in consilio eum habuisse cum Julio Celso, Neratio Prisco, aliisque Jurisconsultis tradit Spartianus in Hadriano: Præturamque urbanam exercuisse in Didio Juliano: & Consulem bis fuisse, idem auctor est. Julianum quidem Antonino Pio imperante, anno ab Urbe condita 901. Consulem fuisse cum Torquato tertium, apud Cassiodorum in Chron. vel cum Torquato secundum, in Fastis Græcis reperimus. Cuspinianus querendum putat, an ille sit hic Salvius Julianus Jurisconsultus; Onuphrius in Fastis affirmat, cujus sententiæ libentissimè assentior; nostrum siquidem Julianum Divi Pii temporibus vixisse, indicant satis ipsius verba, quæ ex lib. 44. Digestorum desumpta sunt in l. 17. D. de eo quod met. causa. ubi cum de Antonini Pii rescripto ad Claudium Frontinum loquitur, utitur eo verbo *Imperator*, quod de Imperatore regnante, & adhuc vivente semper intelligi debere infra ostendemus. Docent etiam verba

A 5

Ul.

10 DE JURISPERITIS.

Ulpiani in *l. i. D. ad Senatusc. Tertull.* Et Julianus rectè putat, circa Tertullianum locum esse succedenti agnato. Tertullianum enim S. C. sub D. Pio factum est. Quamobrem Salvium eum esse puto, ad quem D. Pius rescripsit in *l. i. C. ut in poss. legat.* De secundo autem Juliani Consulatu, nihil compertum habeo; quandoquidem Julianum, quem Cassiodorus Consulem factum esse cum Pisone, M. Antonino Vero imperium obtinente ait, 30 anno post Torquatium Consulem III. alium esse ab eo, qui cum Torquato Consul factus est, series temporum nos docet. Eumque potius cum Onuphrio existimarem, quem avunculum Didii Juliani Imperatoris fuisse, scribit Spartianus. Ceterum Salvius Julianus Insuber Mediolanensis fuit, Severi nomen habuit, filiumque genuit Salvium Julianum, teste Lampridio; cujus apud auctores nulla extat mentio. Sed ex eo habuit Nepotem Petronium Didium Severum, qui pater fuit Didii Juliani Imperatoris. Ex quibus constat Julianum Jurisconsultum, proavum fuisse Juliani Augusti, qui post Pertinacem imperavit auctore Ælio Spartiano in Didii Juliani vitâ, qui & ipse Jurisperitus fuit, ut Eusebius in *Chron. & Eutropius lib. 8.* Rerum Roman. scripsere. Quapropter Sextum Aurelium Victorem maximè depravatum esse constat hoc loco. At Didius (an Salvius?) Julianus fretus
 Præ-

LIBER PRIMUS.

II

*Prætorianis, quos in societatem promissis magnificentioribus perpulerat, ex præfecturâ Vigilum ad insignia dominatus processit. Genus ei pernobile, jurisque Urbani præstans scientia; quippe qui primus Edictum, quod variè, inconditeque à Prætoribus promebatur, in ordinem composuerit. Non enim existimandum est Sextum Victorem ignorasse non Didium Julianum Imperatorem, sed Salvium Julianum ejus proavum, Edictum Hadriani temporibus composuisse. Evidens quippe est, librariorum solam ignorantiam hoc tam portentosum mendum in Victore inflixisse; quem candori suo pristino restitueamus, si illa verba *An Salvius* transposita, loco suo reddamus, post dictionem quippe quæ etiam corrupta est, & sic emendemus, *Qui pronepos Salvii*. cùm enim his notis, *pr. np.* verbum *pronepos* scribatur, facillimè potuit exemplaribus vetustate exesis, pro his notis, librariorum incitiâ quippe *an Salvius* exarari. quæ quidem verba subsequentes scriptores, cùm ex his nulum aptum sensum elicere possent, putaverunt separanda, & dictionem, *an Salvius*, in initio hujus loci reponendam: nec tamen foelicius, quàm alii fecêre. Salvius autem Julianus noster sub D. Pio mortuus est, & miliario quinto viâ Lavicanâ sepultus, in monumento, quod sibi & posteris suis construxit; ut colligere licet ex Lampridio in Didii Juliani vitâ. Sed antequàm diem*

12 DE JURISPERITIS.

diem ultimum obierit multos de jure Civili scripsit libros, quorum plerique in Indice Justiniano reperiuntur, & in primis.

DIGESTORUM XCIX.

nuncupatione Jurisconsultis familiari. Sic Marcellus, sic Celsus libros Digestorum composuere, quos imitatus Justinianus in Pandectarum conscriptione, Digestorum nomine usus est. Quod quidem ita usurpatum, quoniam his in libris decisiones & disputationes juris continerentur, & quasi digestæ essent, *Orat. Justiniani ad Senatum & pop.* In his autem Digestorum libris Julianum puto, quæ in Edicto perpetuo continebantur (quod quidem brevi libello complexus erat, auctore eodem Justiniano) latissimè & fusè explicasse. Quædam autem in his libris Scævola notasse deprehendimus ex *l. si venditione D. de peric. & comm. rei vind.* Labittus verò nullam legem ex *lib. 4.* Digestorum depromptam affert. Verumtamen ea quæ ab Ulpiano in *l. 7. D. de dolo malo. ex lib. 4.* Juliani referuntur, ex *lib. 4.* Digestorum desumpta esse existimo, & quæ ab eodem Ulpiano in *l. 17. D. ex quib. causis majores.* Scripsit etiam Julianus

AD URSEIUM FEROCES LIB. QUATUOR.

DE AMBIGUITATIBUS LIB. UNUM.

AD MINITIUM NATALEM, LIB. SEX.

Minutium legit Politianus *lib. 5. Epistol. & Al-*
cia-

LIBER PRIMUS.

13

ciatus in eâ Epistolâ, quam præposuit libris Præ-
termisforum, qui verba hæc accipit, quasi Mi-
nitio Julianus libros dicaverit; qui error, quod
facile appareat ex inscriptione legis. *cum res.*
D. de act. empt. & ex l. Plautius. D. ad leg.
Falcid. & l. si proprietarius §. ult. D. de damno
inf. aliisque permultis, admonitionem non ma-
gnopere desiderat. Ex *l. Minitius D. de rei*
vindicat. apparet, notas quasdam ad nonnulla
scripta Minitii Julianum edidisse, & ex inscrip-
tione *l. nec adversus. D. depos.* Etenim scripsisse
de jure Minitium auctor est Pomponius, in
l. tenetur. §. si tibi. D. de act. empti. quod nos
fusiùs ex aliis Pandectarum locis ostendemus.
Labittus denique nactus videtur codicem, in
quo in *l. ex empto. §. denique.* Ulpianus memi-
nit *libri x. Juliani ad Minitium:* cum in aliis le-
gatur, liber quintus. Verumtamen præter eos li-
bros, quorum extant nomina in Indice Justinia-
neo, scripsit tractatum

DE DOTALI PRÆDIO:

cujus meminit Justinianus in *l. non sine. C. de*
bon. quæ lib. Item

AD EDICTUM.

quod intelligitur ex inscriptione legis *l. D. de*
his qui not. infam.

ÆMI-

ÆMILIUS PAPINIANUS.

ÆMilius Papinianus, Papiniano Hostilio patre, & matre Eugenia Gracili natus est: quod ex hac inscriptione, quæ Romæ extat,prehenditur.

ÆMILIO. PAULO. PAPINIANO.

PRÆF. PRÆT. JUR. CONS.

QUI. VIX. ANN. XXXVI. M. IIII. D. X.

HOSTILIUS. PAPINIANUS.

EUGENIA. GRACILIS.

TURBATO. ORDINE. IN. SENIO.

HEU. PARENTES. INFELICISS.

FILIO. OPTIMO. P. M.

FECERUNT.

Socinus in *l. cum avus, D. de condit. & demonstr.* scripsit, temporibus Sixti Summi Pontificis urnam argenteam Romæ repertam, cum aliâ quâdam de Papiniano inscriptione; quam, quòd subrustica ea mihi visa est, hîc transcribendam esse non putavi. Fuit autem Papinianus Cerbidii Scævola præceptis, & institutis eruditus; tum multo rerum aulicarum usu, morum integritate, Juris Civilis scientiâ maximam est gloriam consequutus. Argutum genus scribendi habuit cum acumine sententiarum, & studio verborum venustatis. Itaque disertissimi nomen meruit, in *l. fin. C. de instit. & substit.*

lit. Neque illum puduit si quâ de re melius cogitasset, mutare sententiam, quod ex *l. qui. S. ed cum C. de furt. & serv. corr.* licet cognoscere. Non enim ita destinatis sententiis confectus fuit, ut iudicio suo (quanquam erat acerrimum) magis tribuerit, quam ratio veritatis ferre posset. Quamobrem à Sabino facile se vinci passus est, in contrariam sententiam eum vocante, in *l. si vendito. D. de serv. export.* Quod si in Papiniano viro excellentibus animi dotibus prædito, ingenio acutissimo, & disciplinâ juris eruditissimo ferendum est, quòd quandoque sibi minimè constans, conveniensque fuerit; ne id quidem vitio verti nostris temporibus debet in tam multiplici sinuosâque hujus scientiæ tractatione, cum & Imperatores ipsos, qui jus constituunt, suas leges emendare non pigeat, ut scribit Justinianus *Novell. Const. 122. & Const. 22.* Papinianum Diocletianus in *l. utero, C. de præd. minor.* prudentissimum virum appellat; Justinianus in *l. cum acutissimi C. de fideicom.* acutissimum, & merito ante alios excellentem; in *S. sed quia Instit. de fideic. hered.* hominem excelsi ingenii; in *Nov. 4. & in l. generaliter S. cum autem C. de instit. & substit.* magnum Papinianum; in *Nov. 108.* prudentissimum. Nec immeritò tot elogiis ab Impp. ornatur; Justinianus enim narrat, ante sua tempora, qui jus civile docebant, pro more institutu-

tutoque majorum , & propter nimiam Papiniani subtilitatem , non nisi tertio anno auditoribus suis ejus scripta explicasse : nec illa quidem omnia , sed *viii.* tantum libros , ex *xix.* ejus Responforum. Ideoque tertii anni auditores Papinianistæ vocabantur: ac quò magis tanti viri nomen commendaretur, primi dies quibus illi ejus scriptorum adyta penetrabant , festi atque solemnes celebrabantur. Quas institutas ceremonias Justinianus , in præfatione suâ in Pandectas , continuandas persequendasque in posterum voluit : cavitque mutato eorum librorum ordine , quæ ab Antecessoribus juris studiosis dabantur addiscenda. *Et maneat (inquit) viri sublimissimi Præfectorii Papiniani per hoc in æternum memoria, hocque termino tertii anni doctrina concludatur.* Imperatores verò Theodosius & Valentinianus in *l. i. de Respons. prud. C. Theod.* cum animadverterent Juris Civilis populi Romani multiplicem cognitionem, diversasque & in omnes partes diffusas disputationes , quædam aliorum Jurisconsultorum scripta probârunt , quædam improbârunt ; Papiniani quicquid erat retinuerunt , & de discrepantibus eorum sententiis in hæc verba sanxerunt: *Ubi diversæ sententiæ proferuntur potius numerus vincat auctorum ; vel si numerus æqualis sit, ejus partis præcedat auctoritas, in quâ excellentis ingenii vir Papinianus emineat , qui ut*
sin-

lingulos vincit, ita cedit duobus. Ad eam tamen Constitutionem obiter adnotabimus, quod de Notis Pauli atque Ulpiani sequitur, transpositum malè à librario quodam. Debent enim, meo iudicio, quod & sensus orationis desiderat, post illa verba *ita cedit duobus*, illa subsequi, *ubi autem pares sententiæ recitantur, quarum par censetur auctoritas, quod sequi debeat, eligat moderatio judicantis.* Tum postea, *Notas Pauli, atque Ulpiani in Papiniani corpus factas, sicut dudum statutum est, præcipimus infirmari.* Pauli quoque sententias semper valere præcipimus. Ordine enim orationis inverso, non solum ordo rerum; sed etiam ratio ipsa omnis plerumque invertitur. Ex his constat, primas semper apud doctos in jure Papinianum tenuisse. Unde non miror D. Hieronymum sagacis ingenii, variæque doctrinæ virum, eum tanti fecisse, ut sub ejus nomine universum jus Romanum comprehenderit, divoque ipsum Paulo Apostolo conferre non dubitaverit in Epitaphio Fabiolæ Æliæ. Multos autem Papinianum discipulos habuisse, scribit Lampridius in Alexandro Severo, Fabium videlicet Sabinum, Sabini insignis viri filium; Domitium Ulpianum; Ælium Gordianum, Gordiani Imperatoris patrem; Julium Paulum; Claudium Venatum; Pomponium; Alphenum; Africanum; Florentinum; Martianum; Celsum; Proculum; Mo-

B

desti-

destinum. Ex quibus in præfecturâ Prætorianâ duos habuit assessores, Paulum, & Ulpianum: unum ad memoriam, alterum ad libellos. Paulus enim in *l. lecta, D. de reb. cred.* se Papiniano præfecto Prætorio assedisse scribit. Libellis etiam Papinianus præfuit, ejusque libellos agentis meminit Tryphoninus in *l. Rescriptum D. de distract. pign.* Advocatus etiam fisci fuit post Severum, cui successit, ut auctor est Ælius Spartianus in Antonino Caracallâ. Præfecturam autem Prætorianam Bassiani temporibus gessit, cujus jussu nefariè trucidatus est, qui ne voce quidem nutuque lædi debuerat. De cujus morte scripsit Spartianus in Bassiano, quæ quidem ut apertè, ejusque causa innotescat, ipsissima ejus verba referam. *Scio (inquit) de Papiniani nece multos ita in litteras retulisse ut cædis non adsciverint causam, aliis alia referentibus; Sed ego malui varietatem (sic enim legendum, non, ut vulgò, veritatem) opinionum edere, quàm de tanti viri necereticere. Papinianum amicissimum fuisse Imperatori Severo, &, ut aliqui loquuntur, affinem etiam per secundam uxorem memoriæ traditur: ad hoc præcipuè utrumque filium à Severo commendatum, eumque cum Severo professum sub Scævola, & Severo in advocacy fisci successisse, atque ob hoc concordiam fratrum fovisse, egisse quin etiam ne occideretur, cùm jam de insidiis ejus Bassianus quereretur, atque ideò*

una

una cum his qui fautores fuerant Getæ à militibus non solum permittente, verum etiam suadente Antonino occisum. Multi dicunt Bassianum occiso fratre illi mandasse, ut & in Senatu pro se & apud Populum facinus dilueret, illum autem respondisse. Non tam facile parricidium excusari posse, quam fieri. Est etiam hæc fabella, quod dictare noluerit orationem, & constat eum quasi fautorem Getæ occisum esse. Ex quibus discere possumus, quâ integritate mentis, animique puritate vixerit Papinianus, qui rem iniquam imperanti Principi parere noluerit. Et è contra, quam damnandus Neotericus ille Jurisconsultus, qui in libris suis de Republicâ Papinianum nostrum reprehendit, quod hæc in Imperatoris dicto audiens non fuerit. Meliusque Pompeius Trogus apud Justinum lib. 16. *Histor.* à quo Papinianum tam pium responsum desumpsisse auguror, de parricidio ab Antipatro in Thessalonicem matrem perpetrato, scripsit hæc aurea verba: *In parricidio nulla iusta causa ad sceleris patrocinia prætexi potest.* Fertur autem Papinianus cum raptus à militibus ad palatium traheretur occidendus, prædivinasse dicendo: Stultissimum fore, qui in suum surrogaretur locum, nisi appetitam crudeliter præfecturam vindicaret. Securi autem percussus est à milite, cui Bassianus dixit: Gladio te exsequi oportuit meum iussum, auctore Spartiano.

tiano. Tractum ejus cadaver per plateam fuit, sine aliquâ humanitate. Filium Papinianum habuit, qui quæstoriam dignitatem consequutus est, quemque idem Bassianus interfecit eodem Spartiano auctore. Ceterum libri quos Papinianus composuit, in Indice recensentur.

QUÆSTIONUM LIBRI XXVII.

In Codice Florentino QUÆSTIONON ΒΙΒΛΙΑ ΤΡΙΑΚΟΝΤΑ ΕΠΤΑ. Justinianus in dicta *Novell.* 108. in *§. novimus*, citat ex 19. libro *Quæstionum*, sapientissimum (sic enim loquitur) Papiniani dictum. Gratus autem hic fuit Quæstionum tractandarum modus aliis quoque Jurisconsultis, nempe Q. Mutio Scævola, Callistrato, Paulo, Mætiano, Tertuliano. Quæstionis vocabulum tractatusque videtur confundere Aphricanus in *l. qui quadringenta. D. ad leg. Falcid.* Ex Paulo verò libro 1. *Quæst.* colligi videtur in omni quæstione tractatum præmitti, in *l. Neseñnius. D. de negot. gest.* Seneca lib. *Controvers.* tractationem appellat, & à quæstione differre tradit. Sed Accursius in dictâ *l. qui quadringenta*, ex Isidoro differentiam esse commonstrat, qui definit tractatum unius rei multiplicem expositionem. qui locus refertur etiam ab eodem Accursio in *l. fin. D. si pars hered. pet.* Hanc tamen veriore differentiam existimo, scilicet: Quæstio-

stionem esse appetitionem cognitionis, ex Cicerone *lib. 4. Academ.* Tractatum verò explicationem, sive agitationem, ut loquitur Paulus *l. 1. §. veteres D. de acquir. vel amitt. poss.* ejus rei quæ tractatur. Quod satis probatur ex Ulpiano *lib. 31. ad Edictum in l. 59. D. pro socio,* & ex *Afric. lib. 4. Quæst. in l. 19. §. in proposito D. ad Senatusc. Vellejan. l. qui bonâ fide §. si quis, D. de acquir. rerum dom.* Hocque ipsa verborum Græcorum vis indicat. Tractatus enim apud Græcos dicitur διὰ ληψις, quod verbum à διαλαβεῖν descendit, quod *explico* significat. Sic enim apud Theophrastum ἐπὶ τὸ πᾶν διαλαβεῖν, ab interprete dicitur, *in universum explicare*; atque ita διὰ ληψις, rectè vertitur, *explicatio ejus rei quæ tractatur.* Quæstio autem à Græcis appellatur πρόβλημα, quod à verbo προβάλλω descendit, quod *dubito* significat. Sic enim Tusanus hæc verba Nazianzeni προβεβλημένα διανοήματα, *dubias cogitationes* interpretatur. Unde & πρόβλημα quod quæstio appellatur, dicitur dubitatio apud Ciceronem, vel dubia propositio *lib. 7. Epist. ad Attic. Et simul tu hoc* διασχερηνήσας πρόβλημα *sane πολυλίχον.* Quod contra Manutium particulæ, *aut, vel,* quæ sequuntur, apertè demonstrant: quæ tantum ad dubium significandum apponuntur. Neque enim ut plurimum certa & vera sunt, quæ in his libris Quæstionum referuntur; sed potius verisimilia. Hocque satis

argumento esse potest, quod hoc verbo, *constat*, his in libris Jurisconsulti non utantur. Quod quidem jus certum Jurisconsultorum demonstrat, auctore Cicerone in Orat. pro Flacco: *Retulit*, inquit, *ad Jurisconsultos, constabat inter omnes*. Sed his verbis dubium designantibus, *potest dici*, ut Papinianus *lib. 27. Quæst. in l. si stipulatus D. de usur. & illis: facilius putabo*, ut Paulus in *l. 34. D. de negot. gest.* Denique dicendum est, in Quæstione tractatum sæpè inspicere, teste Paulo in *l. 5. D. de præsc. verb.* & ipso Papiniano *l. 6. §. si ædes D. si serv. vind.*

RESPONSORUM LIBRI XIX.

in Florentinâ editione RESPONSON BÍBAIA DE-KAENNEA. Responsionum corruptè legitur apud Politianum. Verum autem hunc numerum librorum esse apparet, ex §. tertio vero anno. præfationis Justiniani in Pandectas. Quanto in honore fuere, ut ante Justiniani institutum Juris Civilis constituendi, proponerentur in scholis legendi. Citatur ex his locus quidam à Diocletiano in *dictâ l. utero*; alius in *d. l. cum acutissimi*. is siquidem locus est, qui extat in *l. cum avus. 102. D. de condit. & demonstrat.* & in *l. generaliter. §. cum autem. de instit. & substit.* Alius ab eodem Justiniano in *l. si testamentum C. eod. tit.* ipsius Papiniani verbis (nisi me iudicium fallat meum) expressus; sunt enim gravia, sonantia, & non vulgata.

Est

Est præterea ex iisdem libris præclara sententia in *l. si quando. §. illud de inoff. testam.* Meritis magis filios ad paterna obsequia provocandos, quam pactionibus astringendos. Quæ quidem Papinianum maximè redolet. Fuit enim pietatis patrum erga filios, & filiorum erga parentes pius æstimator. Sic in *d. l. cum avus pro liberis* conjecturâ pietatis respondit: & pro parentibus in *l. 15. D. de inoff. testam.* Meminit Justinianus libri quinti Responsorum in *§. item qui. de excusat. tut. in Instit. Liber xvi.* totus de Reis capitalium criminum erat. Hunc autem Responsorum morem à Papiniano, aliisque Jurisconsultis observatum, cum quid cuique viro responderint, condemnat Crassus *lib. 2. de Orat. apud Ciceronem.* Credo, inquit, ut putaremus in hominibus, non in re, consultationis, dubitationis causam aliquam fuisse. Ceterum ex præfatione Justiniani in Pandectas colligi potest, hæc Papiniani Responsa Paulianis multò difficiliora fuisse, quòd illa discipuli per semetipsos recitabant: hæc autem Professores discipulis explicabant. Sequuntur postea in Indice,

DEFINITIONUM LIBRI DUO.

qui Regulas juris continebant.

DE ADULTERIIS LIBB. DUO.

Libri tantum singularis mentio fit in Indice vulgato, cum tamen primi, & secundi in plerisque legum inscriptionibus existent vestigia. Ad

primum pertinet *l. 28. etiam D. de fundo dot.*
 Ad secundum *l. si pænituit D. de divort.* Ad
 eum verò librum notas scripsit Mærianus, si
 Martiano credimus, in *l. qui pupillam. D. ad
 leg. Iul. de adulter.*

ΑΣΤΥΝΟΜΙΚΟΣ ΒΙΒΛΙΟΝ ΕΝ.

Ἀσυνόμια Ædilitas; ἄσυνόμιχα νόμιχα Ædilitiæ le-
 ges apud Aristotelem in politicis libris; & verè
 ἄσυνόμιχα; propriè enim hæ leges ad curam Ur-
 bis, viarumque ejus pertinebant. Unde Ulpia-
 nus in *Comment. in orat. Demosthenis contra*
Timocratem eos patres appellat. Hique ἄστυνομοι
 Magistratus, functionis rationes reddebant au-
 ctore Demosthene in dicta Orat. Quamobrem
 Plato *lib. 6. de legib.* de his Ædilibus loquens,
 hanc legem ponit: διχαλῶν ἡ καὶ ἀρχοντα ἀνυπεύθυ-
 νον, ὃ δὲ να διχαλῶν καὶ ἀρχεῖν δεῖ πλὴν τὸ τέλος ἐπιθε-
 τῶν οἷον βασιλέων. Cujacius autem *lib. 22. Obser-*
vat. cap. 31. rectè notat differentiam inter
 ἄσυνόμους, & ἀγορανόμους. quæ desumpta est ex Pla-
 tone dicto *lib. 6. de legib.* ut hi rerum venalium
 curam; illi viarum & ædificiorum haberent. In
 Glossario autem Ædilis ἀγοράνομος est. Quid
 verò in hoc singulari libro contineretur, co-
 gnosci potest ex *l. 1. D. de viâ publ.* diversum
 scilicet ab Ædilitio Edicto, quod interpreta-
 tum à Paulo, & Ulpiano inter Pandectarum ti-
 tulos numeratur.

Q. MU.

Q. MUTIUS SCÆVOLA.

Q. Mutius Scævola ex Mutiâ familiâ fuit, Scævolaëque cognomen hereditarium ab Mutio Scævola, qui Porsennam interficere tentaverat, acceptum retinuit. Patrem P. Mutium Scævola habuit, ut colligitur ex fragmento Capitolino CRASSUS.... Q. MUTIUS P. F. & ex Pomponio in *l. 2. D. de orig. jur.* qui Consul fuit cum L. Calphurnio, anno ab Urbe conditâ 620. quo anno Tiberius Gracchus seditione ortâ occisus est. Avum autem habuit P. Scævola qui Consul fuit anno 578. cum M. Lepido, ut Annales Cassiodori testantur; quem de Liguribus triumphâsse apparet ex fragmento quodam Capitolino, quod Sigo- nius in Commentariis Fastorum explicat. Quintus verò Mutius noster fuit homo omnium disciplinâ Juris eruditissimus, ingenio prudentia- que acutissimus, & oratione maximè limatus; ita ut à Crasso Jurisperitorum eloquentissimus, & eloquentium Jurisperitissimus appellaretur *lib. 1. de Orat.* quod tamen elogium Cicero, tanquam Crasso & Scævolaë debitum, eis æqua- liter tribuit in Bruto; Crassum enim eloquen- tium Jurisperitissimum: Scævola Jurisperito- rum eloquentissimum appellat, quem severio- rem Crasso in dicendo fuisse testatur. Hanc au-

tem eloquentiæ facultatem, Q. Mutius domesticâ consuetudine acquisiit, eodem Tullio auctore; Juris verò Civilis scientiam tanquam gentilem hereditatem à majoribus accepit; multos siquidem Mutios Jurisperitissimos fuisse legimus. ideòque Symmachus *lib. 3. Epist. 23.* Mauritiano scribit: *Tenet te eruditio Scævolarum, dum forenses rabulas pervigil doctor instituis.* & Antonius apud Ciceronem *2. de Orat. Istam oscitantem & dormitantem Scævolarum*, &c. id est Juris Civilis scientiam. & *lib. 1. Patrimonium Scævolarum.* Ludum scruporum Q. Mutius Scævola amâsse videtur ex Quintiliano *lib. 2. cap. 2.* quo ex ludo memoria ejus maximè commendatur; cùm enim calculum prior promovisset, essetque victus; dum rus tendit, repetito totius certaminis ordine, quo dato errâisset, recordatus, rediit ad eum quî cum luserat, isque ita factum esse confessus est. Optimè etiam pilâ luisse traditur, & ad hoc diverticulum animum forensibus ministeriis fatigatum, transferre solebat auctore Valerio *lib. 8. cap. 8.* Tantâ autem nominis famâ floruit, ut omnes in Repub. maximos honores consequutus sit; Tribunus enim plebis fuit anno post Tribunatum Crassi, de cujus tamen Tribunatu nihil memoratu dignum invenitur, nisi Crassum eo in Rostris sedente Serviliam legem suâ fuisse. Omnibus verò aliis in magistratibus col-
lega

LIBER PRIMUS.

27

lega fuit L. Craffi. unde collega, & æqualis à Craffo appellatur *lib. 1. de Orat.* præterquàm in Censurâ. neminem enim unquam Scævolarum, magistratum eum petiisse scribit Cicero in Bruto. Consules itaque simul fuere, anno ab Urbe conditâ 658. & ab his lata est lex Mutia Licinia de regundis civibus, ut in suâ quisque jus civitatis redigeretur; multi enim Italiæ populi cupiditate Civitatis Romanæ tenebantur, & Romano jure uti volebant. Quæ quidem lex (quamvis eorum Consulatu, pacem domi forisque fuisse, Julius Obsequens testetur in libello de prodigiis) gravissimum bellum, quod post triennium exortum est, procreavit, auctore Cicerone *de Offic.* & Asconio Pædiano in *Orat. de Majestate.* Eorum etiam Consulatu multa prodigia accidisse, agnum videlicet bicipitem, puerum tribus manibus, totidemque pedibus natum, aliaque multa Julius Obsequens scriptis reliquit. Post Consulatum autem Asia provincia ei obvenit; cujus administratio ita laudata, ut Senatus iis, qui ad eam regendam mitterentur, exemplum Scævolæ decreto suo proponeret apud Valerium Maximum *lib. 8.* Pontificatum denique Maximum adeptus est, à quo sacerdotio denominatur; quapropter, quàm à vero aberrant, qui putant eundem esse hunc Scævola P. M. cum Augure, dignoscitur ex Tullii verbis in Dialogo de Amicitia; ubi ait

ait se à L. Mutio Scævola Augure, à cujus senis latere non discedebat, ad Q. Mutium Scævola Pontificem Maximum se contulisse. Et de Augure intelligenda sunt, quæ de L. Scævola tradit Valerius *lib. 8. cap. 13.* ea enim Auguri tribuit Cicero pro Cornelio Balbo. idcirco Valerius clarissimum legum vatem appellat, alludens ad nomen Auguris, qui & Vatem significat, iisque nominibus promiscuè utitur Cicero de Naturâ Deorum. Ceterum inter oratores sui temporis præcipui nominis fuit: & inter varias & multiplices causas quas egit, celebris est C. Coponii adversus L. Crassum, quæ magno concursu, magnaque omnium expectatione agitata est. Cujus quæstio apud Ciceronem *lib. 1. de Orat.* hæc describitur: Paterfamilias qui gravidam uxorem putabat, postumum instituit heredem: & si postumus mortuus fuerit, antequam in suam tutelam veniret, M. Curium heredem esse voluit. Ex hac conditione lis orta est, postumus siquidem nullus fuit; atque ita Crassus qui Curium defendebat, Curium substitutionis jure heredem esse dicebat. Hac enim mente eum fuisse, qui testamentum fecisset, sustinebat, ut si filius non esset qui in tutelam veniret, M. Curius heres esset. Q. verò Scævola qui pro Coponio defuncti agnato agebat, ex scripto testamentorum jura defendebat, negabatque nisi postumus & natus, & antequam in suam

LIBER PRIMUS.

29

suam tutelam venisset mortuus esset, heredem cum esse posse, qui esset secundum postumum, & natum, & mortuum heres institutus, atque ita ad Coponium jure agnationis hereditatem pertinere; cum is postumus nec natus, nec mortuus sit. Quæ res nos docet, Scævola jus testamentorum calluisse, & illorum quæ in l. 73. *D. de Reg. jur.* traduntur ex libro singulari ὁπῶν, auctorem fuisse. Strenuam itaque & foro & Reipublicæ navans operam, & inter Civitatis Principes constitutus, ad senectutem usque vixit. In quâ tamen infirmissimâ valetudine fuit, auctore Cicerone 4. *ad Attic.* sive ut idem loquitur pro C. Rabirio præpeditus morbo, mancus, & membris omnibus captus. Nunquam tamen Rempublicam deseruit, sed cum Syllanis & Marianis partibus tota civitas divideretur, Syllam acriter ac forti animo sequutus est, ac tandem à Mario interfectus, cum ad proscriptionem fugiendam, aram Vestæ amplexaretur. Cujus mortem his elegantissimis verbis prosequutus est D. Augustinus lib. 3. *de Civit. Dei*, cap. 28. *Mutius Scævola Pontifex Max. quoniam nihil apud Romanos templo Vestæ sanctius habetur, aram ipsam amplexus occisus est, ignemque illum qui perpetuâ curâ virginum semper ardebat, suo penè sanguine extinxit. Et cap. 29. Marianis autem partibus quid sanctum, cui parcerent fuit, quando Mutio, Civi,*
Se-

Senatori, Pontifici aram ipsam ubi erant, ut ajunt, fata Romana, miseris ambienti amplexibus, non pepercerunt? Miror D. Augustinum inter tot elogia, Jurisconsulti epitheton omisisse: cum hâc in arte princeps fuerit, primusque jus civile constituerit auctore Pomponio in *l. 2. D. de orig. jur.* generatim illud in libros decem & octo redigendo. Cautionem etiam invenit quæ ejus nomine Mutiana in Jure appellatur, primusque cautionum formam introduxit. Unde hæc cautio remedium appellatur in *l. Mutianæ. D. de condit. & demonstr. & in l. 79. ad cujus exemplum aliæ etiam cautiones, quæ postea introductæ sunt remedia vocantur: ut cautio illa ususfructus à Senatu inventa, remedium dicitur in l. 2. D. de usufr. earum rerum, ab Cajo. Unde illa verba *l. si usus fructus D. de jure dot.* Quidam ergo remedii loco cautionis loco explicanda puto, ratioque nostra confirmabitur, si eam legem ex Pomponio *lib. 8. ad Q. Mutium* desumptam dixerimus. Cujus cautionis utilitas consistit in conditionibus quæ in non faciundo sunt conceptæ, in *d. l. Mutianæ D. de cond. & demonstr.* Et quæ morte legatariorum finiuntur *l. 73. D. eod.* Balduinus existimat Q. Mutium aliam cautionem legi Miscellæ adjecisse, hocque conjicit ex verbis *Nov. 22. cap. 43.* secundum Haloandri versionem & lectionem; qui *προσνομοετήσας* legit, & interpretatur
*appo-**

apposuit; quod si verum esset, sequeretur legem Miscellam antiquiorem Scævola fuisse: vel latam Scævolaë temporibus, quod tamen Cujacio displicet, qui leges Juliam & Papiam, legem Miscellam arbitratur. Hoc ex lege 62. auguratur, quæ ex Clementis libris ad leges Juliam & Papiam desumpta est; de lege tamen Miscellâ videtur loqui. Cùm verò leges Juliam & Papiam, novas leges vocari ab Ulpiano in *l. ult. D. de Reg. Caton.* tradit libro 14. *Observat. cap. 4.* destruit omninò sententiam suam. Lex enim Miscella à Justiniano lex vetusta, lex antiqua παλαιὸς νόμος nuncupatur, *d. Novell. 22.* Ideoque & perperam Senatusconsultum illud, quod circa legem Juliam Miscellam factum esse traditur in *l. 3. C. de indictâ viduit.* malè trahit ad Senatusconsulta Calvisianum & Pernicianum; primum enim de Senatusconsulto loquitur *l. 3.* non de Senatusconsultis: deinde Ulpianus *tit. 16.* horum Senatusconsultorum mentionem facit, ea circa legem Miscellam facta esse non scribit, nec circa leges Juliam Papiamque Popæam. Dicemus itaque contra Balduinum, nullum Q. Mutium legi Miscellæ cautionem adjecisse, sed illam Mutianam cautionem, de quâ loquuti sumus, à juris auctoribus ad conditiones etiam legis Juliæ Miscellæ productam fuisse, quod satis colligitur ex verbis *d. Nov. 22. cap. 43.* quamobrem in *l. 2. C. de ind. viduit.*

& l.

& l. 3. cùm de cautione Mutiana Justinianus scribit, non ait eam factam super legem Miscellam, sed sic loquitur: *Et lex Julia Miscella cedat cum Mutiana cautione super hoc introducta*, i. super conditionibus ad nuptias spectantibus, quod apertissimè distinguit in l. 3. his verbis: *Etiam expressim sancimus legem Juliam Miscellam; & Senatusconsultum, quod circa eam factum est, nec non Mutianam cautionem quæ super talibus nuptiis introducta est.* ubi dictio illa, *introducta* magnopere notanda est, cujus vis est, ut significet generalem illam cautionem jam à Mutio inventam, quæ ad alia negotia trahi solebat, ad tales nuptias, vel ad conditiones, quæ circa has nuptias spectant, applicatam esse à Prudentibus. Sciendum enim est, cautionem Mutianam locum habere in legatis & fideicommissis sub conditione non faciendi relictis, in hereditatibus sub eadem conditione relictis, l. *Mutianæ. l. is qui. D. de condit. & demonstr.* in mortis causâ donationibus, & in his conditionibus legis Miscellæ. Quæ quidem cautio tam utilis reperta est, ut in his rebus in quibus ipsa cautio Mutiana interponi non poterat, Imperatores introduxerint quamdam cautionem ad exemplum Mutianæ, quam velut Mutianam vocant l. 72. *D. de condit. & demonstr.* Scripsit etiam Q. Mutius

LIBROS OPΩN,

ut

ut ex indice Justiniani apparet.

LIBROS JURIS CIVILIS DECEM ET OCTO.

quibus ut supra dixi jus Civile in artem redegit, quod ad ejus exemplum Cicero conceperat, ut ipse testatur. Ad hos libros pertinent ea, quæ extant in *l. penum D. de penu leg. in l. 19. D. de auro, & arg. leg. in l. Mutius. D. pro socio. lib. 2.* meminit Ulpianus in *l. 27. D. de auro, & arg. leg.* & quæcumque ex Mutio in illo titulo deferuntur ex *lib. 2.* desumpta sunt. Ad quos libros scripsit notas Pomponius, ut ex indice apparet: quas, *lectionum libros ad Q. Mutium*, nominavit; in quorum nono sententias Mutii refert varias, ut colligitur ex *l. scribit. D. de auro, & arg. leg.* cujus extrema verba non indignam discussionem merentur. Quod si, inquit, legasset uxori aurum, quod ejus causâ paratum erit, nunc rectissime scribit Q. Mutius, ut hæc scriptura habeat in se demonstrationem legati & argumentum. Ideoque ipso jure alienata libra auri, amplius quatuor pondo non remanebunt in obligatione, nec erit utendum distinctione quâ ex causâ alienaverit testator. Jacobus Cujacius hæc verba corrupta existimat, sicque restituere tentat *lib. 2. Observat. cap. 35.* ut pro demonstrationem legati & argumentum legamus diminutionem legati & augmentum. Et fanè demonstrationem, si hæc in lege legeremus, contrarium sibi Pomponium faceremus, qui in *l. nuper.*

per. *D. de leg. 3.* sic scribit: *Labeo tamen scripsit etiam in futurum tempus collatum hunc sermonem, qui meus erit, pro demonstratione accipiendum: sed alio jure utimur.* hocque & Julianus confirmat in *l. Stichum D. de legat. 1.* qui hoc verbum *Erit* non demonstrationem, sed conditionem in se continere scribit. nec enim hæc verba *magis conditionem legato injecisse, quam demonstrare voluisse* comparativè, ut Glossa existimat, intelligenda sunt; licèt eam Bartolus & Paulus sequantur, ut scilicet conditionem & demonstrationem hæc scriptura *Stichum, qui meus erit cum moriar*, contineat, sed magis conditionem, quod ex *l. 19. §. hæc scriptura. D. de condit. & demonstr.* liquet. Julianus siquidem hoc loquutionis genere usus est; quia Proculeriani qui à Labeone descenderant hæc verba *qui meus erit* demonstrandi causâ concepta esse dicebant, *d. l. nuper.* Ipse verò qui Capitonis præceptis ut Sabinianus, adhærebat, vult ostendere ex ipsis verbis, patremfam. magis, i. potius conditionem legato injecisse, quam demonstrare voluisse. quod ex sequentibus legis verbis manifestum redditur, & ex Pomponio in *d. l. nuper.* Sabinianæ sectæ Jurisconsulto, cum ait: *Plane in mortis tempore collatum hunc sermonem: vestem, quæ mea erit, sine dubio pro conditione accipiendum puto.* Rectè itaque demonstrationis dictio ut adulterina à Cujacio hæc

in

n lege damnatur: cur autem dictionem illam
argumentum respuerit non video; minus cur
egat *diminutionem legati & augmentum* Dictio
quidem *diminutionem* mentem Jurisconsulti
non turbat, sed quomodo scripturam illam
augmentum in se habere Pomponius ex Mu io
dixerit, ignoro, cum sequentia verba contra-
rium arguant. *Augmenti* itaque verbum hoc
in loco rejiciamus, restitutâ antiquâ & commu-
ni dictione, *argumentum*, sicque ex conjecturâ
egamus, ut *hæc scriptura habeat in se demum
detractionem legati. Et argumentum ex eo quod
ipso jure, &c.* *Argumentum* i. ex verbis Mutii
colligitur, ut alienatâ librâ auri ipso jure am-
plius quatuor pondo non remaneant in obliga-
tione, nec utendum erit distinctione, quæ in
superiori casu expressa est. Non enim diminue-
re legatum dicitur vel diminutio legati, nisi à
Marcello semel in *l. ex asse, D. ad leg. Falcid.*
sed minuire legatum vel diminuere ex legato,
ut ex dictâ lege apparet, *l. si peculium. D. de
pecul. leg. l. Lucius, D. de alim. legat. l. Nesen-
nius §. si debitori, D. ad leg. Falcid. & in l. de-
nique D. de pecul. leg. æs alienum diminuitur,
legatum minuitur.* Detrahi autem legatum dici-
tur passim à Latinis Juris auctoribus pro minus
esse in legato: ut ab Ulpiano in *d. l. denique §.
item si seruo*; à Cajo in *l. 78. D. ad leg. Falcid.*
& alibi: *Argumentum* autem hoc loco retine-

mus rectè, usitata loquutione à Pomponio. Sic eodem verbo usus est in *l. si usus fructus D. quando dies legat. vel fideic.* & Africanus in *l. 21. §. quod si stipulator. D. de fidejuss.* & in *l. qui negotia §. nec huic simile D. mandati.* Hocque magis moveor ad hanc lectionem probandam, quòd magis vestigia communis, quàm Cujaciana retinet. Cæterum præter ea, quæ apud Juris conditores de Mutii præceptis leguntur, quædam ab aliis auctoribus referuntur. Gellius *lib. 5. cap. 19.* tradit jusjurandum, quod in arrogando juraretur, à Q. Mutio Pontifice Maximo conceptum fuisse : & *lib. 7. cap. 15.* hanc ejus sententiam affert. *Quod cui servandum datum est, si is usus est, si ve quod utendum acceperit, ad aliam rem atque accepit, usus est, furti se obligavit.* qui locus nos admonet ex his libris Ulpianum in *l. si ut certo §. commodatum. D. commod.* à Q. Mutio deprompsisse sententiam eam de commodato, quam ipse veriore esse scribit. Et Pomponius, cum dubitaretur, an usu mulieri relicto posset illa & cum marito habitare, Q. Mutium primum admisisse dicit. Hunc, Macrobius *lib. 1. cap. 3. Saturnal.* scribit se legisse, *dicere solitum non esse usurpata mulierem quæ cum Calend. Januariis apud virum matrimonii causa esse cœpisset, ad diem quartum Calendas Januarias sequentes usurpata esset, ubi quidam legendum putant, usurpatum*

LIBER PRIMUS.

37

tum esset : ego ex Gellio lib. 3. cap. 2. usurpatum
isset. Q. etiam Mutii Scævola mentionem fa-
cit Festus, in verbo Nefrendes. *Nefrendes*, in-
quit, dictos asserit Provintus lego Quintus
Mutius Scævola arietes, quod dentibus fren-
dere non possint.

SABINUS.

PLures fuere Sabini Jurisconsulti. Fuit
Cælius Sabinus, cujus Pomponius memi-
nit in l. 2. de orig. jur. Fuit Vitellius Sabinus,
fuit Juventius Sabinus, ad quem rescriptum D.
Pii extat in l. 1. D. ad Senat. Sillan. Fuit Sa-
binus vir Consularis, ad quem Lampridius
ait Ulpianum libros scripsisse. Eum intelligit,
quem bis Consulem imperante Antonino Ca-
racalla liber Cuspiniani & Cassiodorus produnt.
Secundum Consulatam, alii cum Venusto:
alii cum Annullio gessisse asseverant. sed Onu-
phrius ad veritatem propiùs accedere putat eos,
qui Annullinum ei in secundo Consulatu colle-
gam adjiciunt; Id confirmat ex antiquo tubulo
plumbeo, in quo

Q. AQUILIUS SABINUS II.

& S. AUR. ANNULINUS

leguntur. cujus sententiam probare puto legis
4. subscriptionem C. de quæst. quæ est pars re-
scripti Imperatoris Antonini, ubi sic exaratum

C 3

est:

38 DE JURISPERITIS.

est: *PP. V. Calendas Apr. Sabino & Annulino Cos.* Hunc Imp. Heliogabalus iussit occidi vocato Centurione: sed Centurio, inquit Lampridius, aure surdior imperari sibi credit, ut urbe pelleretur: hocque fecit; sic vitium Centurionis Sabino saluti fuit. Habuit filium, Fabium Sabinum, Catonem sui temporis dictum, qui eodem Lampridio auctore cum Ulpiano, Paulo, aliisque ejus ætatis Jurisconsultis, Alexandrum Severum ex bono principe meliorem fecit. sed dubitat Politianus paterne, an filius de Jure scripserit. Hi tamen alii sunt ab hoc Sabino, de quo in præsentiarum sermo est, & cujus in Indice Justiniano fit mentio, Massurius enim Sabinus vocatur. Quapropter facile crediderim allucinatum fuisse Lampridium, cum retulit, Ulpianum ad Sabinum Consularem Fabii patrem libros scripsisse, cum ad Sabinum Massurium scripserit: quod ex §. i. *de hered. instit. in Instit. & ex l. cum in libris C. de hered. instit.* comprobatur. Et verò etiam in inscriptione *l. i. de legation.* fit mentio libri viii. Ulpiani ad Massurium Sabinum, & lex *falsus creditur in §. qui alienum D. de furt.* si cum his quæ à Gellio tradita sunt *lib. 10. cap. ult.* jungatur, videtur non mediocriter fulcire hanc sententiam: quandoquidem quæ Gellius ex libro Massurii Sabini de Jure Civili 2. verba protulit, ea ibi
ab

b Ulpiano *lib. 41. ad Sabinum* conscripta fe-
 untur. Quibus in locis admonendus lector est,
 nimadversiones quasdam & notas Ulpianum
 n illis libris ad Sabini scripta edidisse, quem-
 dmodum suprâ de Juliani libris ad Minitium
 diximus: tantumque verba hæc *Ulpianus lib.*
1. ad Sabinum valere, quantum illa *Ex Sa-*
nino. Assentior & Labitto, existimanti Sabinum,
 cuius fit mentio in *l. quæsitum §. sed &*
de fundo instr. in l. qui penum de penu leg. in l.
tutorem §. denique de his quib. ut indign. Mas-
 surium Sabinum esse; quem ex plebe natum ob
 virtutem & Juris Civilis cognitionem eximiam,
 in Equestrem ordinem relatum fuisse creden-
 dum est, jam grandem natu, & annorum ferè
 quinquaginta auctore Pomponio *l. 2. de orig.*
iur. ei enim amplæ facultates non fuere: sed
 plurimum à suis auditoribus sustentatus est,
 eodem teste. Quamobrem eum probitate &
 sapientia insignem facit Athenæus *lib. 14.* his
 verbis: *Μαας ἑρπύ & ἀπ᾽ αὐτὰ ἀρῖς & ὁ σοφὸς & ὁ δεινὸς δεύ-*
ρετ & : i. e. Massurius omnino bonus & sapiens, &
nulli secundus. & merito nulli secundus dicitur,
 primas enim inter Jurisconsultos eum tenuisse,
 videntur demonstrare hæc verba Gellii *lib. 14.*
cap. 2. Atque in rerum quidem diffussionibus,
 comperendinationibus & aliis quibusdam legiti-
 mis in rebus ex ipsa lege Julia, & Sabini Mas-
 surii, & ex quorundam aliorum Jurisperitorum

commentariis commoniti, adminiculati sumus.
 Sabinum enim solum, tamquam præstantiorem,
 nomine proprio designat; alios verò, veluti
 Deos minorum gentium, silentio prætermittit.
 sicut Arrianus *lib. 4.* in Epictetum, legibus
 naturæ potius parendum esse ait, quàm Mas-
 suri i. juris civilis; quasi in Massurio totum jus
 civile resideret. quem locum imitatus videtur
 D. Hieronymus de Papiniano loquens: *Aliæ,*
inquit, sunt Cæsaris leges, aliæ Christi: aliud
Paulus noster, aliud Papinianus præcipit. Eò
 videtur spectare Persius *Satyra 5.*

Vindicta postquam meus à Præторе recessi

Cur mihi non liceat, jussit quodcumq; voluntas,

Excepto si quid Massuri rubrica vetavit.

ubi obiter adnotabo, in manuscripto, quem
 penes me habeo, exaratum esse: *Massura rubri-*
ca vetavit. nec certè malè; cùm Massurius du-
 plici s. scribatur apud Græcos, & Latinos au-
 ctiores. Cæterum lectioni Græcorum poëtarum
 operam dedisse, manifestò apparet ex *l. 1. D.*
de contrah. empt. ubi Homeri versus ab eo citati
 referuntur; linguæ tamen Græcæ perfectam
 cognitionem non habuisse, atque in eo à Paulo
 reprehensum, quòd versus Homeri, qui per-
 mutationem significare videbantur, pro emptio-
 ne afferret. Augurem quidem Massurium fuisse,
 vel de jure Augurii scripsisse apparet ex Plinio
lib. 10. cap. 7. Nullum autem magistratum eum
 gessisse

LIBER PRIMUS.

41

geffisse quidam putant; nec Pomponius ullius mentionem facit in *d. l. 2.* est tamen antiquus nummus, qui Sabini cujusdam Triumviri meminit; sic enim inscribitur:

SABINUS TURPILIANUS III. VIR.

quem Massurium asseverare ausim; Massurius siquidem Sabinus Tiberii Cæsaris temporibus floruit, ut ex Pomponio constat: ipseque Massurius Tiberii meminit *lib. 11.* Memorabilem, ut relatum est apud Gellium; hic autem Triumvir Tiberii sæculo vixit; Turpilianus enim collega Consul fuit anno urbis conditæ DCCCXIII. cum Pæto, ut liber Cuspiniani, & Cassiodorus testantur, XXIII. annis tantum post mortem Tiberii Cæsaris. Cæterum Massurius Sabinus cum in equestrem ordinem relatus fuit, impetravit à Cæsare Tiberio, ut populo responderet, jam grandis natu & ferè annorum quinquaginta: hocque ex antiquo Romanorum more, apud quos senectutis non inertis gratum honestumque munus erat, consulentibus respondere, auctore Cicerone *lib. 1. de legib.* unde apud eundem *lib. 1. de Orat.* Crassus interpretationem juris, non solum ad usum forensem, sed etiam ad decus, senectutem comparasse ait. quò induci debet illud Ovidii *lib. 9. Metam.*

Fura senes norint.

atque id munus, vel domi exercebant, vel traverso foro deambulantes; fuisse enim id in-

C 5

figne,

42 DE JURISPERITIS.

figne, Cicero scribit *lib. 3. de Orat.* eum qui id ageret, facere civibus omnibus consilii sui copiam. Ad illos verò plerique Juris Civilis discendi studio ventitabant. Quamquam enim se ad docendum non darent, tamen, ut ait idem Tullius in Bruto, consulentibus respondendo, studiosos audiendi docebant: quod & Athenis olim factitatum existimo, indeque Romam allatum. quamobrem Demosthenes in *Orat. in Euergum* ait, Jurisconsultos quos adierat, ei dixisse, an sibi de jure responderi, vel consilium dari vellet. Hoc autem munere respondendi, nulla publica auctoritate: sed privata studiorum suorum fiducia fungebantur. Consulebatur aliquando unus solus: aliquando plerique simul. Quare recte apud Alphenum legitur in *l. 17. D. si servit. vind. Anni consilium omnes Jurisperiti dederunt.* Aliquando cum unum convenissent, ejusque responso vel consilio non contenti, propter idem negotium alios prudentes consulebant, ut colligitur ex *l. 16. D. de inst. vel instrum.* quæ ejusdem Alpheni est. Aliquando etiam ipsi quid de re, de qua consilium petebant judicarent, enarrabant, ut patet ex *l. ult. D. de minor.* Et qui consulebantur, plerumque Judicibus ipsis scribebant, aut testabantur, qui illos consuluerant, auctore Pomponio in *d. l. 2. D. de orig. jur.* Hocque obtinebat ante D. Augustum, qui primus, ut
major

LIBER PRIMUS.

43

major juris auctoritas haberetur, constituit, ut ex auctoritate ejus responderent: & ex illo tempore peti hoc pro beneficio coepit. Quod tamen postea ab Hadriano remissum est, cum ab eo viri Prætorii peterent, ut sibi liceret respondere; rescripsit eis, hoc non peti, sed præstari solere: & ideo delectari se, si qui fiduciam sui haberet, populo ad respondendum se præpararet, eodem Pomponio auctore. Renovatum deinde morem ab Augusto institutum, videtur innuere Justinianus in *Instit. tit. de Jure natur. gent. in §. Responsa*: additque, post id tempus sententias & opiniones eorum, qui hoc beneficium obtinuissent, tantum ponderis ac momenti habuisse, ut ab his recedere judici non liceret. quod quidem Tribonianus, ut Theophilum taceam, de suo adjecit: non enim credibile est rem tam notam & cognitione dignissimam, si fuisset, Pomponium hominem peritissimum Romanæ vetustatis, atque hic ex professo illam indagantem, reticere voluisse: aut certè, tantæ antiquitatis effigiem quibusdam aliorum monumentis expressam haberemus. Quin imò quamplurimum sententias Jurisconsultorum ab ipsis Imperatoribus & judicibus sequutas non fuisse constat: ut Pauli ab Antonino in lege *Æmilius Larianus D. de minor. 25. ann.* & à Præторе fideicommissario, in *l. quesitum. §. penult. D. de legat. 3.* in qua mulieri tamquam

advc-

44 DE JURISPERITIS.

advocatus aderat. Adesse enim consueverant Jurisconsulti aliquando ut advocati, vel ut advocatis rationes juris suggererent *l. moris. D. de pæn.* nisi malimus dicere id, quod Tribonianus asserit, sub novissimis Imperatoribus constitutum: atque ita Pomponii ætate non factum. Hoc tamen non silendum puto, cum quis offerebat preces Imperatori, eum apponere solitum sententias Jurisconsultorum, qui pro eo sentiebant. Hoc colligitur ex *l. 14. C. de præd. & aliis reb. min.* ubi Impp. Diocletianus & Maximianus rescribunt Phrominio. *Utere viri prudentissimi Papiniani responso, cæterorumque quorum precibus fecisti mentionem, sententiis.* & ex *l. 12. C. de legat.* Imperatores etiam rescripta sua Jurisconsultorum sententiis fulciebant: sic Alexander in *l. 4. C. de contrah. & commit. stipul.* rescribit Sabinæ: *Secundum responsum Domitii Ulpiani Præfecti annonæ, Jurisconsulti, amici mei, ea quæ stipulata est cum moreretur, &c.* & frequentissimè qui Jurisconsultos consulebant, principum rescripta in libello eis oblato apponebant, ut in *l. 87. D. de legat. 2.* is qui Paulum consuluit, Alexandri rescriptum ad Julianum in libello posuit. Cæterum Massurius Sabinus secundum Augusti institutum, Tiberii auctoritate, populo respondit: & in juris disciplina Capitonis sectam sequutus est; cujus erat summa, non recedere ab his quæ tra-

LIBER PRIMUS.

45

tradita erant: cum Labeo plurima innovaret. Ejus scripta apud posteros maximæ auctoritatis fuere. In indice Justiniano recensentur tantum

JURIS CIVILIS LIBRI TRES.

Sic & in indice Græco, βιβλία τρία. Sparsa autem quædam in his libris fuisse de Operis libertorum, videri potest his verbis, ex *Satyra 5. Persii* depromptis.

*Vindicta postquam meus à Prætorē recessi,
Cur mihi non liceat, jussit quodcumq; voluntas,
Excepto si quid Masuri rubrica vetavit.*

Gellius verò *lib. 2. Juris Civilis*, quod jumentorum causa apparatus esset, quibus dominus uteretur, penori attribuisse Massurium Sabinum scribit *lib. 4. cap. 1.* Ex *3. lib.* idem Gellius hæc verba transposuit *lib. 5. cap. 13.* In officiis apud majores ita observatum est: primum tutelæ, deinde hospiti, deinde clienti, tum cognato, postea affini; de qua causa fœminæ viris potiores sunt habitæ, pupillarique tutelæ muliebris prælata; etiam adversus quem affuissent, ejus filii tutores relictī in eadem causa pupillo aderant. Omnes officiorum gradus his verbis exposuit, cum Cicero *lib. 1. de Offic.* Deorum tantum, patriæ, parentumque expressisset: reliquos verò his verbis, *deinceps gradatim reliqua reliquis debeantur*, comprehendisset. Ad eos libros pertinere arbitror, quod Plinius scribit

46 DE JURISPERITIS.

bit *lib. 7. cap. 5.* *Massurius*, inquit, auctor est, *Lucium Papirium Prætorem*, secundo herede lege agente, bonorum possessionem contra eum dedisse, cum mater partum se XIII. mensibus diceret tulisse, quoniam nullum certum tempus pariendi statutum videretur. Scio Cujacium in Nov. Justiniani 39. decem mensibus legere. sed de ea re quid sentiendum sit, non est præsentis disquisitionis. Illa etiam quæ ascripsit idem Gellius *lib. 11. cap. 18.* sunt ex Massurio. *Manifestum*, inquit, furtum, ut ait Massurius, quod apprehenditur, dum fit; faciendi finis est, cum perlatum est, quò ferri cœperat.

Scripsit præter hos libros indicis Justiniani

DE INDIGENIS COMMENTARIOS
qui citantur à Gellio *lib. 3. cap. 9.*

LIBROS FASTORUM
auctore Raphaële Volaterrano *lib. 9. Anthro-*
pologiæ.

LIBROS MEMORABILIIUM
quorum meminit Paulus *Jurisc. in l. Massurius*
D. de verb. signif. Gellius *librum primum Memorab.* citat *lib. 5. cap. 6.* & Nonius Marcellus in verbo *Strigosus Massurii lib. 8.* quem puto Memorabilium; tot enim libros, nisi Memorabilium, edidisse non legi. Quædam refert ex Massurio Macrobius *lib. 1. cap. 10. Saturnal.* de Angerrona, & Plinius *lib. 16. cap. 18.* auctorem profert Massurium, fecisse pastores, qui rapue-

LIBER PRIMUS.

47

rapuerunt Sabinas, de spina fasces nuptiales.
Composuit etiam librum

DE TRIUMPHIS ROMANORUM
ex Plinii *lib. 15. cap. 29.* ex quo verba desumpta certissimum est, quæ de Massurio ab eo traduntur *cap. 30.*

LIBROS AD EDICTUM PRÆTORIS URBANI,
quorum quintus citatur à Paulo in *l. suo victu D. de oper. libert.* Et

LIB. ADSESSORIORUM
cujus meminit *l. 5. §. hac lege D. de injur.*

LIBRUM DE FURTIS,
unde multa sumpsisse Gellium & Macrobius
notavit Bernardinus Rutilius.

PROCULUS.

Licinius Proculus vir pravus & callidus,
Urbanæ militiæ impiger, auctore Tacito,
præfectus prætorio fuit sub Othone, in eo bello
quod ab Othone contra Vitellium gestum:
Honor quidem nomenque penes Titianum
fuit fratrem Othonis; jus verò ac potestas penes
Proculum præfectum, qui tamen nec auctori-
tate nec imperio prospere, vel prudenter usus
est. Othonianum enim exercitum amisit cum
pugnare contra Vitellium infeliciter eum coe-
gisset, abnuentibus Celso & Paulino, qui mili-
tem itinere fessum, sarcinis gravem subicere
hosti

48 DE JURISPERITIS.

hosti imprudentiæ esse censebant ; Titianus tamen & Proculus ubi consiliis vincebantur , ad jus imperii transibant : profligato tandem superatoque exercitu, Vitellii victoris potestati se submitit , quem tamen tristi mora squalidum tenuit Vitellius , donec auditus , necessariis magis defensionibus , quàm honestis uteretur , teste eodem Tacito *lib. 18. Annal.* Quædam tamen pro Othone in Republica non inutiliter gessit , post seditionem illam quàm prope urbi excidio fuisse scribit idem Tacitus *lib. 15.* cum milites quibusdam Tribunis & severissimis Centurionum obtruncatis palatium petiissent , ubi Otho splendidum & magnificum convivium primoribus foeminis virisque celebrabat , milites una Proculus cum Plotio Firmo alloquutus manipulatim est , ex suo quisque ingenio mitius , aut horridius : finis autem sermonis in eo , quinque millia nummum singulis militibus numerarentur. Nepos autem Proculus Sempronii cujusdam fuit , ut ipse testatur in *l. 47. D. de legat. 2. Sempronius* , inquit , *Procule nepoti suo salutem* , quem consuluit , utrum Titius centum & quinquaginta , an centum dumtaxat habiturus sit , cum binæ tabulæ testamenti eodem tempore exemplarii causa scriptæ , ut vulgo fit , ejusdem patrisfamilias proferruntur , & in alteris centum , in alteris quinquaginta aurei Titio legati sunt. Eum etiam consuluit

LIBER PRIMUS.

49

uit Licinius Lucusta per epistolam, quæ extat
b. 8. Epist. ut apparet ex *l. 48. D. eod.* Hiberi
tiam cujusdam familiaris fuit, ut apparet ex
13. D. de Servit. Urban. præd. Cæterum Ner-
æ Jurisconsulto Proculum successisse, atque
uctoritate antecessisse C. Cassium Longinum
omponius refert. Plurimum enim ipse potuit
in jure tractando: unde non tenuis jurisconsultus
opellatur à Divis fratribus in *l. Divi D. de*
jure patron. tenuit enim certam quandam pro-
riamque viam, in multis articulis tractandi
que explicandi Juris Civilis. Atque ejus tem-
pore jurisprudentiæ scientia, in duas divisa est
familias. qui enim institutionem ejus sequuti
sunt, Proculeiani vocati, ad differentiam
eorum qui Cassii sectatores erant, qui Cassiano-
um nomen obtinuerunt; dissimilis enim diver-
que doctrina eorum fuit: unde Proculeianos
versæ scholæ auctores appellat Justinianus
tit. de empt. & vendit. §. diversæ scholæ, & tit.
de mandato §. is qui exequitur in Institut. Loci
quidam eorum controversiæ leguntur in *l. si*
dem. §. fin. D. de Jurisd. omn. jud. Proculus
in communi actione plurium personarum sin-
gulas partes spectandas esse dicebat circa jus
dicentis jurisdictionem; Cassius totam rem.
einde in *tit. 11. fragmentorum Ulpiani* cum
Proculeiani dicebant esse puberem, qui 14. an-
os implevisset; Cassiani verò eum, qui habitu

D

cor-

corporis pubes appareret, i. qui generare posset. Justinianus in maribus Proculeianorum sententiam probavit in §. 1. *quib. mod. tut. finitur in Instit.* Sic in l. 79. *D. de petit. hered.* Si post litem contestatam mancipia aut jumenta aut pecora deperierint, damnari debere in specialibus petitionibus Proculo placet; Cassius contra sentit; Paulus tamen in prædonis persona Proculi sententiam laudat: in bonæ fidei possessoribus Cassii. Habemus etiam in l. 7. §. 7. *cum quis D. de acquir. rerum domin.* Proculi & Cassii controversiam; cum quis ex aliena materia speciem aliquam suo nomine fecerit: Proculus enim Nervam sequutus, putat hunc dominum esse qui fecerit; Cassius vero & Sabinus qui materiæ dominus fuerit. sed Cajus, si species ad materiam reverti possit, Cassii sententiam sequitur: si non possit reverti Nervæ & Proculi. Nota est item celebris illa dissensio inter Proculeianos, & Sabinianos sive Cassianos, cujus fit mentio in l. *possideri. D. de acquir. vel amitt. possess.* an duo unius rei possessores in solidum esse possint, Sabino existimante posse; Proculo verò non consentiente, qui à Trebatio & Labeone coeptam controversiam auxere. sed Proculi sententia posteriori ætate recepta est, ut ex d. l. *possideri* constat. Sabini autem & Trebatii probatam sententiam Ciceronis temporibus apparet ex Oratione ejus pro Quintio:

Pro-

LIBER PRIMUS.

51

Proficiscenti, inquit, *tibi in possessionem Prætor*
se, Sex Nævi, palam dicit, ita possideto, ut
ecum simul possideat Quintius. Denique non
mittemus disceptationem illam, quæ ample
describitur à Paulo in *l. 1. D. de contrah. empt.*
trum sine nummis venditio esse possit, veluti si
go togam dedi, ut tunicam acciperem, Cassio &
Sabino emptionem & venditionem esse existi-
mantibus; Nerva vero & Proculo permutatio-
nem, non emptionem: Cassius & Sabinus
auctoritate Homeri utebantur ex *Iliad. 3 & 4*
resumpta; Proculus item & Nerva eodem au-
ctore utuntur, licet hoc à Paulo traditum non
sit in *d. l. 1.* sed Tribonianus id testatur apud
Iustinianum. *tit. de empt. & vendit. §. sed Pro-*
culi: ubi tamen notandum, verba Servii Vir-
gilius interpretis in 3. *Georg. Apud majores omne*
mercimonium in permutatione constabat, quod
Cajus Homericus confirmat exemplo, non de
Cajo Jurisc. qui Hadriani temporibus vixit in-
telligenda, ut quidam magni nominis vir arbi-
tratur, eò fortasse deceptus, quod Servius ali-
quando illius auctoritate utatur: sed de Cajo
Cassio, Cassianæ & Sabinianæ sectæ parente,
ex superioribus verbis Triboniani apud Ju-
stinianum *d. tit. de empt. & vend.* constat: qui
Cassium hujus sententiæ auctorem profert.
æpissime enim & ab ipsis Juris auctoribus
Cassius sub nomine Caji solo citatur, ut à Javo-

D 2

leno

leno in *l. si quis. D. de condit. & demonstrat.*
& in l. si alieni. D. de solut. quod earum legum
 inscriptiones satis docent. Veruntamen explo-
 ra à Paulo Cassianorum sententia, Proculi præ-
 valuit; & meritò, inquit Justinanus *d. tit.* quod
 & ipse aliis Homericis versibus adjuvaretur, &
 validioribus rationibus argumentaretur. Ex
 quibus obiter animadvertendum puto, quanto
 in precio Homeri opera à Proculo, & aliis Ju-
 ris auctoribus habita fuerint, cum quæstionem
 juris difficillimam Homericorum versuum au-
 ctoritate decidendam putarint: sic Martianus,
 sive potius Cassius (verba enim Cassii ea esse
 existimo) ex Homeri Odysseæ loco sues gre-
 gatim pasci, & ideo pecorum appellatione con-
 tineri probat in *l. legatis. §. pecoribus. D. de*
legat. 3. & olim Athenienses de Salamina con-
 tendentes testem Homeri locum adduxerunt
 auctore Aristotele *lib. 1. Rhetor. cap. 95.* Dio-
 dorus etiam scribit *lib. 6.* Phocenses à Philomelo
 Homeri versuum auctoritate adductos, ne Am-
 phictionum publici Græciæ Concilii sententiæ
 starent. Sed ut ad Proculum nostrum reverta-
 mur, in *l. 14. D. de jure Codicil.* refertur hæc
 quæstio: *an legata, quæ postea quam instituti*
mortem obierint, codicillis adscripta vel adempta
sint, à substitutis debeantur. & in quæstione
 hujusmodi, controversia Cassii & Proculi:
 Cassio respondente deberi; Proculo dissentien-

te:

LIBER PRIMUS.

53

e; cujus opinio à Scævola confirmatur. Proculi enim major auctoritas, quàm Cassii & Sabinii in jure interpretando fuit, & sic verba Pomponii in *d. l. 2. de Orig. jur.* explicanda sunt. Ideoque in omnibus controversiis sententia Proculi prævaluit, præterquam in quibusdam, quæ recensentur à Justiniano in *l. quod tertatum C. de post. hered. instit. in l. fin. C. de usufr. usuve & habit. in l. fin. de servit. & aqua. in l. cum quidam C. de impub. & aliis substit. in quibus Imperator explosa Proculi sententia Sabinianorum probat. Atque ita diu in diversas scissa sectas juris scientia remansit. Posteriores tamen Jurisconsulti nullo sectarum studio tenebantur; aliquando enim Proculum sequebantur: aliquando Cassium & Sabinum: aliquando vero mediam viam tenentes, utriusque scholæ dogmata moderatione quadam temperabant. Cæterum ex hoc nostro Proculo originem sumpsisse Claudium Proculum nepotem auguror, qui sub D. Hadriano Prætor fuit, & ad quem Hadriani rescriptum extat in *l. 1. §. 14. D. de ventre in possess. mitt.* qui pater fuit Cornelii Proculi, cujus meminit Paulus in *l. 24. D. de tut. & curat. dat.* cui D. Marcus & Verus rescripsere, qui Consul fuit cum Munatio, ut colligitur ex *l. 27. D. de liber. causa*, & Proconsul Aphricæ sub D. Pio *l. 1. D. de jure immu.* & ad id tempus referendum est D. Pii rescriptum,*

D 3

quod

quod ab Ulpiano traditur in *l. 7. D. qui satisfd. cog.* qui etiam malè Cæcilius pro Æmilius dicitur in *l. 1. D. de opt. legata.* Æmilii siquidem nomen Corneliorum gentis fuit. Habuit filiam Proculam quæ sub Commodò vixit, cujus quæstio de fideicommissò adversus fratris sui heredes extat apud Papinianum in *l. 26. D. de probat.* ad quam D. Marcus & Verus rescripsere in *l. 11. §. si in opere D. de legat. 3.* Ulpii etiam Proculi mentio fit ab Ulpiano in *l. 1. §. usque adeo D. de tut. & rat. distrab.* nisi malimus reponere Ulpium Marcellum: quod fortasse non inconcinnum. Scriptorum autem quæ Proculus noster edidit in indice Justiniano recensentur tantum

EPISTOLATUM LIB. OCTO.

Scriptisse etiam notas in quosdam Labeonis libros indicat *l. sed an ultro §. sed ut Celsus D. de negot. gest. & lex si ita expressum D. de condit. & demonst.* Ad eum Ferox scripsit, ut notatur ex *l. 11. D. de aqua & aquæ plu. arc.*

ALPHENUS VARUS.

P. Alphenus Varus patria Cremonensis Acrone auctore antiquo Horatii interprete, inter decem Servii discipulos numeratur à Pomponio in *l. 2. D. de Orig. jur.* quem plurimum auctoritatis habuisse, Consulemque fuisse

se scribit. Cassiodorus quidem in Chronicis
 Consulem eum cum C. Vinitio adjicit sub an-
 num ab urbe condita 754. Onuphrius vero sub
 annum 755. male enim apud Dionem legitur P.
 Alphinius. His Consulibus Vellejus Paterculus
 scribit Tiberium Neronem Rhodo Romam
 magna omnium ordinum lætitia reversum esse.
 Alius est is ab eo Alphenio Varo, cujus mentio fit
 apud Tacitum *lib. 18.* qui temporibus Othonis
 Imperatoris præfectus Prætorio suffectus fuit
 in locum Sabini, & præfectus Castrorum creatus
 seditionem contra Valentem ortam compes-
 cuit: sed facile crederem ejus filium fuisse. No-
 ster autem Jurisc. P. Alphenum Varum patrem
 habuit, ut ex Dione colligere licet. Cremonæ
 Sutrinam primum exercuit, si Acroni credimus,
 qui de eo putat intellexisse Horatium *lib. 1. Ser-
 monum Sat. 3.*

Alphenus vafer omni

Abjecto instrumento artis clausaque taberna,

Sutor erat; sapiens operis sic optimus omnis

Est opifex, sic rex solus.

Sutrinam enim ingenui homines Romæ olim
 discebant, ut notari potest ex *l. 5. §. proponitur.*

D. ad leg. Aquil. Atque ita Alphenus ex futore
 Jurisconsultus celeberrimus factus est, ob vafri-
 tiem illam i. subtilitatem ad jus interpretandum
 aptam; unde vafer ab Horatio superioribus ver-
 sibus appellatur: non ut quidam putavere pro

D 4

Varo,

56 DE JURISPERITIS.

Varo, gentili nomine. Nam & alibi *lib. 2. Sermonum Sat. 2.* illud nomen vafri quasi epitheton, juri apposuit Horatius,

Nos expulit ille,

Illum aut nequities, aut vafri inscitia Juris.

Ex sutore autem Jurisconsultus evasit Alphenus, sicut Nicodorus apud Ælium *lib. 2.* qui cum pugil in juventute tantum esset, legislator in senectute Mantinensium præstantissimus fuit, & memoria patrum nostrorum Bernardus Malcius, qui cum coriariam exercuisset ad legum scientiam accessit, auctore Paulo Jovio. Jurisprudentiæ autem studia in Alphenorum familia ab hoc introducta per multos annos viguere. Fuit enim Alphenus Jurisconsultus sub Alexandro Imperatore, quem Papiniani discipulum Lampridius in Alexandro tradit. Noster autem Alphenus non solum juris cognitionem adeptus est, sed Philosophiæ studiis summè eruditus fertur, cujus scientiæ floribus aspergere opera sua non dubitavit, ut apparet ex *l. 76. D. de judic.* Gelliusque scribit *lib. 6. cap. 5.* eum rerum antiquarum non incuriosum fuisse. reprehenditur tamen ab eodem Gellio, ut errans in veteribus verbis interpretandis, quod eadem affinitas illi visa est horum verborum puri, & puti, quæ sit novi, & novitii, quodque putum longa prima syllaba pronuntiandum esse existimasse visus est, quasi à puro ductum inclinatumque, non à pu-

LIBER PRIMUS.

57

putando. Verùm hæc non faciunt, quin à Mar-
cello in *l. ut Alphenus. D. de verb. signific. &*
n l. qui concubinam. S. cum ita D. de leg. 3.
nominetur tanquam auctor locuples propieta-
is verborum, & à Paulo Vari tantum nomine
pposito in *l. summa. S. item Varus D. de aqua*
& aquæ pluvie arc. Hunc intelligit Varum
Ilpianus in *l. Idem Pomponius. S. de arbore. D.*
le rei vindic. & Javolenus in l. si quis D. qui
estam. fac. possunt. Ceterùm fuit sæpè consul-
us Alphenus de legibus, quas censores dicunt
n locandis vectigalibus, ut *l. in lege locati l. Cæ-*
ar vel censor de publican. & hæ sunt quas Cen-
orias appellat ipse in l. 203. D. de verb. signif.
Reliquit autem

DIGESTORUM LIB. QUADRAGINTA,
qui in indice Justiniano recensentur. Libri
trigesimi meminit Gellius loco supra citato.
Hos libros Paulus Jurisc. in Epitomen redegisse
videtur, ex inscriptione legis *qui insulam. &*
l. in nave Sauphelli. D. locat. l. duo D. de præ-
script. verb. l. cum multi D. si pars hered. pet. l.
qui scapham l. qui fundam D. de evict. aliisque
nonnullis inscriptionibus. Præterea idem Gel-
lius scribit eum composuisse

COLLECTANEORUM LIB. QUATUOR
Intelligi etiam potest ex *l. actione S. ita scriptum*
D. pro soc. collegisse quædam è Servii scriptis,
è cujus schola ipse emanaverat, & ex l. 77. D. de
verb. signific.

AN-

ANTISTIUS LABEO.

Antistius Labeo veterum Jurisconsultorum princeps, ut apparet cum ex Pomponio in *l. 2. D. de orig. jur.* tum ex Papiniano *lib. 5. quæst. in l. 39. D. de pact.* qui cum aliquid Labeoni placuisse vult demonstrare, *veteribus* placuisse dicit, tanquam si tota Jurisconsultorum antiquitas in ejus verba juraret solum. Huc pertinet Petronii Arbitri versus:

Atque esto quicquid Servius & Labeo.

Neratiam uxorem habuit, cui testamento nominatim legavit vestem, mundum muliebrem omnem, ornamentaque muliebria omnia, ut est apud Paulum in *l. pediculis l. 6. D. de auro argento mundo.* filius autem Labeonis Antistii fuit Sulpitii auditoris, qui bello Philippensi pro libertate fortiter occubuit. Appianus *lib. 4.*

Λαβεῶν δ' ἐπὶ σοφίᾳ γνῶριμος, ὁ πατὴρ Λαβεῶντος ἔχει
ἐμπειρίαν νόμων ἐν νῦν περιωνύμῃς ἔπιστάτης τῶν οἰκεῶν
τῶν δεξιᾶς λαβόντων, καὶ περιτρέφας αὐτὸν, ὡς ἐθὺς ἐστὶ
Ρωμαῖον ἐλευθερὸν ἐπιστρέφοντάς ξίφος ἔδοκε, καὶ τὴν σφαγὴν
ὑπέσχε. Et qui conjurationis in Cæsarem factæ
particeps fuit, auctore Plutarcho in Bruto; nec
est quod dubitet Bernardinus Rutilius, an is sit
Labeo pater, qui Servii auditor dicitur à Pomponio, cum eum patrem nostri Labeonis ex
ipsius Pomponii verbis liquido constet. Antistius itaque filius paterna in republica vestigia
se-

LIBER PRIMUS.

59

sequutus, jus civile tractandum suscepit, & antiquæ libertatis amator fuit. *Agitabat*, inquit Atteius Capito in epistola quadam quæ extat apud Gellium *lib. 13. cap. 12. hominem libertas quædam nimia & vecors, usque eò, ut Divo Augusto jam principe & rempublicam obtinente ratum tamen pensumque nihil haberet, nisi quod justum sanctumque esse in Romanis antiquitatibus legisset.* Hujus libertatis exemplum dat Gellius. Ac deinde, inquit, narrat quid idem Labeo per Viatorem à Tribunis plebis vocatus responderit. *Cum à muliere, inquit, quadam Tribuni plebis adversum eum aditi, Gellianum ad eum misissent, ut veniret & mulieri responderet, jussit eum qui missus erat redire, & Tribunis dicere, jus eos non habere neque se, neque alium quenquam vocandi, quoniam moribus majorum Tribuni plebis prensionem haberent, vocationem non haberent.* Alia ejus libertatis apparent vestigia apud Suetonium in *Augusto cap. 54. Antistius Labeo, inquit, Senatus lectione cum Triumviratum legeret, sive ut quidam legunt, vir virum legeret M. Lepidum hostem olim ejus, de Octavio loquitur, & tunc exulantem legit, interrogatusque ab eo, annon essent alii digniores, suum quemque judicium habere respondit. cumque ob hanc rem infensum Octavii sibi animum reddidisset, liberè dixit: nihil se commisisse, si hominem quem Octavius*
Pon-

Pontificem esse pateretur, in Senatum ipse ascivisset. Libertatem tamen illam detrimentum numquam Labeoni attulisse idem Suetonius testatur, quod quidem (si conjectura affirmare aliquid licet) verum non puto. ei enim consulatum abstulit, quod ex Cornelio Tacito *lib. 3. Annalium* sic scribente constat: *Et Capito Atteius, de quo memoravi, principem in civitate locum studiis adsequutus civilibus, sed avo Centurione Syllano, patre Prætorio. Consulatum ei acceleraverat Augustus, ut Labeonem Antistium iisdem artibus præcellentem dignatione ejus magistratus anteiret.* Hanc tamen libertatem incorruptam, ut vocat idem Tacitus, quæ pro dignitate laudari debuerat, (si aliquid puri incorruptique adulatio innata, corruptique temporum mores in animo reliquissent) à principum assentatoribus damnatam legimus. eam enim Attejus Capito, qui hac re juris divini & humani scientiam bonasque domi artes, quibus excellebat, dehonestavit, auctore eodem Tacito, vecordiam appellat *lib. 13. citato Gellii: & Suetonius eum sequutus dicto cap. 54. contumaciam: Horatius vero lib. 1. Sermonum Satyra 3. Satyrica procacitate, insaniam nominat.* Constare igitur debet, Consulatus honorem non adeptum Labeonem, ob incorruptam libertatem, quæ in ejus animo vigeat. Quamvis Pomponius in *l. 2. de Orig. jur.* oblatum esse ab

Au.

LIBER PRIMUS. 61

Augusto ei Consulatum, quo suffectus fieret, scripserit, quod tamen ab aliis auctoribus relatum non est. Sed hoc sententiam nostram non destruit, ominosum quippe fuit in locum mori vocari: & in Censura eam rem religioni misse tradit Livius *lib. 5.* Pomponius etiam testatur Labeonem hunc Consulatum recusasse. Prætor itaque, Labeo noster tantum fuit. Unde apud Plinium *lib. 35. Natur. hist. cap. 4.* legendum puto, *Parvis gloriabatur tabellis extinctus nuper in longa senectute Antistius Labeo Prætorius*, non ut in vulgaribus Codicibus *Antistius Labeo*. Ei tamen quod præturam intra tetit, commendatio ex injuria oriebatur, & ut Gregorius Nazianzenus de Cæsario à Juliano injuriosè tractato scribit, magis ignominiam quam splendore clarior fuit. Capitoni vero quod Consulatum adeptus est, odium ex invidia ductore Tacito. Cæterum quamvis intra præturam steterit, Præconsulatu tamen provinciæ Narbonensis functus est, ut est apud Plinium dicto loco. Itaque ætas hæc duo pacis decoravit simul; sed Capitonis obsequium dominantibus magis probatum, Tacito teste ad summa dignitatum fastigia eum evexit: Labeo libertatis illius incorruptæ amator, studiorum otius, quam honorum ambiendorum cura tenebatur, totum enim ita diviserat annum, ut Romæ sex menses cum studiosis esset, & sex men-

mensibus fecederet, conscribendisque libris operam daret, ut relatum est apud Pomponium dicta l. 2. Romæ enim viri tantum magnæ auctoritatis secessibus utebantur, quamobrem rectè aqud Ulpianum legitur in l. 21. §. si arbiter D. de recept. arb. *Arbitri qui in eo loco qui sit circa urbem, adesse litigatores jusserit, valere jussum: si ejus auctoritatis sit arbiter, ut in secessibus soleat agere.* Et cum Capito in veteribus juris præceptis constans remaneret; La-beo, ut inquit idem Pomponius, ingenii qualitate & fiducia doctrinæ fretus, *ut qui & præ cæteris operis, sapientiæ operam dederat*, plurima innovare instituit: sic enim apud Pomponium legere magis æquum puto, quam quorundam lectionem sequi, qui sic scribunt: *qui & cæteris operis sapientiæ operam dederat*: illam autem penitus rejicio, quæ ab aliis traditur, *qui & præ cæteris sapientiæ operam dederat*. Non enim dictio *Operis* delenda, qua Pomponius utitur ad demonstrandum universum corpus juris sive Civilis, sive Pontificii, sive publici, sive privati, ut superioribus verbis dictæ legis de L. Ælio Tuberone Pomponius expressit, qui complures ab eo traditur utriusque operis libros reliquisse i. publici, & privati juris, & Offilius, qui omnem partem operis fundarent, i. corporis Juris Civilis, ut nunc vocamus, distinguimus enim vulgo universum jus in Corpus

LIBER PRIMUS.

63

Corpus Civile, & Corpus Canonicum, five Pon-
tificium, loquendi genere non omnino barba-
ro; sic $\zeta\omega\mu\alpha\lambda\omicron\pi\omicron\iota\alpha$ legum dicitur Novel. Leonis
prima. Corpus enim sumitur pro opere scripto,
apud Ciceronem *Epist. 2. ad Q. Fratrem*, &
 $\zeta\omega\mu\alpha$ dicta Novella, & hoc modo Corpus Ho-
neri scribitur ab Ulpiano in *l. 52. §. 2. D. de le-
gat. 3.* Eadem ratione Cicero *epist. lib. 2. ad
Attic.* dixit, *Hoc totum corpus curabo ut ha-
beas.* Significat itaque Pomponius præ cæteris
operis partibus Labeonem sapientiæ operam
dedit. i. Juri Civili. Quod hoc in loco sapien-
tiæ nomen propriè designat, sicut & apud ve-
teres Romanos; sic Atilium appellatum sapien-
tem testatur Tullius in Dialogo de Amicitia,
quod prudens in Jure Civili; & Sempronium
vocatam $\sigma\omicron\phi\omicron\nu$ scribit idem Pomponius, quod
maximæ in Jure Civili scientiæ fuerit, & Justi-
nianus *tit. de Codic. in Instit.* Jurisperitos sapien-
tes appellat. Quamvis hoc nomen quibusdam
nimis arrogans visum sit, qui eos juris studiosos
modestiori denominatione vocarunt. Sueto-
nius in *Nerone cap. 32.* *Deinde, inquit, ut in-
gratorum in principem testamenta ad fiscum per-
tinerent, ac ne impune esset studiosis juris, qui
scripsissent vel dictassent, &c.* Et Paulus in *l. 1.
D. de offic. adfess. & in l. Divus. D. de extraord.
cognit.* Pythagoram imitati qui superbum no-
men $\sigma\omicron\phi\omicron$, & sapientis rejiciens, $\phi\iota\lambda\omicron\sigma\omicron\phi$ & stu-
dio-

diosus sapientiæ nominari tantum voluit: omnibus deinceps sapientiæ professoribus nomen id sibi vindicantibus. Labeonem autem ex disciplinis, Juris Civilis scientiam principali studio exercuisse nos docet Gellius *lib. 13. cap. 10.* Cæterarum verò artium expers non fuit; in Grammaticam enim sese atque Dialecticam literasque antiquiores & altiores penetravit: Latinarum vocum origines rationesque percalens, qua præcipuè scientia ad enodandos juris laqueos utebatur. Grammaticæ quidem præcepta normasque eum tenuisse satis apertè demonstrant, quæ apud auctores de eo leguntur, & præcipuè apud Festum, qui Antistii Labeonis auctoritatem affert, ut probet, *penatis*, posse dici singulariter. A Proculo tamen Jurisc. notatus est, quod dixisset usufructuarii ædium eas habitantem posse inquilinum quoque recipere, quod non belle inquilinus dicatur, qui cum eo habitat, sed qui solus in ædibus conductitiis, apud Ulpianum *l. 2. & 4. D. de usu & habitat.* Cognitionem etiam juris augurii eum consequutum fuisse testatur D. Augustinus *lib. 4. de Civit. Dei.* Cum præsertim Labeo, inquit de victimis Deorum loquens, *quem hujusmodi rerum peritissimum prædicant; numina bona à numinibus malis, ista etiam cursus diversitate distinguat, ut malos Deos propitiari cædibus, & tristibus supplicationibus asserat: bonos autem obse-*

LIBER PRIMUS.

65

sequeis letis atque jucundis, qualia sunt, ut
 se ait, ludi, convivium, lectisternia. qui locus
 scientiam eximiam juris auguralis, quæ in
 Labeone residebat, ostendendam locupletissi-
 mus est. Cæterum legitur Q. Labeo de 12. tab.
 quædam edidisse, apud Gellium *lib. 7. cap. 15.*
& lib. 20. cap. 1. Noct. Attic. Meminit & Per-
 sus *Satyra 1.* Labeonis cujusdam poetæ. De
 Cornelio Labeone locus apud Macrobius.
 Hostes verò Antistius quadraginta volumina
 reliquit, ex quibus plurima inter manus versa-
 bantur temporibus Pomponii, ut ipse testatur
de leg. 2. quæ omnia maximè à Trebatio
 Iurisc. hausit; ab eo enim institutum esse, licet
 filium & Tuberonem etiam audierit, scribit
 Pomponius. Cujus Trebatii in Jure Civili
 singularis memoria, & summa scientia laudatur
 à Cicerone *lib. 7. epist. ad Familiares.* In indice
 Justiniano librorum Labeonis hi recen-
 sentur.

ΠΕΙΘΑΝΩΝ LIB. VIII.

improbabilium, sive ut Politianus, vertit, verifi-
 cillum. Hos libros fuisse in Epitomen redactos
 à Paulo, constat ex inscriptionibus *l. fin. D. si
 eruit. vind. l. si vehenda. D. ad leg. Rhod. de
 actu. l. fin. de pignor.* aliarumque, quas hic
 annotare non libet. Traduntur etiam Labeonis

POSTERIORUM LIB. X.

in indice Græco βιβλία δευτέρα, de quibus Gellius
 E *lib.*

lib. 13. cap. 10. scribit eos post mortem Labeonis editos fuisse, ideòque *posteriores* inscribi. Sed licet libri tantum decem in indice recensentur, plures tamen scripsisse constat. eorum enim librorum tres continuos, 38. videlicet, 39. & 40. plenos esse id genus rerum ad enarrandam, & illustrandam linguam conducentium Gellius tradit. Ex 37. citat locum quendam Ulpianus in *l. si quis §. Labeo D. de Dolo*: Alium ex 38. Paulus in *l. sacrilegii ad leg. Iul. pecul.* in quo Labeo *peculatus* definitionem dat. Hos vero Labeonis libros fuisse in Epitomen constriktos à Javoleno, apparet ex inscriptione *legis cum colono D. quib. mod pig. vel hypoth. solv. l. si pater de vulgari l. qui concubinam l. qui quatuor D. de legat. 3. & in l. 60. D. de acquir. vel omitt. hered.* in qua sententiam Labeonis reprehendit: contrariæ enim scholæ erat.

Præter tamen hos libros indicis Justiniani meminit Gellius in dicto cap.

LIBRORUM AD EDICTUM

Labeonis, in quibus lepide & argute multa reperta inveniuntur, sicuti hoc est quod in 4. ad Edictum libro scriptum legimus: *Soror, inquit, appellata est quod quasi seorsum nascitur separaturque ab ea domo, in qua nata est, & in aliam familiam transgreditur.* Ex eisdem libris credo erant & illa, quæ idem Gellius *lib. 4. cap. 2.* ait, Labeonem sensisse, cum quæreretur, an is servus,

LIBER PRIMUS. 67

us, cui dens deesset, redhiberi posset: *Labeo*,
inquit, *in causa redhibendi esse negavit*, nam &
magna inquit pars dente aliquo carent, neque eo
magis plerique homines morbofi sunt, & absurdum
modum est dicere, non sanos nasci homines, quo-
nam cum infantibus non simul dentes gignantur.

Labeonis librum 1. citat Ulpianus in l. 1. D. de
igit. §. 5. ubi fugitivi appellatione ex fugitiva
ntum non contineri scribit, non enim, ut *Ac-*
cursius putat, hæc verba *Ulpiani, Labeo lib. 1.*
Edictum scribit, referenda sunt ad ea quæ
quuntur. Desumpta etiam ex libris ad *Edi-*
cum existimo ea quæ ex *Labeone Ulpianus af-*
ert in *l. 1. D. de Edil. Edicto. Labeonis*

LIBRORUM PRÆTORIS URBANI
nem *Ulpianus* mentionem facit in *l. Labeo. D.*
verb. signif. Eiusdem libri 31.

PRÆTORIS PEREGRINI.
l. si quis. §. hæc de dolo actio. D. de dolo:

LIBRORUM EPISTOLARUM.
eiusdem, *Pomponius in l. rerum mixtura §.*
Labeo D. de usucap. Extat etiam *Antistii La-*
beonis apud *Festum* de mortis causa stipulatio-
re locus non contemnendus. *Mortis causa*,
inquit, *stipulatio existimatur fieri*, ut ait *Anti-*
stius Labeo, quæ ita fit, ut morte promissoris con-
metur, aut, ut quidam dixerunt, *cujus stipu-*
lationis mors fuit causa. Memor est idem *Fe-*
stus commentariorum *Juris Pontificii Labeonis*

in dictione *sistere*, ubi xv. *librum* citat, & in dictione *spurcum*, ubi x. profert, ex quo illa esse arbitror, quæ de virgine capienda Gellius *lib. 1. cap. 12.* tradit Labeonem scripsisse. Jabolenus in *l. cum ex filio D. de vulgari.* scribit, avum quendam, qui ex filio duos nepotes habebat, alterum in potestate, alterum non, velletque utrique substituere, cum filio quem non habebat in potestate, non posset, testamentum ex consilio Labeonis, Offilii, Casselli, Trebatii fecisse. moris enim erat olim, quum quis conderet testamentum, Jurisperitos vocare: unde in *l. codicillis 89. §. Lucius Titius. D. de legat. 2.* sic scriptum est: *Lucius Titius hoc meum testamentum scripsi sine ullo Jurisperito.* Citatur etiam Labeo ab Ulpiano in *l. sed est quæsitum D. de liber. & post.* nihil enim immutandum censeo, contra viri doctissimi Jacobi Cujacii sententiam, qui pro *Labeo & Cassius* scribunt, legendum putat, *Javolenus & Cassius* scribunt. ratio enim illa, quam affert, quod Cassius & Javolenus supra citentur, ἀντιστρέφω oppugnatur, si enim nomen Javoleni supra positum esset, frustra repeteretur. Præterea Jurisconsulti solent, isque mos Ulpiano peculiarior, cum nomen alicujus auctoris repetunt, quem paulo ante nominavere, dictionem, *Idem*, semper adjicere, ut in *l. 10. D. de usu & habit. in l. 15. in l. ædiles. D. de Ædil. Edicto, in l. 9. D. pro socio. & in multis aliis,*
quas

eas recensere supervacaneum esset. nec lectio-
 nem vulgarem condemnat id, quod objici po-
 test: Labeonem scilicet & Cassium diversæ sectæ
 auctores esse, atque ita absurdum eadem sentire
 videri; Jurisconsultos enim Cassianos & Pro-
 culeianos, quamvis contrariæ scholæ, in qui-
 busdam convenire passim in Pandectis legimus.
 Sic Cassius, & Pegasus idem responderunt in
l. 12. D. de usufr. & quemad. quis ut. sic Celsus
 & Sabinus in *l. 19. D. si servit. vind.* sic iidem
 Labeo & Cassius in *l. 12. D. de usu & habit.*
 sicuti è contra quamvis ejusdem scholæ sint,
 tamen inter se semper non consentiunt: sic in
l. 10. D. de negot. gest. Proculus & Labeo di-
 versæ sententiæ sunt, & Celsus Labeonis sen-
 tentiam deridet. Cæterum his quæ ad libros
 Labeonis pertinebant expositis, prætereundum
 non reor locum illum singularem Justiniani *tit.*
de Codic. qui alibi nec in nostris, alienisve au-
 thoribus invenitur, de codicillorum origine &
 usu, qui à Labeone omnem auctoritatem de-
 mpsere: quamvis enim Lucio Lentulo mor-
 tuo, qui primus codicillos introduxit, quibus
 Augusto petiit per fideicommissum, ut face-
 ret aliquid; dicitur Augustus convocasse sapien-
 tes viros, interque eos Trebatium quoque,
 cujus tunc maxima auctoritas erat, & quæsisse
 non posset recipi, nec abscondens à juris ratione
 codicillorum usus esset: & Trebatium suasisse

Augusto, quod diceret utilissimum & necessarium hoc civibus esse propter magnas & longas peregrinationes, quæ apud veteres fuissent: ubi si quis testamentum facere non posset, tamen codicillos posset. nec Augusti tamen, nec Trebatii auctoritas tanti fuit apud Romanos, ut contra jus vetus morem introductum reciperent. Sed post hæc tempora cum Labeo noster, qui à Trebatio institutus fuit, codicillos fecisset, nemini jam dubium fuit, quin codicilli jure optimo admitterentur. Tantæ auctoritatis apud Romanos & ponderis Labeonis sapientia fuit.

NERATIUS PRISCUS.

Neratium Pegasi sectatorem fuisse scribit Pomponius in *fine l. 2. D. de Orig. jur.* & Trajanum Imperatorem hujus consilio usum Papinianus ait in ea facti specie, in qua pater qui filium coactus emancipaverat, eo mortuo bonorum possessionem petebat *l. fin. Si à parente quis fuer. manum.* quem ita charum acceptumque habuit, tantumque de summo ejus ingenio, & spe amplissimæ dignitatis judicavit, ut in successione Imperii Hadriano anteponere eum in animo habuisset, frequens fuerit opinio, auctore Spartiano in Hadriano; Prisco enim aliquando Trajanum dixisse

LIBER PRIMUS.

71

exisse testatur hæc verba: *Commendo tibi provincias, si quid fatale contigerit.* Verum post-
quam Hadrianus imperio potitus est, nullus
eum invidentiæ ventus sive potius malevolen-
tæ, qui Principum animos parum fortes con-
traffare plerumque solet, non dicam commo-
vit, sed ne quidem agitavit: tantum valet inge-
nitatis & candoris in animo altissime defixas
habere radices; Neratium enim Priscum in con-
silio, cum judicaret, semper habuit, auctore eo-
dem Spartiano: & sub Hadriano Consulem
fuisse factum, colligere possumus ex eo quod
collegam Annium Verum habuerit, sic enim cor-
rigenda sunt verba *leg. is qui servum D. ad leg.*
Uorn. de sicar. Quod Neratio Prisco & Annio
Veri Cosß. qui siquidem Neratius Verus, aut
Annius Priscus fuerint, non memini adhuc me
venisse: facileque fuit hunc errorem nominum
commutatione impingere. hæc autem ad ter-
tium Annii Veri Consulatum referri debent.
Nunc enim ter Consulem fuisse testatur Dion
Nicæus, cum primum Consulatum cum Sylvano
sub Vespasiano, & cum Augure sub Hadriano
secundum gessisse scribat Cassiodorus in Chro-
nicis. sed in quem annum suggeri debeat hujus
Consulatus, non facilis cognitionis; sub Hadria-
no tamen referri debere satis apparet. Fratrem
autem Neratium Marcellum habuit; cui de Ju-
re Civili consultus per Epistolam respondit, ut

E 4

est

est apud Ulpianum in *l. quæsitum §. deinde D. de fundo instr.* quemque clarissimum vocat Plinius *lib. 3. epist.* Eum Haloander Consulem cum Juventio Celso Consule *II.* imperante Hadriano comparat: Marcellum & Celsum habent Fasti Græci: Celsum vero & Marcellinum Cassiodori Chronicon. veruntamen Marcellum illum qui Consul profertur cum Juventio Celso *II.* fuisse unum ex suffectis eo anno Consulibus, probat vetus illa inscriptio quam prodidit Onuphrius *lib. 2. Fastorum*, de qua infra sumus dicturi. Ille fortasse est Marcellus, quem Hadrianus quamvis amicissimum, ut ait Spartianus, compulit ad mortem sibi consciscendam, & ad quem Hadrianum Imperatorem rescripsisse Ulpianus *lib. 21. ad Sabinum* scribit. Extat præclara ejus sententia in *l. 2. D. de jur. & facti ignor. Jus finitum & esse posse & debere.* quem imitatus Justinianus in Proœmio Digestorum scripsit hanc solam juris scientiam finitam esse. Scripsit autem Neratius Priscus quamplurima juris volumina, quorum hæc in indice Justiniano reperiuntur.

MEMBRANARUM LIB. VII.

i. e. Responsorum in membranis scriptorum. moris enim erat olim apud Jurisconsultos, ut chartis & membranis responsa sua componerent, sicut Principes constitutiones suas codicibus. Hoc autem puto observatum, quod Jurisperi-

LIBER PRIMUS.

73

peritis jam provecta ætate visus debilior esset.
 tradit siquidem Plinius *lib. 7. cap. 21.* quibus
 visus infirmior erat, membranarum usum fami-
 liarem fuisse: aliis vero ceræ. In *libro 2. & 3.*
 de Servitutibus tractavit, ut colligitur ex *l. item*
D. de servit. rust. præd.

RESPONSORUM LIB. III.

Citatur liber secundus ab Ulpiano in *l. Inde*
Neratius D. de usufr. accr. Ex his responsis
 num extare arbitror in *l. Neratius D. de regul.*
jur. Neratius, inquit Paulus, *consultus*, an quod
 beneficium dare se, quasi viventi, Cæsar rescri-
 perat, jam defuncto dedisse existimaretur.
 respondit, non videri sibi, Principem, quod ei,
 quem vivere existimabat, concessisset, defuncto
 concessisse: quem tamen modum esse beneficii sui
 rellet, ipsius æstimationem esse. Ex quibus ver-
 ls colligere possumus Beneficiorum origi-
 nem à Romanis Imperatoribus ortam. sic apud
 Pomponium in *l. 2. de orig. jur. potestas de jure*
respondendi à Principibus peti pro beneficio
cepit. & apud Ulpianum in *l. 4. D. de his qui*
nt. infam. cum de ministerio designatoris lo-
 quitur, scriptum est: *Et sane locus iste hodie*
non pro modico beneficio datur. Beneficia autem
 hujusmodi in peculiarem librum referebantur,
 cui liber Beneficiorum dicebatur. Hyginus
 libro *de limitibus.* Lampridius in Alexandro
 Severo. Recensentur etiam

E 5

R E-

Præter eos libros Neratii, quorum sunt in indice Justiniano conscripta nomina, edidit

EPISTOLARUM LIBROS.

Quorum quartus citatur in *d. §. denique*. Meminit etiam Ulpianus in *l. sed addes §. i. D. locati* epistolæ Neratii ad Aristonem.

Collegisse autem quædam ex Plautio indicio est *lex ergo D. de servit. rustic. præd.*

LIBRUM DE NUPTIIS

composuisse refert Gellius *lib. 4. cap. 4. Noct. Attic.* Multis denique in locis incerto librorum numero citatur à legum conditoribus.

JABOLENUS PRISCUS.

Temporibus Hadriani Trajanique Imperatoris floruit Jabolenus Priscus, ut ex Plinii epistolis colligere licet. Tempora etiam Antonini Pii attigisse videtur ex Capitolino, qui ejus consilio Pium scribit, cum quid de jure sanciret, usum fuisse. Pomponius in *l. 2. D. de orig. jur.* ait eum Cælio Sabino successisse, quod ego in juris disciplina explicanda intelligendum arbitror, ad quam cognoscendam, percipiendamque Julianus Jurisconsultus se hujus præceptis institutisque, ut diximus, fuisse instructum professus est in *l. an manumittere D. de manum. vind.* in qua Jabolenus cum consilium præberet, fer-

LIBER PRIMUS.

75

Corvos suos manumisit. qua ex lege Jabolenum
magistratum in Africa, & Syria gessisse constat.
rem tantum ii qui magistratum gererent, con-
siliium præbere possent. Ulpianus *lib. 3. de om-
nibus Tribunalibus in l. mandata D. de offic.
cui mand. est jurisd.* vocat *consilium exerce-*
re; Accursius hæc verba interpretatus est au-
toritatem manumittendi præstare, quod legis-
set Jabolenum cum consilium præberet manu-
misisse: nec quidem malè Ulpiani mentem ex-
plicat, Ulpianus enim ipse in *l. unica D. de
offic. Cons.* dicit Officium Consulis esse, præ-
bere consilium manumittere volentibus.
quod quidem *συνέδριον* vocatur à Theophilo,
qui præerat Romæ Prætor, & in provinciis
Proconsul vel Præses: sive ut Theophilus ge-
nerali nomine loquitur *ἀρχων*. Eratque Romæ
consilium illud quinque Senatorum, & quin-
que Equitum Romanorum, in provinciis vi-
cinti recuperatorum civium Romanorum, au-
tore Ulpiano in *fragmentis tit. 1.* Ex his itaque
colligere possumus Jabolenum Proconsulem
Syriæ & Africæ fuisse; Præses enim esse non
potuit, cum in notitia Provinciarum Imperii
Romani Aphrica sub Proconsule ponatur. Cæ-
terum cum magistratu perfunctus erat, in consi-
liis ipse adhibebatur, sic enim de eo Plinius scri-
bit *lib. 6. epist. Interest tamen officiis, adhibetur
consiliis. i. adseffor fuit. adseffores enim Con-*
silia-

filiarii appellantur à Paulo *lib. 1. sentent. in l. 5. D. de offic. adfess. & in l. consiliariis C. eod. &* apud Heliodorum *lib. 10. Gymnosophistæ* συνέδροι καὶ σύμβουλοι *assessores & consilarii* simul nominantur. Et in *l. 1. C. de adfessor. consiliorum participes*; quæ verba me movent, ut *legem 1. C. si rector provincie*. sic restituam: *quod ita late patere volumus, ut non solum circa administrantes, sed circa etiam administrantium filios, nepotes ac propinquos & participes consiliorum domesticosque locum habeat.* quæ vulgo sic legitur *participes*, id est, *consiliarios*. Unde πᾶσι περὶ τοῦ ἐσσε apud Latinos Jurisconsultum Procopius scribit *lib. 1. de bello Parthico*. quod Jurisconsultorum propriè munus fuit *l. 1. D. de offic. adfess.* Ideò Celsus filius patrem in consilio Consulis fuisse scribit in *l. pater meus D. de legat. 2.* Consiliis autem Jabolenum adsedisse constat non solum magistratuum, sed etiam Principum: ut Antonini Pii in consilium admissum eum fuisse supra diximus; Jurisperitos enim in consilium Principum assumptos, præter alios docet Papinianus in *l. 3. D. de excusat. tut.* Cæterum Jabolenus amicissimum habuit Pescennium Paulum, splendidum Equitem Romanum & eruditum, ut tradit Plinius *lib. 6. epistolarum*. Ex cujus verbis dubiæ sanitatis hominem Jabolenum discere possumus. cum enim Pescennius versus recitaret, & ita cœpisset, *Prisce jubes.* ad hoc Jabolenus
Pris-

LIBER PRIMUS.

77

Triscus, qui Paulo Pescennio ut amicissimus ad-
 rat: *Ego verò non jubeo*. Hic risus, joci eò ma-
 jores, quo vir gravioris professionis desipuerat.
 De jure tamen civili publicè respondit, scripsit-
 que plures libros. Ex quibus in indice Justinia-
 neo hi reperiuntur.

EX CASSIO XV.

Politianus legit *ex Cassio 5.* sed refellunt eum
 inscriptiones multarum legum, quæ sexti, se-
 ptimi, octavi, noni, decimi, undecimi, duo-
 decimi, decimitertii, decimiquarti, decimiquin-
 ti mentionem faciunt. Satis erit unius legis in-
 scriptionem ex unoquoque illorum indicare. Ex
 sexto *lex adoptio D. de adoption.* Ex septimo *l.*
um servo D. de contrah. empt. Ex octavo *l. si*
is. D. de negot. gest. Ex nono *l. si is D. de in-*
irragat. act. Ex decimo *l. certo generi D. de*
rvit. rustic. præd. Ex undecimo *l. non ex*
nnibus D. de acquir. poss. Ex decimotertio &
 decimoquinto *l. moribus l. solvendo D. de verb.*
gnific. In his libris multa Cassii dogmata Jabo-
 num libenti animo collegisse crediderim,
 quod ejus sectæ se adjunxerat.

AD PLAUTIUM. LIB. V. five

EX PLAUTIO,

in permultis inscriptionibus legum legitur.

In nonnullis indicibus, & recentioribus re-
 onuntur:

EPISTOLON BIBLIA ΔΕΚΑΤΕΣΣΑΡΑ.

Ex

78 DE JURISPERITIS.

Ex quibus quamplurimæ leges desumptæ sunt.

Præter tamen hos libros indicis Justiniani, scripsisse eum constat

EPITOMEN IN LIBROS POSTERIORUM LABEONIS,

sive potius notas. Contrariæ enim sectæ à Labeone fuit. atque ideò *lib. 9.* Labeonem reprehendit in *l. 44. D. de injur. & fam. lib.*

P. JUVENTIUS CELSUS.

P. Juventius Celsus hic Jurisconsultus appellatur (non Jubentius, ut male legitur in indice Justiniano Haloandri) sicut in Pandect. Florentinis exaratum est in *l. 20. §. Præter. D. de petit hered.* Juventia autem familia Romæ etiam stante Rep. consularis fuit ex Tusculano antiquissimo municipio orta, teste Cicerone pro Cn. Plancio, ex qua hic Juventius qui Hadriani in consilio fuit, auctore Spartiano, si cum Cuspiniano Juventium Celsum, non Julium Celsum legamus. Fuere autem duo Celsi juris scientia commendati pater, & filius. Patrem Pomponius in *l. 2. de orig. jur.* scribit Pegaso successisse, eumque in consilio Duceni Consulis fuisse, testatur Celsus filius in *l. pater meus D. de legat. 2.* In quo consilio cum ejusmodi factum proponeretur: Otacilius Catulus filia ex affe herede instituta liberto ducenta legarat, petierat-

LIBER PRIMUS.

79

atque ab eo, ut ea concubinæ ipsius daret. cum
herbertus vivo testatore decessisset, & quod ei re-
lictum erat apud filiam remansisset, quærebatur,
id fideicommissum apud heredem remanere
deberet, vel concubinæ cui relictum est red-
deretur: putavit cogi debere filiam fideicom-
missum concubinæ reddere, atque itum est in
obstantiam suam. Celsus autem filius, de quo
nunc loquimur, bis Consul fuit. De primo ejus
Consulatu nihil asseverare ausim: eumque suf-
ficientem augurarer, cum in Fastis primum Ju-
ventii Celsi Consulatum nullum legamus; Cel-
sus siquidem ille, quem Cassiodorus Consulem
ponit cum Crispino anno urb. cond. 863. post
Trajanum VII. & Africanum Coss. alius est ab
hoc Juventio Celso: quod ex Maffeiorem tabu-
la loco, quem Onuphrius scriptis suis inseruit,
judicari potest. in qua ita exaratum est:

L. PUBLILIO CELSO II. C. CLODIO

CRISPINO COSS. ID. APRIL.

usquam enim Celsus noster L. Publilius no-
minatur. deinde Juventii Consulatum primum
querimus: hic autem Celsi secundus refertur.
qui ne quidem de secundo Juventii Consulatu
intelligi potest: cum in eo non Crispinum, sed
Julium Balbum collegam habuerit, ut ex an-
tiqua inscriptione, quæ in ænea tabula Venetiis
apud Aquilejensem Patriarcham observatur,
probare licet:

IMP.

80 DE JURISPERITIS.

IMP. CÆSAR. DIVI. TRAIANI. PARTHICI. F. DIVI.
NERVÆ. NEPOS. TRAIANUS. HADRIANUS. AUG.
PONT. MAX. TRIB. POTEST. XII. COS. III. P. P.

A. D. XII. CAL. MART.

P. JUVENTIO. CELSO. II. Q. JULIO. BALBO. COSS.

A. D. VIII. CAL. JAN.

MARCELLO. ET. GALLO. COSS.

Atque ita non male is Celsus, qui cum Marcellino apud Cassiodorum refertur pro Marcello, Juventius noster erit. Hæc autem inscriptio confirmatur Senatusconsulto Hadriani Imperatoris temporibus facto, & ab Ulpiano in *l. item veniunt D. de petit. hered.* relato, quod à Petro Pithœo viro doctissimo *lib. 2. cap. 15. adversariorum* est emendatum.

PRIDIE. ID. MART. QUOD. L. JULIUS. BALBUS.
ET. P. JUVENTIUS. CELSUS. T. AUFIDIUS. OENUS.
SEVERIANUS. COSS. VERBA. FECERUNT.
DE. IIS. QUÆ. IMP. CÆS. TRAIANI. PARTHICI.
F. DIVI. NERVÆ. N. HADRIANUS. AUGUST. P. M.
P. P. V. NON. MART. QUÆ. PROXIMÆ. FUERUNT.
LIBELLO. COMPLEXUS. ESSET. QUID. FIERI. P. D.
E. R. I. C.

Malè autem hic *Oenus Severianus*, quamvis ex Pandectis Florentinis legit vir eruditus: sicut etiam malè scriptum reperitur in quibusdam codicibus, *Onerius Severianus*. nec enim in Fastis, nec alibi, *Oenus* vel *Onerius Severianus* Consul legitur. sed reponendum *Arrius Severianus* secundum Haloandri editionem, sic enim

LIBER PRIMUS.

81

nam in Fastis Onuphrii consularibus legitur :
qui cum Juventio Consul suffectus fuit , & se-
cundum consulatum ordinarium cum Sentio
Augustino gessit. Diocletianus autem & Maxi-
rinianus Impp. in *l. ult. C. de serv. reip. man.*
aus Senatusconsulti mentionem faciunt hoc
Juventio Celso iterum Consule facti, sicenim
legendum est non, *item*, quod & ab Antonio
Augustino adnotatum est in *libro emendat. 3.*
cap. 5. quo legis Vectibulici potestas ad provin-
cias porrigebatur. Huic tamen collegam non
Julium Balbum, sed Neratium Marcellum
ex suffectis dant Impp. Alios autem
magistratus Juventius Celsus consequutus est,
præter Consulatum, Prætor enim fuit, ut scri-
bit Plinius *lib. 6. epist. 5.* & in prætura cum
Licinio Nepote jurgio contendit, neque
contumeliis temperavit: quod in Senatu Lici-
nius dixerat, petendum à Coss. ut referrent sub
temple legis ambitus, de lege repetundarum,
ut placeret in futurum ad eam legem adjici, ut
fuit accusatoribus inquirendi, testibusque de-
nunciandi potestas ex ea lege esset: ita reis quo-
que fieret. Ita autem hæc rixa contentioque
inflammata est, ut Celsus Nepoti ex libello re-
sponderit: Nepos vero Celso ex pugillaribus.
Filius habuit Juventium Celsum, qui sub
Antonino Promagister fuit, ut ex veteri mar-
more apud Alberinos Romæ reperto, quod

F

re-

refertur à Bernardino Rutilio, & à Briffonio e:
Parrhasii Catanæique scriptis *lib. 3. Select. an-
tiqu. cap. 7.* quod & transcribere hoc in loco
non pigebit emendatius, quam ab illis traditum

CUM ANTE HOS DIES CONJUGEM ET FILIUM
AMISERIM, ET PRESSUS NECESSITATE CORPO-
RA EORUM FICTILI SARCOPHAGO COMMEN-
DAVERIM DONEC QUIETIS LOCUS QUEM EME-
RAM ÆDIFICARETUR VIA FLAMINIA INTER MI-
LIAR. II. ET III. EUNTIBUS AB URBE PARTE
LÆVA MONUMENTI FLA. THYMELES FILIÆ
M. SINI ORIGI. ROGO DOMINE PERMITTAS
MIHI IN EODEM LOCO IN MARMOREO SARCO-
PHAGO QUEM MIHI MODO COMPARAVI EA
CORPORA COLLIGERE UT QUANDO ETIAM
EGO ESSE DESIERO PARITER CUM EIS PONAR.

SEPULCHRUM FIERI PLACET.

JUVENTIUS CELSUS PROMAGISTER SUBSCRI-
PSI III. NON. NOVEMB. ANTIO POLLIONE ET
OPIMIANO COSS. ORDINARIIS SEVERO ET SA-
BINIANO COSS.

Ex quo colligere possumus, officium Promagi-
stri in libellis Imperatori oblatis subscribendi
constitisse: cui muneri sæpissimè ab Impp. Ju-
risconsulti præficiebantur, ut Papinianus in
l. rescriptum D. de distract. pig. qui libello
agens appellatur, & Aurelius Arcadius mag-
ister libellorum in *inscript. legis 1. D. de officio
præf. præf.* Miror tamen virum clarissimum
Barnabam Briffonium loco supracitato tradidisse

fe

LIBER PRIMUS.

83

e, Imperatores ipsos non semper his libellis
subscripsisse, sed subscribendi curam aliis man-
dasse, cum nullum hujus rei auctorem habeat.
minimo contrarium verum est, Imperatores sci-
cet ipsos subscribere solitos libellis, & cum
his Promagistros: neque aliter subscriptiones
principum legis habebant vigorem; & sic in-
terpretanda est *lex 1. D. de constit. princ.* Qui
videm mos (quod à nemine adhuc animad-
versum legitur) desumptus sine dubio est à
ulio Cæsare, qui subscriptos libellos manu sua,
à amplissimis viris, quos volebat, obsignari
etiam jubebat, teste Cicerone *lib. 16. epist. 17.*
d. Attic. in ea quæ ad Plancum est: *Adiuvimus,*
inquit, Cæsarem, verba fecimus pro Butbrotiis,
liberalissimum decretum abstulimus, quod est obse-
gnatum ab amplissimis viris. quod olim apud
os Gallos observatum fuit, ut decreta regum
& subscriptiones libellorum manu etiam proce-
rum quorundam obsignarentur, ut ex Annalibus
constat. & hæc subscriptio libellis apposita an-
notatio appellatur in *l. 1. C. de precib. imperat.*
fer. Multa vero quæ ad Juris Civilis cognitio-
nem pertinent à patre didicit, ejusque præce-
ptis institutus est; se enim à patre accepisse fate-
tur ipse, quod servo communi legatum sit, si al-
ter dominorum omitteret, alteri non accrescere
in *l. 20. D. de leg. 2.* Ejus extat dictum apud Ju-
stinianum in *l. 10. C. qui testam. fac. poss.* nullum
F 2 esse

esse qui penitus non exaudiat, si quis supra cerebrum illius loquatur. De Celso autem filio intelligit Paulus in *l. si servum* 91. §. *sequitur D. de verb. oblig.* cum ait, Celsum adolescentem scripsisse, eum qui moram fecerit in solvendo Sticho quem promiserat, posse emendare eam moram postea offerendo. in qua memoranda ejus extat sententia, quam in hominum mentibus qui juris disciplinæ navant operam, impressam esse cuperem. *Cum de bono & æquo quæritur in eo genere plerunque sub auctoritate juris scientiæ perniciosè errari.* A Flavio Respecto Præatore consultus fuit de facto, cum hæc quæstio esset: Minor 25. annis, annum fortè 24. agens judicium tutelæ heredi tutoris dictaverat, & major factus pro herede sententiam acceperat, an in integrum restitui possit; & suasit Celsus Flavio, non facilè hunc in integrum restitui, nisi probaretur calliditate adversarii id actum, ut majore eò facto liberaretur *l. 3. de min.* A Plotiana etiam consultus fuit, ut apparet ex *l. Plotiana D. de jure codic.* Familiaritate etiam conjunctus fuit cum Domitio Labeone, ut constat ex duabus epistolis sibi invicem rescriptis, quæ extant in *l. 27. D. qui testam. fac. poss.* ex qua colliget satis lector, Jacobum Cujacium hæc verba legis *rerum mixtura D. de usurpat.* Labeo libris *Epistolarum* ait sic frustra emendare conatum Favolenus libris *Epistolarum* ait quamvis hac ratione

mo.

LIBER PRIMUS.

85

noaveatur, quod nulla apud auctores Labeonis Antistii Epistolarum mentio fiat. non enim verba legis *rerum mixtura* de Antistio Labeone interpretanda sunt; Domitium autem Labeonem Epistolas scripsisse de jure, more aliorum Jurisconsultorum apparet ex dicta *lege 27*. Cæterum fuit quidam Juventius Celsus Jurisconsultus, quem Cicero in Bruto ait nec indoctum fuisse, & magna Juris Civilis intelligentia; ex quibus non perperam concludemus, Juris Civilis scientiam in Juventiorum familia quasi hereditariam fuisse. Fuit etiam Celsus, qui cum quibusdam contra Domitianum conjuraverat, salvus nec opinato conservatus est; quod Cicerulenter Dio describit: quem patrem Celsum Jurisconsultum & ratio temporis, & aliæ conjecturæ cogunt augurari. Noster autem Celsus composuit complures libros, quorum in indice Justiniano memorantur

DIGESTORUM LIB. XXXIX.

in quorum septimo ad Epistolam Cornelii Felici quædam scripsit, ut apparet ex Ulpiano *lib. 31. ad Edictum in l. si id D. pro socio*. Requirit præter hos

INSTITUTIONUM LIB. XX.

EPISTOLARUM LIB. XI.

QUÆSTIONUM LIB. XIX.

Citatur enim *liber XIX. in l. 19. §. 6. D. de auro*

F 3

C

& arg. leg. quæ etiam meminit

COMMENTARIORUM LIB. VII.

SEXTUS POMPONIUS.

Sextus Pomponius inter splendidissimi Papi-
niani discipulos & Alexandri Severi Impera-
toris familiares & socios à Lampridio nomina-
tur, c. 68. à quo legum peritissimus appellatur :
quamvis Cujacius de fide auctoris dubitet :
ego quidem de fide codicis potius dubitarem ,
cum in eo , qui in Bibliotheca Regia servatur ,
Pomponius non numeretur à Lampridio. nihil
tamen obstat , quo minus eum recte à Lam-
pridio inter Alexandri Severi familiares nomi-
nari credamus , certum enim est eum post Ju-
lianum vixisse , qui ad Antoninum Pium usque
pervenit , quod ex l. 2. *D. de orig. jur.* rectè
concluditur , ubi Pomponius Julianum ulti-
mum ex juris auctoribus memorat : hac autem in
lege eorum tantum qui jam è vita excefferant
mentionem facere voluit , viventium nomine
omisso , ut auctores alii facere solent , verecun-
da quadam modestia impulsus. Hoc conjicitur
etiam ex verbis ipsius Pomponii *lib. 7. epistola-
rum in l. apud Julianum 20. D. de fideicom. libert.*
qui cum refert sententiam Juliani , non ait ;
quàm ab illo audiui , sed sic loquitur , *quam
dixisse fertur Julianus.* quæ satis denotant ,

eam

am ab aliis accepisse, & eo mortuo illa verba
 scripisse. quamvis enim Pomponius Juliani ex-
 rema tempora attigerit, non tamen inepte
 dicemus epistolam illam imperante Alexandro
 vero eum scripisse; Pomponium siquidem ex
 temporum supputatione Torquato 111. & Ju-
 lio Jurisconsulto Coss. aut anno sequenti na-
 tum constabit: quamvis septuagesimus octavus
 ætatis suæ annus sub 4. Imperii Alexandri an-
 num inciderit. Ex quibus liquidò apparet verba
 Iuliani in l. 63. §. si servo. 9. D. pro socio corru-
 ta esse: *Et ait Julianus, Sextum Pomponium
 referre Sabinum respondentem non communicari,
 & posse hanc sententiam defendi Julianus ait.
 &que restituenda: Et ait Sextus Pomponius, Ju-
 lianum referre Sabinum respondentem non com-
 municari &c.* Quos honores in republica gef-
 erit scriptum non reperi. Eum quidem & ad
 enectutem extremam literarum studia pro-
 uxisse certum est, ex dicta lege apud Julianum.
 ubi ipse scribit: *Ego discendi cupiditate quam
 olam vivendi rationem optimam in octavum
 septuagesimum annum ætatis duxi, memor sum
 jus sententiæ quàm dixisse fertur Julianus,*
 ὃ τὸν ἕτερον πόδα ἐν τῇ σωφρονίᾳ προσμαθεῖν τι βυλοῖμην.
 Et philosophiæ Stoicæ præceptionibus imbu-
 um fuisse declarant verba legis rerum mixtura
 D. de usurpat. & usucap. quæ Senecæ doctri-
 nam sapiunt libri 2. Natural. quæst. cap. 2. Is

88 DE JURISPERITIS.

est qui Magistratum & Jurisconsultorum successionem, & quasi Juris Civilis profapiam eleganti & brevi stylo deduxit, tantæque in Jure Civili auctoritatis fuit, ut à multis Jureconsultis, tanquam auctor sapientissimus nominetur, & præsertim ab Ulpiano plerisque in locis; cujus tamen, ut brevitati consulamus, *legem 32. si quis à filio D. de legat. 1.* notabimus, quoniam purgatione non contemnenda illius legis hæc verba egent: *quod ita verum esset tam Sextus quam Pomponius putat, si repetitio legatorum ad eum modum concepta sit.* quæ sic emendanda puto: *quod ita verum esse tantum Sextus Pomponius putat &c.* ut Sextus & Pomponius non diversi sint Jurisconsulti. quis enim Sextum Jurisconsultum unquam novit? quippe eum cujus fit mentio in *l. 1. D. ad Senatusc. Silan. §. 27.* rectè Anton. Augustinus hunc Sextum Pomponium esse conjicit, & Græci non Sextum sed Σέπτιον legunt. Facile autem ex librariorum ignorantia hic error nasci potuit. dictio enim, *tantum*, eodem modo quo, *tam*, scribitur, nisi linea superjecta, quod & series orationis, sensusque legis factum satis ostendunt, nam cum Sabinus scripsisset (hæc enim sunt verba Sabini) *Si quis à filio pupillo herede instituto, cum is in tutelam suam venisset, pecuniam legaverit, & à substituto herede legata repetierat: impubere filio mortuo, secundum heredem legatum non debere:*

UI-

LIBER PRIMUS.

89

Ulpianus scribit, Sextum Pomponium hoc
erum tantum putare, si repetitio legatorum
eum modum concepta sit, veluti: *Quæ à filio
meo legavi, quæque eum dare iussi, si mihi heres
esset, id heres meus iisdem diebus dato, & non
liter*; Pomponius enim ad Sabinum libros
didit, ut infra dicemus. Cæterum Sextus
Pomponius à Junio Diophanto per epistolam
consultus est, quæ extat in *l. ult. D. de minor.
tabeonisque* sectam minime probavit, ut ex
l. 35. ad Sabin. colligitur. Reliquit autem
maxima doctrinæ suæ monumenta non perpauca.
Hæc in indice Justiniano recensentur.

AD Q. MUTIUM LECTIONUM LIB. XXXIX.

Hic index Græcus habet βιβλία τεράκοντα ὅννέα. Po-
tianus tamen legit *undequadragenta*. Ad hos
libros referenda est *l. quod autem D. de servit.
rb. præd.* cujus inscriptio est ejusmodi: *Pompo-
nius lib. xxvj. ad Quintum Mutium. & lex
2. Mutius D. de act. empt.* Ex his libris illud est
quod refert Ulpianus in *l. Jurisgentium §. adeo
D. de pact.* Pomponium sensisse, posse in parte
cedi ab emptione quasi repetita partis em-
ptione, & in *l. sicut §. apud D. si servit. vindic. ex
l. 1. libro*, non licere agere, ut quis possit fumum
non gravem facere in suo. * Ex his etiam libris
presumptas puto *l. 1. & 2. D. de annuis legat.*
quamvis in vulgatis codicibus Ulpiano tribuan-
tur, cum in meo manuscripto exemplari Pom-

F 5

po-

ponii sint, stilumque ipsius maximè redoleant. Labittus quidem ad Pomponium ex *lib. 5. ad Sabinum* primam refert, ad Ulpianum vero secundam.

* AD SABINUM LIB. XXXV.

EPISTOLARUM LIB. XX.

VARIARUM LECTIONUM LIB. XV.

Martianus tamen in *l. 2. D. quibus in caus. pig. vel hypoth.* meminit *lib. 40. variarum lectionum* Pomponii, quam ideo mendosam puto, legendumque *lib. quartodecimo*, ut libri tertii-decimi mentio fit in *l. 5.* quæ est ejusdem Martiani, & ex quo *lex 7.* desumpta est. in decimo enim tertio, & decimoquarto libro Pomponius de jure hypothecæ & pignoris tractavit. Quædam autem in his libris ad Edictum notata fuisse indicat inscriptio legis in prædiis *D. in quibus causis pign. vel hypoth. tac. contrah.* quæ est hujusmodi: Pomponius *libro xij. ad Edictum ex variis lectionibus*, qui libri aliquando *Ad edictum* tantum vocantur, ut in *l. xiii. §. 2. D. de pignor.*

AD PLAUTIUM LIB. VII.

FIDEICOMMISSORUM LIB. V.

SENATUSCONSULTORUM LIB. V.

REGULARUM LIB. SINGUL.

In indice Græco scriptum est βιβλίον εν. Ad hunc librum Marcellum notas scripsisse, apparet ex in-

LIBER PRIMUS. 91

inscriptione *l. furiosus D. de acquir. hered.* ubi scriptum est: *Marcellus libro singulari Regularum Pomponii.*

ΕΤΕΡΩΠΙΑΙΟΥ LIB. II.

scripsisse etiam alium librum singularem Enciridii, arguitur ex inscriptione *legis 2. D. de orig. jur. & l. 2. D. de justit. & jure.*

Præter tamen eos libros qui in indice Justiniano Pomponio tribuuntur, scripsit

LIBRUM SINGULAREM DE TACITIS

FIDEICOMMISSIS.

Ex quo desumpta est *l. pupillus D. de verb. signific.*

LIBROS AD EDICTUM.

quorum sextus citatur ab Ulpiano in *l. jurisgen- tum §. adeo D. de pact.* septuagesimus nonus in *l. §. Pomponius D. de Carbon. Edicto*, & forte libri *lx. & lxxxiii.* qui citantur ab Ulpiano in *l. quod in herede §. 2. D. de tributor. act. & l. 1. D. si quid in fraud. patron. §. 14.* non annotato loco, ad hos referri possunt. Ea quidem quæ de Pomponio afferuntur ab Ulpiano in *l. D. ne quis eum qui in jus voc.* ex libris quos ad Edictum scripsit, desumpta sunt. Meminit nem Ulpianus *lib. viii. Pomponii.*

DE STIPULATIONIBUS.

l. hoc Senatusc. §. fin. D. de usufr. earum re- rum quæ usu.

ABUR-

ABURNIUS VALENS.

I Avoleno Prisco successisse Aburnium Valen-
tem, Pomponius ait in dicta *l. 2. D. de orig.
jur.* quem Antoninum Pium in consilio ha-
buisse Capitolinus refert. Fasti meminerunt
Caii Valentis, qui Consul fuit anno urb. conditæ
octingentesimo & quinquagesimo, ut scribit
Eutropius *lib. 8.* cum C. Antistio, sub quibus
Domitianum Imperatorem occisum, tradit
Dion in Domitiano. Cuspinianus Cassiodori
in commentariis nostrum esse putat, ejusque
familiaritate usum Antoninum Pium, hoc
Capitolini citato loco, ut auguror, inductus,
eum tamen alium fuisse ab hoc nostro arbitror;
Cajus enim Valens Imperium Antonini non
attigit, cum eum nonaginta annos habentem in
Consulatu mortuum esse scribat Dion in Domi-
tiano, eodem anno quo Domitianus occisus est;
noster autem Valens quinquaginta post Domi-
tianum annis consuluit Pio Imperatori. quam-
obrem dicendum est, hunc potius esse, ad quem
scribit Plinius *lib. 4. epist.* qui Trajani tempori-
bus vixit, eumque sic alloquitur: *Mihi autem
familiare est, omnes cogitationes meas tecum
communicare, iisdemque te præceptis, vel exem-
plis monere, quibus ipse me moneo: quæ ratio
hujus epistolæ fuit. quæ oratio hominis est senis,*
ado-

LIBER PRIMUS. 93

a olescentem in causis forensibus non multum
 rrsatum adhortantis. Nec credendum Bernar-
 dno Rutilio, qui Aburnium & Valentem duos
 esse putat; minusque, cum Valentem à Capi-
 tolino Salvium dici existimat, non enim apud
 Capitolinum hæc dictio *Salvius* ad Valentem,
 sed ad Salvium Julianum referenda est, quem
 Divi Pii tempora pervenisse, ejusque con-
 silio assedisse, certissimum est ex his, quæ supra
 proximus in Juliano. Libri ejus recesentur in
 indice

FIDEICOMMISSORUM LIB. SEPTEM.

Ad quos referenda sunt, quæ apud Aburnium
 Valentem relata invenisse scribit Paulus in *l. 78.*
Scum vir D. de legat. 3. Hunc etiam

ACTIONUM LIBROS

composuisse putat Labittus, ex inscriptione
lin. D. ut in possess. legatorum eatur: quæ tamen
 vulgaribus codicibus tribuitur Javoleno.
 Ejus denique Valentis meminit Paulus in *l.*
abitor 82. §. servo alieno D. de legat. 2. & in
l. e si heres 25. D. de fideicom. libert.

VOLUSIUS MÆTIANUS.

Angelus Politianus epistolarum *lib. 5.* ad Ja-
 cobum Modestum, scribit Volusium Anto-
 ni Pii præceptorem fuisse. Capitolinus qui-
 em auctor est, cum quid Antoninus Pius de
 jure

jure sanciret, habuisse hunc Mætianum in consilio, atque ab eo M. Antoninum Philosophum jus civile didicisse. Cujus, & L. Ælii Commodi Veri præclarum extat rescriptum apud Ulpianum in *l. Divi D. de jure patron.* cujus hæc sunt verba: *Sed & Volusius Mætianus amicus noster & Juris Civilis præter veterem & bene fundatam peritiam anxie diligens, religionem rescripti nostri ductus est, nepotem, neque verbis neque sententia legis aut Edicti Prætoris, ex persona vel nota patris sui excludi à bonis aviti liberti.* ex quo rescripto qualis, quantusque vir fuerit Volusius, existimari potest, licet nulla extarent doctrinæ ejus monumenta. Extat aliud DD. fratrum ad Mætianum rescriptum in *l. 27. D. de liber. causa*, si Fradrinei codicis lectionem sequamur. quæ quidem si vera est, ut veram puto, eum Consulen fuisse, saltem suffectum, colligere possumus ex ipsius rescripti verbis. Cæterum Cassianæ sectæ fuit, quod ex scriptis ipsius constat: & Julianum, qui Cassianus fuit, suum ipse appellat in *l. xxx. D. ad leg. Falcid.* Ab Antonio autem Augustino Ælius Lampridius falsi crimine damnatur, quod Mætianum inter Alexandri Severi Consiliarios recenseat, quem Antonini Pii & Marci temporibus vixisse diximus. verum, simile veri non est Lampridium, qui locupletissimos hujus rei auctores affert Acholium & Maximum, tam ignoran-

LIBER PRIMUS.

95

inter hac in re lapsum fuisse. existimo itaque
lectionem *Mætianus* apud Lampridium cor-
ruptam esse, legendumque *Metius*, ut intelli-
gitur de Metio Jurisconsulto illo, qui auctor est
D. de jure fisci; Marcum enim Metium sub
Alexandro floruisse, & Consulem cum P. Tur-
lio Dextro fuisse, testatur vetus inscriptio
scilata ab Onuphrio *lib. 2. Fastorum*. Nonnul-
li autem de jure libros scripsit, quorum in in-
dice Justiniano hi referuntur.

FIDEICOMMISSORUM LIB. XVI.

Citatur ab Ulpiano liber tertius quaestionum de
fideicommissis in *l. si dominus D. de usufr.* & à
Uoleno liber quaestionum in *l. Pannonius 86.*
D. de adquir. hered. qui alius à libris fideicom-
missorum est. In eodem indice describuntur
eiusdem Mætiani

PUBLICORUM LIB. XIV.

præter hos scripsit etiam

AD LEG. RHODIAM LIB. I.

quem librum vulgares indices non habent,
cumque Politianus ipse prætermisit. Ex eo
presumpta est *l. ἀρχαία D. ad leg. Rhod. de jactu.*
Notandum tamen, Mætianum non tantum de
jactu, in suo libro tractare, sicut tractatur in
hoc tit. Pandectarum; jactus enim tantum est
caput legis Rhodiæ, Mætianus autem hoc in
libro suo, universam legem Rhodiam interpre-
tatur, ac proinde omnia navalia commercia
ex-

explicat; lex siquidem Rhodia auctore Isidoro *lib. v. cap. xvij.* est navalium commerciorum & Antoninus Imperator non tantum de jactu, sed de rebus nauticis legem Rhodiam præscrip-
tam tradit, & Cicero testatur *lib. 1. de invent.* legem apud Rhodios esse, ut si qua rostrata in portu navis deprehensa sit, publicetur. Non mirum autem si de rebus nauticis tractare volens Mætianus, ad Rhodiam legem scripserit, nam ab Imperatore Antonino, domina maris appellatur. Εγὼ μὲν, inquit, ἔκόςμῳ κύριος, ὁ δὲ νόμος τῆς θαλάσσης, i. *Ego quidem mundi dominus: hæc vero lex maris.* & ut Constantinus Hermenopulus scribit, *lib. 2. prompt. tit. II.* τὰ ναυτικά πάντα, καὶ ὅσα κατὰ θάλασσαν κρίνεται, Ροδίῳ τέμνεται νόμῳ.
i. Omnia nautica & maritima negotia Rhodia definiuntur lege.

Scripsit etiam Mætianus librum

DE ASSE ET PARTIBUS EJUS,
qui adhuc extat. Libri ejus à Paulo Jurisc. maxime probati sunt.

JULIUS MAURITIANUS.

Alexandro Severo Mauritianum fuisse in consilio, Lampridius ait. Ejus etiam mentionem facit Ulpianus, *tit. xij. de cælibe orbo & solit. patre.* Ejus libri in indice Justiniani scribuntur

AD

LIBER PRIMUS.

97

AD LEGES LIB. SEX.

Labittus refert *legem iii. de Edendo* ad secundum librum Mauriciani de Poenis, qui tamen vulgo tribuitur Modestino.

NOTAS IN JULIANUM

scripsit, ut constat ex *l. jurisgentium 7. §. 2. D. de pact. l. sed & si quid 25. §. 1. vers. quid ergo D. de usufr.* easque in libros Digestorum Juliani factas puto.

TERENTIUS CLEMENS.

CAssiodorus Clementis mentionem facit, Consulemque ponit cum Tertullo, Severo imperante, quibus Consulibus oratio Severi in Senatu recitata est anno ab urbe cond. 944. Idibus Iuniis, qua prohibiti sunt tutores & curatores prædia rustica, vel suburbana distrahere, auctore Ulpiano in *l. 1. D. de reb. eorum qui sub tut.* Citatur à Pomponio in *l. Labeo 21. D. de statulib.* Pacuvius, sive Pactumejus Clemens Jurisconsultus, referens quandam Constitutionem Anonini Imperatoris: qui quidem an noster sit, cogitandum relinquo. Terentius autem Juliani actor fuit, ut apparet ex *lege 6. D. de vulg. & pupill. & ex l. 31. D. qui & à quib. manum.* In indice Justiniano referuntur ejus

AD LEGES LIB. XX.

G

AFRI-

AFRICANUS.

GRavis & subtilis fuit in scribendo Africanus, nec fere lex ulla est ex ejus libris de prompta in Pandectis, quæ non difficilis sit, & perobscura. Scribit autem Lampridius in Alexandro, c. 68. eum Papiniani discipulum fuisse, ejusque consilio Alexandrum Imperatorem usum; quæ propter alium existimo ab Africano illo, quem cum Crispino Cos. primum, & secundum cur Trajano VII. Cassiodori Chronicon habet, se eum Africanum esse, quem subscriptio *leg. 13 C. de pact.* & Damasus in vita sancti Fabiani cum Maximino Imperatore Cos. produnt: hocque ex serie temporum satis constat. neque in aliam sententiam adducunt Cujacii verba in tractatu 1. ad African. qui Sextum Cæcilium Africanum, cui consulenti Julianus respondisset fertur in *l. 3. D. de agnosc. lib. nostrum esse* putat, quod in *l. cum servus 39 D. de legat. 1.* inscriptum sit: *Africanus libro xx. Epistolarum apud Julianum querit.* nam Africanus ille, cui consulenti Julianus respondit, is existimandus est, quem Consulem suprâ cum Trajano diximus. Nec quidem video cur Africanus, qui à Lampridio commemoratur, alius à nostro existimari debeat: vel cur, ut quidam scribunt, allucinatur Lampridium in commemorando eo inter Papinianum.

LIBER PRIMUS.

99

niani discipulos dicamus, cum hac in re tantum auctorem errasse verisimile non sit, qui sub Constantini Imperio vixerit, & Acholium, Maximumque Marium hujus rei auctores locuples habeat: quinimo hæc legis *cum servus* verba: *Africanus libro xx. Epistolarum apud Julianum querit*, non eum putaverim habere sensum, ut Julianum Africanus consuluerit, abhorrent enim ab hac explicatione ipsius legis, quæ sequuntur verba, *putatque sumptum præstandum*. quibus satis significatur, non esse cur e ea facti specie Africanus Julianum per epistolam consuluisse videatur, de qua ipse haud unctanter sententiam exponit suam, sed magis, ut Africanus hoc in libro quæstionem à Juliano gitatam retulerit, & in ejus discussione judicium adhibuerit suum. quæstiones enim Julianum tractasse nos docet *lex 1. D. de tutel. & rat. distrah.* & Paulus in *l. 45. D. de act. empt. sententiam* nostram confirmat, cum ait Africanum referre, Julianum agitasse quæstionem de præstatione servi, quam movet idem Africanus in *d. cum servus de legat. 1. & in l. si serv. 31. D. de sign. act.* quæ ex Africani *lib. 8.* Quæstionum decepta est. ex qua, & ex *l. 19. D. ad Senat. sc. Ulpian.* quæ ex Africani *lib. 4.* Quæstionum est, colligitur hos libros quæstionum, ad Juliani scripta maxime spectasse. Atque ex his non hariolabimur, si dixerimus, hæc verba di-

G 2

Etæ

etæ legis *cum servus*. libro xx. *Epistolarum* mendosa esse, reponendumque libro ix. *Quæstionum*. nec enim alius ex *Epistolarum* libris locus in *Pandectis* invenitur, cum tamem *Africani* librorum multa & frequens mentio fiat: nec in ipso indice *Justiniano* alii, præter *Quæstiones*, libri recententur; præterea satis manifestum est, ex libris *quæstionum* *Africani* hæc verba *l. cum servus* desumpta esse, si illis prima verba *l. 45. D. de act. empti* jungamus: quæ ex libris *quæstionum* *Africani*, nec *tyro* quidem dubitabit esse. in his enim *quæstionum* libris, de servo legato *Africanum* tractasse apparet ex *l. xx. D. de manum. testam.* Hæc dicere volui non ut aliquid veteris amici, atque in eadem urbe nati & alti, laudi & existimationi, quæ semper à me nec obscuro nec vario sermone prædicabitur, quicquam detractum velim: sed ut quid de ea re sentiam, apud studiosorum animos testatum relinquerem. Cæterum *Julii Africani* oratoris meminit *Quintilianus lib. 10. c. 1.* quem in cura verborum parum modicum tradit. & *D. Hieronymus* in *Catal. auctorum Ecclesiast.* *Julianum Africanum* inter eos auctores nominat, cujus quinque de temporibus volumina extitisse suis temporibus scribit, eumque sub Imperatore *M. Aurelio Antonino*, qui *Macrino* successerat, legationem pro instauratione urbis *Emaus*, quæ postea *Nicopolis* vocata est,

LIBER PRIMUS. 101

st, suscepisse testatur. Recensentur autem
africani in indice Justiniano

QUÆSTIONUM LIB. IX.

de quibus supra diximus. Illud tantum addam,
tractasse libro quinto de lege Falcidia, ex quo
presumpta est *l. qui quadringenta 88. D. ad leg.*
Falcid. cumque nonnulli in computatione *S.*
qui ducenta, maxime errasse calumniati sunt.
idem tamen fortissime tuetur Alciatus *lib. 6.*
Paradox. cap. 6.

ULPIUS MARCELLUS.

ANtonino Pio Marcellum familiarem fuisse
certum est. ideoque *lex Antoninus D. de*
gleic. libert. non Martiano sed Marcello adscri-
bitur. Evidenda est, quod satis innuunt verba illa: *Anto-*
ninus Augustus noster; nam Martianum sub
Alexandro Severo, non sub Antonino Lampri-
erum *ius* ponit. Marcelli filius fuit, qui sub Domitia-
no adhuc juvenis apud Centumviros eloquen-
tiae fama vigeat, & rei militaris non imperitus
erat, auctore Statio Papinio *lib. 4. Sylvarum 4.*
his versibus ad eum scriptis:

Cessat centeni moderatrix judicis hasta.
Qua tibi sublimi jam nunc celeberrima fama,
Eminet, & juvenes facundia præterit annos.
et postea adjicit:

— *Nec enim tibi sola potentis*

G 3

Elo-

*Eloquii virtus ; sunt membra accommoda bel-
lis &c.*

Hunc hominem modestum , & frugi , Dion
Nicæus appellat in Commodo , & Zonaras
ἀδωρότατον , & ἄνδρα ἐγκρατῶς τε ζῶντα , καὶ σπαρτιατικῶς.
cujus abstinentiæ maximum exemplum tradit;
ne enim pane satiaretur , non recentem , sed
ante multos dies coctum , & ut ipse loquitur,
πολυήμερόν τε καὶ παλαιότατον edebat. Dignitates au-
tem amplissimas consequutus est ; Legatus enim
Cæsaris fuit , & Præfectus Prætorio Pannoniæ
inferioris : Virtutique & Honori , hoc honore
fungens , votum sacrauit , ut apparet ex hoc
vetusto titulo.

VIRTUTI.

ET.

HONORI. L.

ULPIUS. MARCELLUS.

LEG. AUG.

PR. PR.

PANNON. INF.

V. S.

hocque credo fecisse , quod Marcellus gentilis
suus , ædes Virtuti , & Honori sacrauerat aucto-
re Valerio *lib. 1. cap. 1.* Præturam etiam exer-
cuit , in qua , teste Suida , vigilantiam suam
maximè ostentare studuit ; ut enim totam no-
ctem lucubrasse videretur : eaque de causa nec
alius quisquam familiarium suorum dormiret ,
duodenos codicillos , quales è tiliis confici sole-
bant , quolibet penè vespere conscribebat , &
man-

LIBER PRIMUS. 103

mandabat, ut alii aliis horis aliquibus afferren-
 tr, ut quasi pervigil admirationi esset. Tantæ
 matem doctrinæ & auctoritatis in jure fuit, ut
 Ulpianum sententiam suam hujus auctoritate
 borasse Justinianus referat in *l. penult. C. de*
condict. indeb. Cassianorum partes sequutus
 et, quod cum ex doctrinæ suæ monumentis
 paret: tum quod Julianum, qui Cassianus
 fit, suum appellet in *l. 85. D. de condict. & de-*
monstr. A Scauro per epistolam consultus fuit in
l. x. D. de servit. urban. præd. Scriptorum au-
 tem Marcelli in indice Justiniano hæc extant.

DIGESTORUM LIB. XXXV.

ut in aliis codicibus xxxi. vel ut in indice
 Græco βιβλία πεντάκοντα. in quibus omnibus vel
 eratum est, vel in inscriptione *legis 2. D. de*
apt. & postlim. revers. quæ ex libro xxxix.
 Digestorum decerpta est. Septimo autem horum
 ligg. libro, Marcellus multa videtur scripsisse
 donationibus inter virum & uxorem factis,
l. 5. §. pen. ex l. 7. §. 1. & ex l. Sulpitius 49. D.
de donat. inter virum & uxor. quam tamen ul-
 timam falsò quidam ex libro 7. Martiani Dige-
 storum putant.

AD LEGES LIB. VI.

RESPONSORUM LIB. UNUS.

Multa etiam scripsit Marcellus, quæ non sunt in
 indice Justiniani comprehensa. Libros

DE OFFICIO CONSULIS,

G 4

quo-

quorum quintus citatur in *l. 1. §. fin. D. ne de statu def. post quinq.* Quædam etiam ad librum singularem regularum Pomponii notasse videtur ex inscriptione *leg. furiosus 63. D. de acquir. hered.* Notas etiam scripsisse in libros Digestorum Juliani, eumque sæpissime reprehendisse apparet ex *l. 9. §. 8. & ex inscript. l. xi. D. quod met. causa gest.* & ad eas notas pertinere puto ea, quæ traduntur ab Ulpiano *lib. xvii. ad Edict.* in *l. xii. §. Julianus D. de usufr.* ubi diversam eorum sententiam recenset Ulpianus: Juliano conditionem furtivam soli proprietario competere: Marcello vero fructuario, dicentibus. quamobrem alii Jurisconsulti, cum quid verissimum in Jure ostendere volunt, Julianum hoc dicere, & Marcellum consentire scribunt in *l. si servus 27. §. servi autem occ. 3. D. ad leg. Aquil.* & *l. 2. in fine D. de noxal. act.*

CERVIDIUS SCÆVOLA.

Hujus consilia M. Antoninum Philosophum sæpe adjuverunt. Habuit secum, inquit Capitolinus, præfectos, quorum & auctoritate & periculo semper jura dictavit; usus est Scævola præcipue Jurisperito. Modestinus eum appellat juris coryphæum in *l. scire 13. §. 2. vers. sed et si maxime D. de excus. tut.* Paulus in *l. qui plures lib. 38. §. fin. D. de vulg.* & Theodosius in

LIBER PRIMUS.

105

in suo Codice *tit. de test. & codic. prudentis-*
sum omnium Jurisconsultorum, Tryphoni-
us nostrum Scævola in *l. xii. D. de distract.*
ign. & Paulus in l. 56. §. 3. D. de jure dot. Severi
Imperatoris præceptorem fuisse eum, tradit
Angelus Politianus *Epistol. lib. 5.* Hunc autem
Cervidium Scævola ex gente Q Mutii
Veteris Jurisconsulti fuisse Cujacius putat in *l. si*
aliena D. de usurpat. & usucap. hoc cognomine
Scævola, ni fallor, hallucinatus. non enim ex
cognomine gens, sed ex nomine dignoscitur;
nec enim hic Cervidii, non Mutii nomen
habeat, diversæ genti sine dubio adscribendus
est: nec magis Quinti Mutii gentilis esse potest;
namque quamvis enim non ignorem multos diversæ
gentis, gentiles esse vocatos: hoc tamen
testatur, quod simili nomine appellarentur, sicut;
Cicero *lib. 1. Tuscul.* scribit se gentilem Servii
Tullii Regis, quod uterque Tullii nomine ute-
retur. quod quidem in hoc Cervidio dici non
potest, qui Mutii nomen non habuit. Apud
Iustum *gentilis* dicitur is qui simili nomine ap-
pellatur. Cæterum hunc Cervidium non Servi-
dum, contra Haloandri & Alciati opinionem
Antonius Augustinus recte putat libro singulari
de Modestinum, in Græco enim exemplari
est. & scribitur. Proculianus autem fuit, ut
patet ex *l. quidam referunt D. de jure codic.* Hic
Scævola, qui tractatum de postumis nepoti-
bus

G 5

bus

106 DE JURISPERITIS.

bus instituendis, cujus pars extat in *l. Gallus D. de lib. & post.* breviter, & concise more suo conscripsit. Et quanquam secundum ea quæ proponerentur respondere & cavere soleret: rem tamen non tam ad verba, quam ad eam quæ ex verbis intelligi poterat æquitatem, deflectebat. Et præ cæteris Jureconsultis intra terminos Juris Civilis se continuit, ut omnes quæstiones, præter eas, quæ juris erant, contempserit. Alciatus autem *lib. 4. cap. 1.* parergon putat eum irrideri à Claudio; cum enim quidam rogatus esset, ut Titix hereditatem restitueret, acceptis ab ea centum nummis, eaque decessisset, antequam daret centum; & quæsitum esset, an heres ejus offerendo centum, fideicommissum consequi posset: Scævola respondit, heredem conditioni parere non posse; Claudius autem qui notas in Scævola scripsit: *Magno*, inquit, *ingenio respondit Scævola de jure aperto, cum posset dubitari, an in proposito conditio esset l. à testatore 109. D. de condit. & demonstrat.* Scævola denique in indice Justiniano hi libri numerantur.

QUÆSTIONUM LIB. XX.

quæstionum variarum vocat Martianus in *l. 1. D. quæ res pign. vel hypoth.* Ad has quæstiones pertinere videntur ea, de quibus Paulus in *l. cum quidam D. de liber. & post.* ait Scævola in disputando differuisse. Ad eum referenda sunt, quæ

LIBER PRIMUS.

107

Ulpianus in *l. 10. D. de usurp. & usuc.* Scævola scripsisse tradit: quamvis Q. Mutium Scævola idem dixisse Cicero de finibus testetur.

RESPONSORUM LIB. VI.

REGULARUM LIB. IV.

QUÆSTIONUM PUBLICE TRACTATARUM
liber scilicet singularis, ut in indice scriptum est: Græco, βιβλίον εἷν. Ex hoc autem libro accepit Ulpianum conjici potest ea, quæ ipse scripsit in *l. mulier quæ duobus 22. D. ad Trebell.* Scævola retulisse de quadam facti specie, qua Marcus Imperator in auditorio judicaverat.

DE QUÆSTIONE FAMILIÆ
LIB. SINGULARIS.

Ad hunc librum pertinere existimo, quæ de Scævola tradit Ulpianus in *l. iii. §. eleganter 30. D. ad Senat. Sc. Syllan.*

DIGESTORUM LIBRI QUADRAGINTA.

Forum librorum Scævolæ, in quibus quædam etiam ad Julianum notavit, mentio fit in *l. si petum 54. D. de pact.* cujus legis inscriptio hæc est: *Scævola apud Julianum lib. xxxii. Digestorum notat.* & in *l. si in venditione D. de peric. & commod. rei vend. libro 7. Digest.* Juliani sententiam notat: & ad hos libros referenda sunt hæc Martiani verba: *Et Scævola notat in l. filius familias 114. D. de legat. i.* Ad Marcellum etiam in

in his notas scripsisse constat ex *l. xi. §. 6. D. de donat. inter virum & uxor.* Quædam etiam ad Sabinum notasse non male colligi potest ex Paulo in *l. xix. D. de negot. gest.* Variavit aliquando Scævola in *l. 23. D. de acquir. rerum dominio*; quod Cujacius *lib. 4. Observat. cap. 1.* animadvertit.

FLORENTINUS.

Florentinum cum Ulpiano, Paulo, & cæteris Papiniani discipulis, qui à Lampridio nominantur, Alexander Severus in consilio habuit. Nominantur autem tantum hujus in indice Justiniano.

INSTITUTIONUM LIBRI XII.

TITUS CAIUS.

Fuisse hunc Juris auctorem Grammaticis familiarem, plerisque ignotum non est; & maxime Servio, ut ex illius verbis ad hos Virgilii versus apparet:

Non ego te vidi Damonis, pessime, caprum

Excipere insidiis, multum latrante Lycisca?

Homericæ tamen lectioni eum deditum male colligit Cujacius *xi. Obs. 38.* ex his verbis Servii Virgilii interpretis 3. Georg. *Apud majores omne mercimonium in permutatione constabat, quod*

LIBER PRIMUS.

109

quod & *Cajus Homericus* confirmat exemplo. non
enim hæc de Tito Cajo intelligenda esse, sed
de Cajo Cassio supra docuimus in *Proculo*.
Vixisse autem hunc Cajum Hadriani Impera-
toris temporibus, scriptis ipse suis testatus est
in *l. utrum D. de reb. dub.* quam haud dubie, &
in *Pandectis Florentinis*, & aliis impressis codi-
cibus Caji esse constat; suaque ætate reperta est
mulier, quæ uno foetu quinque liberos enixa
est: *Et nostra quidem ætate*, inquit, *Serapia*
Alexandrina mulier ad D. Hadrianum perducta
cum quinque liberis, quos uno foetu enixa est.
Quibus ex verbis apparet, Cajum hæc scripsisse
Hadriano jam mortuo, & inter Divos illos
fictitios relato, & consecrato. Sed an is sit *Ælius*
Hadrianus ex consobrina *Trajani* natus, xv.
Romanorum Imperator: an vero *Antoninus*
Pius, Hadriani nomine à Cajo hic intelligatur,
certari potest. sæpe enim Hadrianus in Jure pro
Anton. Pio sumi videtur, ut in *l. si de vi 37. D.*
de judic. quod *Callistratus* Hadrianum scripsisse
ait: *Si de vi & possessione queratur, prius cogno-*
scendum de vi quam de proprietate rei, *Martianus*
Pii rescriptum refert in *l. qui cætu D. ad leg.*
Jul. de vi publ. *Papinianus* quoque in *l. dedu-*
ci 58. §. 3. ad Senat. Trebell. & in *l. acceptis 93.*
ad leg. Falcid. scribit Hadrianum rescripsisse:
Eum qui centum nummis acceptis hereditatem
restituere rogatus est, totam pecuniam jure Falci-
diæ

diæ percipere videri, id ipsum constituisse Pium Imperatorem Martianus ait in *l. in quartam* 91. *D. ad leg. Falc.* Huic simile est, quod à Cujacio colligitur in titulo de Senatusc. Tertulliano ex *l. inter fidejussores* 26. *D. de fidej.* si conjungatur lex *si testamentum* 49. *eod. tit.* Sed mihi ista quæstio non faciles explicatus habere videtur; nam & duo esse diversorum Imperatorum rescripta illa, quorum Callistratus & Martianus meminerunt, asseverari potest: licet utrumque τῷ κοινῷ τῶν θεῶν ἁλῶν scriptum legatur. Quod quidem Antonium Augustinum *lib. 4. cap. xvi.* adeo hæere fecit, ut de ea re differere maluerit, quam judicium proferre suum; fierique potuit, in simili specie eadem Pium Imperatorem constituisse, quæ antea Ælius Hadrianus constituerat. & quanquam non sim nescius, Antoninum Pium Hadriano mortuo prænomena *Imperatoris Cæsaris Hadriani filii, Trajani Parthici nepotis*, atque omnes Imperii titulos, & insignia suscepisse: nunquam tamen aliena nomina Imperatoribus tribuuntur, nisi ab eis, qui sub eorum imperio vixere. Hoc, ut mea fert opinio, vel ignorasse videtur Tribonianus, vel neglexisse in *§. 2. de Senatusc. Tertul. in Instit.* cum Senatusconsultum Tertullianum Hadriani temporibus factum esse asseruit; Tertullum enim & Sacerdotem sub Antonino Pio Coss. fuisse inficiari nemo potest. Cæterum Antonius Vacca
in

LIBER PRIMUS.

III

in *procem. Digest. §. 1.* ait se quandoque suspicatum, hunc Cajum vel Christianum fuisse, vel Christianis, qui tunc erant, iudicium adjunxisse. eaque de causa suum à Justiniano appellatum in *§ quas ex omnibus in procemio Instit. & in lex Cornelia de publ. judic.* Caji quidem cujus fit mentio à Nicephoro Calixto *lib. 4. Ecles. hist. cap. xii.* quem Christianum fuisse, & pro religione nonnulla scripta edidisse ab eo vocemur; alium tamen ab hoc nostro puto: cumque potius augurerer esse, quem sub Zephe-
ro Romano Romanæ urbis Episcopo, Antonino Severi-
dio imperante, disputationem adversus Pro-
culum Montani sectatorem celeberrimam ha-
buisse scribit D. Hieronymus in *Catal. script. Eccles.* Neque autem existimandum est, Cajum Justiniano sive Triboniano nostrum appellari, quod Christianus fuerit, ut Vacca arbitratur: id quod præcipue illius scriptis fuerit delectatus in Institutionum compositione. quod ex his Triboniani verbis satis liquet: *Quas ex omnibus antiquorum Institutionibus & præcipue ex Caji nostri tam Institutionum, quam Rerum quotidianarum, aliisque multis commentariis composuit &c.* quod etiam de Pomponio dici potest *l. cum servus D. de stipulat. servorum.* Atque hoc certè non animadverterunt homines qui-
dam minime mali, sed parum in his rebus ver-
sati, quarum arbitrati sunt se tenere scientiam;
cum

112 DE JURISPERITIS.

cum Cajum Justiniani familiarem dixerunt, quod *nostrum* ipse appellarit. Nec reprehensione minus dignus Bernardinus Rutilius ab ingeniis sagacibus existimabitur, cum locum supra citatum Justiniani depravatum scribit, & vitio exemplarium nomen *Caji* in dictionem *nostri* corruptum. Multos autem Cajus de jure civili libros scripsit. quorum hi in indice Justiniano leguntur.

AD EDICTUM PROVINCIALE LIB. XXXII.

AD LEGES LIB. XV.

AD EDICTUM URBICUM QUI HABERI POTUERUNT LIB. XII.

Politianus corrupte legit *Ad edictum publicum libri xv.* Plures enim ad Edictum Cajus libros scripsit, sed Justiniani temporibus duodecim tantum extabant. quamvis in indice Græco exaratum sit τὰ μὲν ἀρχαῖα βιβλία δεκά. Edicti autem Urbici tractationem non abs re distinxisse videtur Cajus ab Edictis Provincialibus; Provincialia siquidem Edicta erant, quæ à Proconsulibus in Provinciis Consularibus, aut à Prætoribus in Prætoriis proponebantur. Hujus Edicti explicationem per titulos fuisse distributam, ex multis legum inscriptionibus constat. Erat in eo Titulus *de Publicanis l. veter. 19. D. de act. empti l. hoc Edicto 5. D. de public. & vect.* Titulus *de liberali causa. l. si liber 13. D. ad exhibendum.* cujus tamen inscriptio non ad Edictum

LIBER PRIMUS. 113

Am Urbicum, sed hoc modo concepta est :
Cujus libro ad Edictum Prætoris Urbani. quæ
 quidem demonstrat, his in libris Edicta Præ-
 torum Urbanorum explicari. Titulus etiam
de aqua pluvia arcenda. l. sed venditor 13. D.
de aqua pluv. arc. Titulus *de damno infecto. l. in*
nealibus 30. D. de nox. act. l. eorum 19. D. de damn.
infecto; Titulus *de re judicata.* ex inscriptione,
 quoniam Labittus probat, *l. intra dies 7. de re judi-*
ca. Titulus *de operis novi nunciatione l. credito-*
rio. D. de oper. novi nunciat. Titulus qui neque se-
 quuntur, neque ducantur. *l. solutum 48. D. de verb.*
signific. Titulus *de Testamentis. l. illa institutio*
32. D. de her. instituend. Titulus *de legatis. l. sem-*
pe 56. D. de Regul. jur. Hi autem libri aliquando
 sunt duodecim, & reconsultis nominantur *Ad Edictum præto-*
ris Urbani. ut apparet ex inscriptione *d. leg. si*
Edictum lib. xiii. D. ad exhib. & dictæ l. illa institutio.

AUREORUM SIVE RERUM QUOTI- DIANARUM LIB. VII.

Ex his libris plurima decerpit Justinianus, vel
 Ebonianus in componendis Institutionum
 libris. & continebantur in iis actarum rerum
 plures species, quasi expressæ notæ hominum
 vite quotidianæ. quod ex *l. maleficio 4. D. de*
voluntat. & act. conjicere licet. Dicuntur autem
 libri aureorum, vel rerum quotidianarum, non
 apud Plutarchum in vita Alexandri *Dialia,*
 ut Lucretius lib. iii. dixit *Dicta aurea,* &
 H Al-

114 DE JURISPERITIS.

Alpheus Avitus *libros excellentium*, qui à Prisciano citantur: & apud Constantinum Harmenopulum *lib. 1. tit. 1. §. 12.* legimus posteriores Imperatores χρυσόεχλως λόγους composuisse. Cæterum in indice Græco scriptum est tantum αὐρεῶν βίβλια ἑπτα.

INSTITUTIONUM LIB. IV.

Extat apud Boëtium *lib. 3. in Top.* Ciceronis ex *lib. 1.* Institutionum Caji locus sane luculentus. Et earum Epitome ab Aniano Alarico consiliario composita sub Caji ipsius nomine legitur.

DODECADELTI LIB. VI.

In indice Græco δώδεκα δέλτα βίβλια ἐξ, i. duodecim tabularum *libri sex.* sic apud Theophilum *lex xii.* Tabularum δωδεκάδελτο νόμο dicitur.

DE VERBORUM OBLIGATIONIBUS LIBRI III.

DE MANUMISSIONIBUS LIBRI III.

FIDEICOMMISSORUM LIBRI DUO.

Ponuntur deinde quatuor

LIBRI SINGULARES

DE CASIBUS ENUCLEATIS,

REGULARUM,

DOTALIUM,

DE FORMULA HYPOTHECARIA.

quanquam plures illum edidisse argumento est quod ex lib. singulari Caji ad orationem Antonini excerpta est *l. si quis 60. D. de ritu nupt.*

libi

LIBER PRIMUS. 115

Libro singulari ejusdem de assignatione liber-
cum *l. Senatusconsulto 59. eod tit* quodque in
proemio Digestorum §. 1. inter quatuor Caji
libros singulares, qui in sex illis libris qui à voce
magistri edocebantur ante Justiniani institut-
um, primus de veteri rei uxoriæ actione, secun-
dus de Tutelis, tertius & quartus de Testamen-
tis & legatis commemorantur. præterea inscri-
bitur *l. Sacratiss. 7. D. ad Senat. Tertull.* est ex
libro singulari Caji ad Senatusconsultum Or-
phicianum, & *l. in suspenso* ex libro singulari
ad Senatusconf. Tertullianum.

DE CASIBUS

in cleatis, ut supra dictum est. quales autem
sint illi casus, conjici fortasse potest ex *l. Ne-
carius 63. D. de condict. indeb.*

REGULARUM.

DOTALIUM.

DE FORMULA HYPOTHECARIA.

De hypothecariæ: sic liber hypothecariæ in
proemio D. §. vobis autem.

scripsit etiam Cajus notas ad libros Dige-
storum Juliani, ex quibus deprompta est *l. si
pactus 54. D. de pact.* quorum mentio fit in *l. si in
venditione 10. D. de peric. & comm. rei vend.* &
Iulii Marcellum in *l. sed interim 11. §. 6. D. de
int. inter vir. & uxor.* Citantur etiam Com-
mentarii Caji à Javoleno in *l. si quis 54. D. de con-
& demonst.* Sed libenter crediderim Javole-

116 DE JURISPERITIS.

num in dicta lege & in *l. si alieni* 78. D. de solut. d. Cajo Cassio, cujus mentio fit in *l. 2. de orig. jur.* intellexisse. quod ex inscriptione conjicitur quæ ex Javoleni libro 11. ex Cassio desumpta est & ex *lib. vi.* & maxime ex *l. si hereditas* 28. D. de statuliber. quem enim alibi Cajum tantum vocat, hac in lege C. Cassium nominat.

VENULEIUS SATURNINUS.

Q Claudius Venuleius Saturninus vocatur ab Antonio Augustino, ita ut diversorum Jurisconsultorum nomina uni soli tribuerit. Q. enim Saturninus, & Claudius Venuleius Saturninus diversi sunt Jurisconsulti. In chronicis autem Cassiodori Saturninus quidam cum Gallo anno ab urbe condita 951. ponitur, Septimio Severo imperante, sed an noster sit, non facile est asseverare. Nostrium quidem Venuleium recte dicemus, quem Lampridius inter illos Jurisperitos ponit, quorum consilio Alexander Severus usus est, quique ex schola emanarunt Æmilii Papiniani. ideoque non perperam judicabimus, ad eum Alexandrum Imperatorem scripsisse, ex inscriptione legis 1. C. quib. non obijc. longi temp. præscript. quæ sic se habet. Imp. Alexander A. Venuleio; & Impp. Severum & Antoninum ex l. x. C. ex quib. causis infam. irrog. Cæterum Græcis litteris eum impense

inense operam dedisse colligi potest ex *l. xvi.*

De pœnis.

DOMITIUS ULPIANUS.

Domitio Ulpiano origo fuit ex Phœnice
splendidissima Tyrriorum colonia, ut ipse
testatur in *l. 1. D. de censibus*. sic enim, non Phœ-
nicia, ut vulgo, legendum recte putat Turne-
bus *lib. ix. Adversar. cap. xv.* Vixit tempori-
bus Severi, & Antonini Bassiani. atque ad hoc
tempus referenda sunt verba ipsius in *l. 74. D.*
de legat. 1. Licet Imperator noster cum patre
apposuerit. quæ enim ibi rescripsisse patrem di-
cit, in *l. si Titio lxi. §. Julianus.* Severum re-
scripsisse testatur. & de iisdem Severo & An-
tonino intelligi debent ejusdem verba *l. 1. §.*
de pœf. 4. D. de legat. iii. Quia ei quoque episto-
la Severi & Imperatoris nostri jus deportandi
datum est. Utrumque nominat in *l. minor 18.*
de minor. viginti quinque ann. quæ quidem
Ulpianum scripsisse Antonino Bassiano solo
imperante ex eo clare liquet, quod Severo Divi
nomen apposuerit; quod Imperatoribus non
datur, nisi post illorum obitum, cum inter
illos referebantur, divina solemnitate, quam
Hrodianus describit *libro 3.* Sub Alexandro
tamen Severo Ulpianus magno in honore fuit,
& ab eo summas dignitates consequutus est.

H 3

illum

illum enim Alexander pro tutore habuit, primum repugnante matre: deinde gratias agente; quem sæpe à militum ira objectu purpuræ summæ defendit, ut testatur Ælius Spartianus in Alexandro Severo. quamobrem parentem suum eum vocat Alexander in *l. 4. C. de locato*. Non autem absque causa ab Ulpiano milites purpuræ Imperatoriæ objectu abstinuisse dictum est, tanto enim honore à militibus habebatur purpura, ut ab iis adoraretur *l. 2. C. de privileg. f. hol. & Procopius lib. 2. de bello Vandal.* sic scribit: *Gilimer & Bellisarius jussi ab his, qui Imperatoriam purpuram sustinebant, Iustinianum supplices adoraverunt.* quare adorandam nostram purpuram vocat Zeno in *l. 4. C. de consul. lib. xii.* Ideo autem à militum ira Ulpianus objectu purpuræ summæ ab Alexandro defensus traditur, quod attingere hanc purpuram milites non auderent: sed tantum qui eminentis potestatis erant *l. 1. C. de apparit. præf. urb.* Alexandri etiam consiliarius fuit, atque id est, quod Cassiodorus in Chronicis scribit, Ulpianum assessorem insignissimum ab Alexandro creatum esse Aniano & Maximino Consulibus, & Eutropius *lib. 3.* simpliciter Assessorem, Assessores siquidem Consilarii appellantur in *l. penult. D. de offic. ass. ff.* nec est, quod referamus ad adfessuram, quam sub Papiniano præf. præf. gessit, cum Papinianus ad Alexandri

tem-

tempora non pervenerit. quinimo Cassiodorus
 Adsefforem insignissimum Ulpianum creatum
 esse dicit, ad differentiam aliarum adseffura-
 rum, quas gesserat, ut Papiniani, vel prætoris
 in l. viii. D. de manumiss. vindicta, & in l. 9. §. 3.
 l. 4. C. de quod met. causa gest. insignissimi enim Ad-
 sefforis nomen meretur, qui consilio Principis
 acideret: quod omnium consiliorum est insigne.
 Neque hujus consiliis in rerum administratione
 Alexander parum laudis fuit: quem maxi-
 mum fuisse Imperatorem, quod Ulpiani admo-
 nitionibus in republica regenda plurimum detu-
 leat, scribit Æl. Lampridius. Ulpiani prudentiæ,
 & in rebus politicis experientiæ non parvum
 exemplum datur ab eodem Lampridio; cum
 cum Alexander constituisset apud se, omnibus
 officiis genus vestium proprium dare, & omni-
 bus dignitatibus, ut à vestitu dignoscerentur,
 & omnibus servis, ut in populo possent agnosci,
 quis seditiosus esset, simul ne servi ingenuis
 discernerentur: hoc Ulpiano displicuit dicenti
 parimum rixarum fore, si faciles homines es-
 sent ad injuriam. atque ejus consilio satis esse
 intuit, ut Equites Romani à Senatoribus clavi
 qualitate discernentur. quod prudentissime
 intuitum. Sic Seneca lib. 1. de clementia cap. 24.
 Dicta est aliquando in Senatu sententia, ut ser-
 vi à liberis cultus distingueret: deinde ap-
 pruit, quantum periculum immineret, si servi

nostri numerare nos cœpissent. Quod desumptum ex Platone 6. de legibus. ἐπεὶ δὲ δύσκολον, inquit, ἔστι τὸ θρέμμα ἄνθρωπον, καὶ πρὸς τὴν ἀνάγκαιαν διορίσιν τὸ δέλον τε ἔργον διορίζεσθαι, καὶ ἐλεύθερον, καὶ δεσπότην ὁδομαῶς εὐχρηστον ἐθέλειν εἶναι τε, καὶ γίγνεσθαι: quodque apud Athenienses usitatum erat, ut colligitur ex Xenophonte *lib. περὶ τῆς ἀθηναίων πολιτείας*. Sed ut ad Ulpianum redeamus, fuit etiam sacrorum scriniorum magister, auctore Sexto Rufo, & eodem Lampridio: Præfectus item annonæ, ut testatur Alexander in *l. 4. C. de contrah. & commit. stipulat.* Fuit denique Præfectus prætorio: qua in præfectura Alexander cuncta ei permisit, quæ ad administrationem Imperii pertinebant, & multa quæ non recte à Sardanapalo facta erant, Ulpianus emendavit auctore Dione Nicæo in Alexandro. Præfecturam autem ab Heliogabalo accepit, eique sublatam Alexander reddidit, ut prodit Sextus Aurelius Victor *lib. de Cæsaribus*. Ejus auditorii mentio fit ab Africano in *l. Titius D. de act. empt. 4.* & apud eum, cum Præfectus prætorio esset, quaesitum est: *Si impetrasset creditor à Cæsare, ut pignus possideret, idque evictum esset, an habeat pignoratitiam contrariam l. 24. D. de pignorat. act.* Flavianum autem & Chrestum interfecit, ut in præfectura eis succederet. Ipse tamen non multo post à prætorianis, qui de nocte eum invaserant, interfectus est, quanquam accurre-

rat

LIBER PRIMUS.

121

it in Palatium, & ad ipsum Imperatorem ma-
temque ejus confugerat. sed cum adhuc Ulpia-
nus mortuus non esset, populus Romanus dis-
fensione orta cum prætorianis, trium dierum
facio dimicavit magno civitatis periculo. cum
enim milites populo inferiores, inœlicique
pælio se usos viderent, faces undique ad in-
cendendam urbem intulerunt: quare perter-
ritus populus, pacem cum iis iniit. Nescio au-
tem, cur à Calpurnio Ulpianus dicatur Gallia-
rum præfecturam habuisse, cum interfectus est:
hic tamen mirum, si in hoc erraverit, cum
Hadriani temporibus floruisse, & illius scriniis
præfuisse dicat. Cæterum his rebus ita confectis,
Loagathus, cujus præsertim scelere Ulpianus oc-
tus fuerat, in Ægyptum tanquam præfectus
eius provinciæ missus fuit: ne forte, si de eo Ro-
mæ supplicium fuisset sumptum, seditio aliqua
concitaretur: atque ita in Cretam reductus con-
demnatus est, ut scriptum reliquit Dio, qui
eius vixit temporibus. & hoc Alexandri jussu
factum est, ut Ulpiani mortem ulcisceretur,
quem magnopere gratum jucundumque habuit.
Ejus amoris præter ea quæ recensuimus, apud
actores extant nonnulla vestigia. Eum enim
Alexander ipse amicum suum vocat in dicta l.
C. de contrab. stipul. quamvis ratione præfe-
cturæ ab Imp. sic nominatum putem. hæc enim
erat formula Impp. ad præfectum urbi scriben-
tium:

H 5

tium:

tium: sic in *l. 1. D. de appell.* Divi fratres Junium Rusticum præfectum urbi, amicum suum vocant. Sed ut ad Ulpianum revertamur, eum etiam nominat Alexander parentem suum in *l. 4. C. de locat.* Refertur præterea à Lampridio *c. 34.* cum Alexander inter suos convivaretur, aut Ulpianum, aut doctos homines adhibuisse, ut haberet fabulas litteratas, quibus se recreari dicebat, & pasci. eum siquidem assiduas quæstiones nonnunquam in viis, ambulationibus, balneis, librariorum tabernis proponere solitum fuisse tradit Athenæus *lib. 1. Deipnosoph.* quare vocatur ab eodem ὀνομασθηρᾶς, i. *verborum observator.* Et quidem illud insigne; quod neminem Alexander solum intra palatium præter Præfectum Ulpianum vidit, eodem Lampridio auctore. Ulpianus itaque inter procures, & principes apud Alexandrum fuit; unde Modestinus Ulpiani coævus, eum κράτιστον appellat *lib. 2. excusat.* κράτιστος Ουλπίανος ταῦτα λέγει, i. *princeps Ulpianus hæc dicit.* sicut Homerus scripsit ἀγαθὸν Διομέδην *lib. 14.* & *lib. x.* ἀγαθὸν Μενέλαον. & in epistolis Hippocratis, in ea Artaxerxis ad Hystanem præfectum Hellesponti, & in ea Hystanis ad Hippocratem legimus ἀρίστους τὸν Περσέων, pro principibus Persarum. sic etiam Imperatores ab ipsis Jurisconsultis appellabantur, ut à Papiniano Severus & Antoninus in *l. Jurisperitos 30. D. de excusat. tut. Optimi & Maximi Prin-*

LIBER PRIMUS.

123

Principes, & in l. 8. D. de vacat. mun. & à Try-
phonino in l. 39. D. de pæn. eodem modo, quo
os dicimus, Tres-haut & tres-puissant Prince.
Aliquando separatur Optimi nomen à Maximo,
ut apud Pomponium in l. 2. D. de orig. jur. di-
gitur Hadrianus optimus Princeps, & Papinia-
us in l. ult. D. de accusat. sic scribit: observan-
um esse optimi Principes nostri generaliter re-
scripserunt. & in l. 67. §. si omiffa D. de legat. 2.
De Severo: quam sententiam optimus quoque
imperator noster Severus sequutus est. Aliquan-
do etiam separatur Maximi nomen ab Optimo,
ut apud eundem Papinianum in l. 17. D. de
quest. quod D. Marcus, ac postea Maximus
princeps judicantes secuti sunt. Inde apud Lati-
nos nomen Optimas tractum est, pro eo qui in
republica primas obrinet: & apud veteres scri-
ptores Gallicos dictionem illam homme de bien
pro nobilibus & proceribus regni usurpatam
adigimus: ut ad dignitatem explicandam, non
ad illum animi habitum, hoc verbum hic acci-
piendum sit, Romanorum imitatione, qui no-
biles, bonos appellabant, eosque plebi oppo-
debant, ut videre est apud Ciceronem pro
extio: C. Gracchus frumentariam legem fere-
bat, res erat jucunda plebi, repugnabant boni. &
ibi. quod & sensit vulgaris interpret, qui hæc
verba: κράτιστος & Οὐλπιανός, nobilissimus Ulpianus,
interpretatus est. Et ipse Antonius Augustinus
in

124 DE JURISPERITIS.

in Modestini Latina interpretatione *xp̄dris* & vertit *Optimus*, vim hujusce dictionis hoc in loco attente considerans. Non mirum autem est quod Modestinus Ulpianum hoc honorificentissimo titulo ornaverit. tanto enim in precio ab eo Ulpianus habitus est, ut Proconsul Modestinus, de ultima Dalmatia eum consuluerit. *l. si quis uxori 52. §. si quis asin 20. D. de furt.* Cæterum multa inveniemus in Ulpiano laude digna: quædam tamen vituperanda. quis enim in eo non damnabit Flaviani & Chrestī necem, & inveteratum in Christianos odium? Lactantius enim *lib. 5. Instit. cap. xi.* scribit, septem rescripta principum collegisse eum in libris de Officio proconsulis, ut doceret, quibus pœnis affici operteret eos, qui se cultores Dei profiterentur. quod quidem admirationem non mediocrem nonnullis movere potest, cum Alexandro Imperatori nemo amicior eo fuerit: Alexandrum vero non solum Christiani nominis non insectatorem fuisse: sed etiam Christum ipsum in larario suo inter Deos habuisse & coluisse legimus apud Lamprid. in ejus vita: ejusq; matrem Mammæam doctrinæ sapientiæque Origenis, Christiani doctoris, maxime studiosam fuisse, apud Eusebium *lib. vi. cap. xvi. Eccles. Histor.* ideoque verisimile non videtur, Ulpianum tam infenso erga Christianos animo fuisse, quibus Alexandrum favere sciebat: aut si fuerit, tam aperte de.

LIBER PRIMUS.

125

reclarasse : cum aulici commutare vultum &
armonem ad sensum & voluntatem Principis
pleant. verum admirationis nulla causa supere-
at, si hos libros de officio proconsulis, ante
imperium Alexandri, sub Heliogabalo ab
Ulpiano scriptos sciverimus ex *l. observare D. de*
fic. procons. ex l. solent D. eod. ex l. 6. D. de lega-
non. permultisque aliis quamvis Genebrardus
Chronologia contrarium sentire videatur.
ræterea non est quod credamus, Alexandrum
Christianorum persecutione omnino absti-
nisse, ut quidam censent : licet forte ea crude-
tate, qua alii Principes, adversus eos non
evierit. sic enim scriptum est in Martyrologio
Romano : *Sancta Martina virgo Romæ sub*
Alexandro Imperatore diversis tormentorum ge-
neribus cruciata, tandem gladio martyrii pal-
lam adeptæ est. & 6. Non. Martii : Item Romæ
plurimorum sanctorum Martyrum, qui sub
Alexandro Imperatore, & Ulpiano Præfecto diu
cruciati, ad extremum capitali sententia damnati
sunt. nec enim hac in re constantem rationem
Imperatores habuere ; sub eodem enim Prin-
ce & Christiani laudabantur, & lædeban-
tur. sic Hadrianum Lampridius in Alexandro
tribuit cogitasse Christo templum facere, eum-
que inter Deos recipere, templaque in omni-
bus civitatibus sine simulachris ob eam causam
fuisse fieri, eum tamen in loco passionis Chri-
sti,

sti, simulachrum Jovis consecrasse; Bethleem-
que Adonis templo prophanasse testatur Pau-
linus *Epist. 2. ad Severum*. Cæterum tanta fuit
Ulpiani in jure civili experientia, ut ab Eutro-
pio juris conditor appellatus sit, & à Justiniano
in *novel. 97. c. 6.* sapientissimus. in *l. fin. C. de inst.*
vel substit. disertissimus, & in *l. un. §. ne autem 9.*
C. de cad. toll. summi ingenii vir. Fuit porro
Ulpianus quidam miles temporibus Gordiani,
ut apparet ex inscriptione *l. vii. C. de usufr. &*
habitat fuit & Ulpianus Rhetor: sed alii à no-
stro. Ulpiani Basilicam Romæ nominari scribit
Bernardinus Rutilius. Multa de jure scripsit.
in indice Justiniano ejus libri numerantur.

AD EDICTUM LIB. LXXXIII.

quorum fit mentio à Justiniano in *l. maximum*
utium C. de lib. præter. nam de Edicto præ-
torio verba ejus *l.* intelligi debent, ut apparet
ex *l. 1. D. de pecun. constit.* ex *l. si duo 16. eod. tit. &*
aliis: ideoque in *l. 1. D. si quis jus dic. non ob-*
temp. pœnam ex eo Edicto post annum non
dari recte dicitur, quia prætoria est: ut in *l. 24.*
D. de in jus voc. Inscriptionem autem *l. 1. D.*
si pars hered. pet. quæ sic se habet: *Ulpianus lib.*
5. ad Edictum mendosam esse existimo, repo-
nendumque *lib. 15.* hoc enim in libro contine-
bantur omnes actiones, quæ ad hereditatis peti-
tionem à Præторе proponebantur, ut apparet ex
legibus quæ sumptæ sunt ex dicto libro Ulpiani
in

LIBER PRIMUS.

127

in tit. si pars hered. pet. & tit. de poss. hered. petit.
Tribonianus enim in sua pandectarum compositione, ordinem Ulpiani sequutus est. Hos autem ad Edictum libros, ante libros ad Sabinum editos fuisse cognoscitur ex *l. cum hic status 32. §. si quis spons. 27. D. de donat. inter vir. & uxor.* iuncta cum *l. quaesitum. 9. D. de sponsal.*

AD SABINUM LIB. LI.

De Massurio Sabino hoc intelligendum, quemadmodum docuimus supra, cum de Sabino ageremus. In his libris quædam erant, quæ effugiebant legis Miscellæ observationem, ut scribit Justinianus in *l. 3. C. de ind. viduit.* His autem libris totum fere jus complexus est. eos enim ad Sabini libros juris civilis scriptos puto.

AD LEGES LIB. XX.

Ex quorum xiii. desumptam credo *l. 31. D. de legib.* eaque ex parte, in qua leges Julia & Popæa enarrabantur, quæ multa capita continebant. Ad quas etiam Terentius Clemens libros scripsit viginti. sic enim in veteri indice Græco legitur Τερεντίου κλήρυδι & ad leges βιβλία εἰκοσι. ex quorum xv. & xviii. desumptæ sunt *l. si mihi 59. D. de legat. 2. & l. operis 5. D. de oper. serv.* Hos autem libros ad leges Juliam & Papiam, imperante Commodò ab Ulpiano scriptos, quidam putant ex *l. 45. D. de ritu nupt.* quæ ex lib. iii. ad leg. Juliam & Papiam desumpta est; hæc verba: *ut rescripto Imperatoris nostri, & Divi*

pa-

patris ejus continetur. sic interpretantes; moti l.x. D. de in jus voc. & l.iii. §. is plane D. de suis & legit. hered. verum hæc l. 45. ad Impp. Severum, & Antoninum ejus filium referenda est. Quæ res nobis causam præbebit obiter notandi legem verum. 11. pr. D. de minor. xxv. ann. mendosam esse hoc loco: Cæterum ex delicto in servitutem facto, domino adversus eum post libertatem actio non competit, & hoc rescripto Divi Severi continetur. expungendamque dictionem, Divi, tanquam adulterinam. hoc enim rescriptum est Alexandri Severi, quod refertur in l. 1. C. de noxal. act. Alexandrum autem Severum ab Ulpiano Divum appellari posse non putandum, cum Ulpiano Alexander supervixerit.

DISPUTATIONUM LIB. X.

Hos libros Politianus prætermisit, ad quos pertinere existimo duas illas quæstiones, quas se invenisse apud Ulpianum Justinianus ait in *l. si quis duobus C. de impub. & aliis substit. & illa quoque de quibus idem Justinianus in l. si plures C. de condit. insert.* Harum disputationum fit mentio in inscript. *legis in bonæ fidei 36. D. de pecul.* Publicas fuisse disputationes ad perennem scientiam & memoriam agnoscitur ex *l. Divo Marco. C. de quæst.*

OMNIUM TRIBUNALIUM LIB. X.

in quibusdam codicibus legitur

PRO-

LIBER PRIMUS.

129

PROTRIBUNALION BIBAIA ΔΕΚΑ.

Ex libro x. nulla lex desumpta est. Tribunalia Magistratuum erant. Quæ autem appellantur *omnia tribunalia* ab Ulpiano, *universa fora* dicuntur à Valentiniano & Martiano in novel. quam scribunt Storacio præf. præf. nondum edita, & à Seneca *omnia fora lib. III. de benef. ap. VII.* Non omittemus autem, verba quædam *si per error. 15. D. de jurisd. omnium jud.* quæ ex *lib. 2. omnium Tribunalium* desumpta est, vulgo corrupte legi: quibus quidem restitutis verus legis sensus elicietur. Hujus itaque verba sic leguntur: *Si per errorem alius pro alio prætor fuerit aditus, nihil valebit quod actum est. nec nim ferendus est, qui dicat, eos consensisse in prædem.* Depravatio satis apparet; quomodo enim, si alius pro alio prætor fuerit aditus, videlicet peregrinus pro urbano, in præsidem consentire potuerunt? Jacobus Cujacius, vir excelsi ingenii, & judicii, pro *in præsidem* legit *præsentem.* i.e. in prætorem, quem adierunt: non præsidem, sed prætorem, aditum fuisse velit, his primis legis verbis motus: *Si per errorem alius pro alio prætor fuerit aditus.* Sed hanc Cujacii conjecturam, ut verum dicam non approbo: videturque mihi membro sano remedium adhibuisse: ulcerato autem non item; dictionem enim illam *in præsidem* retinendam immopere affirmo, sed principium hujus legis

I

pau-

130 DE JURISPERITIS.

paululum corruptum non dubito. sicque sanandum: *Si per errorem alius pro prætore fuerit aditus*, rejecta illa dictione *alio*, quæ ab inepto quodam glossatore notata est, & addita ex *l. 2. D. de judic.* ubi Ulpianus eadem referens his verbis utitur: *aut si putaverunt alium esse prætorem pro alio* &c. quæ quidem postea transcriptorum inscitia in textum redacta est; Eam autem expungendam satis ostendunt, quæ sequuntur. *Nec enim ferendus est, qui dicat consensisse eos in præsidem.* quæ manifestò declarant præsidem pro prætore aditum esse. Et recte quidem hæc in lege Ulpianus loquitur de præside pro prætore adito: licet dicta *l. 2. de judic.* de prætore pro alio prætore adito tantum intelligenda sit quod hæc *l.* desumpta est ex *libro 2. de omnibus tribunalibus*, in quibus libris Ulpianus tractat de jurisdictione omnium judicum, tam urbanorum quam provincialium. *lex* vero *2. de judiciis* decerpta est ex *libro III. ad Edictum*, quod in libro Ulpianus de prætoris jurisdictione & edicto tantum scribit.

ΠΑΝΔΕΚΤΟΥ LIB. X.

REGULARIUM LIB. VII.

FIDEICOMMISSORUM LIB. VI.

Duobus primis libris, de fideicommissis singularum rerum tractavit *vid. l. 1. D. ad Sen. Trebell.*

OPINIONUM LIB. VI.

Ex quinto desumpta est *lex. 25. D. de adopt.*
cu

LIBER PRIMUS.

131

ui contraria videtur constitutio Gordiani in
5. *C. ne de statu defunct.* in quarum legum
conciliatione nihil rectum Glossa adducit. Ego
Thalelæi explicationem veram puto: patrem
ideo apud Ulpianum movere quæstionem non
posse, quia pater passus est filiam testamento
heredes scribere, & sic emancipationem ap-
probaret, & adversus factum suum venire non
posset.

DE ADULTERIIS LIB. V.

DE APPELLATIONIBUS LIB. IV.

DE OFFICIO CONSULIS LIB. III.

INSTITUTIONUM LIB. II.

Hos libros citat Severinus Boëtius *lib. 2. in Top.*
Ciceronis, ex quibus illa esse Joannes Tilius
probat, quæ nuper ejus beneficio in vulgus ex
tempore Ulpiani sunt emissa.

RESPONSORUM LIB. II.

Hos libros pertinebat responsum Ulpiani,
secundum quod Sabinæ rescripsit Alexander
imperator in *l. 4. C. de contrah. & committ. stipul.*

AD EDICTUM ÆDILII CURULII.

Hos libros & sequentes, qui in indice Justinia-
no reperiuntur, prætermisit Politianus.

REGULARIUM LIBER SINGULARIS.

DE CENSIBUS LIB. VI.

DE OFFICIO PROCONSULIS LIB. X.

In his libris facile crediderim enucleasse
Ulpianum tres illas difficiles & perobscuras

I 2

quæ

quæstiones, quas commemorat Justinianus in
l. sanximus 7. §. fin. C. de Senatusc. Trebell. Libri
 sexti meminit *lex 1. C. de communi servo manum.*
 In his autem libris, septem rescripta Principum,
 quibus doceret, qua poena afficerentur Dei veri
 cultores, Ulpianum collegisse supra docuimus ex
 Lactantio *lib. 5. de instit. cap. xi.* Hos autem libros
 expunctos ex albo cæterarum legum fuisse à
 Christianis Imperatoribus existimat Baronius Soranus
 in commentario Martyrologii: quos ego ab ipso
 Justiniano, five potius Triboniano, cum reliquis
 Jurisconsultorum libris suppressos arbitror. Ex libro
 tamen tertio hæc de Christianis referuntur in
l. 3. §. ult. D. de Decurion. *Eos qui Judaicam
 superstitionem sequuntur, Divi Severus & Antoninus
 honores adipisci permiserunt: sed & necessitatem
 eis imposuerunt, quæ superstitionem eorum non
 lederent.* ubi Alciatus corrupte exaratum putat
DD. Severus & Antoninus, reponitque *lib. iii. Dispunct. cap. viii. D'D.
 Verus & Antoninus.* Hos enim existimat, per
 rescriptum Christianorum dogma confirmasse,
 & æquales aliis in honoribus adipiscendis
 constituisse, propter beneficium receptum à
 Christianis militibus in bello Marcomannico;
 quod tamen falsum; cum ex Julio Capitolino
 in Marci Antonini vita Verus obiisset, antequam
 M. Antoninus Marcomannos de bella.

LIBER PRIMUS.

133

bellaret. atque ita appareat Marcum Antoninum solum hoc edictum constituisse. Quod & confirmat epistola, quæ extat apud Justinum in fine secundæ apologiæ, quæ à M. Aurelio Antonino solo ad Senatum scripta est, de beneficio à Christianis recepto in hoc bello. Sic Tertullianus in Apolog. cap. 5. Si literæ, inquit, Marci Aurelii gravissimi Imperatoris requirantur, quibus illam Germanicam sitim Christianorum forte militum imbre discussam testantur. Ecce. Recte itaque legitur in dicta. l. 3. DD. Severus & Antoninus, i. e. Septimius Severus, & Antoninus Bassianus filius, qui simul imperant, auctore Spartiano in Severo; de his enim loquitur Tertullianus lib. ad Scapulam: Nam & Proculum Christianum qui Torpacion cognominabatur, Eubodæ procuratorem, qui eum oleum aliquando curaverat, requisivit, & in palatio suo habuit usque ad mortem ejus, quem & Antoninus optime noverat lacte Christiano educatus. Sed & clarissimas fœminas & clarissimos viros Severus sciens hujus sectæ esse, non modo non læsit, verum & testimonio & populo fuienti in os palam restitit. Quod autem Tertullianus ait: Antoninus lacte Christiano educatus, sic intelligendum est: quia cum infans esset, collusorem Christianum habuit, ut testatur Spartianus in ejus vita, Septennis, inquit, puer, de Antonino loquens, cum colluso-

I 3

rem

rem puerum ob Judaicam religionem gravis verberatum audiisset, neque patrem pueri, et auctores verberum diu respexit. Adnotabimus etiam obiter Ulpianum libro supra dicto scripsisse, Imperatores Christianis non solum honores adipiscendi libertatem dedisse, sed etiam necessitatem imposuisse; respuebant enim Christiani Romanos honores, neque sibi licitum gerere putabant. Unde Tertullianus Apolo. cap. 45. Ecce Pythagoras apud Thurios, Zeno apud Priennenses tyrannidem affectant: Christianus vero nec aedilitatem. Hac de re etiam ample differit lib. de idololatria: Hinc proxime disputatio oborta est, an servus Dei, alius cuius dignitatis, aut potestatis administrationem capiat, &c. quod quidem agitatum apud Christianos puto, ob eam necessitatem honores adipiscendi, ab Imperatoribus ipsis imposuitur tam.

DE SPONSALIBUS.

DE OFFICIO PRÆFECTI URBI.

DE OFFICIO PRÆFECTI VIGILUM.

DE OFFICIO CURATORIS REIPUBLICAE.

DE OFFICIO PRÆTORIS TUTELARIS.

DE OFFICIO QUÆSTORIS.

Præter autem eos libros qui in indice Justiniano reperiuntur, in Papiniani corpus eundem scripsisse Theodosius testis est locuples in l. 1. a respons. prud. Cod. Theod. ex quibus depromi possunt

psiq

LIBER PRIMUS.

135

psit Tribonianus versiculum *Ulpianus* notat *l. liberto* 31. §. 2. *D. de negot. gest.* & quæ *Ulpiano* tribuuntur in *l. curatores* 3. *D. de administr. rerum ad civit. pertin.* & in *l. servum* 27. *D. de pignor.* Notas etiam ad *Aristonem* scripsisse colligitur ex *l. Aristo* 9. *D. de jure codicill.* Item ad *Marcellum* ex *l. tutor* 28. §. 1. *de administr. tut.* Præterea compilasse non pauca ad *Minitii* libros indicat inscriptio legis *vinaria* 206. *D. de verb. signific.*

TERTULLIANUS.

Tertullianus sive ut alii Tertyllianus, maximus juris interpret fuit: ideoque hunc *Justinianus* vocat interpretem juris antiqui in *l. ult. C. de curat. fur.* ejusque citat *librum singularem de Castrensi peculio.* Cæterum errore labi mihi videtur *Rivallius*, cum putat hunc esse, quo referente *Senatusconsultum Tertullianum* factum est; nec vero *Tertullianus* ille dictus est, sed *Tertullus*: nec à *Tertulliano* substantivo nomine, *Tertullianum* adjectivum deduci potest. Adde quod *Senatusconsultum Tertullianum* factum est imperante *Antonino Pio*, *Tertullo* & *Sacerdote* *Coss.* Hic autem mentionem facit auctore *Ulpiano* in *l. cum quidam* 30. §. *suum heredem* 6. *D. de acquir. hered.* *Pomponii Jurisconsulti*, quem ad ejusdem *Se-*

I 4

na-

natusconsulti explicationem pertinentia quædam decrevisse idem Ulpianus scribit in *l. ii. §. sed & si quis D. ad Sen. Tertull.* qui etiam meminit hujus Tertulliani in *l. si ve ingenua. 2. §. tractarit. 44. D. ad Senatusc. Tertull.* Bernardus autem Rutilius, Joannes Fricardus, cæterique magni nominis viri, hunc Tertullianum esse existimant Q. Septimium Florentem Tertullianum, Ecclesiasticum auctorem, cujus adhuc multa extant opera. quæ quidem opinio omnes fere jam literatorum animos opplevit. Tantum valet apud eos eruditissimorum hominum auctoritas: quam tamen si veritas ipsa convellat, rogabo lectorem ne repugnet; sed eam animis libentibus remittat: ratio enim eorum præcipua, quamque nulla vi labefactari posse credunt, conjectura tantum levi nititur ex verbis Eusebii *lib. 2. cap. 2. Ecclesiast. Histor.* desumpta, quæ sic se habent: *Hæc Tertullianus vir & legum & institutionum Romanarum peritissimus, & inter nostros scriptores admodum clarus.* Quis autem ex iis concludet Tertullianum Christianum auctorem, eum esse Jurisconsultum, cujus fit mentio in Pandectis? nemo me hercule Dialecticus. Sicuti nec dicere possumus (nisi verba nostra omnium irrisione ludi cupiamus) Sextum Pompeium, de quo Tullius in Bruto, eum esse Jurisconsultum, quem citat Pomponius in *l. & hoc Tiber. Cæsar. 41. D. de*

LIBER PRIMUS.

137

D. de hered. instit. quod illum Sextum Pompeium, præstantissimum ingenium ad summam juris civilis scientiam habere Cicero scripsit. Nec Julianum qui Pertinacem occidit, ejus meminit Eusebius in *Chronicis*, eum esse existimamus, quem tanquam juris & perpetui dicti auctorem Pandectæ nostræ habent: licet et eo Eusebius sic scripserit: *Pertinax occiditur Juliani jurisperiti scelere*. Porro rationibus quibusdam non omnino contemnendis moveor, ut credam Tertullianum Christianum diversum esse ab hoc nostro Jurisconsulto: & imprimis quidem quod ab Ulpiano tantum citatur, eumque sententiæ suæ sæpissime assertorem habeat; simileque veri non est, Ulpianum, qui tanto odio Christianos prosequutus est, Christiani scriptoris auctoritate opinionem suam confirmare voluisse. Deinde D. Hieronymus in *Catal. auct. Ecclesiast.* Tertulliani Christiani scripta commemorans, nullum de *libris Quæstionum*, neque de *Castrensi peculio* sermonem habuit: quos tamen Jurisconsultum nostrum scripsisse certum est. Denique Christianum sub Septimio Severo floruisse satis apparet ex Cassiodori Chronico, ubi 16. anno imperii Severi Pompeiano & Avito coiff. sic scriptum est: *His coiff. Tertullianus Afer Christianorum scriptor celeberrimus habetur*, & ex libro 1. contra Marcionem, qui quidem eum 15.

I 5

an-

138 DE JURISPERITIS.

anno imperii Septimii librum illum scripsisse nos docet, & sub Claudio Apologeticum. Originem enim & progressum religionis Christianæ ad sua tempora describens omnes Imperatores à Tiberio, cujus tempore nomen Christianum in seculum introivit, ad Verum usque recenset: quamobrem si Tertullianus noster, Christianus auctor sit, eum sub Vero *libros questionum*, & *de Castrensi peculio* composuisse dicendum est: scilicet antequam Christo nomen daret: quod & ipsimet verum asserunt. Tertullianum autem nostrum Pomponii Jurisconsulti mentionem facere supra diximus in *l. cum quidam. 30. §. suum heredem. 6. D. de acquir. hered.* qui inter Papiniani discipulos numeratur à Lampridio in Alexandri Severi vita. Quo igitur pacto fieri potest, Tertullianum nostrum sub Vero juris civilis scientiam professum fuisse, & Papiniani discipuli auctoritate sententiam suam confirmasse? Papinianus enim sub Caracalla xxxvi. ætatis anno interfectus fuit: atque ita ex serie temporum constat, Papinianum extremis Veri temporibus x. aut xii. annum tantum attigisse: qua quidem ætate eum juris scientiam publice professum, discipulosque habuisse, nemo est, qui dicere audeat. Existimarem quidem libentissime, Christianum cum nostro Jurisconsulto affinitate conjunctum fuisse, ejusque mentionem illum facere in *lib. de præscript. adversus hæret.*

LIBER PRIMUS.

139

eretur. cum ait, *Meus quidem propinquus ex eo-*
lem poëta, inter cætera styli otia Pinacem Cebet is-
explicuit. quamvis Renatus Laurentius, quis
 le fuerit, invenire se non poruisse asserat in
 ommentar. Propinquum enim illum Tertul-
 iani nomen habuisse ex eo conjicere possumus,
 quod alio nomine eum non designaverit: satis-
 que notum putaverit hac appellatione: nec
 enim si aliud nomen habuisset, illud omisisset.
 Præterea auctorem illum ex his verbis *inter cæ-*
tera styli otia graviores artes & scientias, jurif-
 rudentiam scilicet, professum fuisse manifesto
 apparet. Deinde juniorem Tertulliano Chri-
 stiano, ex ipsis verbis colligimus: quod maxi-
 me ad Tertullianum Jurisconsultum referri pot-
 est: cujus in indice hi libri reperiuntur.

QUÆSTIONUM LIBR. TRES.

Citatur Tertullianus *lib. 4. quæstionum in dicto*
suum heredem: nec male ut puto, in indice
 nim Græco legitur,

QUÆSTIONUM ΒΙΒΛΙΑ ὍΚΤΩ.

DE CASTRENSI PECULIO LIB. UNUS.

PAPIRIUS JUSTUS.

Papirii Justi memorantur tantum

CONSTITUTIONUM LIBRI XX.

in indice Justiniano, in quibus Antonini, &
 ceteri Imperatorum fratrum constitutiones puta-
 verim

140 DE JURISPERITIS.

verim eum compilasse. Hujus rei conjecturam capio ex *l. Imperatores. D. de servit. rusticorum præd. l. Imperatores D. de servitut. urban. præd. l. Imperatores. D. de rebus auctoritate judicum possid. l. Imperatores 71. D. de contrah. empt. l. Imperatores. D. de curat. bon. dando. l. Imperatores. D. de appellat. l. Imperatores. D. de pact. l. Imperatores. D. de re jud. l. Imperatores. D. de Decurion. l. Imperatores. D. de administr. rerum ad civit. pertin. l. Imperatores. D. de pollicit. & ex l. imperatores D. ad leg. Jul. de annona.*

JULIUS PAULUS.

Patavinum fuisse Julium Paulum Bartachinus scribit, testimonioque esse statuum supra ostium ædium magistratus Patavini positam. Credidi eum Tyrium fuisse: ideoque ab Ulpiano & Mammæa Alexandri uxore tantopere dilectum, ut semper socius Ulpiani fuerit: quem quidem cum Mammæa Tyrium fuisse supra dixi, aut ex Tyriorum colonia. Hocque confirmatur, quod in syntaxi Latinarum vocum, aliorum consilio usus sit: *Nomen*, inquit, *penus mihi traditum est, omnibus generibus dici in l. nam quod. §. 3. D. de penu legata*; & proprietatem verborum Latinorum ignoraverit in *l. xvii. D. de except. cum servitutes, corpora* appellat: verisimileque non est, Latinum hominem & do-

LIBER PRIMUS.

141

dictum, dictionum Latinarum vim non cal-
lisse. Juvat conjecturam nostram, quod Græ-
ces artes in explananda juris civilis scientia at-
tulerit in *l. 9. D. de supellect. leg.* & quod in *l. xii. D. de statu hom.* Hippocratis auctoritate senten-
tiam confirmarit suam, & dictiones Latinas per
verba Græca explicuerit in *l. 7. §. hæc vox. D. de edendo.* Quæ res fortasse impulit Hotoman-
num in verbo *abalienare*, ut Paulum, hominem
Græcum existimaverit: cujus tamen rei nullum
argumentum affert. Addi potest & illud, quod
Lidas scribit, Paulum Tyrium quendam, ora-
torem Hadriani temporibus fuisse, qui cum le-
gationem Romæ egisset sub Hadriano, metro-
polim Tyrum effecit: eumque patrem nostri
Pauli fuisse augurarer: & fortasse, uxore ejus
in ea legatione Patavii enixa, Patavini suum
esse Paulum Jurisconsultum ideo contenderunt.
Unde recte apud Cujacium *lib. 21. cap. 26. observat.* nonnulla Pauli in *l. 25. D. de probat.*
et *lib. 3. desumpta* observantur, quæ Græcum
hominem sapiunt: ut, cum prudentem & atten-
tum patremfamilias, vocat *studiosum*, cum
cautionem *confessionem* vocat, ut Græci *δημολογίαν*.
Male autem cum non Pauli, sed Triboniani
arguit, quod Græcum hominem sapiant. Nam
de verbo *confessionis*, pro cautione usus est etiam
Marcellus in *l. 20. D. de donation.* Nec eo
nomine Cujacii sententia confirmatur, quod
hæc

hæc verba legantur : *Et vir simplicitate gaudens, aut desidiæ deditus* : quibus manifesto descriptam esse conditionem monachi tradit. hæc enim verba ad monachorum referri statum non debent : sed ad Christianos, quibus maxime infensus Paulus fuit, quos *desidiæ deditos* appellat ille, injurioso nomine : quia Christiani plerique, etiam sub imperio Septimii Severi, sub quo Paulum hos quæstionum libros scripsisse certum est, reipubl. omnia munia, tanquam rem Christiano homine indignam respuebant. Hujus rei locupletissimus auctor est Tertullianus, qui sub Severo scripsit, in *Apolog. cap. 45. Ecce Pythagoras apud Thurios, Zenon apud Priennenses tyrannidem affectant : Christiani vero nec ædilitatem, & apertius in libro de idololatria. Hinc proxime disputatio oborta est, an servus Dei alicujus dignitatis, aut potestatis administrationem capiat.* quamobrem Paulus Christianos, quos magnopere oderat, *desidiæ deditos* appellat : sicuti Imperator Valens, qui monachos ut Arrianus oderat, *ignaviæ sectatores* appellat in *l. quidam 26. C. de Decurion.* Non ergo hæc verba *l. 25. D. de probat.* de monachis intelligenda sunt, ut Triboniano tribuantur : cum nihil, quin Pauli sint, prohibere possit : ut satis aperte, ni fallor, declaravimus. Magna vero cum juris civilis scientia præditum, cum ipsius scripta, tum de eo auctorum

LIBER PRIMUS.

143

librorum & Imperatorum amplissima testimo-
 nia fidem faciunt: eum enim Lampridius in
 Alexandro Severo jurisperitissimum appellat:
 Justinianus in *l. & si contra. C. de nupt. virum*
pudentissimum, imitatus Diocletianum &
 Maximianum in *l. xi. C. ad leg. Cornel. de fals.*
 & Modestinus *lib. singulari de excusat. tut.*
 ἀρχαῖον: quod vocabulum, Principem significare
 Ciceronis verba declarant *lib. i. de natura Deo-*
rum. Ejus autem universæ leges ita obscuræ,
 ambiguae, verborumque tenebris involutæ sunt,
 ut id quod de Chrysippo Cicero *de divinatione*
 scripsit, de Paulo dicere verissime possimus,
 eum totum hoc volumen implevisse oraculis
 siculoquis, & obscuris, ut interpretes egeat inter-
 prete, & fors ipsa referenda sit ad sortes. Cæte-
 rum Septimii Severi Imperatoris cum Trypho-
 nio, Messio, & Papiniano in consilio fuit: à
 quo sæpe dissensit, ut apparet *ex l. fin. de jure*
firi. & ex l. 97. D. de acquir. hered. & Antonini
 Caracellæ Septimii filii, à quo etiam dissensit,
 ut constat *ex l. 38. D. de minor. xxv.*
an. verbum enim illud *pronunciavit* ad Impe-
 ratorem referendum est; leges siquidem illæ
 sumptæ sunt ex libris Pauli *decretorum*, sive
Imperialium sententiarum in cognitionibus pro-
curarum: ubi sæpe Paulus improbat decreta
 Principum. Removit autem eum ab aula He-
 ligabalus, hac ratione fortasse motus, quod
 de-

decreta ejus non probaret: revocavit tamen eum Alexander Imperator, ejusque consilio usus est, auctore Lampridio; cum enim Alexander in animo haberet, omnibus officiis genus vestium proprium dare, & ne servi ingenuis simul miscerentur, hoc Paulo displicuit, politica illa & prudenti ratione, quam supra in Ulpiano retulimus. Itaque quod ex Lampridio diximus, Alexandrum, quod Ulpiani consiliis usus sit, ex bono Imperatore meliorem factum, addere possumus Paulum nostrum hac in laudis parte, ex Sexto Aurelio Victore *lib. de Caesaribus*, qui sic scribit: *Adhuc Domitium Ulpianum, quem Heliogabalus Prætorianis præfecerat, eodem honore retinens: Pauloque inter exordia patriæ reddito, juris auctoribus, quantus erga optimos atque æqui studia esset, edocuit. Assessorem autem se fuisse Papiniani scribit ipse in l. lecta. §. dicebam D. de reb. cred. cum Ulpiano: unus quidem ad memoriam: alter ad libellos. Postea vero Præfecti facti sunt, Severi decreto observato: qui Assessores provincias, quibus assedissent, administrare iussit, ut testatur Ælius Spartianus in *Pescennio Nigro*. An tamen Heliogabalus Præfectum fecerit Paulum, an Alexander: dubitatum esse scribit Lampridius in Alexandro. Filium autem Paulus habuit, ad quem libros*

RECEPTARUM SENTENTIARUM

scri-

LIBER PRIMUS. 145

scripsit. Eum vero nomini Christiano maxime
 consensum is non dubitabit, qui Ulpiani coævum
 sociumque fuisse sciverit. quapropter ea quæ
 libro 5. *sententiarum tit. 21.* traduntur, adver-
 sus Christianam religionem ab eo scripta conji-
 cere possumus: *Qui novas, inquit, & usu vel
 ratione incognitas religiones inducunt, ex qui-
 bus animi hominum moveantur: honestiores de-
 portentur, humiliores capite puniantur.* Cæte-
 rum meminit Gellius *Julii Pauli poetæ lib. 5.
 noct. Attic. cap. 4. & lib. 19. cap. 7.* sed alius
 et ab hoc nostro Jurisconsulto, cujus libri,
 cui in indice Justiniano reperiuntur, hi
 sunt:

AD EDICTUM LIB. OCTOGINTA.

Prætoris scilicet. *Libro 1.* tractavit de *juris-
 dictione, & officio magistratuum*: quod &
 notavit Cujacius *lib. 24. cap. 6. observat.*

QUÆSTIONUM LIB. XXXIII.

Justinianus in *l. cum in antiquioribus 19. C. de
 re deliber.* scribit se in his quæstionum libris,
 regulam hanc ad jus deliberandi pertinentem
 invenisse: *Filios familias paternam heredita-
 tem transmittere, & alia quædam adjecta, quæ
 ejusmodi personis præcipua essent.* Libro 1.
 existit quæstio illa *de cautione* agitata in audi-
 torio Papiniani Præf. præt. inter eum, & Ulpia-
 num, quem tamen cum reprehendit non no-

K

mi-

minat: sed utitur eo verbo: *Quidam dicebat*; & LIBRO. XXXII. *ad Edictum in l. 3. D. mand.* Sabini & Cassii sententiam improbens, scribit: *Quidam negaverunt*; stylo Jurisconsultis non exotico: sic Julianus in *l. 21. D. de reb. cred.* de Proculeianis ait: *quidam existimaverunt*; & Scævola in *l. 14. D. de jure cod. quidam referunt.* & Callistratus in *l. 82. D. de cond. & demonst. quidam hoc ajunt &c.* quo loquendi genere usus est Aristoteles in Platone reprehendendo, & Seneca in Aristotele, verbo *aliquis lib. iii. de ira cap. iii.* sicut in Euangelio, quorum dicta vel facta damnantur, nomina supprimuntur: sed utitur Scriptura sacra verbo *Quidam*, vel alio simili. Cæterum Paulus non solum in Ulpiani sententia damnanda hoc verbo utitur: sed etiam cum eam probat, & laudat, ut in *l. 8. ususf. quemadm. cav.* his verbis *Quidam*, hoc de Ulpiano, & *Martianus heredi*, &c. quod ab eo factum ideo credo, aut ut in coætaneo & socio citando, omnem vel maligni animi vel adulatorii notam vitaret: vel forte Græcorum more, ut & ipsum Græcum diximus, qui de his quos maxime colebant verba facientes, verbo αὐτὸς vel alio utebantur: ut apud Theophrastum in *Charact. c. 3.* καὶ τὰς ἀπαλλογνίας ἐπιστῆναι μετὰ χρόνῳ κελεύσας ἕως ἂν αὐτὸς παρέλθῃ, & apud Aristophanem in *nebul. Act. I. Sc. II. vers. antep.*

στ. φέρε τίς γάρ ἐστιν ἡ κρεμνίδρας ἀνὴρ

Μα

LIBER PRIMUS.

147

Μα. αὐτός. Στ. τίς αὐτός Μ. Σακράτης.

Ibi Scholiastes. Inde illud Pythagoreorum
 εὐδὲς ἐφα. Refertur autem quaestio à Nymphi-
 co proposita Paulo Jurisc. in l. 81. D. de con-
 at. & demonstr. quæ ex lib. 21. quæst. desum-
 ta est. Justinianus etiam refert sententiam,
 quam Paulum in suis quaestionibus scripsisse
 addit: *Infantem non posse ingratum à matre sua
 recari, nisi hoc fecerit odio mariti sui, ex quo
 natus progenitus est: quam tamen iniquam
 iudicavit.*

RESPONSORUM. LIB. XXXIII.

Forum librorum meminit Justinianus in præfa-
 tione digestorum S. 1. vers. 30. autem anno. Ex
 quibus in veterum scholis, vix decem & octo
 recitabantur. Extat unum ex responsis Pauli
 in l. etsi 6. C. de nupt. Ex his etiam libris le-
 gen 22. D. ad leg. Falcid. desumptam existi-
 mo.

FIDEICOMMISSORUM. LIB. III.

Meminit LIBRI III. Justinianus in l. 1. C.
 de communi servo manumisso, in quo mentio
 facta erat cujusdam constitutionis Severi &
 Antonini; qua cogeatur socius vendere par-
 tem socio servi communis, quatenus libertas
 servo imponeretur: quanquam ex bonis socii
 marientis nihil consequeretur, precio constitu-
 torbitrio Prætoris. Atque hoc III. LIBRO.
 Paulum de fideicommissariis libertatibus tra-

K 2

ctasse

etasse opinor, & Senatusconsultum Rubrianum interpretatum fuisse ex *l. 33. D. de fideicom. libert.* ideoque *legem 5. ejusdem tituli* mendosam esse puto: *Senatus Hadriani temporibus censuit*, legendumque, *Senatus Trajani temporibus*: hæc enim verba de Senatusc. Rubriano intelligenda sunt, quod Trajani temporibus Rubrio Gallo, & Cælio Hispione Coss. factum est *l. 26. §. 7. D. de fideic. libert.* qui quidem Coss. suffecti fuere: quorum etiam meminit Plinius.

BREVIS. EDICTI. LIB. XXIII.

Libro octavo. quæ ad Tutelarum materiam pertinebant, tractavit. Vocantur autem hi libri aliquando *Brevium*. Quamobrem conjicio *brevia Edicta* hic collegisse Paulum, id est, quæ è re nata, & ut negotia nascebantur Prætores proponebant: qualia erant *Edicta evocatoria*, quorum fit mentio ab Ulpiano in *l. impuberibus 7. §. ult. D. de suspect. tut.* & *l. nonnunq. 72. D. de judic.* Imperatorum etiam *breves constitutiones Brevia* vocabantur, Zonaras in *concl. Carthag.* βρεβίων ἢ ἐπιτομὴ λέγεται, καὶ συντομὴ γραφὴ: unde in *Nov. cv. de Consulibus, cap. 2.* βρεβιάτορες *brevium proscriptores Imperatorum*. Sic postea summi Pontifices *Breve* appellarunt apostolicum diploma, ceu rescriptum in parvis negotiis concessum. quod nomen eos ab hac veteri *Edictorum brevium* denominatione desumpsisse puto. Alio

ta-

LIBER PRIMUS.

149

tenen modo sumitur *Brevis* in *l. 1. de excusat.*
ar. lib. x. Cod. scilicet pro notitia & quasi in-
 die; & pro rationibus privatorum in *Synopsi*
Epil. lib. 7. tit. 18. cap. 14. τὰ δ' ἀντιδίκας σὺ
 ἐστὶν. ut in *l. ult. C. de conven. fisci deb.* pro char-
 tia debitorum. Ne igitur existimes hos libros
 ad *Edictum perpetuum* à Juliano compositum,
 recerendos esse: licet Justinianus in *orat. ad Se-*
natum. §. si vero, illud *brevem libellum* appellet.

AD PLAUTIUM LIB. DECEM ET OCTO.

alis; Questionum ad Plautium.

AD SABINUM LIB. SEXDECIM.

AD LEGES LIB. DECEM.

alis; ad leges Juliam & Papiam.

REGULARUM. LIB. SEPTEM.

SENTENTIARUM. SIVE. FACTORUM.

LIB. SEX.

SENTENTIARUM. RECEPTARUM. LIB.

QUINQUE.

AD. VITELLIUM. SABINUM. LIB. QUATUOR.

AD. NERATIUM. LIB. QUATUOR.

FIDEI. COMMISSORUM. LIB. TRES.

DECRETORUM. LIB. TRES.

Decreta hujusmodi & imperiales sententiæ in
 conditionibus prolatae, pro eadem re sunt acci-
 pinda: quanquam enim Justinianus in quibus-
 dam legum inscriptionibus tantum meminerit
Decretorum, ut in lege *Emilius 38. D. de*

K 3

mi-

150 DE JURISPERITIS.

minor. in l. fin. D. quod cum eo. in l. quædam
41. D. famil. ercisc. in aliis autem, Imperia-
lium sententiarum in cognitionibus prolatarum
tantum, ut in l. cum quærebat 240. de ver-
signif. in aliis tamen inscriptionibus utrumqu-
conjunxit, ut in l. fin. D. ad Sen. Trebell. in
fin. D. de hered. instit. Ex quibus constat Pau-
lum, in sex libros totam hujusmodi tractatio-
nem conclusisse. sed in indice Justiniano trium-
dumtaxat librorum mentio facta est, quod his
solis Justinianus usus sit. Præter autem hos sex
libros, Paulus librum singularem

DE COGNITIONIBUS

edidit: ex quo decerpta est l. municeps. 228. D.
de verborum signif. & l. 101. D. de regul. jur. quem
imperante Caracalla composuit. Leguntur
etiam in indice,

DE ADULTERIIS. LIB. III.

MANUALIUM. LIB. III.

INSTITUTIONUM. LIB. III.

DE OFFICIO. PROCONSULIS. LIB. II.

AD LEGEM. JULIAM. LIB. II.

AD LEGEM. ÆLIAM. SENTIAM. LIB. III.

DE JURE. FISCO. LIB. II.

AD EDICTUM. ÆDILIUM. CURULIUM.

LIB. II.

REGULARUM. LIB. VII.

Libri singulares.

REGULARUM. ITERUM.

RE-

LIBER PRIMUS.

151

REGULARUM. TERTIO.

DE. POENIS. MILITUM.

DE. POENIS. OMNIUM. LEGUM.

DE. USURIS.

DE. GRADIBUS. ET. ADFINIBUS.

DE. JURE. CODICILLORUM.

DE. EXCUSATIONIBUS. TUTELARUM.

AD. SENATUSCONSULTUM. TERTULLIANUM.

Justinianus in *l. lege xii. tabularum* 14. *C. de legit.*

hered. refert, Julium Paulum in libri hujus principio docuisse, impiam fuisse differentiam post *xii. tabulas* introductam in successione intra mares & foeminas, quantum ad adoptionis res pertinebat. Ex his autem quæ supra diximus cum de Tertulliano scriberemus, satis licet, non posse hoc Senatusconsultum, ad consulatum Tertulli, & Clementis referri: nam *ii Coss.* facti sunt Septimio Severo imperanti, ut ex Fastis apparet.

AD. S. C. ORPHITIANUM.

quo liberi ad matrum intestatarum bona admittuntur, factum Orphito & Rufo Coss.

AD. REGULAM. CATONIANAM.

AD. SENATUSCONSULTUM. SYLLANIANUM. ET. CLAUDIANUM.

AD. SENATU. SC. VELLEIANUM.

AD. S. C. LIBONIANUM.

DE. OFFICIO PRÆFECTI. URBI.

K 4

DE.

DE. OFFICIO. PRÆTORIS. TUTELARIS.

DE. OFFICIO. ASSESSORUM.

Hunc librum scripsit, cum assessor Papiniani
erat cum Ulpiano.

DE. EXTRAORDINARIIS. CRIMINIBUS.

AD. HYPOTHECARIAM. FORMULAM.

AD. MUNICIPALEM.

DE. PUBLICIS. JUDICIIS.

DE. INOFFICIOSO. TESTAMENTO.

DE. CENTUMVIRALIBUS. JUDICIIS.

Apud Labittum, & Antonium Augustinum
legitur *De septemviralibus judiciis*. Causas
autem de quibus cognoscebant Centumviri,
enumerat Tullius *lib. i. de Orat.* Quemadmo-
dum autem ea, quæ Prætores decernebant,
edicta dicebantur: sic quæ Centumviri, *judicia*.
Hæc autem *Centumviralia judicia*, longo tem-
pore post oppressam rempub. remansisse con-
stat ex *Quintiliani, Pliniique Secundi libris*,
& viguisse etiam D. Hieronymi temporibus ex
Apologetico ejus ad Domitionem intelligi pot-
est, & magnitudinem auctoritatemque *Cen-
tumviris* *judicii* Justinianus ipse prædicat in
l. xii. C. de petit. hered. Præcipuæ autem causæ,
de quibus temporibus Jurisconsultorum Cen-
tumviri cognoscebant, hæ erant: *de inofficioso
testamento*, & *de petitione hereditatis*. Unde
Tribonianus titulo *De inofficioso testamento*,
subjecit titulum *De petitione hereditatis*, in Pan-
decta

LIBER PRIMUS.

153

delectarum compilatione, & Scævola in *l. 13. D. de inoffic. testam. Centumvirale iudicium*, pro herela inofficiosi testamenti posuit: & Paulus, pro petitione hereditatis in *l. petitor. 30. D. de herat. leg.* Ideoque lectio Labitti, & Antonii Augustini, licet ex Pandectis Florentinis decerpta, à me probari non potest: sed liberè vulgrem indicis scripturam sequor. In quot autem consilia & tribunalia dividerentur Centumviri, & de forma iudiciorum vide *Cujacium l. 10. cap. 20. observat.*

DE. JURE. SINGULARI.

DE. SECUNDIS. TABULIS.

AD. ORATIONUM. D. SEVERI.

AD. ORATIONEM. D. MARCI. ET. COMMODI.

AD. LEGEM. VELLEIAM.

AD. LEGEM. CINCIAM.

de donis & muneribus, de qua *Cicero lib. 2. de Cat.* Eam ideo latam *Livius lib. 34. cap. 4.* recert, quia vectigalis jam, & stipendiaria plebs esse Senatui coeperat. Corrupte itaque legitur in inscriptione *l. 29. D. de leg. Paulus lib. 1. singul. ad legem Cinniam pro Cinciam.* Quamquam non sim nescius à Vellejo memoriæ produm, L. Cinnam legem agitaſſe: hæc autem à Cincio Trib. pleb. lata est, cujus inter cæteros meminit *Tacitus lib. xiii. Annal. c. 42.* quæ ab eodem vocatur *Senatusconsultum* eodem modo, quo lex *Ælia Sentia*, de qua in *§. Eadem lege*

K 5

qui

154 DE JURISPERITIS.

qui & quib. ex causis. apud Justin. *Senatusconsultum* dicitur ab Ulpiano in *lege 1. D. de Offic. Cos.* his verbis: *Cum & ipse sit qui ex S. C. consilii causam examinat*, i. e. ex lege *Ælia Sentia*: nihil enim hic immutandum censeo.

AD. LEGEM. FALCIDIAM.

DE. TACITO. FIDEICOMMISSO.

DE. PORTIONIBUS, QUÆ. LIBERIS. DAMNATORUM. CONCEDUNTUR.

DE. JURIS. ET. FACTI. IGNORANTIA.

DE. ADULTERIIS.

DE. INSTRUCTO. ET. INSTRUMENTO. MONOBIBLION.

aliter

DE INSTRUMENTI. SIGNIFICATIONE,
ex inscriptione legis *Servis 99. D. de legat. 3. & l. Rhedæ 4. D. de suppell. legat.* Differt autem instructum, ab instrumento in *l. quæsitum 12. §. sed si fundus 27. de instructo & instr.*

DE. APPELLATIONIBUS.

DE. JURE. LIBELLORUM.

DE. TESTAMENTIS.

DE. JURE. PATRONATUS.

DE. JURE. PATRONATUS. QUOD. EX. LEGE. JULIA. ET. PAPIA. VENIT.

DE. ACTIONIBUS.

DE. INTERCESSIONIBUS. FOEMINARUM.

Quemadmodum Paulus *de Centumviralibus judiciis*, & postea separatim *de inofficioso testamento*

LIBER PRIMUS.

155

mento scripsit, sic etiam de *Senatusconsulto Velleiano* Pauli librum supra recensuimus: nunc de *intercessionibus fœminarum* libellum ejus profrimus, qui quidem idem ferè cum libro de *Senatusc. Velleiano* est; Velleianum enim S. C. *intercessionibus* appellatur in l. 9. & 10. C. *et Senatusc. Vellei.* & à Martiano in l. *qui exceptionem* 40. D. de *condict. indeb.*

DE DONATIONIBUS. INTER. VIRUM. ET. UXOREM.

DE. LEGIBUS.

DE. LEGITIMIS. HEREDITATIBUS.

DE. LIBERTATIBUS. DANDIS.

DE. SENATUSCONSULTIS.

Scripsit Paulus alios libros, qui in indice *Jurini* non continentur.

DE. ADSIGNATIONE. LIBERTORUM.

DE. OPERIBUS. LIBERTORUM.

DE. VARIIS. LECTIONIBUS.

Sim & significationem verborum juris hoc in loco explicat.

EPITOMEN. ALPHENI. DIGESTORUM.

etiam pluribus verbis prosequutus est. Ex ejus quinque libris multæ leges descriptæ sunt, l. *qui pro certum*. 15. D. *commu. præd. l. sed si grandes*. 1. D. *de usufr. l. lumen*. 16. l. *eum debere*. 33. D. *de servit. urban. præd. l. cum multi*. 9. D. *si pro hered. pet. l. à quo* 58. D. *de rei vindic. l. quicquid*. 27. D. *de act. empti. l. servus* 36. D. *de condict. indeb.* & aliæ quædam. Scripsit etiam.

No-

156 DE JURISPERITIS.

NOTAS. AD. JULIANUM.

quod intelligitur ex *l. Si prator 75. D. de jud. ex l. Prator 3. §. 1. de collat. bon. ex l. Marcellus 15. de donat. causa mort. ex l. si pater 4. §. 2. de manum. vind.*

NOTAS. IN. LIBROS. QUÆSTIONUM. PAPI-
PINIANI.

ex *l. 16. D. de public. in rem actione, ex l. 18. D. de servitut. ex l. 1. §. 1. D. de offic. ejus cui mand. est jurisd. quæ ex lib. primo quæstionum Papiniani desumpta est, ut ex inscriptione apparet, in cujus legis fine sic scriptum est: Paulus notat. Imo imperium, &c. notat, scilicet in hunc librum primum. Hæc enim verba Papiniani non sunt, sed à Triboniano adjecta. Scripsit etiam*

NOTAS. AD. LIBROS. RESPONSORUM.
PAPINIANI.

ex inscriptione *legis nisi priores 16. D. quæ in fraud. cred.*

LIBRUM. SINGUL. AD. SENATUSC. TUR-
PILIANUM.

ex inscriptione *legis fin. D. de ritu nupt.*

EPITOMEN. LIBRORUM. LABEONIS.
ΠΕΡΙΘΑΝΩΝ.

Ad quam epitomen referendam puto *l. si cui ædes. 31. D. de legat. 3.*

DE. ARTICULIS. LIBERALIS. CAUSÆ.

ex

LIBER PRIMUS.

157

x inscriptione *l. si in obscuro. 41. D. de liberali
ausa.*

LIBRUM. SINGULAREM. AD. LEG. FUSIAM.
CANINIAM.

x inscriptione *leg. Potestatis. 215. D. de verb.
signific. & illum, quem paulo ante dixi,*

LIBRUM. SINGULAREM. DE. COGNITIO-
NIBUS.

cripsit etiam

LIBRUM. DE. CONCEPTIONE. FORMULA-
RUM. &

LIBRUM. DE. DOTIS. REPETITIONE.

CLAUDIUS TRIPHONIUS.

Claudius Triphonius, sive Triphoninus,
Papiniani discipulus fuit, & cum Paulo,
Ulpiano, aliisque Jurisperitis, quorum fit men-
tio à Lampridio, Alexandro Severo Imperatori
consiliis fuit, eique maximè familiaris, ac so-
lus. Unde inscriptionem legis 1. C. de in jus
voc. mendosam colligo: *Imperator Alexander*
l. Trophinio, scribendumque, *Triphonio*. Hoc
 suggerente in *l. fin. de jure fisci*. Paulus se respon-
disse de quadam quæstione scribit: & ipse Tri-
phoninus, se in auditorio dixisse tradit, in
quæstione quam tractat: solam illam dotalem
se partem fundi, quæ in dotem data est in
78. §. 4. D. de jure dot. Quod quidem audito-
rium

158 DE JURISPERITIS.

rium intelligendum est Papiniani, de quo fi-
 mentio in *l. lecta. D. de reb. cred.* non Principis
 cujus meminit *l. minor. 18. §. 1. D. de minor*
xxv. ann. Colligi etiam potest sub Antonino
 eum Syriæ præfuisse ex *l. 1. C. de Judæ.* Cum
 enim Triphoninus Antoninum Imperatorem
 consulisset, an legatum factum à Cornelia
 Salvia, universitati Judæorum, qui in Antio-
 chensium civitate constituti erant, quæ Syriæ
 caput erat auctore Tacito *L. 2. hist. c. 74.* valeret
 rescribit ei Antoninus legatum illud peti non
 posse. Eum etiam ab Impp. Severo & Anto-
 nino cognitum fuisse testatur *l. 5. C. de negot*
gest. quos ipse optimos appellat in *l. 39. D. de*
pæn. Qua ex lege eum Ciceronianæ lectionis
 non incuriosum fuisse colligi potest. Procu-
 leianæ autem fuit sectæ, quod apertè demon-
 strat *l. 29. D. Rerum amot.* Hic autem Tri-
 phoninus Claudii tantum nomine in plerisque
 Pandectarum locis nominatur in *l. Lucius 78*
Titia 6. §. Idem quæsit. 9. in l. heredibus 77.
§. fin. in l. matrem 80. D. ad S. C. Trebel. in
l. cum venderet D. de serv. export. in l. Lucius
88. §. Damæ 12. D. de legat. 2. in l. cum quis
decedens 37. §. nuptura 4. l. pater filium. 38. §.
quindecim 5. l. uxorem 41. §. Scævola 13. D.
de legat. 3. l. Claudius 17. D. de fideic. libert.
 Quam, quod corrupte ea legeretur, primum
 emendare tentavit Alciatus *lib. 2. disjunct. cap.*

xiii.

LIBER PRIMUS.

159

xiii. Tum postea Antonius Augustinus *lib. 1. cap. 4. Emendationum.* Scripsit autem

DISPUTATIONUM. LIBROS. XXI.

Quibus in libris maximè de dotibus, aut quæ ad eas spectabant, tractabatur. Scripsit etiam

NOTAS. AD. SCÆVOLÆ. LIBROS.

quem *suum* appellat, ut indicant inscriptiones legum supra nominatarum, & maximè ad libros Digestorum, ut colligitur ex *l. qui negotiationem 58. D. de administr. & peric. tut.*

CALLISTRATUS.

CAllistratum Jurisperitum Lampridius quoque numerat inter illos præclaros viros, quos Alexandro Severo à consiliis fuisse diximus, quamvis hac de re à quibusdam notatus fuerit, & malè: quid enim impedit quò minus Alexandro assidere potuerit, cum sub Septimio Severo, & Antonino filio eum floruisse constet: quod his imperantibus LIBROS COGNITIONUM scripserit, ut apparet ex *l. 3. D. de offic. procurat. Cæs.* quæ ex libro 6. desumpta est. Idque Imperatores nostri Severus & Antoninus ad libellum *Hermiæ rescripserunt*: hoc enim verbo uti Jurisconsultos, cum de Imperatore regnante loquuntur, supra diximus. Sic & Julianus in *l. 8. D. de offic. præf. Sæpe audiui Cæsarem nostrum dicen-*

dicentem, & Plinius lib. 6. epist. 31. Evocatus in consilium à Cesare nostro. Apparet etiam sub primis Imperatoribus non vixisse Callistratum, ex *lib. 2. quem composuit ad Edictum monit. l. 1. D. de interrogat.* quo loci sua ætate interrogatorias actiones, jam in desuetudinem abiisse, testatur: quas sub Juliano & Papiniano in usu fuisse adhuc certum est. Solus autem Callistratus putavit deportatum, jugum servitutis subire: hac in re à reliquorum Jurisconsultorum sententia discrepans. Quod quidem Cujacius *lib. iii. cap. x. observat.* notat, Græcos inter *ἐναρτιστὰς* posuisse. Cæterum plures Callistratos apud auctores invenio; Fuit Callistratus quidam Platonis auditor, de quo *Gellius lib. iii. cap. xiii. noct. Attic.* scribit; Fuit & alius Callistratus, ad quem Martialis scripsit quædam epigrammata, qui temporibus Trajani vixit, à quo forte Callistratus noster originem sumpsit. Scripsit autem

DE. COGNITIONIBUS. LIB. SEX.

Diffimili argumento fuere hi libri, à libris *Decretorum* Pauli. His enim continentur causæ, quarum cognitio à Principibus, litteris vel rescriptis, magistratibus specialiter est demandata, ut ex legum capitibus quæ ex his desumpta sunt, colligi facillime potest.

EDICTI. MONITORII. LIB. SEX.

alias *ad Edictum monitorium* auctore Labitio. In Græ-

LIBER PRIMUS. 161

Græco indice *Edicton monitorion*. Erant, ni-
 mallor, *Edicta monitoria* similia his, de quibus
 l. 2. §. eodem tempore 10. D. de orig. jur. sic
 dicta quod his monebantur cives, quod jus de
 utraque re magistratus dicturus esset: unde Edi-
 cto admonere in l. Divi fratres 39. de reli-
 gios. & sumpt. funerum: Ad hoc allusit Sene-
 ca, cum *fulmina monitoria* dixit lib. 2. Natur.
 quæst.

DE JURE FISCO. LIB. QUATUOR.

in inscriptione l. 1. D. de bon. damnat. Flo-
 rentiæ scriptum esse, *De jure fisci & populi*.
 tradit Antonius Augustinus lib. 1. cap. 4.
 commendat. & apud Paulum lib. 5. sentent. tit.
 1. inscriptio sic est posita, *De jure fisci &*
populi. Non tamen hæc conjunguntur, ut fiscus
 & populus idem sint: licet fiscus, ab *Æschine*
δημόσιον appelletur; res enim fiscales, propriæ
 privatæ Principis sunt. l. 2. §. hoc interdi-
 cum. 4. D. ne quid in loco publ. quam ob rem
 benter existimarem, quod *jus populi* hic ap-
 pellatur, id esse, quod *jus ærarii* alibi dicitur;
 enim *ærarium* & *fiscus* differunt, ut ex his
 ciabus familiis, quæ ad ductus aquæ paraban-
 tur intelligimus: quarum altera publica, id est,
 populi: altera Cæsaris vocabatur. *Commoda*
publicæ familiæ, inquit Julius Frontinus lib.
 2. de aquæ ductibus, ex ærario dantur: Cæsaris
 vero familia ex fisco accipit commoda. & ex
 L Pli-

Plinio in *Paneg. ad Trajan. cap. 36.* At fortasse non eadem severitate fiscum, qua aerarium cohibes? Imo tanto majore, quanto plus tibi licere de tuo, quam de publico credis. Unde Spartianus in *Hadriano cap. 7.* fiscum privatum, & aerarium publicum dicit. Male igitur Harmenopulu lib. 1. *Epit.* bona populi Romani, publica & fiscalia propriè dici existimat, his verbis ταῦτα ἢ τὰ ἀφωρισθέντα τῷ Ῥωμαϊκῷ πάντι δῆμῳ ἐλέγοντο κυρίως καὶ κατὰ ἀκρίβειαν φισκάλια, ἤτοι δημόσια; era enim vir tantum pragmaticus, historiæ, & politioris doctrinæ ignarus. Hoc tamen populi verbum hoc in loco de imperio explicandum est; populi enim potestas, tunc temporis ad Principem lege Regia omnis translata erat. Sic cum Suetonius Tranquillus in *Tiberio, cap. 49.* Vononem Regem Parthorum, in fidem populi Romani, Antiochiam receptum dicit: imperii Romani explicandum est. & apud Capitolinum in *Maximinis cap. ult.* in hac acclamatione: Hostes populi Romani Dii persequuntur, id est, imperii Romani. Cæterum Lampridius *cap. 16.* scribit, Alexandrum Severum leges de jure fisci & populi, moderatas, & infinitas sanxisse. quod propter libenter existimarem, eo imperantem Callistratum hos quatuor libros composuisse verisimile enim est, Callistratum de his, & quibus Imperator statuerat, scribere voluisse quod & confirmat l. 2. §. 6. D. de jure fisci; in q.

co

LIBER PRIMUS.

163

constitutionem Severi refert : *Imperator*, in-
uit, *noster Severus Augustus constituit*; quæ
verba de Alexandro intelligi debere, locus
Lampridii satis indicat.

ARRIUS MENANDER.

HUjus Menandri meminit Macer in *l. i. de
veteranorum & militum successione*; & in *l.
quædam delicta 14. de pæn.* ubi Menandrum scri-
psisse refert, credo in libris *de re militari*, mi-
nem qui artem ludicram fecerit, vel in servi-
tutem se venire passus sit, capite puniendum.
De hoc Menandro intellexit Ulpianus in *l.
jurum. xi. §. ex facto 2. D. de minor.* Ex quo
consiliarium principis Alexandri Severi eum
fuisse colligimus, & à tutelæ onere hac ratione
excusatum, licet Lampridius ejus nullam men-
tionem faciat; verba enim Ulpiani hoc satis cla-
re demonstrant : *Susceptam, inquit, tutelam non
qui solent deponere, quam qui trans mare Reipub.
causa absunt, vel hi, qui circa Principem sunt
occupati, ut in consilarii Menandri Arrii persona
indultum.* Alius autem est hic Menander ab
illius cuius fit mentio in *l. postliminii 5. §. captivus.
D. de capt. & postlim. revers.* Idque constat ex
Tullii orat. pro Corn. Balbo cap. 11. *Nec sine
causa, inquit, de Cn. Publicio Menandro liber-
tatem homine, quem apud majores legati nostri in*

L 2

Gra-

Graciam proficiscentes interpretem secum habere voluerunt, ad populum latum est. ut is Publiciu si domum revertisset, & inde Romam rediisset ne minus civis esset: quod ego non adnotassem nisi Stephanus Forcatulus, vir quidem doctus contra sensisset. Sed hoc more instituto quo meo dictum sit, qui animum ad scribendum appuli, non alios reprehendendi ambitione, sed veri investigandi ratione. Composuit autem

DE. RE. MILITARI. LIB. QUATUOR.

ÆLIUS MARTIANUS.

MArtianum eum esse putat Angelus Politianus *lib. 5. epistol.* quem Princeps Julianus iussit occidi. Sub Antonino quidem non parvæ auctoritatis fuit, quem etiam consuluisse de dominica potestate invenimus in *§. sed hoc tempore. 2. Tit. de his qui sui vel alieni. in Instit* quem *Magnum* ipse appellat in *l. 16. §. 11. D. de publican.* ejusque rescriptum affert. Hunc etiam Lampridius *cap. 68.* inter illos Jurisperitos numerat, quorum Alexandrum Severum consilio usum supra retulimus. Martianus quidem se in auditorio publico, Marcelli scripta probasse scribit in *l. 1. §. fin. D. ne de statu defunct.* quod de auditorio Alexandri Principis intelligendum est: quapropter *leg. 4. C. ne de statu defunct.* quæ est Alexandri ad hunc Martianum rescriptam esse

LIBER PRIMUS.

165

ſſe, non incongrue dicere poſſumus: etiam
gem un. de reis poſtul. lib. 10. Cod. ad hunc
Martianum ab Alexandro Imp. reſcriptam
ſſe apparet ex l. 7. D. de muner. & hono. quæ
x Martiano lib. 2. publicorum deſumpta eſt.
qua Martianus eandem rem ſcriptis tradidit,
quam ab Alexandro per reſcriptum acceperat
d. l. un. ubi obiter adnotabimus ex illarum
uarum legum collatione, reum innocentiam
miam purgaſſe non intelligi, niſi poſt ſenten-
miam. Ex dicta autem lege 4. C. ne de ſtatu de-
US ſynct. illud colligere licet, Martianum fratrem
dubuiſſe qui ſervum heredem manumiſſum
ſcripſit. Ulpianum autem ſequutus eſt in l. à
recursionatu. 5. D. de vacat. & excuſat. mune-
um: quemadmodum & illum Ulpianus repre-
blendentem Julianum, quod Julianus putaret,
his conventionibus, quæ in nomen pro-
rium contractus non tranſeunt, in factum
portionem à prætore dandam; Martianus autem,
vilem incerti, id eſt, præſcriptis verbis. Idem
quiquando Papinianum & Paulum eximios Ju-
niſconsultos opinionum diſſenſione diſcrepan-
tes, adhibita diſtinctione conciliare tentavit,
Justinianus refert in l. cum in adoptivis 10. C.
adoption. in ea quæſtione: An liceat filio
adoptivo qui præteritus à patre naturali fuerat,
adverſus ejus teſtamentum querela inofficioſi
amenti. Alius autem eſt Martianus noſter ab

L 3

eo,

eo, cujus mentio fit à Callistrato in *l. 13. D. de eo quod met. ca.* Libros autem indicis Justiniani, qui Martiano tribuuntur, hosce habe lector.

INSTITUTIONUM LIB. XVI.

Ex his libris depromptum esse *§. pecoribus. l. legatis 65. de legat. 3.* ostendit Justinianus in *§. 1. de lege Aquil. in inst* Homerique versus duos ex *lib. 13. Odyss.* desumptos, retulisse Martianum in his libris testatur. Virgilium etiam auctorem habet. *lib. 3.* ex quo desumpta est *l. 6. D. de rerum divis.* quapropter *legem 7.* sequentem ejusdem Martiani esse puto: quamvis in vulgari-
bus codicibus, & apud Labittum tribuatur Ulpiano, ex *lib. 25. ad edict.* Verba enim Ulpiani, *lib. 25. ad edictum*, aliter quam hæc concepta sunt, quæ referuntur, in *l. 6. D. de relig. & sumpt. fun.* Nec enim verisimile est Martianum, cenotaphium locum religiosum putasse, contra DD. fratrum constitutionem: quam virum jurisperitissimum ignorasse creden-
dum non est: quamobrem hæc faciunt, ut hæc verba *magis placet*, corrupta sine dubio existi-
mem: Jurisconsulti enim his dictionibus utuntur ad receptiorem sententiam denotandam, ut in Pandectis passim colligere licet. Hæc autem non fuit receptior, cum DD. fratrum consti-
tutione contra sancitum sit. Interpres Græcus hoc sentiit; *lib. enim 46. capit. 3. Basil. pro magis placet*, dicit *magis placuit*, scilicet *antiquis*;
Hæc

Hæc tamen locum omnino non sanant; quid
eum illud *magis* sibi velit, non intelligo. Le-
gendum itaque est *majoribus placet*; non enim
difficilis est dictionis *majoribus* in aliam cor-
ruptela: majoribus autem placuisse cenota-
pium locum religiosum esse, probat Virgilii
testimonio. Librum autem Virgilii non citat
Martianus, sed *ex 3. Aeneidos* desumpsisse
eum jam admonuit Budæus in Annot. in Pan-
sectas:

*Libabat cineri Andromache, manesque vocabat,
Hectoreum ad tumulum, viridi quem cespitem
inanem,*

Et geminas causam lachrymis sacraverat aras.

Quod & non ignoravit Græcus interpres
Ico supra citato. Martianus autem hoc in
Ico Servii interpretationem sequutus est, qui
tumulum inanem Virgilii *cenotaphium* esse
docuit. Cæterum non uno tenore orationis hos
libros institutionum scripsit, sed per capita eos
revisit: quod satis constat *ex l. qui liberos 19. D.*
arritu nup. ubi in inscriptione ejus legis, caput
trigesimum quintum libri xvi. affertur, quod
eat de lege Julia. *Liber quartus* ad res crimi-
nales spectabat. In his autem libris compen-
dium totius juris conclusum esse existimo; nam
legis definitione orsus videtur *ex l. 2. D. de
legibus.* quæ ex initio *libri 1.* desumpta est; ubi
Themisthenis & Chrysippi varias legis defini-

tiones affert: quo in loco obiter animadvertendum, hæc verba Demosthenis legem definientis δόγμα ὃ φρονέων ἀνθρώπων à Papiniano *lib. 1. in l. 1. eod. tit. definitionum* interpretari *Virorum prudentum consultum*. Ex quibus liquido apparet, in epistolis Hippocratis in illa Artaxerxis ad Pætum, mendum his verbis inhærere: ὃ φερὼ γνῶμην οὐκ ἐπὶ ἔχω μετ' ἀνδρῶν ΤΟΝΙΜΟΝ βεβλεύσαο. & sic legendum: μετ' ἀνδρῶν φρονέμων.

REGULARUM. LIB. QUINQUE.

DE. APPELLATIONIBUS. LIB. DUOS.

DE. PUBLICIS. JUDICIIS. LIB. DUOS.

In inscriptione *l. 7. D. de muner.* legitur Martianus *lib. 2. publicorum*: à D. Chrysostomo *tract. de cæco à nativ.* vocantur τὰ κοινὰ δικαστήρια, in concilio Toletano *cap. iii.* & concilio Carthaginensi *cap. 9. publica judicia* dicuntur, *jurisdictiones magistratus secularis*, & opponuntur ecclesiasticis cognitionibus *can. inolita. can. placuit xi. quæst. 1.* Libros singulares.

DE. DELATORIBUS.

quem scripsit sub Alexandro *l. 15. D. ad S. C. Silani.*

AD SENATU SC. TURPILLIANUM.

AD. HYPOTHECARIAM. FORMULAM.

fuisse librum singularem constat ex *inscript. legis grege 13. D. de pignor.*

Edidit etiam Martianus præter eos libros qui in indice Justiniano nominantur,

No-

LIBER PRIMUS.

169

NOTAS. IN. ÆMILII. PAPINIANI.

SCRIPTA.

uctore Justiniano in *1. constit. §. 6. de veteri
ure enucleando*. quæ tamen ante Justiniani tem-
pora nullam vim obtinebant, propter honorem
nomenque Papiniani. Eas tamen in Pandectis
conficiendis componendisque non omnino re-
uendas esse censuit.

LIBROS. etiam DIGESTORUM.

uorum *septimi* ipse meminit. Collegisse etiam
videtur in unum *Constitutiones Severi ex l. 1.
de communi servo manumisso*. Eum deni-
que scripsisse *notas in Julianum* conjicio ex *l.
jurisgentium D. de pact.*

JULIUS AQUILA.

Usebius *lib. 6. ecclesiasticæ historiæ cap. 3.*

Aquilam quendam commemorat, qui
tempore Severi Imperatoris Præses Ægypti
Alexandriæque fuit, quem *cap. 5.* tyrannicum
iudicem appellat; inhumanis enim cruciatibus
treisque tormentis Christianos omnes afficie-
bat, & inter immaniora crudelitatis signa nu-
meratur illud, quod Potamienam honestissi-
mam foeminarum & martyrum crudelibus sup-
pliciis laceravit. Nescio tamen an ille noster
Iurisconsultus fuerit: quod quidem non admo-
dum à veritate absonum est; Julium enim Aquila-

L 5

lam

lam post Trajani tempora vixisse colligitur e
 ejus *lib. i. responsorum*, in quo rescriptum Ha
 driani Imperatoris ad Britasium Pollionem
 Legatum Lugdunensem recensetur, in *l. ubi*
D. de suspect. tut. quod etiam à Modestino re
 fertur, in *l. Spadonem 15. §. ult. de excus. tu*
quæ est ex libro 6. de excus. ubi corrupte *Britasium*
Pollio, in omnibus exemplaribus exaratum est
 cum *Vitrasius* reponendum sit, ut illud rescrip
 ptum Hadriani ad Vitrasium Pollionem, qui
 Consul bis fuit sub DD. fratribus. primum cum
 Pudente 27. anno post mortem Hadriani, & se
 cundum sub Antonino Philosopho cum Apro
 auctore Lampridio in *Commod. cap. 2 & 12.* num
 lam enim *Britasii* mentionem fieri apud aucto
 res legi. Julius itaque Aquila post Vitrasii Pollic
 nis tempora vixit; quamobrem illum non mul
 tum errare putarem, qui eum Consulem fuisse
 anno urbis conditæ 953. sive, ut Onuphrius vul
 951. existimaverit: in Fastis enim Gallus & Sa
 turninus hoc anno Coss. numerantur. Julium au
 tem Aquilam, Gallum vocari apparet satis ex
 indice Græco, ubi sic scriptum est: Γάλλος Ἀκυλα
 ideoque non malè Antonius Augustinus *lib. i.*
cap. 4. emendat. reprehendit Angelum Polli
 tianum quod *epistola ultima lib. xi.* pro Aquila
 Gallo, Aquilium Gallum eum appellatum scrip
 pserit. Cæterum Tacitus *lib. xii. Annal. c. 15.* Juli
 Aquilæ equitis Romani meminit, quem alium
 esse

LIBER PRIMUS.

171

esse ab hoc nostro Jurisconsulto, series temporis demonstrat. Sed fortè non incongruè hunc ab illo Equite originem duxisse quis dixerit. Composuit autem Aquila tantum

RESPONSORUM. LIB. UNUM.

HERENNIUS MODESTINUS.

Herennum Modestinum Gordianus Imperator in *l. ad exhibendum* 5. *C. ad exhib.* appellat, non contemnendæ auctoritatis Jurisconsultum, quem Cos. quidam cum Probo numerant, ut auctor est Labittus sub Alexandro Severo Imperatore anno urbis conditæ 981. Sed cum Modestum non Modestinum Consulem illum nominari in Fastis videam, & in antiquo illo epigrammate, cujus apud Onuphrium mentio est, à sententia illa facilè dissentio. Eum quidem certum est Alexandri consiliarium fuisse auctore Lampridio: quamobrem de Alexandro Severo interpretanda sunt Modestini verba in *l. εὐνὸς δ. ἀπείρητα. D. de excusat.* καὶ τὸτο ἐξ ἐπιστολῆς Σεβήρου βασιλέως δείχνεται, ne quis de L. Septimio Severo eum loqui putet, quod superiora ejusdem verba ad Septimium referantur, καὶ τὸτο ἔτι καὶ νεγομοθέτηται ὑπὸ τῶν δευτέρων καὶ Ἀντονίνου. Libros enim *excusationum* sub Severo Alexandro constat eum scripsisse, mortuus jam Severo & Antonino filio: quod δεικνύται τὰτων

τάτων verbum, manifestum reddit. Septimius tamen & Antoninus Modestino cuidam rescribunt, Chilone & Libone Coss. Qui quidem, si noster est, fratrem habuit, qui simul cum eo patri successit. *l. 1. C. si certum pet.* Ut autem nostrum Jurisconsultum esse existimem, eò maxime moveor: quod eum juris ignarum non fuisse declarant Imperatores. Modestinum etiam Maximini junioris præceptorem fuisse colligi potest ex Capitolino in *Maximino juniore c. 1.* Gordianique tempora attigisse ex *d. l. 5. C. ad exhibendum.* Hæc enim verba: *merito tibi à non contemnendæ auctoritatis Jurisconsulto Modestino responsum est*, sic interpretanda sunt, ut sententiam & responsum Modestini Sabinianus miles apposuerit iis in precibus, quas obtulit Gordiano. Moris enim erat olim, ut qui precibus Imperatori offerrent, sententias Jurisconsultorum qui jam è vita excefferant, vel quos consuluerant apponerent, ut colligitur ex *l. 14. C. de præd. & aliis reb. min.* ubi Diocletianus & Maximianus sic rescribunt Phrominio: *Utere viri prudentissimi Papiniani responso, cæterorumque quorum precibus fecisti mentionem, sententiis; & in l. 4. C. de contrah. & commit. stipulat. secundum*, inquit Alexander Sabinæ, *responsum Domitii Ulpiani præfecti annonæ, Jurisconsulti, amici mei, ea quæ stipulata est, cum moreretur, &c.* Quamvis autem consula-

tus

LIBER PRIMUS.

173

us Modestini nulla certa extet memoria, Pro-
consulem tamen Dalmatiæ eum fuisse certum
est, & ex Dalmatia Ulpianum consuluisse, ut
ipse Ulpianus scribit in *l. si quis uxori. 52. §. si
quis asinum 20. D. de furt.* qua in lege Ulpia-
nus, eum *studiosum suum* appellat. Non solum
autem Modestinus juris scientiam exercuit;
sed poëseos etiam amator fuit: hocque perio-
chæ Virgiliano operi adjectæ testantur. Cæte-
rum Cassianum eum non fuisse, probat *l. 35. D.
de fideicom. libert.* Justinianus autem in indice,
libros Herennii Modestini hos posuit.

RESPONSORUM. LIB. UNDEVIGINT.

ΠΑΝΔΕΚΤΩΝ. LIB. DUODECIM.

REGULARUM. LIB. DECEM.

DIFFERENTIARUM. LIB. NOVEN.

scilicet quæ ad jus civile pertinent.

EXCUSATIONUM. LIB. SEX.

quos Græce se scripsisse Modestinus testatur in
l. i. de excusat. tut. quæ ex LIBRO I. desumpta
est. qua in re ait, se utilissimum opus confecisse.
Hos Ignatio Dextro dicavit.

DE. POENIS. LIB. QUATUOR.

Ex lib. i. desumpta est *l. si sine ult. D. de in jus vo-
cando.* Cujus verba, *vel supradictam pœnam, id
est &c.* adjecta, & interposita esse à Triboniano
auguror. cum enim in *l. præced. 24.* quæ est
Ulpiani, sic scriptum esset; *in eum qui adversus
ea fecerit, quinquaginta aureorum judicium
datur.*

174 DE JURISPERITIS.

datur. & Tribonianus caput Modestini consequenter inferendo, in quo pœnæ quinquaginta aureorum mentio fit; ut eandem hanc cum superiore ostenderet, sic posuit: *vel supradictam pœnam, id est quinquaginta aureos dat.*

Lib. singulares.

DE. PRÆSCRIPTIONIBUS.

DE. INOFFICIOSO. TESTAMENTO.

Scripsit hoc in libro, tempora inofficiosi querelæ à morte testatoris currere, cui tamen sententiæ Justinianus Ulpiani dogma prætulit; qui ab adita hereditate currere tradit.

DE. MANUMISSIONIBUS.

DE. LEGATIS. ET. FIDEICOMMISSIS.

DE. TESTAMENTIS.

ΠΕΡΙ. ΕΥΦΗΜΑΤΙΚΩΝ.

ubi consilia, cautionesque, contra juris subtilitatem proponit.

DE. ENUCLEATIS. CASIBUS.

DE. DIFFERENTIA. DOTIS.

DE. RITU. NUPTIARUM.

Fit etiam mentio librorum vi. xi. xiii. & xv. ex Cassio Modestini, in inscriptionibus *legis censere. III. l. littus. II. l. morbus. II. l. solvendo. II. l. D. de verb. signif. libri xxxv. ejusdem ad Q. Mutium, in inscriptione l. homo liber D. de acquir. rerum domin.*

TA-

TARANTINUS PATERNUS.

Angelus Politianus *epistol. libro 5. Tarrun-*
tius Paternus legit. Cujacius vero in *l.*
venatoribus 6. C. de excusat. mun. sic in indice
Iustiniano legendum ait, *Titus Aruntius Pa-*
ternus. Ego *Tarruntenum* malo. Est enim hic,
si fallor, *Tarruntius Paternus*, qui *Præfectus*
Prætorio, sub *Commodo Antonino* fuit. Cu-
ius consilio *Lampridius in Commod. cap. 4.* scri-
bit, *negotium datum Claudio Pompeiano propin-*
quo, interficiendi *Commodi*. Qui ingressus
ad *Commodum* districto gladio, cum faciendi po-
testatem habuisset in hæc verba prorumpens,
Hunc tibi pugionem Senatus mittit, detexit fa-
cinus fatuus nec implevit: quo detecto *Pom-*
peianus ipse, multique alii interfecti sunt. *Pa-*
ternum autem & hujus cædis auctorem, & quan-
tum videbatur, paratæ necis *Commodi* conscium,
& interventorem, ne conjuratio latius punire-
tur, instigante *Tigidio* per lati clavi honorem à
Præfecturæ administratione submovit *Commo-*
dus. Verum post paucos dies insinulavit eum
conjuratæ, cum diceret ob hoc promissam
Juliani filio *filiam Paterni*, ut in *Julianum*
transferretur Imperium. Quare & *Paternum*,
& *Julianum*, & *Vitruvium Secundum Paterni*
familiarissimum, qui epistolas Imperatorias cu-
rabat,

rabat, interfecit. Hæc Lampridius. Vegetius autem *lib. 1. cap. viii.* Paternum appellat *Diligentissimum rei* militaris assertorem, & redegisse eum refert in libros, quæ Augusti, Trajani, Hadrianique Constitutionibus cauta erant. Quapropter quæ de disciplina Augusti scripta leguntur in *l. 12. D. de re milit. Paterni*, non *Macrisunt*. Licet lex ex Macro desumpta sit. Cæterum Pontius Diaconus, qui passionem D. Cypriani litteris mandavit, *Paterni* Proconsulis Cartaginensis meminit, qui D. Cyprianum ob Christianæ religionis professionem exilio multavit. Verum ut eum nostrum Paternum esse existimem hæc prohibent. Primò, quia sub Gallieno & Valeriano vixit: deinde quia Passius Paternus nuncupatur, ut patet ex D. Augustino Homilia de sancto Cypriano martyre. Eundem potius esse puto cum illo, quem Cos. Secundum, anno urbis conditæ 1020. Fasti ponunt, & Cassiodori Chronicon. Reliquit autem Tarruntenus.

DE. RE. MILITARI. LIB. QUATUOR.

ÆMILIUS MACER.

Meminit Paterni Jurisconsulti Macer in *l. officium 12. D. de re milit.* Ulpiani in *l. sciendum 15. D. qui satisd. cog.* & Pauli in *l. 1. D. de veter. & mil. succes.* Quamobrem eum sub
Alexan-

LIBER PRIMUS.

177

Alexandri imperio floruisse existimo. Nam
um in l. 61. D. de acquir. hered. quæ ex lib.
de Officio præsidis deprompta est, D. Severi
onstitutionem affert, de Septimio Severo in-
telligendum est illud. Sed hoc liquido constat
l. 1. D. si pend. appellat. his verbis: Impe-
tor noster Alexander Pletorio militi ita re-
ripit. Nescio autem an is sit, qui Ornithogo-
iam scripsit, cujus meminit Nonius Marcellus
verbo Picumnus. non autem Theogoniam
perperam scriptum est apud Petrum Crini-
um lib. III. de Poëtis Latinis cap. 52. quam
tribuit Æmilio Macro Veronensi, qui vixit
his temporibus quibus Messala Corvinus, &
finius Pollio, eloquentia floruerunt. Scri-
pit autem

DE. RE. MILITARI. LIB. DUOS.

DE. PUBLICIS. JUDICIIS. LIB. DUOS.

DE. APPELLATIONIBUS. LIB. DUOS.

ΕΙΚΟΣΤὸν ΒΙΒΛΙΑ ΔΥΟ.

scriptum esse Florentiæ Antonius Augusti-
s affirmat lib. 1. emend. in d. cap. 4. In Haloan-
dina editione scriptum est εἰκοσὶν sive ad legem
icesimam hereditatum libri duo. Ex quorum se-
ndo est lex nulli 13. D. de transact. Nulli pro-
ratorum Principis, inconsulto Principe tran-
ere licet, de vicesima hereditatum scilicet, at-
que hac de re solum, legem hanc verba facere ex
criptione constat. Quamvis hoc ex generali

M

axio-

178 DE JURISPERITIS.

axiomate desumptum sit, quod refertur at
 Ulpiano *lib. xvi. ad Edict. in l. 1. D. de offic
 procurat. Cæsar. vel rat.* quo cautum est, pro
 curatorem Cæsaris nihil agere posse, nec ven
 ditionis, vel transactionis, nec donationi
 causa, nisi consentiente Cæsare. Primus autem
 qui de *lege vicesima* scripsit, fuit Aulus Ofilius
 auctore Pomponio *l. 2. D. de orig. jur. § 44.* cum
 primum lege Julia augendi ærarii causa extra
 neis heredibus irrogata est, teste *Dione lib. 55*
 quod ut cito crescere, & augeri posset, mult
 contra veteris juris regulas Impp. introduxe
 runt: ad id probandum uno tantum testimoni
 contenti erimus. Jure veteri mutus, & surdu
 testari non poterant: statuerunt tamen Princip
 pes, si à Principe impetraverint, testari poss
 in *l. 7. D. qui testam. fac. possunt.* quæ desumpt
 est ex Æmilio Macro *lib. 1. ad legem vicesiman
 hered.* Hoc autem eis indultum satis apparet
 ut heredum numerus major esset, atque ita ve
 ctigal vicesimæ augeretur. quamobrem emen
 data est hæc lex à Nerva, à Trajano, & à M
 Philosopho; tum demum penitus sublata
 Gratiano, secundum Alciati sententiam, &
 Antonii Goveani in *l. 68. D. ad leg. Falcie*
 quam tamen Jacobus Cujacius improbat, cri
 mineque falsi Alciatum hac in re accusat. Ho
 tamen legis Juliæ de vicesima caput, ante Justi
 nianum sublatum esse certum est: quod & Ju
 ni

LIBER PRIMUS.

179

ianus ipse videtur declarare in *l. 3. C. de
dicto D. Hadr. toll.* Præter autem libros qui
in indice Justiniano leguntur, scripsit

LIBROS ANNALIUM,

quorum xvi. citat Priscianus *lib. x. cap. i. pag. 895*

AURELIUS ARCADIUS CHARISIUS.

Post Herennii Modestini tempora vixisse
videtur ex *l. munerum 18. §. mixta munera*
D. de muner. & honor. in qua ipse scribit:
Mixta munera sunt *δεξαμενῆς ἐκδοσὶς*, ut
Herennius Modestinus & notando & disputando,
& optima ratione decrevit. Labittus eum
Magistri libellorum insignivit ex *l. un.*
de offic. præf. præt. in quibusdam tamen
codicibus nulla ejus rei mentio fit. Eum quidem
Christianum fuisse scribit Cujacius *lib. vii.*
servat. cap. 2. Ad eum rescribunt Carus &
Nimerianus ex *inscript. legis 4. C. de calumnia-*
to. & Præses Syriæ sub Diocletiano fuit, quod
colligere licet ex *inscript. l. 9. C. de quæst.* ubi
tamen vulgati codices malè *Charissimum* pro
Charisio habent. Tradit autem Justinianus in
indice
lib. singulares.

DE. TESTIBUS.

DE. OFFIC. PRÆFECTI. PRÆTORIO.

M 2

Ex

180 DE JURISPERITIS.

Ex hoc libro desumpta est *l. un. D. de offic. præf. præt.* ubi animadvertendum, cum Chariſius ait: *Ad vicem Magistri equitum, præfecto prætorio antiquitus institutos esse, à quibusdam scriptoribus traditum est*, de Pomponio eum intellexisse, qui *l. 2. D. de O. jur. §. 19.* de Magistro equitum loquens sic scribit: *Quod officium fere tale erat, quale hodie Præfectorum prætorio.* Multa autem de officio Præfecti prætorio multo dixerunt: quare ab his supersedebo; locum tantum insignem in Aurelii Victoris historia Augusta esse indicabo in *Tiber.* qui ostendi Præfectum prætorio qualem in jure habemus à Tiberio fuisse institutum. Scripsit etiam,

DE. MUNERIBUS. CIVILIBUS.

LICINIUS RUFINUS.

Junium Rufinum patrem habuit, quem Proconsulem Macedoniæ fuisse colligimus ex Callistrato in *l. 3. §. 3. D. de testib.* Nostrum Licinium Rufinum Alexandri Severi temporibus claruisse, ex hoc manifesto apparet: quod Paulum Jurisconsultum per epistolam consuluerit quæ extat in *l. Licinius Rufinus 4. D. quib. ad libert. proclam. non licet.* Rufini meminisse Ulpianus in *l. Imperatores. 4. D. de offic. præf. vig.* qui præfectus vigilum fuit. Consulatum etiam exercuit cum Laterano, sub Septimio Se

LIBER PRIMUS.

181

Severo, & Antonino filio anno urb. conditæ
 50. auctore Damaso in vita sancti Victoris Pa-
 re. Quibus Consulibus, Albinus Cæsar præ-
 bibi victus est, & occisus: nonnullæque constitu-
 tiones in Codicem relatæ sunt à Justiniano *l.*
1. C. soluto matrim. quem. l. ult. C. de alend. li-
br. l. un. C. si contra matr. volunt. tut. da. aliæ-
 que quamplurimæ, quæ Codicem percurrenti
 omnesque obviæ esse poterunt. Hoc quidem no-
 tebo, quod plures eorum consulatu, Severi & Anto-
 nini constitutiones factas, quam sub aliis Coss.
 quod ideo evenisse puto, quia sub Cos. Juris-
 prouto, Principes in jure reddendo frequen-
 ter se exercebant. Porro à Severo & Antonino
 Rufinus, *dispensator* appellatur, in *l. 1. C. si*
vers. fisc. id est, thesaurorum principalium
 administrationem gerens; ubi Probus in minore
 ætate constitutus, se ab eo circumventum que-
 ritur. Fortasse is est, qui Cuspius Rufinus
 vocatur à Modestino in *l. 2. D. qui petant. tut.*
 quem D. Severi epistola refertur. Compo-
 sit autem

REGULARUM. LIB. DUODECIM.

in indice Florentino scriptum est, *lex tamen*
3. D. de re judic. sumpta est ex libro 13.

COLLATIONEM. LEGUM. MOSAICARUM.

ET. ROMANARUM.

dispo libro legum Dei cum legibus Romanis col-
 lationem fecit; quem librum debemus Petro

M 3

Py-

Pythæo viro doctissimo. atque ita ex eo apparet, Licinium Rufinum Christianum fuisse.

P. FURIUS ANTINUS.

Hunc nominat Politianus Anthium, vel Publium Furium Anthiani patrem. Rivalius *lib. 5. histor. juris* P. Furium Anthianum patrem. Fuit autem Furius Antias Poëta insignis, cujus meminit Macrobius *lib. 1. Sat. c. 13.* & cujus Nonius Marcellus, alique Grammatici, auctoritate frequenter utuntur. Sed cum ante Virgilium vixerit, alium esse ab hoc nostro Jurisconsulto, series temporum cogitare nos cogit. quem sub Papiniano clarum fuisse certum est. Hoc quidem non dubium, utrumque Antiater nuncupari debere, vel Antianum; idque sine aspirationis nota, quod ex Antio urbe, quæ Volscorum caput fuit, oriundi essent, cujus meminit Horatius *lib. 1. Carminum. Od. 35.* Hujus autem opera in indice Justiniano habemus.

PARTIS. EDICTI. LIB. QUINQUE.

in inscriptione *l. 29. D. de liber. causa. scriptum est lib. 1. ad Edictum*: quæ tamen in codicibus Fradrini, Arrio tribuitur: in *lib. vero 48. Basil. tit. 8. Africano.*

MAXI-

MAXIMUS.

Est hic Cornelius Maximus, cujus audito-
 rem Trebatium Pomponius fuisse scribit
 in l. 2. §. 45. *D. de orig. jur.* Trebati-
 us enim se eo sapere didicisse profitebatur, ut tradit Ci-
 cero lib. 7. *famil. Epist.* 8. ad Trebatium: *Nam*
Cornelio, inquit, nihil audeo dicere, cujus tu
periculo stultus es, quando te ab eo sapere didicis-
se profiteris. Hujus idem meminit in 17. ejus-
 dem libri epistola: *Hoc quemadmodum vos scri-*
bere soletis in vestris libris, idem Q. Cornelio
videbatur. Hujus Maximi fit mentio in l. 4. *D.*
de inoffic. testam. Quamvis Jacobus Cujacius
 inscriptionem hujus legis mutandam putet lib.
 2. cap. xxi. *observat.* reponatque ex Pandectis
 Florentinis: *Cajus lib. singulari ad legem Gli-*
ciam: quod tamen (si viri auctoritas improbare
 non nititur) probare non possum, concedamus enim
 legem Gliciam latam fuisse: nihilominus tamen
 non video, cur lege Glicia introductam inof-
 ficiosi testamenti actionem asserat; nullum si-
 quidem hujus rei auctorem habet. Putat itaque
 Cujacius hunc Jurisconsultum qui *μονόβελον* ad
 legem Falcidiam scripsit, *Rutilium Maximum*
 vocari, ex quo nobis superesse l. si heres 125.
D. de legat. i. eumque ex novis Jurisconsultis,
 arbitratur. Verum inscriptiones duarum legum

si heres. quæ sub tit. de legat. i. continentur, nec in vulgatis nec in Haloandrinæ editionis codicibus, Maximo tribuuntur: sed una Cajo, altera Juliano. Nusquam etiam Rutilium, Maximum in Pandectarum voluminibus, vel alibi vocari, legi. Antonius etiam Goveanus natus videtur codicem, in quo inscriptio l. 68. D. ad legem Falc. erat Maximi ad legem Falcidiam. quam tamen ipse tanquam mendosam restituit tribuitque Emilio Macro. Cornelius igitur est hic Maximus qui in indice Justiniano recensetur. Sic enim eum vocat Pomponius d. l. 2. §. 45. D. de orig. jur. qui de eadem re consultus qua Servius Sulpicius, responsum Serviano contrarium dedit, ut testatur Alphenus in l. xvi. D. de instr. vel instr. legato. Composuit itaque

AD LEGEM. FALCIDIAM. LIB. UNUM.
verisimile enim est statim atque lex Falcidia lata est, celebriores Jurisconsultos ejus explanationem suscepisse: hanc autem à Falcidio Tribuno pleb. sub Augusto adhuc Triumviro latam esse, ex *Dion. lib. 48.* certum & vulgatum est: cujus legis plura fuere capita, ut colligere licet ex l. i. D. ad leg. Falcid.

HER-

HERMOGENIANUS.

Hermogenianus quasi à Mercurio genitus:
 Ita Alciatus *equos Hermogenianos in l. 1.*
de grege Dominico. Hunc Hermogenianum
 quibusdam placet, illum esse Hermogenem,
 quem Lampridius *cap. ult.* in consilio adfuisse
 Alexandro Severo scribit: qua in sententia est
 Cujacius *lib. 5. de asse,* & Cujacius *lib. 2. cap.*
7. observat. Existimarem etiam Hermogenem
 nostrum esse eum, qui iudex de dividenda
 hereditate fuit inter Carmeliam Piam, ejusque
 cohæredem: à quo tamen Cornelia appellavit,
 quod ipse non tantum res, sed etiam liberos
 revivisset, ut scribit Paulus in *l. Carmelia ult.*
D. de jure patron. Hermogenes vero quidam
 fit temporibus Severi, qui actionem habuit
 contra Asclepiadem, ut apparet ex *l. quamvis*
C. si cert. pet. quod Asclepiades ejus pecu-
 nam suo nomine crediderat: stipulando tamen
 obligationis sibi quæsierat: quique opinio-
 nem Stoicorum sequutus, *materiam* semper
 fuisse sustinebat: adversus quem Tertullianus
 librum scripsit, eumque *hæreticum turbulentum*
appellat. Quem tamen Hermogenem, alium
 nostro reor, licet nostrum Christianum fuisse
 aëverare ausim ex ipsius verbis in *l. vitricus*
D. de donat. int. virum & uxor. Divortii,

inquit, *causa donationes inter virum & uxorem concessæ sunt, sæpe enim evenit ut propter sacerdotium, vel etiam sterilitatem. veteres enim Christianos qui uxorem habentes ad sacerdotium vocabantur, ab uxoribus divortisse certissimum est: unde uxores Episcoporum viventium, viduas appellare moris erat. Composuit autem*

ΕΠΙΤΟΜΩΝ. JURIS. LIB. VI.

in indice Græco ἐπιτομῶν βιβλία εἰς. Quibus in libris ordinem Edicti perpetui se profitetur sequutum Hermogenianus in *l. 2. D. de statu hom.* & his proximos, atque conjunctos applicasse titulos. Horum autem sententiam non refellam, qui hos libros, Salvii Juliani epitomas tradiderunt: hæcenim jam damnata est à Jac. Cujacio.

FIDEICOMMISSORUM etiam LIBROS scripsisse constat, ex inscriptione *l. nam quod. 14. D. ad S. C. Trebell.* nisi Cujacium quis sequi malit, qui mendosam esse illam inscriptionem existimat *lib. 2. cap. 27. observat.*

ÆLIUS GALLUS.

IN indice Florentino hujus Jurisconsulti nomen deest: Haloander tamen in eorum ordinem, ex quorum libris Pandectæ prodierunt, collocavit. quod in ipso codice Florentino legis

LIBER PRIMUS.

187

gis 157. *D. de verb. signific.* inscriptio sit ejus-
modi *Ælius Gallus libro i. de verborum quæ
ad jus pertinent significatione.* Cæterum Ælium
Gallum ex Romanorum gente Ælia fuisse exi-
timo: quis tamen fuerit non audeo judicare.
Fuit Ælius quidam Gallus ex equestri ordine,
ut testatur Plinius *lib. 6. cap. 28. natur. histor.*
qui primus in Arabiam arma Romana intulit,
oppidaque Egram, Anestum, Escam, Magu-
m, pleraque alia diruit. In Arabiam autem
ab Augusto missus fuit, eo consilio scilicet ut
eius Provinciæ populos, vel sibi volentes con-
siliaret, vel subigeret invitos: veruntamen à
Hylæo Nabatæorum legato, qui se ducem iti-
neris promiserat deceptus est: & per devia
exuosaque loca, per stagna & per saxa ductus,
magna exercitus clade & incommodo, ut am-
ple describit Strabo *lib. 16. Geographicorum.*
Nihilominus tamen multas urbes subegit, mul-
tosque hostium exercitus profligavit: & nisi
Hylæus eum prodidisset, universam Arabiam
belicem Romano subegisset imperio, ut idem
testatur *lib. 17.* Præfectus autem Ægypti fuit,
cum Strabone stricto amicitiae vinculo de-
vinculus, eodem auctore *lib. 2.* Galli ejusdem
neminis Virgilius *Ecloga ult.* Pollionis filii,
auctore Ælio Donato: quem tamen non
Ælium Gallum, sed Cornelium Gallum au-
ctores tradidere, & præcipuè Ammianus Mar-
cel-

cellinus *lib. xvii.* de quo tamen ille etiam dubitare videtur: *Is est, inquit, si rectè existimo, Gallus poëta, quem flens quodammodo in postrema Bucolicon parte Virgilius carmine leni decantat.* Huic Cornelio Gallo primum Ægyptus Provincia commissa, ut scribit Eusebius in *Chronici*, & Strabo *lib. 17. Geograph.* Ex quo Strabonis loco libenter colligerem, Ælium Gallum tertium Ægypti præfectum fuisse. Primum enim præfectum numerat Cornelium Gallum: subjicit deinde præfectum Petronium: postremo Ælium Gallum collocat. Composuit autem

DE. VERBORUM. QUÆ. AD. JUS. PERTI-
NENT. SIGNIFICATIONE. LIB. XII.

Ad hos vero libros referenda arbitror, quæ Cajus scribit in *l. videamus 19. D. de usur.* Gallum Ælium sensisse: quodque Ulpianus ait in *l. frugem 77. vers. Julianus D. de verb. signific.* Gallum frumentum definivisse, quod *arista se contineat.* Ad illos quoque libros putaverim pertinere quæ apud Gellium *lib. xvi. cap. 5. Noct. Attic.* scripta sunt ex Gallo *lib. 2. de verb. signific. quæ ad jus civile pertinent.* quo in loco, & apud Macrobius *lib. 6. cap. 8. Saturnal.* ubi quid sit *vestibulum* quæritur, pro Cæcilio Gallo, Ælio Gallo legendum est. Meminit etiam Ælii Galli Festus in verbo *postliminium*, ejusque *librum primum* si-

LIBER PRIMUS.

189

significationum quæ ad jus perinent citat, & in
verbo Tribunitia librum xii. signific. verb. ejus-
que verba idem Festus hæc refert: Sacrum est,
quodcumque modo & instituto civitatis consecra-
tum sit, sive ædis, sive ara, sive signum, sive
focus, sive pecunia, sive quid aliud quod Diis
dedicatum atque consecratum sit.

*Finis Jurisconsultorum qui in indice
Justiniano reperiuntur.*



DE



D E

JURISPERITIS.

LIBER SECUNDUS.

Sunt in iisdem Pandectarum libris ex aliorum Jurisconsultorum præclaris scriptis, multa conclusa & comprehensa quasi oracula illorum sapientiæ eximæ, & quasi incomparandæ eruditionis. Quorum nomina si hic adjicerem, quidque de his compererim, explicarem, gratam me rem juris studiosis judicavi facturum: debere præterea hoc me tantis ingeniis putavi.

JUNIUS GRACCHANUS.

Junius Gracchanus Caii Gracchi temporibus fuit, à cujus amicitia *Gracchanum* appellatum Plinius ait *lib. 33. cap. 2.* ubi transcripta sunt quædam ejus verba: *Quod ad equestrem,*
in-

inquit, ordinem attinet, antea *trossulos* vocabant, nunc equites vocant. Ideò quia non intelligunt, *trossulos* nomen quid valeat, multos pudet eo nomine appellari: quæ ex libris de potestatibus quos composuit desumpta sunt, quorum septimus citatur ab Ulpiano in *l. un. D. de offic. quæstor.* Illudque plebiscitum quod extat apud Festum in verbo, *publica pondera*, quod ex Junio desumpsisse se testatur, ex Junio Gracchano de potestatibus desumptum existimo: ipsaque Plebisciti verba satis demonstrant: *Publica pondera*, inquit Festus, quibus *Populus Rom.* uti solet ex ea causa Junius in; hic quædam verba expuncta sunt, sed reponendum puto; libris de potestatibus dicta sic ait, quod duo *Silii P. & M. Tribuni Pl.* rogarint his verbis: ex ponderibus publicis quibus hac tempestate *populus oetice* solet, ut ei coæquetur sedolo *M. Quadrantal. vini.* Octoginta pondo fiet. congius vinei decem, &c. quod quidem miror, Josephum Scaligerum virum eruditissimum, qui hoc monumentum antiquitatis corruptum restituit, & castigavit, non adnotasse. Hunc autem Gracchanum, historicum appellari in indice Pliniani Gelenii reperio. Ejus etiam meminit Varro *l. 5 de lingua lat. pag. 50.* eumque Junii nomine intelligendum existimo apud Festum, & apud Macrobius. Composuit autem ut diximus

DE. POTESTATIBUS. LIB. VII.

CA.

C A T O.

Hunc Catonem, Catonis Portiæ familiae Principis filium natu majorem esse existimo, quem Prætorem designatum, vivo patre mortuum scribit Plutarchus in *Catone Majore* non Uricensem, ut ex Bolonino putat Dionysius Gothofredus in *l. 4. D. de verb. obligat.* Hacque in re sequutum M. Catonis patris suum exemplum, satis constat ex Pomponio in *l. 2. D. de orig. jur. §. 38.* cujus etiam libros extitisse suis temporibus scribit, his verbis: *Deinde M. Cato princeps Portiæ familiæ, cujus & libri extant. sed plurimi filii ejus, ex quibus ceteri oriuntur.* non enim Budæi mentem probo, qui hoc in loco sic legit, *sed plurimi libri ejus.* cum hoc modo auctoris sententia omnino conturbetur. Ex his tamen Pomponii verbis colligere possumus, M. Catonem post mortem filii, opus quod fortasse filius imperfectum reliquit, completivisse. Uxorem autem Cato noster habuit Pauli filiam, auctore Plutarcho: narraturque ab eo, cum de patre quereretur, quod Salonii clientis filiam ducere uxorem vellet, M. Portium patrem ei dixisse: se non ejus odio hoc facere, sed quod plures filios civesque ipsi similes, patriæ relinquere cuperet. Cæterum Portius Cato funus in prætura defuncti filii tenuissimum,

LIBER SECUNDUS.

193

sumo, ut valuit, (nam pauper erat) sumptu fecit, teste Floro *epit. Livian. lib. 48. Regulæ* autem *Catonianæ*, hunc auctorem fuisse crediderim, cujus titulus extat in Pandectarum voluminibus contextus: quæ quidem *Catoniana sententia* dicitur à Martiano in *l. 86. D. de condit. & demonstrat.* Composuit autem

DE JURIS. DISCIPLINA. LIBROS.

quos egregios fuisse testatur Gellius *lib. xiii. cap. xix. Noctium Atticarum.*

COMMENTARIORUM. JURIS. LIB. XV.

Citatur à Paulo *liber xv. Catonis in l. iiii. S. Cato 1. D. de verb. oblig.* quem fuisse arbitror unum ex *libris commentariorum juris civilis*, qui Catoni tribuuntur à Festo in verbo *Mundus.*

TUBERO.

Q. Ælius Tubero Stoicus, fuit temporibus Luculli, ut refert Plutarchus in *Lucullo*, ex gente Ælia de qua Valerius *libro iv. cap. iv. L. Paulum avum, P. Africanum avunculum* habuit auctore Valerio *eodem loco, & lib. 7. cap. 5.* quem Cicero in *libro de jure civili in artem edigendo* apud Gellium *lib. i. cap. xxii.* scientia juris majoribus suis non defuisse dicit, doctrina etiam superfuisse: & in *Bruto c. 31.* nullo in oratorum numero fuisse testatur, sed

N
vita

vita severum, & congruentem cum ea disciplina quam colebat, paulò etiam duriori. Quod quidem in triumviratu judicavit, contra Iulii Africanì avunculi sui testimonium, vacationem Augures quo minus judiciis operam darent non habere. Sed ut vita sic oratione durus, incultus, horridus: quæ res effecit, ut honoribus majorum suorum respondere non potuerit. Quamobrem miror Pomponium in l. 2. de orig. jur. §. 40. scripsisse Tuberonem Consulem fuisse: *Ab his, inquit, profecti sunt Publius Rutilius Rufus, qui Romæ Consul, & Asiæ Proconsul fuit, Paulus Virginius, & Q. Tuberon ille Stoicus Panætii auditor, qui & ipse Consul fuit*: quomodo enim Consul fuerit non videret, si majorum honoribus, qui Consules tantum fuere, respondere non potuit. Addam adhuc quod nec in Fastis, nec apud auctores Historiæ Romanæ, consulatus ullus Q. Ælii Tuberonis legatur. Pomponium autem hæc, contra veritatem historiæ non scripsisse judicabunt satius qui librariorum in transcribendis, vel exarandis libris ignaviam notaverint; quod hoc loco accidisse certissimum est. Pomponium itaque ab omni erroris suspitione liberabimus, si verba illius librariorum ignorantia transposita, loco suo restituamus. Hoc modo, *Ab his profecti sunt P. Rutilius Rufus, qui Romæ Consul, & Asiæ Proconsul fuit, P. alius Virginius.*

ius. (Sic enim legendum esse non *Paulus*,
Rutilio demonstrabo) qui & ipse Consul. P.
nim Virgin. ex Fastis Cuspiniani Consulem
nisse constat. Cæterum Tubero fortis civis, &
constans fuit, quod indicat Gracchi in eum ora-
tio, & in Gracchum Tuberonis. Cujus tamen
constantia severa nimis, populo Romano odio-
sa fuit. Cum enim epulum Q. Maximus Afri-
cani patruī sui nomine, Populo Rom. daret:
rogatus est à Maximo Q. Tubero, ut triclinium
præpareret, cum esset ejusdem Africani sororis
maritus: atque ille homo eruditissimus, ac Stoicus,
& qui prævit pelliculis hædinis lectulos Punicanos, &
ipse composuit vasa Samia: quasi vero esset Diogenes
unicus mortuus, & non divini hominis Afri-
cani mors honestaretur, &c. hujus in morte cele-
branda, graviter tulit Populus Romanus hanc
perversam sapientiam Tuberonis; itaque homo
regerrimus, civis optimus, quum esset, L.
P. Rutili nepos, Publiique Africani sororis filius,
hædinis pelliculis prætura dejectus est, teste
Cicerone in orat. pro Muræna cap. 36. Coævus
erat P. Rutilii, cujus vitam infra describemus,
fuit Tubero: ambos enim adolescentes induxit
sequentes cum Africano Tullius in libris de
Republ. ut ipse testatur epist. 4. lib. 4. ad Atti-
cum. Tuberonis verò auctoritas magni ponderis
quod Celsum fuit, sed non quidem tanti, ut
omnia prætulerit Tuberonis sententiæ opinio-

nem Servii, cùm de suppellectile quæreretur in
l. 7. D. de Suppell. legata. Hunc, auctorem
 peculii definitionis quidam existimant: se
 hac de re nihil certi affirmare possum, cùm Tu-
 bero tantum, sine prænominē vocetur ab U-
 piano, & Celso; hic quidem est, cui Tullius
libro 3. de offic. cap. xv. Hecatonem Rhodius
 Panætii auditorem, *libros de officiis* scripsisse
 tradit. Denique de eo quædam non conte-
 mnenda notat Baptista Egnatius *Racematianus*
libro cap. 9. Cæterum nonnullos de jure
 reliquit libros, scilicet

DE JURE VENDITIONIS.

Refert enim Javolenus hujus Tuberonis senten-
 tiam in *l. in lege fundi 77. D. de contrah. emp.*
 existimantis, *Si cum in lege fundi vendundi*
Lapidicina quæ ubique essent exceptæ fuerint
licet post multum temporis lapidicina in eo funda-
reptæ sint, eas tamen venditoris esse. Ulpianus
 aliam refert in *l. Julianus 13. §. si vendit*
30. D. de action. empti. Ex quibus colligo
 Tuberone de jure venditionis aliquid scripsisse.
 Alios eum promulgasse non invenio libros
 nam Q. ille Tubero, quem juris publici & privati
 complures libros reliquisse scribit Pomponius
 in *l. 2. D. de orig. jur. §. 46.* alius est ab hoc
 nostro Tuberone Panætii auditore, & Stoico
 Illum quidem doctissimum fuisse tradit Pom-
 ponius, & sermone antiquo libros affectasse

scr.

scribere: ideoque libros ejus parum gratos habitos. Causis etiam agendis operam dedisse, quibus ad jus civile cum transiisse scribit, maxime postquam Q. Ligarium accusavit, nec obtinuit apud Cajum Cæsarem, Cicerone Ligarium defendente, cujus extat oratio. Hoc autem nomine Ligarium accusasse tradit idem Pomponius, quod Q. Ligarius cum Africæ prætoriam teneret, infirmum Tiberonem adplicare non permisit, nec aquam haurire. Quibus veris non mihi videtur aperte Pomponius, patrem Tiberonem, à filio distinguere; uterque enim erat in his navibus, quas ait passum non esse Ligarium Uticam appellere: Pater L. Tiberio in Africam veniebat, quam sorte obtinere debebat, Tiberonem Fil. secum ducens: cum C. Cæsar Pompeii insequendi, qui Italia excesserat, ut se cum transmarinis auxiliis conjungeret, consilium omisisset; atque in Hispaniam proficisci constituisset. Nec vero eam fuisse crederem causam Tiberoni apud Cæsarem Ligarium accusandi, quam Pomponius affert: neque Tiberonem à Ligario adplicare impediri; namque ipse Cæsar, Tiberonem Uticam in vibus portu, & oppido, non à Ligario, sed Varo prohibitum fuisse scribit *lib. 1. de bello civili cap. 31.* ut ne filium quidem potuerit in terram exponere ægrotantem. Et Quintilianus *lib. xi. cap. 1.* qui Tiberonis orationem legerat,

summam accusationis hanc fuisse ait, quod L. garius postquam bellum civile exarsit, non partibus recessisset, sed perseverasset: neque pro Cn. Pompeio, inter quem inquit & Cærem, dignitatis fuerat contentio, cum salvarer uterque Remp. vellet: sed pro Juba,arque Afr. inimicissimis populo Romano, stetisset.

SEXTUS ÆLIUS.

Gens Ælia, inquit Festus, appellatur, quæ ex multis familiis conficitur. Sexti autem prænomen ab ordine nascendi inductum est datumque Ælio: quem maximum Oratorem maximumque Jureconsultum fuisse testatur Tullius in *Bruto* cap. 20. Numeroque eodem inquit, fuit Sextus Ælius, juris quidem civilis omnium peritissimus, sed etiam ad dicendum paratus: & propter eximiam juris civilis scientiam cordatum hominem ab Ennio appellatum fuisse scribit idem libro 1. de *Oratore*. cap. 45.

Egregie cordatus homo, catus Ælius Sextus & hoc est, quod Pomponius scribit in l. 2. *De orig. juris* §. 38. Ennium Sextum Ælium laudasse. Fuit autem Sextus Ælius P. F. & P. N. Sic enim tabulæ Capitolinæ habent, & genealogia P. Pauli, ut est apud Plinium libro 33. cap. 11. Consul fuit cum T. Quintio Flaminio anno ab urbe condita D L V. ut tradit Cassiodorus ejus

jusque consulatus meminit. Plutarchus in *Fla-*
minio. Fratrem habuit P. Ælium Pætum, qui
 Consul fuit anno ab urbe condita 552. cum Cn.
 Cornelio Lentulo, ut est apud Eutropium, &
 Cassiodorum: ideoque non malè à Pomponio
 scriptum est: & duo Ælii etiam Consules fue-
 runt. Ex his tamen Publium, majorem natu-
 risse existimo; primùm quod prior in Fastis
 sonatur: deinde quòd Censorem eum, prius-
 quam S. Ælius Consul fuerit, tabulæ Capito-
 linæ probent cum Scipione Africano, à quibus
 forum conditum est. Sextus etiam Censor
 fuit cum Cn. Lentulo Cethego, auctore Livio
lib. 34. cap. 44. Tanta autem integritate, &
 continentia semper vixit, ut Æliorum familiæ
 hereditariam paupertatem conservarit: ita ut
 nihil aliud habuisset argenti ad supremum
 vitæ diem, quàm duo pocula, quæ L. Paulus
 procer ei ob virtutem, devicto Rege Perseo do-
 naverat, testetur Plinius *lib. 33. cap. xi.* & cum
 legati Ætolorum, in consulatu prandentem in
 lectilibus eum adiissent, missa ab his vasa argen-
 tea, non accepisse. Multos autem *de jure civili*
 libros scripsit,

ÆLIANUM. Jus.

hec enim appellabatur liber ille, quem populo
 libedit: quo actiones alias, quam quæ à Cn. Fla-
 minio, vel à Papirio propositæ erant, composuit,
 teste Pomponio *l. 2. §. postea cum 7. D. de orig. jur.*

TRIPARTITA.

Sic inscriptus fuit liber ille, quoniam lege **XII**. tabularum præposita, jungitur interpretatio: deinde subtexitur legis actio auctore Pomponio *d. l. 2. D. de orig. jur.* Ideoque interpretem antiquum **XII. tabul.** Tullius *lib. 2. de legib.* eum vocat, & Justinianus in *l. 1. C. de communi servo manu. juris antiqui conditorem*, licet quid lessum in **XII. tabulis** significaret, non satis se intellexisse professum. Hic autem liber, veluti cunabula juris continebat. *d. l. 2. de origine jur.* *Ælii Sexti* verba sæpè pro verbis **XII. tabb.** accipiuntur.

COMMENTARIA.

quorum meminit Cicero *lib. 1. de orat.* Et in *P. Mutii*, inquit, fratris sui libris & *S. Ælii commentariis*, scriptum protulisse, & Paulus in *l. postquam 43. D. de petitione hered.* licet Jacobus Labittus in indice, pro *Ælius* legat *Lælius*. Ejus auctoritate utitur etiam Celsus *lib. VIII. Digestorum in l. 38. de act. empt.*

PUBLIUS MUTIUS.

P. Mutius P. Mutii Scævolaë filius fuit, paterque Q. Mutii Scævolaë, cujus vitam supra descripsimus, ut ex Pomponio, & ex Fastis apparet. Fratrem habuit L. Crassum auctore
Ci-

Cicerone *lib. 1. de Orat. c. 37.* qui Mutianus dictus est, apud Pomponium *l. 2. §. 40. D. de orig. jur.* Consul autem fuit cum L. Calphurnio anno ab urbe condita 621. ut testatur Cassiodorus in *chronicis*: cujus consulatu feditio perniciosissima Tiberii Gracchi orta est: legimusque apud Plutarchum in *Gracchorum vita*, Tiberium Gracchum cum legem Agrariam promulgare vellet, Crassum Pontificem Maximum, Mutiumque Jurisconsultum Consulem principes in Republ. cives in consilium adhibuisse: quamobrem eum Consulem esse existimo, quem Plutarchus Nasicæ ab eo petenti ut tyrannum Gracchum tolleret, respondisse scribit: *Nullam se vim illaturum, neque civem Romanum indicta causa necaturum.* Cæterum Pomponius *d. l. 2. §. 39. D. de orig. jur.* Pontificem Maximum fuisse P. Mutium tradit. Cum autem Pontifices Maximi res omnes singulorum annorum literis mandarent, hæc consuetudo in ejus pontificatu brogata est, ut apud Ciceronem *lib. 2. de Orat. cap. 12.* videre liquet. idem *libro 1. cap. 37.* testatur Crassum Divitem P. Scævola solitum persæpe dicere, illum in Jure civili satis illi arti acere non posse, nisi dicendi copiam assumpsisset. Obiit autem Mutius morbo pediculari, cuius hi credimus qui Plutarchum in *Sylla* de hoc nostro Jurisconsulto loqui putant. Quod quidem non omnino à veritate alienum: eum enim

vocat Plutarchus *νομοδύτης* in vita Gracchorum. Nec quidem parvi nominis Jurisconsultus P. Mutius fuit : testatur siquidem Pomponius *d. l. 2. §. 39.* eum cum Bruto, & Manilio jus civile fundasse, qui Principes civitatis ea tempestate fuere, inter quos agitatum fuisse quæstionem illam, *an partus ad usufructuarium pertineat*, infra in Bruto dicemus. Reliquit autem

LIBROS. XIV.

sive ut loquitur Pomponius, *libellos* : qui tamen, decem tantum libros eum reliquisse tradit : sed Paulus Jurisconsultus in *l. Mutius 30. D. pro Socio ex libro XIV.* Mutii hæc transcripsit : *Non posse societatem coiri, ut aliam damni, aliam lucri partem socius ferat.* Qua etiam ex lege Servium Sulpitium notas in hos Mutii libros scripsisse colligimus. Pomponius etiam in *l. ult. D. de legation.* refert eum in hac sententia fuisse : *quem semel populus R. jussisset dedi, ex civitate expulisse videri : sicut faceret cum aqua & igni interdiceret.*

BRUTUS.

QUis hic Brutus fuerit difficilis cognitionis est : alium enim esse à Bruto, cujus vitam Plutarchus eleganter & copiose descripsit, ferries temporum satis apertè indicat ; aliumque
etiam

etiam ab ejus patre puto: quamvis illum Ciceronis verba Jurisconsultum fuisse asserere videantur: *L. autem*, inquit, *Lucillum etiam acutum, patremque tuum, Brute, juris quoque & publici & privati sanè peritum, &c.* hacque ratione maximè moveor, quòd patrem Bruti Cæsaris interfectoris, filio dissimillimum fuisse testatur Plutarchus, i. e. nec magni animi, nec ingenii: quamobrem verba illa Ciceronis non ita interpretanda sunt, ut eum de patre Bruti Catonis generi intellexisse existimemus: quamvis eo verbo *Patrem tuum* Brutum alloquens, usus sit; ampla enim est *patris* significatio, nec solum proximiorum genitorem, sed etiam avum, abavum, proavum, atavum, sub patris nomine contineri docet Valla, omnisque Grammaticorum schola. Fuit itaque Brutus noster unus ex majoribus Bruti, paterque M. Bruti, quem molestum accusatorem & vehementem vocat Tullius in *Bruto cap. 34.* Quo ex loco colligere possumus, qua laude floruerit pater, & quas nomini Brutorum maculas inuferit filius: sic enim loquitur Tullius: *Iisdem temporibus*, inquit, *M. Brutus, in quo magnum fuit, Brute, de decus generi vestro, qui cum tanto nomine esset, patremque optimum virum habuisset, & juris peritissimum, accusationem fatitaverit, ut Athenis Lycurgus. Is magistratus non petivit, sed fuit accusator vehemens &*

mo-

molestus, ut facile cerneret naturale quoddam stirpis bonum degeneravisse vitio depravatæ voluntatis. Bruto autem Jurisconsulto ut genus illustre, ita & opulentæ possessiones fuere: fundos enim tres habuit, Privernatem videlicet, Albanum, & Tiburtem, & præter hos balneas etiam: quæ quidem omnia bona, gurgitem illum & helluonem Marcum filium devorasse, vendidisseque tradit Cicero *lib. 2. de orat. cap. 54.* & pugnam Crassi oratoris quæ in causa Cn. Planci intervenit in M. Brutum, quem dignum contumelia judicabat, describit: *cum enim Brutus duos lectores excitasset, & alteri de colonia Narbonensi Crassi orationem legendam dedisset, alteri de lege Servilia, & cum contraria inter sese de Republ. capita contulisset, Crassus facetissime tres patris Bruti de jure civili libellos, tribus legendos dedit ex libro primo: FORTE. EVENIT. UT. IN. PRIVERNATI. ESSEMUS. Brute, testificatur, inquit, pater se tibi Privernatem fundum reliquisse: deinde ex libro secundo: IN. ALBANO. ERAMUS. EGO. ET. M. FILIUS. Sapiens, inquit, videlicet homo cum primis nostræ civitatis, norat hunc gurgitem, metuebat ne cum is nihil haberet, nihil esse ei relictum putaretur. Tum ex libro tertio in quo finem scribendi fecit: (tot enim, ut audiui Scævola dicere, sunt veri Bruti libri.) IN. TIBURTI. FORTE. ASSEDI-MUS. EGO. ET. M. FILIUS. Ubi sunt ii fundi, Bru-*

Brute, quos tibi pater publicis commentariis consignatos reliquit? quod nisi puberem te, inquit, jam haberet, quartum librum composuisset, & se etiam in balneis lotum cum filio scriptum reliquisset. Atque ita hoc lepore iisque facetiis refutatus est à Crasso M. Brutus nimis vehemens, & quasi tragoedus orator. Ceterum Brutus Jurisconsultus præturam exercuit, & intra eam se continuit, nunquam consulatum adeptus, ideòque prætorius rectè nominatur à Pomponio *d. l. 2. §. 39. D. de orig. jur.* Reliquit autem

DE JURE CIVILI. LIB. TRES.

quod constat ex suprà citato loco Ciceronis: quamobrem miror Pomponium in *d. l. 2.* septem libros Bruto tribuisse: verisimile enim non est, Pomponium Ciceronis verba non legisse. Verum hos duos auctores sic conciliabimus; Brutum quidem libros tres tantum reliquisse: Plures tamen Bruto tributos, quod colligi potest ex Tullii verbis: *Tot enim, inquit, ut audiui Scævola dicere, sunt veri Bruti libri:* ex quibus & Ciceronis ætate plures quàm tres, vulgò tributos colligere possumus: qui error ad posteriora sæcula delapsus, causam fortasse præbuit Pomponio vulgarem opinionem sequuto scribendi, Brutum septem libros reliquisse; tot enim tunc temporis Bruti nomine proferri credendum est. Sed si hæc vera sint,
Pom-

Pomponium ingorantiæ crimine tacite infectari videmur: quasi quid hac de re eruditi viri senserint, ignoraverit ipse: quod quidem facile ut non admittatur, suadet auctoris perfecta eruditio. Deinde quis tam ineptus, ut existimet Pomponium vulgarem errorem, Ciceronis & Scævolaë sententiis rejectis sequi maluisse: qui tam frequenter in *d. l. 2.* Ciceronis auctoritate utitur? quamobrem dicendum puto Pomponii verba illa depravata esse: *Ex his P. Mutius etiam decem libellos reliquit, Brutus septem, Manilius tres, & extant volumina scripta Manilii monumenta. Illi duo consulares fuerunt: Brutus prætorius.* & restituenda dictionis unius transpositione hoc modo *Septem Manilius, Brutus tres.* Manilium enim hic ante Brutum à Pomponio positum esse indicant hæc verba: *Illi duo consulares fuerunt;* quæ ad Mutium & Manilium referuntur, atque ita ad primò scriptos. Dictionem siquidem *Illi* ad ultimum nominatum referri non posse sciunt & ipsi Grammatices tyrunculi. Quod quidem eveniret, si Manilius post Brutum scriptus esset, contra Latinæ syntaxeos regulas. Præterea Manilium plures quam tres libros composuisse satis constat ex ipso Pomponio, cum ait: *Et extant volumina scripta Manilii.* Dictio enim illa, *voluminum,* librorum copiam denotat. Scripsisse & Manilium libros actionum infra in Manilio dicemus.

Cæ-

Cæterum doctrinæ Brutianæ quædam adhuc
extant in pandectis nostris vestigia Paulus enim
in *l. possideri. 3. §. 3. D. de acquir. possess. &*
Ulpianus in *l. si servus 27. §. si mulier 22. D.*
ad leg. Aquil. Bruti has sententias afferunt.
prima quidem est: *Eum qui fundum longa pos-*
sessione cepit, & thesaurum cepisse: quamvis
nesciat in fundo esse. quam tamen non probat
hac ratione: quia is qui nescit non possidet.
Alia vero hæc est: *si mulier pugno, vel equa*
ictu percussa ejecerit, qui hoc fecit Aquilia teneri
quasi rupto. Idem Ulpianus in *l. 68. D. de*
usufr. veterem fuisse quæstionem ait: *an partus*
scilicet ancillæ ad fructuarium pertineret. Quam
quidem quæstionem agitatam fuisse inter prin-
cipes civitatis P. Mutium Scævola, Mani-
lium, & Brutum: illis ad fructuarium pertinere
asserentibus: Bruto vero dissentiente scribit
Tullius *lib. 1. de finib. bonorum & mal. cap. 4.*
quod & colligitur ex Ulpiano in *d. l. 68.* Sed
Bruti sententia obtinuit, fructuarium in eo
locum non habere. hac ratione, quod in fru-
ctu hominis homo esse non potest: quare au-
tem homo in fructu esse non possit, non tra-
dit Ulpianus: sed rationem Bruti desumere
possumus ex Cajo in *l. 28. §. 1. D. de usur.*
Cum omnes fructus rerum naturâ hominum
gratia comparaverit; hanc enim rationem
desumpsisse Cajum ex veteribus, scilicet ex
Bru-

Bruto, ostendunt fatis verba: *Absurdum enim videbatur.*

MARCUS MANILIUS.

AEquitati consentaneum est, ut Brutum Manilius sequatur, cum à Paulo, Pomponio, & ab ipso Tullio *libro 1. de finibus bonorum & malorum cap. 4.* conjungantur. M. itaque Manilius legum consuetudinisque ejus qua privati in civitate utebantur, & ad cavendum, & ad agendum, & ad respondendum peritus fuit: ideoque veri Jurisconsulti nomine à Cicerone *libro 1. de Oratore cap. 48.* decoratur, & *libro tertio cap. 33.* idem Cicero eum *transverso solitum ambulare foro* scribit: quod erat insigne, Jurisconsultos qui id facerent, civibus omnibus consilii sui copiam facere. Ad quos olim & ita ambulantes, & in folio sedentes domi sic adibat, ut non solum de jure civili ad eos: verum etiam de filia collocanda, de fundo emendo, de agro colendo, de omni denique aut officio, aut negotio referretur. Consularem autem Manilium fuisse rectè scribit Pomponius in *l. 2. §. D. 39. de O. jur.* Consul enim fuit cum L. Martio Censorino, auctore Cicerone in *Bruto cap. 27.* item Cassiodoro in *Chronicis*, & Censorino *cap. xvi i.* qui corrupte apud Florum in epitome Livii *libr. xlix.* M. Manlius dicitur. Horum

um consulatu ante triennium quàm Carthago
cleretur, M. Cato perpetuus diruendæ ejus
uctor mortem obiit, ut scriptum est apud
elleium Paterculum *lib. 1. cap. 13.* obsideri
nim oppugnarique cepit Carthago L. Martio
& M. Manilio Consulibus, auctore Floro *lib.*
lix. epitom. Livii. In qua oppugnatione, cum
gelectos ab una parte muros duo Tribuni temere
om cohortibus irrupissent; & ab oppidanis
gaviter cæderentur, à Scipione Africano expli-
ci sunt, per quem & castellum Romanorum,
quod nocte oppugnabant, paucis equitibus ju-
ventibus liberatum est. Ob quod egregium fa-
ctum Scipionem obsidionali corona à Manilio
donatum ex Plinio colligo *libro xxii. cap. 6.*
em ait: *Æmilianum quoque Scipionem Varro*
auctor est, donatum obsidionali in Africa à Ma-
nio Consule tribus cohortibus servatis, totidem-
que ad servandas eas eductis. Africa enim
Povincia Coss. M. Manilio & L. Martio de-
enta est, illisque imperium ad bellum geren-
dm datum: M. Manilio quidem ut pedites
diceret, L. vero Martio ut equitatu præffet,
fiat scribit Appianus *in Lybicus.* Veruntamen
exercitui solus Manilius postea imperavit,
cui L. Martius Consul Romam ad comitia
iisit, & solus exercitum adversus Asdrubalem
duxit; sic enim explicanda puto hæc verba
Elri in *epit. Liv. lib. xlix.* Præterea cum ab irrita

O

op-

oppugnatione Carthaginis Cos. (alter enim Romanam ad comitia ierat) exercitum ducere adversus Asdrubalem vellet. Pisonem autem successorem in Provincia habuit, ut scribit Appianus. Plura de his quæ in consulatu & in Africa gesserit apud auctores reperiuntur. Hoc quidem Consule legem de Repetundis latam esse à L. Pione frugi Trib. pleb. apud Ciceronem in *Bruto cap. 27.* legimus. Cæterum Bartholomæus Marlianus Patritius Mediolanensis hunc M. Manilium filium putat ejus Manilii, quem Livius *lib. 45. cap. 17.* Legatum ad bellum Illyricum missum esse commemorat cum P. Ælio Ligo, C. Cicereio, aliisque, qui ab eo recensentur. Qua autem ex familia ortus fuerit Manilius difficile est judicare. Hoc quidem affirmo, illum ex antiqua & illustri Manliorum familia originem non duxisse: quod tamen nonnulli existimavere: *Manliæ enim gentis patritiæ decreto nemo ex ea Marcus appellatur, quod M. Manlius, qui Capitolium à Gallis defenderat, cum regnum affectasset, damnatus necatusque est, ut legitur apud Festum in verbo Manliæ.* sicut de *Lucii* prænومine in *Claudiana* gente scribit Suetonius in *Tiberio cap. 1.* Hunc autem Manilium Marci prænomen habuisse ex his quæ diximus, satis apparet: quisquis tamen fuerit, magni vir iudicii eximiæque doctrinæ, nec scientiæ politicæ rudis & ignarus traditur.

Eum

LIBER SECUNDUS.

211

Eum enim in libris de Republica defferentem
& disputantem, se introduxisse scribit Cicero
lib. 4. epist. 16. ad Atticum. Juris peritissimum
quidem eum constat fuisse ex Pomponio *d. l. 2.*
de orig. jur. qui eum cum P. Mutio & Bruto
ius civile fundasse scribit. Hujus doctrinæ
apud Paulum in *l. possideri. 3. §. Neratius 3.*
D. de acqu. possess. extant hæ reliquiæ: *Eum qui*
fundum longa possessione ceperit, etiam thesaurum
ceperisse, quamvis nesciat in fundo esse. Quam ta-
men sententiam à Paulo improbatam supra
diximus in Bruto. Reliquit autem

DE JURE CIVILI. LIB. VII.

Auctore Pomponio: sic enim legendum esse
docuimus, qui inscripti sunt *Manilii monu-*
menta: quamvis hæc verba suspecta aliquo
modo mihi sint, tanquam notata à glossa-
tore quodam, & postea in textum Pomponii
relata.

MANILIANAS. LEGES.

Composuit enim leges quasdam de venalibus
vendendis, quæ Manilianæ leges dictæ sunt, ut
constat ex Cicerone *libro 1. de Oratore c. 58.* Nec
quisquam, inquit, est eorum qui si jam sit addi-
endum sibi aliquid, non Teucrum Pacuvii malit,
quam Manilianas venalium vendendorum leges
addiscere. Varro *lib. 2. de Re rustica cap. 7. actio-*
es vocat: *emptio*, inquit, *equina similis fere*
bovm, & asinorum, quod eisdem rebus in em-
ptione

ptione dominum mutat: ut in Manilii actionibus sunt perscripta.

P. RUTILIUS RUFUS.

P. Rutilius Rufus ex nobili Rutiliorum familia ortus avunculus Cottæ fuit: *Cicero in Brut. cap. 30*; eum etiam avunculum suum Cotta appellat apud Ciceronem *lib. 2. de Natura Deorum*. Et patrem M. Rutilium habuit, auctore eodem Tullio in *Bruto*. Ejusque adolescentiam ad opinionem & innocentiam, & juris scientiam P. Mutii commendavit domus, ut idem testatur *libro 2. Offic. cap. 13*. Eo adolescentulo in sylva sua facta cædes est, notique homines interfecti: cujus rei infimulabatur familia, hacque de re atroci magna que quærendi potestatem Senatus dedit P. Scipioni, & D. Bruto Consulibus. Veruntamen Galba tanta gravitate, tantaque vi causam illam dixit, Rutilii rogatu, ut omnibus approbantibus familia liberata sit, ut se ex eo audiisse Smyrnæ, scribit Cicero in *Bruto cap. 22*. Doctus autem vir fuit, & Græcis litteris eruditus, Panætii auditor, perfectus in Stoicis, quorum peracutum, & artis plenum orationis genus, sed tamen exile, nec satis populari assensionem accommodatum, imitatus est: ideoque summi Oratoris non habuit laudem; sunt enim ejus orationes
jeju-

jejunæ; eum tamen laudandum putat Cicero in *Bruto cap. 30.* quoniam per illum, ne hæc quidem in civitate genera, hac oratoria laude caruerunt. Magnum autem munus de jure respondendi in civitate sustinebat, cujus responsorum apud auctores juris, quædam adhuc vestigia ab iis laudata, & probata extant: Ulpianus enim *libro xvi. ad Sabinum in l. si habitatio 10. §. 3. D. de usu & habitat.* scribit Celsum *lib. 19.* Digestorum ejus responsum probare, qui, cum quæreretur, utrum unius anni habitatio legata sit, an usque ad vitam? donec vivat, habitationem competere, respondit; & in *l. qui penum 3. §. ligna 9. D. de penu leg.* ligna & carbones, quæ non vendendi causa parata sunt, penoris nomine contineri dixit; multisque aliis in locis. Non solum autem juris civilis intelligentia præstitit, sed & rei militaris scientia: Tribunus enim militum fuit sub Scipione, auctore Appiano in *Romana historia:* armorumque tractandorum meditatio ab eo militibus est tradita, & nullius ante se Imperatoris exemplum sequutus, ex ludo C. Aurelii Scæuri doctoribus gladiatorum accersitis, vitantibus atque inferendi ictus, subtiliorem rationem regibus ingeneravit, virtutemque arti, & artem cursus virtuti miscuit: ut illa impetu hujus fortior: hæc, illius scientia cautior fieret, ut scribit Valerius Maximus *lib. 2. cap. 1.* & ita severe rem

bellicam administravit, ut necessitudinis præruptis vinculis, vindictam ultionemque læsæ disciplinæ militaris, cum ignominia etiam domus suæ exigere non dubitaverit: eo enim bello quod in Sicilia cum fugitivis gessit, Q. Fabium generum suum, quia negligentia Tauromitanam arcem amiserat, provincia jussit decedere, ut ex eodem libro cap. 2. colligere licet. Et Frontinus libro 2. scribit, eum in legione filium militem fecisse, cum secundum leges in contubernio suo adhuc habere posset. Tribunosque militum quos Consul faciebat, ab eo *Rufulos* appellatos esse, scribunt Festus & Paulus lib. de verb. signific. in verbo *Rufuli*: quod de eorum jure legem tulerit, qua eis cavebatur multis modis: posteaque mutata litera, *Rutuli* sive *Rutili* dicti sunt. Dignitates autem quas in Republica Rutilius obtinuit, hæ sunt: *Quæstura* scilicet: eum enim Q. Mutii Prætoris Quæstorem fuisse, scribit Asconius Pædianus in *divination*. Præturam etiam gessit: & cum Prætor esset, eum primum edixisse scribit Ulpianus in l. 1. *D. de bon. libert.* se amplius non daturum patrono quam operarum & societatis actionem: videlicet si hoc pepigisset, ut nisi ei obsequium præstaret libertus, in societatem admitteretur patronus, cum antea soliti essent patroni, à libertis durissimas exigere. Legatus etiam Q. Mucii proconsulis fuit, ut ex *Flori epitom. Liv. lib. 70.*
pa-

paret. Consulatum præterea gessit cum Cn. Mallio, ut est apud Valerium Maximum *lib. 2. cap. 3.* & ex antiquo lapide Puteolis reperto, quem Onuphrius affert, probatur: ex quo deprehenditur erratum in Julii Obsequentis libro, atque Cassiodori in prodendis Consulibus anni 649. quorum alter, P. Rutilium quidem scribit: sed C. Manilium corrupte subjungit; alter vero P. Atilium & Cornelium Manilium mendose Consules ponit. Post consulatum, Asiam Proconsul provinciam obtinuit, teste Pomponio *d. l. 2. §. 40. D. de orig. Jur.* Quapropter miror Carolum Sigonium in suis commentariis, se, quam Rutilius provinciam habuerit, fateri ignorare. Cæterum, quamvis Rutilius summos honorum gradus in Republica assequutus sit, multas tamen repulsas tulit, sicuti tribunatus plebis, ut apparet ex his verbis Ciceronis in *Orat. pro Plancio cap. 21. Sed quid ego ædilitias repulsas colligo? quæ sæpe ejusmodi habitæ sunt, ut iis qui præteriti essent, benignè à populo factum videretur. Tribunus militum L. Philippus summa nobilitate, & eloquentia, Quæstor Q. Cælius clarissimus ac fortissimus adolescens: Tribuni pleb. P. Rutilius Rufus, C. Fimbria, C. Cassius, Cn. Orestes facti non sunt: quos tamen omnes Consules factos scimus esse.* Consulatus etiam repulsam tulit à M. Æmilio Scauro superatus, & quod durius videtur, in ipsa re-

pulsa ab eodem M. Æmilio ambitus postulatus, quasi turpi largitione suffragia populi, ad adipiscendum consulatum corrumpere tentasset. Ut autem instrueret Æmilius accusationem, domum Rutilii venit, ejus tabulas, commentarios scilicet rerum quotidianarum reperit, iudiciisque quoddam caput ostendit, in quo scriptæ inveniebantur hæ litteræ, A. F. P. R. easque sic interpretabatur; quod id de quo accusabatur *Actum esset fide P. Rutilii*; atque ex eo colligebat, hujus largitionis auctorem fuisse Rutilium: Rutilius autem has explicabat *Ante factum, post relatum*. Cajus vero Cannius Eques Romanus, qui Rutilio Rufo aderat patronus, exclamat, neutrum illis litteris declarari. Quid ergo? inquit Æmilius Scaurus; respondet Cannius, *Æmilius fecit, plectitur Rutilius*. i. Æmilius largitionibus corripit suffragia: Rutilius vero ejus criminis, cujus Scaurus fons est, accusatur. Hæc traduntur à Cicerone *lib. 2. de Oratore cap. 69*. Rutilius quidem falsò hoc crimine à Scauro infectatus est; Vellejus enim Paterculus *lib. 2. cap. 13. eum non seculi sui, sed omnis ævi optimum appellat*. Tandem summa illa innocentia, & integritas, maliciosis accusatorum calumniis oppressa, & obruta est; sic enim Florus *epitom. Liv. lib. lxx.* de eo loquitur: *P. Rutilius vir summæ innocentiae, quoniam Legatus Q. Mucii*
Pro-

Proconsulis, à publicanorum injuriis *Asiam* defenderat, invisus *Equestri ordini*, penes quem iudicia erant, repetundarum damnatus, in exilium missus est. Huncautem legibus pulsum, *Smyrnæos* non solum tanquam exulem recepisse: sed etiam civem sibi addidisse, scribit *Tacitus lib. 4. Annalium cap. 43.* tantum valet apud exterarum gentes, amor virtutis, quæ in adversa fortuna, in *Rutilio* maxime effulgit: namque ut *Valerius Maximus* scribit *libro 6. cap. 4.* cum magis ordinum dissensione, quam illa culpa sua, reus factus esset; nec obsoletam vestem induit, nec insignia Senatoris deposuit, nec supplices ad genua iudicum manus tetendit, nec dixit quicquam splendore præteritorum annorum humilior: effecitque ut periculum illud, non impedimentum gravitatis ejus esset, sed experimentum: atque etiam cum ei reditum in patriam *Syllana* victoria præstaret, in exilio, ne quid adversum leges faceret, remansit; atque id quod nunc respondit, constantiæ, gravitatisque suæ maximum testimonium præbet: *Malo*, inquit, ut patria exilii mei erubescat, quam reditu careat, ut scribit *Seneca libro 6. de Beneficiis cap. 37.* Ita enim patriam dilexit, ut in illa *Sturnini* seditione pro salute communi, eum *Scipio* cepisse tradat *Cicero* in *Orat. pro C. Rabirio* perduellionis reo. Non solum autem facta *Rutilii*, sed etiam dicta laude digna censentur:

quorum hoc præclarissimum refert Valerius dicto loco. *Cum amici cujusdam injustæ rogationi resisteret, atque is per summam indignationem dixisset: Quid ergo mihi opus est amicitia tua, si quod rogo non facis? respondit: imò quid mihi tua, si propter te aliquid inhonestè facturum sim?* Fuit porro Rutilius rufi coloris. Rutilius enim apud Festum, *rufum*, significat: atque ideo, ut ab aliis Rutiliis discerneretur, à colore suo rufus, *Rufi* nomen inditum ei existimo. Librorum autem ab eo editorum hæc restant vestigia,

HISTORIA. RERUM. ROMANARUM.
auctore Athenæo libro 6. *δειπνοσοφιστῶν cap. ult.*
vel rerum suo tempore gestarum. Suidas in verb.
Ρῦτιλιος: τὰ τότε φθάσαντα γενέσθαι.

DE. VITA. SUA. LIBRI.
incerti: numerus enim non legitur. composuit etiam orationes permultas, inter alias,

DE. MODO. ÆDIFICIORUM.
quæ postea ab Augusto Senatui recitata est, & ab eo, populo edicto proposita, teste Suetonio in *August. c. 89.*

C. AQUILIUS GALLUS.

C. Aquilius Gallus patrem habuit M. Aquilium Gallum, quem Consulem cum C. Mario fuisse tradit Cassiodorus in *Chronicis*, bellumque servile in Sicilia concitatum conf-

ecisse Florus scribit *epit. Liv. lxxix.* Auditor Mutii fuit, teste Pomponio in *d. l. 2. §. 42.* & præceptor Servii Sulpitii eodem auctore *§. 3.* qui juris discendi causa, Servium Balbo Lucilio, & Gallo Aquilio operam dedisse scribit; instructum autem maximè à Gallo Aquilio fuisse: ex quo tamen, aut eum rei veritatem ignorasse, aut verba ejus corrupta, necessariò judicamus ex Cicerone in *Dial. de claris Oratoribus cap. 42.* qui non juris civilis discendi, sed dicendi, i. e. artis oratoriæ gratia, Servium Gallo Aquilio, & Balbo Lucilio operam dedisse tradit. *Cumque dicendi causa,* inquit, de Servio loquens, *duobus peritissimis operam dedisset, L. Lucilio Balbo, C. Aquilio Gallo, Galli hominis acuti, & exercitati promptam & paratam in agendo, & in respondendo celeritatem, subtilitate diligentiaque superavit: Balbi docti, & eruditi hominis, in utraque re consideratam tarditatem vicit expediendis conficiendisque rebus: sic & habet, quod uterque eorum habuit, & explevit, quod utrique defuit. Verùm hæc ignorasse Pomponium quis credet? Rectius inique sentiemus, si superiora verba Pomponii, typographorum inscitia transposita, suo loco addantur, & his verbis jungantur, ut ita legendum sit: *Servius autem qui cum in causis candis primum locum, aut certe post M. Tullium contineret, institutus à Balbo Lucilio: instructus**

au-

autem maximè à Gallo Aquilio fuit Cercinæ. Itaque libri complures ejus extant Cercinæ confecti: traditur ad consulendum Q. Mutium de re amici sui pervenisse, &c. Cæterum, Gallus Aquilius tantæ fuit apud Romanos auctoritatis, ut Cic. in Orat. pro A. Cæcinnâ cap. 27. in illius laudem hæc verba populo Romano dicere non dubitaverit: *vereor de tali viro ne plus dicam, quàm vos aut sentiatis, aut commemorari velitis apud vos. quapropter hoc dicam, nunquam ejus auctoritatem nimium valere, cujus prudentiam Pop. Rom. in cavendo, non in decipiendo perspexerit: qui juris civilis rationem nunquam ab æquitate sejunxerit: qui tot annos ingenium, laborem, fidem suam Pop. Rom. promptam, expositamque præbuerit: qui ita justus & bonus vir est, ut naturâ non disciplinâ consultus esse videatur: ita peritus ac prudens, ut ex jure civili non scientia solum quædam, verum etiam bonitas nata videatur: cujus tantum est ingenium, ita prompta fides, ut quidquid inde haurias, purum, liquidumque te haurire sentias. Maximæ denique integritatis Galli, & in judicando religionis exemplum memorandum affert Valerius Maximus lib. 8. cap. 2. Cajus, inquit, Visellius Varro gravi morbo correptus, trecenta millia nummum ab Oëtacilia Laterensi, cum qua commercium libidinis habuerat, expensa ferri sibi passus est, eo consilio, ut si decessisset, ab*
he-

meredibus eam summam peteret; quam, legati
renus esse voluit, libidinosam liberalitatem debiti
nomine colorando. Evasis deinde Visellius ex
illa tempestate, adversus vota Octaciliae. quæ
offensa, quod spem prædæ suæ morte non matu-
asset; ex amica obsequenti, subito districtam
generatricem agere cæpit, nummos petendo;
uos ut fronte inverecunda, ita inani stipulatione
aptaverat. De quare C. Aquilius, vir magnæ
uctoritatis, & scientia juris civilis excellens,
iudex adductus, adhibitis in consilium princi-
bus civitatis, prudentia & religione sua mu-
erem reppulit. Quod si eadem formula & Var-
o damnari, & adversaria absolvi potuisset; ejus
quoque non dubito, quin turpem & inconcessum
errorem libenter castigaturus fuerit, nunc priva-
te actionis calumniam ipse compescuit, adulterii
cimen publicæ quæstioni judicandum reliquit.
Iudex etiam fuit in causa P. Quintii, quem
Cicero contra Q. Hortensium accusatorem de-
fendebat: ex cujus orationis cap. 4. maximam
Aquilio, cum Scapulis omnibus, fuisse neces-
situdinem colligimus: P. etiam Quintium Sca-
pulam, cum apud Aquilium Gallum cœnaret,
morte repentina obiisse, auctor est Plinius Na-
tur. Hist. lib. 7. cap. 53. Caii itaque Aquilii in ca-
vendo, non in decipiendo prudentiam perspe-
xisse populum Romanum facilè demonstrant
formulæ illæ, quas de dolo malo composuit,
quas

quas Tullius *lib. 3. de Nat. Deor. cap. 30.* vocat
everriculum maliciarum omnium. Multa autem
 alia in jure civili nequaquam suis temporibus
 explore cognita, & percepta illustravit, in-
 duxit, & explicavit: cum enim antea dubitare-
 tur, an in venditione, ruta & cæsa contineren-
 tur; asseruit frustra in lege venditionis, de
 rutis & cæsis contineri, quia si non specialiter
 venierint, ad exhibendum de his agi possit, ut
 ex Mela refert Ulpianus *lib. 32. ad edictum in*
l. fundi. 17. §. Si ruta 6. D. de act. empti. Et
 cum nondum esset definitum, an de servitute
 quæ oneris ferendi causa imposita erat actio
 competeret, ut & onera ferat, & ædificia refi-
 ciat ad eum modum qui servituti impositus est.
 Ulpianus in *l. etsi forte 6. §. etiam de servitute.*
2. D. si servit. vindicetur. ait Gallum existimas-
 se, non posse ita servitutem imponi, ut quis
 facere aliquid cogeretur. Formulam etiam pro-
 tulit, qua, ut Scævola scribit in *l. Gallus 29.*
D. de liber. & post. heredes institui possent
 postumi, qui aliorum Jurisconsultorum opi-
 nione *alieni* dicebantur; quorum loquendi mo-
 rem retinuisse videtur Paulus in *l. pen. D. de*
legat. 1. quos tamen non omninò alienos ipse
 existimavit: cujus formulæ meminit Africanus
 in *l. si mater 33. §. 1. D. de vulg. & pup. subst.*
 Stipulationes etiam instituit ad liberandum ac-
 commodatas, quæ *Aquilianæ* vocitatæ sunt, qua-

uarumque solemnia verba expressit Florenti-
us in *l. & uno 18. §. 1. D. de acceptilat. &*
Iustinianus in §. 1. vers. quo genere. Tit. quibus
mod. toll. obligat. in Institut. per quas, obliga-
tiones ex tantum quæ ex verbis consistunt tolli
possunt. Multa alia de jure cavit, respondit-
que, quæ luce tanti auctoris egebant, quorum
mosculi quidam agnoscuntur in *l. talis scriptura*
§. ult. D. de legat. 1. in l. pediculis 32. §.
D. de auro & argento leg. Cæterum prætu-
ram exercuit Aquilius, in qua collegam habuit
M. Tullium Ciceronem, ut ipse auctor est in
op. atque in hac prætura quo tempore apud
Ciceronem de pecuniis repetundis quærebatur,
pro C. Aquilium, causam de ambitu dictam
agimus in *orat. pro Cluentio c. 53.* quæ res etiam
nos admonet, eos amicitia & familiaritate invi-
cem conjunctos fuisse, & familiarem suum Ci-
cero eum vocat *lib. 3. de Natura Deor. cap. 30.*
Habuit autem domum pulcherrimam, con-
sensu omnium qui ætate ea vixerunt, ut scribit
M. Victor in *libello de urbis Romæ regionibus,*
loc. ita ut ex ea clariorem, quàm ex juris
vilis scientia Aquilium evasisse Plinius lib.
7. cap. 1. dicere non dubitaverit. Præterea
quidam existimant C. Aquilium Gallum, eum
esse quo Tribuno plebis rogante Aquiliam le-
gem latam Ulpianus scribit in *l. 1. D. ad leg.*
Aquil. sed quàm absonum hoc sit, manifestò

ap-

apparet. Primum quod Jurisconsultus noster, Tribunus plebis nunquam fuerit: deinde quod hanc legem ante Gallum Aquilium latam esse constet, ex eo quod Q. Mutius Scævola ejus mentionem faciat in *l. Quintus Mutius* 39. & Brutus in *l. 27. §. si mulier* 22. *D. ad leg. Aquil.* quos quidem Gallo Aquilio antiquiores fuisse certissimum est, ex his quæ supra scripsimus. Equitem quidem Aquilium nostrum fuisse colligitur ex Plinio *d. cap. 1. lib. 17.* Gallum etiam filium summa virtute præditum habuit Aquilius, qui patre adhuc superstite vita functus est, ut testatur Tullius *libro 4. famil. epistol. 6. ad Servium* scribens.

CAJUS JUVENTIUS.

IS est fortasse Juventius, cujus meminit Ulpianus in *l. plenum* 12. *§. 1. D. de usu & habitat.* quem Pomponius in *l. 2. §. 42. D. de orig. fur.* scribit inter Q. Mutii auditores præcipuæ fuisse auctoritatis. Nescio an filius sit M. illius Juventii, qui cum Tiberio Graccho *II.* Consul apud Obsequentem in *libello de prodigiis*, & apud Cassiodorum in *Chronicis* commemoratur. Eum quidem esse puto, quem T. Juventium vocat Cicero in *Bruto* *cap. 48.* qui nimis quidem in dicendo, & pœne frigidus, sed & callidus & in capiendo adversario verus: futus:

futus: præterea nec indoctus, & magna cum
juris civilis intelligentia ab eo describitur.
Hujus auditor fuit Servius Sulpitius.

SERVIUS SULPITIUS.

Servius Sulpitius Rufus *Q* filius fuit, & Le-
monia tribus. *Lemonia* enim vocatur à Ci-
cerone *Philipp. X. cap. ult.* vulgatumque est,
antiquos per sæpe à tribubus denominari. *Ne-*
minem autem plus studii quam illum, & ad di-
endum, & ad omnes bonarum rerum disciplinas
adhibuisse, scribit Cicero in *Bruto cap. 41.* In
isdem enim exercitationibus ineunte ætate am-
o fuerunt, & postea Rhodum unâ profecti
ant. *Servius* quidem *quo melior esset, & do-*
tior: qui tamen ut rediit, in secunda arte primus
Te maluit, quam in prima secundus: atque hand
gio an par principibus esse potuisset: sed fortasse
maluit (id quod est adeptus) longe omnium non
eiusdem modo ætatis, sed eorum etiam qui fuissent
jure civili esse princeps: Quod certe nomen
multis ei tribuitur, & maxime à Quintiliano,
qui eum antistitem juris appellat lib. xi. cap. 1.
stitit. orator. Quamobrem ejus auctoritas,
multa in jure nova introduxit. Paulus enim in
Mutius 30. D. pro Socio. auctorem facit Ser-
vium in notis Mutii hujus regulæ: *Non posse ita*
scietatem contrahi, ut aliam damni, aliam lucri

P

par-

*partem socius ferat. Eumque in libro quem composuit de dotibus scripsisse tradit Gellius lib. 4. cap. 3. Tum primum cautiones rei uxoris necessarias esse visas, cum Sp. Carbilus, cui Ruga cognomentum fuit, vir nobilis divortium cum uxore fecit, quia liberi ex ea corporis vitio non gignerentur. Fuit etiam olim inter Q. Mutium & Servium Sulpitium disceptatio non parva si duo inter se pacti sint, ut ad unum lucri duas partes pertineant, damni tertia: existimante Mutio, contra naturam esse hujusmodi pactio- nem, Servii sententiam prævaluisse refert Justinianus in § de illa 2. Tit. de Societ. in Inst. Nor- ita tamen cum eo disceptabat de jure, ut sibi primas partes deberi existimaret: neque in eam opinionem adduxerunt illum commendationes Ciceronis illustres, qui eum *Jurisconsultorum principem* vocat, Quintoque Scævola etiam anteposit, quod juris civilis quidem magnum usum & apud Scævola & apud multos fuisse fateatur, artem vero tantum in hoc uno affirmet. Nunquam tamen ad Q. Mutium consulendi causa accedere recusavit: traditur enim à Pomponio in d. l. 2. §. 43. de orig. jur. ac consulendum Q. Mutium de re amici sui Servium aliquando pervenisse, cumque eum de Jure respondentem parum intellexisset & iterum Quintum interrogasset & à Quinto responsum esset, nec tamen percepisset, objur-*

ga-

gatum à Q. Mutio : namque eum dixisse : *turpe esse patricio & nobili viro causas oranti, jus in quo versaretur, ignorare*: eaque velut contumelia Servium tactum operam dedisse juri civili. Atque hanc ita dedit, ut non solum urbanam orandi militiam, sed etiam respondendi, scribendi, cavendi plenam sollicitudinis ac stomachi sequutus sit, jus civile didicerit, & ita in eo laboraverit, ut vixerit ad aliorum arbitrium, non ad suum, auctore Cicerone in *Orat. pro Muræna*. Neque tamen hanc perfectam juris civilis cognitionem adeptus fuisset, nisi attulisset artem eam, quæ Dialectica appellatur, omnium artium maximam, quasi lucem ad ea quæ confuse ab aliis, aut respondebantur, aut agebantur. Cæterum Servius Sulpitius non tantum omnino præcellenti doctrina, sed etiam honoribus amplissimis claruit : quæsturam enim unâ cum L. Muræna obtinuit. Prætor etiam renunciatus est : sed prætura ejus tristes, & atrox : ex altera parte lachrimarum & squallores, ex altera plenam tenarum, atque indicum, scriba in ea damnatus, ordo totus alienus, Syllana gratificatio reprehensa, multi viri fortes, & prope pars civitatis offensa est, lites denique severè æstimatæ. Post præturam autem exemplum Ciceronis sequutus, in Provinciam ire noluit. Postremo consulatum cum L. Muræna L. Murænæ filio petiit, in qua petitione cum ab eo victus esset,

Murænam Consulem designatum, ambitus postulavit, qui tamen à Cicerone Consule defensus hac pulcherrima oratione, quæ extat, hujus criminis omnibus sententiis absolutus est. In qua defensione Quintilianus *lib. xi. cap. i. Instit. orator.* scribit duas Ciceroni obstitisse personas, Marci Catonis, Serviique Sulpitii. Sed Sulpitio decenter cum ipse omnes concessisset virtutes, scientiam petendi consulatus ademisse. Consulem tamen postea fuisse cum M. Marcello, M. Catone repulsam ferente, scribunt Florus in *epitome Liviana lib. 108.* Dio, Plutarchus, Cassiodorus, multique alii: hujusque consulatu bellum civile inter Cæsarem & Pompejum ortum est. Ideoque Valerium Maximum *lib. i. cap. 7.* mendosum esse puto: *Præcipuæ enim, inquit, admirationis etiam illa prodigia, quæ P. Volumnio & Servio Sulpitio Coss. in urbe nostra, inter initia motusque bellorum acciderunt, reponendumque est, M. Marcello & Servio Sulpitio Coss.* Quamvis autem nascente hoc bello civili Cæsaris partibus faverit, ejusque dignitatem in Senatu contra Collegam Marcellum defenderit, auctore Suetonio Tranquillo in *vita Cæsaris cap. xxix.* & contentiones magnas inter Coss. de successore C. Cæsari mittendo fuisse scripserit Florus *dicta epitome cvlii.* Ejus tamen consilia ad concordiam spectasse certum est, Senatumque ac-

accuratissimè monuisse, collectis omnibus bel-
lis civilibus, ut & illa timerent, quæ meminif-
sent: & scirent, cum superiores nullo tali exem-
plo antea in Repub. cognito, tam crudeles
fuissent; quicunque postea Rempublicam op-
pressisset armis, multo intolerabiliorem futu-
rum testatur Cicero *lib. 4. ad familiares epist. 3.*
Anno ante consulatum interrex fuit: quo inter-
rege, Consulem sine collega Cn. Pompejum
ex Senatus sententia creatum, Plutarchus scri-
bit in *Pompeii vita*. Interfecto denique Cæ-
sare, ad M. Antonium bello imminente ex Se-
natusconsulto missus legatus est cum L. Philip-
po & L. Pisone: quam legationem, licet gravi
valetudine premeretur, non recusasse Tullius
refert *Philipp. ix. cap. 1.* neque illum vim hye-
mis non nivem, non longitudinem itineris,
non asperitatem viarum, nec morbum ingrave-
scntem retardasse. Cum tamen jam ad con-
gressum, colloquiumque pervenisset, in ipsa
meditatione obeundi sui muneris, mortuus
est. Publius quidem Servilius sepulchrum illi
publicè decernendum, honorem verò statuæ
tribuendum non censebat legatis nisi qui ferro
essent in legatione interfecti: cui M. Tullius
respondit, censuitque (*cap. ult.*) Servio Sul-
pitio statuam pedestrem æneam in Rostris ex
Senatus sententia locandam, circumque eam,
locum gladiatoribus, ludisque liberos posteros-

que ejus, quaque versus pedes quinque habere, causamque in basi inscribendam, quod is ob Rempublicam mortem obierit. Quod fecit populus Romanus: statuum enim Servii Sulpitii pro Rostris posuisse eum scribit Pomponius dicta *lege* 2. §. 43. Hi sunt itaque honoris gradus, qui Sulpitium & vivum & mortuum honestavere. Qua in re mirabilis ejus virtus & industria apparet, qui cum equitis Romani esset filius, summa tamen amplitudine à populo Romano dignus judicatus est: quamvis enim nobilis vocetur à Quintiliano dicto *lib. xi. cap. i.* & à Pomponio dicta *l. 2 ejus tamen nobilitas*, ait Cicero *in orat. pro Muræna. c. 7. hominibus literatis & historicis erat notior: populo vero, & suffragantibus obscurior. Pater enim fuit equestri loco, avus nulla illustri laude celebratus.* Miror itaque Pomponium patritium eum vocasse, cum tantum equestris ordinis fuerit. Patritii autem erant tantum vel Senatores, vel senatorii, & equites inter plebeios numerabantur. Theophil. *Tit. 2. institut. §. 4.* Sed ut hic nodus dissolvatur, dicendum puto, Serviliam gentem patritiam ab initio fuisse: plebejam autem progressu temporis factam: ideoque Cicero pro *Muræna dict. cap. 7.* Servio Sulpitio dixit, *ex annalium vetustate eruendam esse memoriam nobilitatis suæ, eamque hominibus historicis notiozem, populo verò obscuriorem.*

Sul-

Sulpitium denique in antiquum gentis suæ honorem rediisse. Hoc enim antiquitus Romæ fiebat, sicuti de gente Octavia Suetonius Tranquillus in Augusto *cap. 2.* scribit: *Ea gens, inquit, à Tarquinio Prisco rege inter minores gentes allecta in Senatum, mox à Servio Tullio in patritias transducta, procedente tempore ad plebem è transtulit, ac rursus magna vi per Divum Julium in patritiatum rediit; in persona scilicet patris Augusti, cui patritiatum, veterem familiæ suæ dignitatem restituere fecit Julius Cæsar, ut ex eodem auctoris capite colligimus. Permultos etiam patritios in plebeias transisse familias, vel voluntate, vel adoptione testantur auctores; quod è patritiis exire vocat Cicero in orat. pro domo sua. Nunquam autem patritios, equites peditesque fuisse, cum Gruchio in libro de comitiis Romanorum existimabo: quamvis hoc exemplo Servii Sulpitii probare velit, locumque Livii ex lib. 3. cap. 27. afferat de pedite patritio ut ipsi videtur: *Magistrum quitum, inquit Livius, dicit L. Tarquitium patritiæ gentis, sed qui cum stipendia pedibus propter paupertatem fecisset &c.* non advertit vir eruditus verba Livii, sententiam quam impugnare. Tarquitium enim Livius patritiæ gentis esse dicit, sed non Patritium: nominationem autem tacite videtur dare, quia stipendia pedibus propter paupertatem fecerat,*

P 4

atque

atque ita in plebem transferat: aliud enim est *patritium esse*, aliud *ex patritia gente*. P. Clodius ex Claudia patritia gente in tribunatu erat: sed quis patritium eum tunc fuisse, audebit asserere? Non solum autem stipendia pedibus facere plebeium erat, sed etiam patritiis, & nobilioribus viris, militiæ munere fungi inter pedites, ignominia nota quædam erat, & pro poena dabatur, ut apparet ex Valerio Maximo *lib. 2. cap. 7. jam C. inquit, Cotta P. Aurel um Pecuniolam, sanguine sibi junctum, quem obsidioni Liparitanae ad auspicia repetenda Messaniam transiturus præfecerat, virgis cæsum gregalis militiæ munere inter pedites fungi coëgit: quod ejus culpa agger incensus, & penè castra fuerant capta.* Servius itaque Sulpitius patritiam dignitatem in familia sua quasi inter mortuam, virtute sua renovavit, uxoremque habuit Postumiam, quam C. Julium Cæsarem corrupisse scribit Suetonius in ejus vita *cap. 50.* filiumque ex ea Sulpitium, cujus sæpè meminit Cicero in *epist.* & Festus in verbo *Municipes*: quem quidem magistratus gessisse ex eo conjicio, quod scribit idem Festus in verbo *sifus* legem Rivaliciam latam esse rogante populum Servio Sulpitio Servii filio Rufo. Cæterum multi ab eo tanquam ex officina jurisprudentiæ profecerunt. Nominat enim Pomponius in *l. 2. D. de orig. jur. §. 44.* Alphenum Varum, Cajum Aulum

Ofi-

Ofilium, Titum Cæsium, Aufidium Tuccam, Aufidium Namusam, Flavium Priscum, C. Ateium Pacuvium, Labeonem Antistium Labeonis Antistii patrem, Cinnam, Publicium Gellium. Servii quoque auditorum meminit Javolenus in *l. cum scriptum* 6. *de dote præleg* & in *l. quæsitum* 12. *princ. de instr. vel instrum leg.* Eum autem centum prope & octoginta libros reliquisse testatur Pomponius dicta *l. 2. §. 43.* eosque complevit scriptis & lucubrationibus auditorum Q. Mutii Scævola. Scripsit tamen

IN. SCÆVOLAM. NOTAS.

autore Paulo in *lege Mutius* 30. *D. pro socio:* quas, *reprehensa Scævola capita* vocat Gellius *lib. 4. cap. 1.* scripsit etiam

DE. DOTIBUS. LIBRUM. SINGULAREM.

autore eodem Gellio *libro 4. cap. 4.* & *Neratio lib. 2. Membranarum* in *l. 8. D. de condict. caus. data, &c.*

DE. TESTAMENTIS. LIBROS. DUOS.

Secundus enim citatur à Gellio *lib. 6. cap. 12.* nisi eo in loco legere malis, *de detestandis sacris,* quemadmodum legendum putat Josephus Scaliger in *annot. in Festum. in voce, puri.*

Extat præterea præclarum Servii responsum apud Paulum in *l. Nam & Servius* 21. *D. de negot. gest.* relatum ab Alpheno ejus auditore *lib. xxxix. Digest.* de tribus Lusitanis, quorum

unus ea conditione missus, ut pecuniam pro tribus afferret, & nisi rediisset, ut duo pro eo quoque pecuniam darent, isque reverti noluiisset, & ob hanc causam illi pro tertio quoque pecuniam solvissent; æquum esse, Prætorem in eum reddere iudicium. Quare opinor vel Servium *libros responsorum* scripsisse, vel *responsa Servii* ab Alpheno collecta esse. quod etiam facile conjici potest ex *l. 65. item scriptum est. 8. D. pro socio.* sicut & ab Aufidio in *l. cum duobus 52. S. fin. D. pro socio,* & ab Atteio in *l. 79. D. de jur. dot.* Fit etiam mentio frequens responsorum Servii à juris auctoribus, ut à Pomponio in *l. 57. D. de legat. 1. 1. 1.* & ab Ulpiano in *l. 58. D. eod.* dictio enim illa *rescriptum est*, de responso Servii interpretanda est ex *l. 4. D. de auro & arg. leg.* ut recte notavit Cujacius *lib. 12. observat. cap. 8.*

AD. EDICTUM. LIB. DUOS.

quos ad Brutum scripsit, eosque perquam brevissimos fuisse testatur Pomponius dicta *l. 2. D. de orig. fur. S. ab hoc. 44.* Sic & Julianum, librum ad edictum brevi libello complexum esse scribit Justinianus in *Orat. ad magnum Senatum de confirm. Digest.* Ad hos autem referenda sunt illa quæ ex Servio *lib. 1. ad Brutum* recenset Ulpianus *lib. 28. ad edict. in l. 5. D. de instit. act.*

Complures etiam alios libros Servius scripsit,
quos

quos *Cercinae* confectos testatur idem Pomponius loco supra citato, quæ quidem est insula Sici iæ proxima: sed hos ad jus civile non spectasse, certum est ex his quæ diximus in *Gallo Aquilio*. Juri enim civili Servius non dedit operam, nisi postquam ex Athenis, Rhodo & Cercina Romam reversus est. Zasius scribit librum à Servio compositum

DE CLARIS JURISCONSULTIS.

Gellius *lib. 2. cap. 10.* testatur eum consuluisse M. Varronem, quæ significatio verbi *favissæ* in iure censorio esset.

INTERPRETATIONEM. AD XII. TABULAS edidit: quod ex *l. 237. D. de verb. signif.* colligitur, si cum ejus inscriptione conferatur: constat etiam illud ex variis locis Festi, apud quem legimus Servium Sulpitium hæc verba XII. tab. *pedem struit*, interpretatum esse, *fugit*, sic & illam legem: *Sanatibus idem quod fortibus esto iuris*, & illam: *Si vindiciam falsam tulit*.

C. AULUS OFILIUS.

AUdivi quosdam existimantes in *l. 2. §. 44. D. de orig. Jur.* in auditorum Servii enumeratione *Alphenus Varus, Cajus, Aulus Ofilius*, dictionem *Cajus* delendam esse, quod nescirent quis esset hic Jurisconsultus: tum etiam hac ratione moti, quia si Cajus inter illos

los admitteretur, undecim reperirentur, non decem, ut vult Pomponius. Ridiculam tamen eorum opinionem semper putavi, donec prodiit in lucem Jacobi Cujacii commentarius in dictam legem secundam, in quo idem ab eo probatum legi. Illius enim viri auctoritas, quæ plurimum apud me in Jurisconsultorum interpretatione valet, ut attentius hæc considerare, fecit: nihil tamen inveni, quod me ad rejiciendam hanc dictionem impelleret; quinimo retinendam necessario judicavi, expuncta tamen virgula illa, quæ post Cajum ponitur: ita ut *Cajus* non sit hoc in loco Jurisconsultus, sed prænomen Auli Ofilii, atque hoc modo legatur, *Cajus Aulus Ofilius*. Sicque in Pandectis Gregorii Haloandri scriptum est. Licet enim *Aulus* prænomen sæpissime sit, aliquando tamen pro nomine familiæ usurpatur, eodem modo quo *Paulus*, & ut legitur in epitome lib. 10. *Valerii Maximi* per *C. Titum Probum* facta, multa quæ olim prænomina fuerunt, cognomina postea facta sunt: sicut in ipso Tito Probo observatur. Nam Titi nomen, quod alii pro prænomine habent, ipsi cognomen est. Servii autem discipulus fuit Ofilius, & Cæsari familiaris, eumque in equestri ordine perseverasse scribit Pomponius d. l. 2. D. de orig. jur. inter discipulos Servii plurimum auctoritatis habuit: eodemque tempore quo Tre-

ba-

patius & Cascellius vixit: sed Ofilius utroque doctior fuit. Reliquit autem libros de jure civili plurimos, qui omnem partem operis fundarent.

DE. LEGIBUS. VICESIMÆ.

De quibus eum primum conscripisse testatur Pomponius *d. l. 2. De vicesima* autem *hereditatum*, has leges interpretandas supra in Emilio Macro diximus, quæ *ad legata* etiam referri debent, ut ex Dione patet *lib. 55. τ' εἰκοσιῶν τε κλήρων, καὶ τ' δωρέων ἃς αὖ οἱ τελευτῶντές τισι, &c.*

DE. JURISDICTIONE.

AD. EDICTUM. PRÆTORIS.

Ad quod primum eum diligenter scripisse tradit Pomponius. nam ante eum Servius duos superquam brevissimos libros ediderat. Apparet etiam Ofilium ad edictum prætoris scripisse ex Ulpiano in *l. 1. D. ne quis eum qui in jus vocat. est.*

LIBROS. ACTIONUM.

Ad quos referri debent quæ ex *l. in causæ cognit. §. 1. D. de minor. 25. annis* in *l. item si obstetrix §. 3. D. ad leg. Aquil. & in l. 1. §. 9. D. de exercit. act.* liber actionum xv. & xvi. citatur in *l. qui penum 3 §. 5. & 8. D. de penu leg.*

AD. ATTICUM.

Ad familiarem scilicet illum Ciceronis, ad quem ejusdem extant tot epistolæ scriptæ. Ad Atticum autem scripisse colligitur ex *l. quos nos*

234. §. 2. *D. de verb. signific.* Ex qua intelligi potest verborum proprietati anxie eum studuisse. Ex quo genere sunt illa, quæ de tugurii appellatione referuntur in *l. tugurii* 180. §. 1. *eod. tit.*

JURIS. PARTITI. LIB. V.

Ex libro quinto desumpta sunt quæ ex Ofilio Ulpianus tradit in *l. ligni*. 55. §. *si lignum* 7. *D. de legat.* 3. de carbonum appellatione, cujus tamen nomen omissum est in *l. carbonum* 167. *D. de verb. signif.* sed ab eodem Ofilio desumpta est. nam hæ ambæ leges sunt Ulpiani ex libro vicesimo quinto ad Sabinum.

Sunt ex aliis ejus scriptis in Pandectarum libris, dispersa quædam velut semina suæ eruditionis, qua lucem attulit iis rebus, quæ obscure & confuse ab aliis dicebantur in *l. 2. §. si navis* 3. *ad legem Rhodiam de jactu* in *l. 1. §. sed etsi* 5. *D. de aqua pluvia arcenda* *l. Julianus* 40. §. 1. *D. de manumiss. testam. l. 1. §. 3. D. de acquir. vel omitt. possess.* in multis denique aliis Pandectarum capitibus, quæ enumerare nimis longum esset. Cæterum Marcus Tullius *lib. 7. ad famil. epistola* 21. ait, Ofilium existimasse tabulas testamenti non esse eas, quas instituisset is qui factionem testamenti non habuerit.

AUFIDIUS NAMUSA.

Aufidius Namusa inter decem Servii discipulos numeratur à Pomponio in *d. l. 2. §. 44. D. de orig. jur.* ex quibus decem, octo solum libros edidisse constat: quorum omnes qui fuerunt libri, digesti sunt ab Aufidio Namusa in centum quadraginta libros: ideoque verba Ulpiani *lib. 20. ad Sabinum in l. qua situm 12. D. de instr. vel instrum. leg.* Et ita Servium respondisse auditores ejus referunt, explicanda sunt, in his libris scilicet, qui ab Aufidio Namusa digesti sunt. Verisimile enim est, Jurisconsultos vocasse librum illum, in quo libri auditorum Servii compilati erant, *Auditores Servii*: sicut nos librum qui ex multis Grammaticis Latinis compositus est, *Auctores linguæ Latinæ* appellamus: atque ita interpretanda *lex 6. D. de dote præleg.* Namusa autem noster is est, cujus meminit Paulus in *l. in summa 2. §. apud Namusam 6. D. de aqua pluvia arc.* atque is Aufidius quem citat Ulpianus in *l. cum duobus 52. §. fin. D. pro socio*: cuique à Javoleno tribuuntur *libri regularum in l. apud Aufidium 20. D. de opt. leg.* namque Aufidium Tuccam nihil quicquam de jure conscripsisse facile asseveraverim. Alius autem Aufidius fuit Antonini Imperatoris temporibus, ad quem Antoninus Pri-

Prisco & Apollinari Coss. scripsit, ut apparet ex *l. 2. C. de necessar. serv.* Cæterum filiam Aufidiam habuit, quam in adoptionem dedit, cujusque causam Servius Sulpitius oravit & defendit, cum patre adoptivo mortuo, ipsa ut filia, se heredem ejus diceret: hocque ei negaretur, ut conjicio ex Festo in verbo *mancipatus. in fine literæ M.*

CAJUS ATEJUS PACUVIUS.

Labeo in *l. avus 79. §. pater D. de jure dot.* ait, Ateium scripsisse, Servium respondisse: *Si pater filia nomine centum doti ita promisit, cum commodissimum erit, i. e. cum primum sine turpitudine & infamia dari possit, deberi.* Ex qua lege satis constat, Ateium illum fuisse nostrum Servii auditorem: quanquam non sim nescius, quosdam *Ateium* legere: qua in lege, si Cujacio credimus ad *tit. 6. Ulpiani*, verbum *doti promisit*, Pacuvii Ateii non est, sed Triboniani: cum Ateius scripsisset *doti dixit*, inusitata enim loquendi formula; atque hic & aliis Pandectarum locis, Tribonianus hoc verbum ita supposuit, ut in *l. 31. §. 1. & l. 44 §. 1. D. soluto matrim. l. 31. in fine D. de novat.* cæterisque legum capitibus, quæ Pandectas legenti cuique occurrent. Sed ut verum fatear, credibile non est Tribonianum tot locis manum suam

suam adhibuisse, & in unius verbi expunctione
tot in auctoribus laborasse. Colligitur autem
Pacuvium partem illam edicti

DE COMMODATO

interpretatum esse, ex Ulpiano in *l. 1. D. §. 1. Commod.* qui hoc solummodo in hujus edicti in-
terpretatione notandum censet, quod cum is
qui edictum conceperat *commodati* fecisset
mentionem, Pacuvius *utendi* fecit.

CINNA.

Cinnam à Servio profecisse supra diximus
ex Pomponio in dicta *l. 2. §. 44. D. de
orig. jur.* Quis autem fuerit, non parvi negotiū
est scire. Cassiodorus in *Chronicis* Cinnam
Consulem cum L. Valerio commemorat anno
ab urbe condita 758. temporibus Octaviani
Augusti Cæsaris. quem quidem Cinnam no-
trum fuisse, & aliquid conjicere licet, dicere
possumus. Servii enim discipulos ea ætate
vixisse, certum est: hujus consulatu Augustus
Cæsar, pater patriæ salutatus est, ut testatur
Ovidius in *Fastis*. Cuspinianus hunc Cn. Cin-
nam eundem esse putat cum L. Cinna, de quo
loquitur Seneca *lib. 1. de clementia cap. 9.* so-
lumque in prænومine erratum. Hic autem
Cn. Cinna Magnus, sicut enim à Dione appella-
tur, filius fuit Cinnæ cujus meminit Appianus,

Q

quo

quo prætor Cæsar interfectus est, quique apud
populum tyrannicidas laudavit, censuitque
eos è capitolio, tanquam patriæ liberatores
libertatisque vindices, maximis cum honoribus
evocandos. Seneca enim tradit Cinna, de
quo scribimus, contra Augustum conjurasse
quapropter verisimile est, eum hoc à patre
odium contra Cæsaris partes, & familiam
quasi jure hereditario accepisse. Cæterum Vo-
laterrano non adhæreo, qui hunc, Cinna
non esse putat, sed legendum *Paternum* dicit
nec Zasio, qui *Porcinnam*, allucinati his verbis
Pater Cinna, non animadvertentes, hanc vo-
cem *Pater* separatam esse à nomine *Cinna*
conjunctamque cum Antistio; scilicet ut *Labe-*
Antistius Labeonis Antistii pater junctim lega-
tur, & *Cinna* separatim postea ponatur, tan-
quam alter Servii discipulus: nam ut hic Anti-
stius ab aliis discernatur, hoc nomine patri
notatur: sicut & designationis causa, C. Anti-
stius Vetus vocatur à Julio Frontino *lib. 2. de*
aquæduct. Alium autem à nostro Jurisconsulto
existimo *Cinnam poëtam*, qui *Smyrnam* scri-
psit, cujus meminit Quintilianus *lib. 10. cap.*
4. Institut. orator. & Catullus *epigr. 96.* his ver-
bis:

Smyrna mei Cinne nonam post denique messen-
Quam cæpta est, nonamque edita post hye-
mem, &c.

E

Et Priscianus *libro 6 pag. 718.* qui hunc ejus ver-
sum profert :

At scelus incesto Cinyræ crescebat in alvo.

Hac autem ratione maxime moveor, ut alium
existimem, quod noster Augusti ætate vixerit :
Poëtam vero, ante Augustum vixisse colligo,
quod L. Crassitius Pasides, sive Pansa *commen-*
tarium in ejus Smyrnam ediderit, quem tem-
poribus Augusti vixisse apparet, & adhuc ado-
lescentis. Julii enim Antonii, Triumviri filii
præceptor fuit, ut scribit Suetonius in *libello de*
Illustribus Grammaticis c. 18. Hanc autem dif-
ferentiam notandam duxi : ne quis errore no-
minis deceptus, Jurisconsultum pro poëta ac-
ciperet, exemplo plebis Romanæ, quæ, in fu-
tore C. Cæsaris, errore nominis decepta, C.
Helvium Cinna, quem poëtam diximus, in-
terfecit, quasi esset Cinna Prætor, quem patrem
Jurisconsulti nostri docuimus, ut auctor est
Suetonius in *Julio cap. 85.* Scripsit autem de
jure civili, & ejus scripta memorat Javolenus
in *l. quibus diebus 40. §. 1. D. de condit. & de-*
monstrat. & Ulpianus in *l. denique 6. D. de ritu*
nupt. qui ait : *Denique Cinna scribit eum qui*
absentem accepit uxorem, denique rediens à cæna
juxta Tiberim periisset, ab uxore lugendum re-
ponsum est. quod responsum referendum est
ad Servium Sulpitium ; ejus enim responsa ab
auditoribus suis tanquam oracula, ut à Pytha-
goræis

goræis Pythagoræ verba pro lege & auctoritate
proponerentur.

PUBLICIUS GELLIUS.

Hic etiam unus est ex decem Servii disci-
pulis, & auditoribus, auctore eodem Pom-
ponio in dicta l. 2. §. 44. Male autem Hoto-
manus in descriptione Jurisconsultorum, *Pub-
bicolam Gellium* pro *Publicio* legendum esse
dicit: opinor enim Publicium esse illum, cujus
fit mentio in l. 2. §. *sed si sint*. 8. D. *ad Senatuse*
Tertyll. & in l. *sub diversis* 51. D. *de condit.* &
demonstrat. Publicium autem, Prætorem fuisse
testatur Justinianus *tit. de action.* §. 4. in *Insti-*
tut. & quidem urbanum, cum M. Junio, Cicero
in *orat. pro Cluentio. cap. 45.* à quo *Publiciana*
actio in edicto proposita est, sive *Publicianum*
judicium, ut loquitur Cajus in l. 13. D. *de*
Public. in rem act. Hoc autem Publicianum
edictum interpretatus est Ulpianus *lib. 16. ad*
edictum, & Paulus *lib. 19.* fuit enim in edicti
compilatione à Juliano positum, cujus edicti
verba ab Ulpiano referuntur in l. 1. D. *de Public.*
in rem act. *Si quis id quod traditur ex justa causa*
non à domino, & nondum usucaptum petet, ju-
dicium dabo. Verba enim l. 7. §. 11. *Prætor ait,*
qui bona fide emit, non solum illius edicti non
sunt, ut notavit glossa; sed ne quidem Publicii.

L. TU-

L. TUBERO.

DOmum nomenque Tuberonum laudat Cicero in *orat. pro Q. Ligario*: non tamen Lucium, sed Q. Tuberonem virum patrium illum esse puto, quem Pomponius in *dieta* l. 2. §. 46. doctissimum habitum fuisse juris publici, & privati, & complures utriusque operis libros reliquisse scribit, ut in *Tuberone* docuimus. Hic autem Lucius Tubero fuit, qui Prætor urbanus renunciatus est, de quo memorandum scribit Plinius *lib. 10. Natur. histor. cap. 18. in capite Prætoris urbani L. Tuberonis in foro iura pro tribunali reddentis, picus Martius sedit, ita placide, ut manu prehenderetur: respondere tunc vates, exitium imperio portendi, si dimitteretur. ; si exanimaretur Prætori. Ille autem protinus concepsit, nec multo post implevit prodigium.* Ex quibus emendandum puto locum Varronis ex *lib. 3. de vita Pop. Rom.* qui citatur à Nonio Marcello in verbo *Picumnus: Ælius Pætus cum esset Prætor urbanus, & sedens in sella curuli jus diceret populo, picus Martius advolavit, atque in capite assedit.* Legendumque *Ælius Tubero cum esset Prætor urbanus &c.* *Ælii enim Tuberones dicebantur;* unde cum apud Valerium *lib. 5. cap. 6. idem de Ælio Præto* scribi legimus, de hoc Ælio

Q 3

Tu-

Tuberone intelligendum est: quapropter male Volaterranus *lib. 13.* hunc Prætorem *Calium Pontium* vocat: unde & inscriptio illa quæ affertur ab Onuphrio *lib. 2. fast. ad annum v. c. 771.* mendum etiam habere videtur:

CERERI. AUGUST.

MATRI. AGR.

L. BENNIUS. PRIMUS.

MAG. PAGI.

BENNIA. PRIMIGENIA.

MAGISTRA. FECER.

GERMANICO. CÆSARE. II. COSS.

L. SEIO. TUBERONE.

DIES. SACRIFICII. XIII. CAL. MAI.

& ita restituenda *L. Aelio Tuberone.* non mirum autem, si hoc Tuberoni populo jus reddenti contigerit, malique ominis augurium fuerit: Suetonius enim in *Vitellio cap. 9* narrat, cum Viennæ pro tribunali jura redderet Vitellius, gallinaceum supra humerum, ac deinde in capite ejus astitisse: quod ei infelix exitus, & mortis suæ augurium fuit: quamvis apud Christianos columbæ volatus, felix faustumque signum fuerit. Tradit enim Nicephorus Calixtus *ecclesiast. histor. lib. 5. cap. 26.* Fabiano, qui Romæ in ecclesia cum aliis ad creandum Pontificem convenerat, columbam ad caput advolasse, subitoque ab omnibus Episcopum nominatum, & in throno collocatum fuisse. Sed ut
ad

ad Tiberonem revertar, nescio, an is fuerit, qui *libros historiarum* scripsit, quorum 14. affert Nonius Marcellus in verbo *luxuriabat*: cum tamen L. Tiberonem potius existimarem. Hujus autem Tiberonis meminit Ulpianus in *l. 2. D. de usu & habitat.* & in *l. stipulationes 72. D. de verb. obligat.* ex Celso *lib. 38. Digest.* refert Tiberonem existimasse, ubi quid fieri stipulemur, si non fuerit factum, pecuniam dari oportere: ideoque in hoc genere dividi stipulationem.

C. TREBATIUS TESTA.

Cajus Trebatus Q. Cornelii Maximi auditor fuit teste Pomponio: sic enim in *d. l. 1. §. 45. de orig. jur.* cum Goveano homine sacris judicii & ingenii legere malo, quam ut vulgo, qui *idem Cornelii*. Fuit etiam M. Tullii Ciceronis maxime familiaris, ut ostendunt plures ejus ad Trebatium scriptæ epistolæ, & liber Topicorum ad eundem scriptus: tantaque innocentiae & justitiæ existimatione floruit, ut *probiorem hominem, meliorem virum, prudentiorem* eo esse neminem prædicet Tullius *lib. 7. ad fam. epist. 5.* in amicitiam Cæsaris, Ciceronis commendatione pervenit. quam vero accurata fuerit ea commendatio, qui scire voluerint, intelligent ex *d. 5. epistola*, & ita Cæsari conjunctus semper fuit, ut eum in expe-

Q 4

di-

ditionibus sequutus sit ; ut in Gallica : quamvis in Britanniam cum Cæsare profectus non sit. tribunatus etiam commoda dempto labore militiæ ei oblata contempsit *d. lib. epist. 8.* ut ejus colloquutione uti posset. Qua ex re colligere possumus Trebatii tenues fortunas fuisse : quod constat etiam ex Ciceronis verbis , *epist. 16. Balbus* , inquit Trebatium alloquens , *mibi confirmavit te divitem futurum , id utrum Romano more loquutus , bene nummatum te futurum , an quomodo Stoici dicunt , omnes esse divites qui cælo & terra frui possunt , postea videro : & epistola 13.* hoc festivo joco : Treviros vites censeo , audio capitales esse , malle auro , argento , ære essent. Treviri enim Galliæ Belgicæ populi , ut scribit Cæsar *de bello Gallico* , quos capitales appellat , quod hostium frequentem numerum neci tradiderant , alludens ad Treviros Romanorum magistratus , qui capitalibus judiciis præerant. Ait igitur vitandos esse Treviros illos , cum capitales sint , Trebatio imbelli militaremque animum non gerenti : malleque se hos Treviros Belgicos , auro argento & ære esse , alludens semper ad magistratus Romanos. Erant enim alii magistratus Treviri pecuniæ cudendæ , qui ita inscribebantur , **III. VIRI. A. A. A. F. F.** i.e. auro , argento , ære flando feriundo , ut recte notat Petrus Bem-
nius

ius *l. 2. §. 30. D. de orig. jur.* post Cannensem
ladem anno tertio belli Punici, rogatione Mi-
utii Tribuni plebis creatos, teste *Livio lib. 23.*
ap. 21. Ait itaque Tullius Trebatium alloquens,
os Treviros non capitales, sed monetales esse
ebere, qui illi nummos cudere juberent, ut am-
plissimæ pecuniæ fieret dominus. Fuit autem in
re civili singularis ejus memoria, summaque
cientia, ita ut *Scævolæ* nomen meruerit. Sic
nim Tullius eum vocat *ad Atticum. & episto-
rum ad familiares lib. 7.* multosque doctrinæ
æ sectatores habuit, sive ut loquitur idem
Tullius *lib. 7. epist. 5. Familiam duxit in jure
civili.* Sic enim recte Victorius legit. Quam-
brem si quis ex eo natam Proculeianam sectam
mixerit, non errabit: Labeo siquidem ab eo
institutus est auctore Pomponio dicta *l. 2. de
origine juris.* & multa in suis posteriorum li-
ris à Trebatio accepisse videtur ex *l. Labeo 45.
fundi partem 79. D. de contrahend. empt. Ve-*
ntamen ab eo interdum dissentiebat, in *l. 1.
si dolium 1. D. de peric. & commodorei vend.
l. si vitem 22. §. 3. D. quod vi aut clam, in
liber homo 19. D. de acquir. rerum domin,*
uandoque addebat, ut in *l. Julianus 13. §.
preterea 22. D. de action. empti & vend. in l.
n. de cloacis.* Quare cum veteres aliquid dicere
in Pandectis legimus, hoc de Trebatio, & La-
eone, frequentissime intelligendum est. Tre-
ba-

batius inter veteres Jurisconsultos à novissimis numeratur. Unde Ammianus Marcellinus *lib. xxx* de advocatis loquens, sic scribit: *Hi ut altius jura callere videantur, Trebatium loquuntur, & Cascellium, & Alfenum, & Aruncorum Sicanorumque jamdiu leges ignotas, cum Evandri matre abhinc sæculis obrutas multis. Cæterum Justinianus in §. 1. de jure codicil. in Institut. refert Augustum, cum de codicillorum viribus dubitaret, qui antea in usu non fuerant, convocasse sapientes viros, inter quos Trebatium, cujus tunc maxima auctoritas erat, & quæsisse, an non absonans à juris ratione codicillorum usus esset, recipique possit: Trebatium id suasisse Augusto, quod diceret, utilissimum ac necessarium civibus esse, propter magnas & longas peregrinationes, quæ apud veteres fuissent; ubi si quis testamentum facere non posset, tamen codicillos posset. Præterea hujus diligentia, memoria interdicti à Prætore dati ab oblivione vindicata est, ne vis fieret dominis quo minus sua tollerent, auferrent: si modo damni infecti repromitterent: cum Tiberis abundasset, & multas multorum res in aliena ædificia detulisset *l. hoc amplius 9. §. de his 1. D. de damno infecto*. Exercuit etiam Trebatium quæstio illa, quam vulgarem Ulpianus vocat in *l. vulgaris 21. D. de furt. An is qui ex acervo frumenti modium sustulerit, totius rei fur-**

furtum faciat: an vero ejus tantum quod abstulit. existimante Trebatio, totius rei furtum committi: nam, inquit, & qui aurem alicujus tetigit, totum videri eum tetigisse. Attamen Ulpianus putabat, in tantum eos furti teneri, quantum abstulerunt: cujus tamen sententiæ Ulpianus rationem non tradit: sed puto hac in re distinctione utendum: vel res cujus pars surripitur, illius naturæ est ut ejus partis surreptione, tota res vitietur, tunc certe Trebatii opinio Officium sequentis vera est: quia tota res inutilis est domino. Unde qui lancem rasi, totius fur est, & furti tenetur ad id quod domini interest, ut apud Paulum in *l. 22. §. qui lancem 2. D. de furt.* vel res cujus pars surripitur illius conditionis est, ut parte surrepta, reliqua integra maneat, & tunc opinio Ulpiani prævalet; ut in cervo frumenti, si quis ex eo modium sustulerit, tantum enim in tantum furti solummodo actione teneri, quantum abstulerit, verum est. quo ex Ulpiani loco apparet Trebatium in his questionibus furtorum dissolvendis se exercuisse, quod etiam ex Cicerone *lib. 7. ad fam. epist. 12.* colligere licet, qui scribit à Trebatio inter cyphos hanc controversiam agitatam esse: *Posset ne heres quod furtum antea factum esset, esse furti agere.* Tantam autem Trebatius in respondendo vanam ostentationem, inanemque gloriolam habebat, ut sæpissime quæ plerique

que ante eum dixerant, neminem præter eum
 sensisse audacter profiteretur, ut ex his verbis
 Ciceronis *d. lib. 7. epist. 22.* apparet: *Tamen id*
caput, inquit, ad Trebatium scribens, ubi hæc
controversia est notavi, & descriptum tibi misi:
ut scires id quod tu neminem sensisse dicebas, Sex.
Ælium, M. Manilium, M. Brutum sensisse.
 Quod multorum hujusce ætatis vitium est (vi-
 tium enim malo quam malitiam nominare)
 qui suo nomini ex aliorum laudibus, libare lau-
 dem volunt. Cæterum Labeo, Ofilius, Ca-
 scellius, Trebatius, quandoque eadem de re
 consilium præbuerunt in *l. cum ex filio 39. D.*
de vulg. & pup. subst. & in l. si mandavero 22. §.
si curator 10. D. mand. quandoque Trebatius,
 & Ofilius, sine Cascellio in *l. quid tamen 21. D.*
de recept. arbit. quandoque Labeo, & Treba-
 tius in *l. si quis 6. §. si quis 6. D. communi divid.*
 Fuit autem alius ab hoc nostro Trebatio, *Tre-*
batus is cujus meminit Ulpianus in *l. 5. D. de*
petit. hered. cui D. Hadrianum rescripsisse
 tradit: hocque constat tum ex serie tempo-
 rum, cum ex eorum cognomine, quod illi *Ser-*
gianus erat, nostro vero *Testa*. Multa vero de
 jure civili scripsit opera. Pomponius enim in
 dicta *l. 2. §. 45. D. de orig. jur.* scribit complures
 Trebatii sua ætate libros extitisse, sed minus
 quam aliorum frequentarios esse. Certum qui-
 dem est eum scripsisse

DE.

DE. RELIGIONIBUS. LIB. DUOS.

qui citantur à Macrobio *lib. 3. cap. 3. Saturn.* & quorum scundum Gellius *lib. 6. cap. 12.* affert. Ad eos pertinere arbitror, quæ de Trebatio Ulpianus tradit in *l. & si quis 14. S. si quis 11. D. de Relig. & sumpt. fun.*

AULUS CASCELLIUS.

Aulum Cascellium numerat Pomponius in *l. 2. §. 45. D. de orig. jur.* inter præclaros viros, qui juris civilis populi Romani scientiam professi sunt: quam à Volcatio accepit auctore Plinio *lib. 8. Natur. hist. cap. 40.* Quamobrem locum illum Pomponii in *d. l. 2. D. de orig. jur. : Fuit Aulus Cascellius, Quintus Mutius Volusii auditor*, quem corruptum quamplurimi varie restituerunt, sed semper inepte; nec emendandum puto, ut fecit Antonius Augustinus, *fuit Aulus Cascellius Q. Mutii Volusii auditor*; quamvis hanc emendationem à Jacobo Cujacio approbatam esse, & sequutam repererim in *notis ad dictam legem secundam.* Sed hanc genuinam & puram, pace tantorum virorum dixerim, hujus loci lectionem existimo, *fuit Aulus Cascellius Q. Mutii, & Volcatii auditor.* ut duos præceptores in jure habuerit: primum Q. Mutium Scævola, deinde eo mortuo Volcatium audiverit, ut ex loco
Pli-

Plinii supracitato apparet. Nam Pomponium de duobus loquentum fuisse, denotant satis subsequencia ejus verba: *Denique in illius honorem, &c.* i. e. non proxime nominati præceptoris, sed alterius. Fuisse præterea Cascellium actorem causarum probabilem, atque in pretio habitum scribit Horatius *lib. de arte Poëtica, vers. 371.* minime tamen cum Messala comparandum. Facetum quidem, elegantem, & festivi sermonis fuisse testatur Macrobius *lib. 2. cap. 6. Saturnal.* eum tamen severi & infracti animi fuisse hic locus Valerii Maximi ex *lib. 6. cap. 2.* desumptus, satis ostendit: *Cascellius*, inquit, *vir juris civilis scientia clarus, quam periculose contumax.* Nullius enim aut gratia aut auctoritate compelli potuit, ut de aliqua earum rerum, quas Triumviri dederant, formulam componeret. Hoc animi judicio, victoriæ eorum beneficia extra omnium ordinem legum ponens. Quo loci obiter adnotabo *Cascellius* recte legi, non *Cesellius* ut vulgo: licet apud Aulum Gellium *lib. 9. cap. 14.* recte *Cesellius* legendum putem, quia is est alius ab hoc nostro Cascellio, eumque credo esse *Cesellium Vindicem*, cujus mentio fit ab eodem Gellio *lib. 2. cap. 16.* qui *commentaria lectionum antiquarum* composuit. Quod autem ad Cascellium attinet, is cum multa de temporibus Cæsaris loqueretur, & amici, ne id faceret, monerent: duas res quæ hominibus ama-

amarissimæ videntur, magnam sibi licentiam præbere, respondit, senectutem, & orbitatem, Valerio Maximo auctore loco supra citato. Ex quibus in senectute eum orbem fuisse, tanquam alterum Appium Claudium colligimus. quæ quidem nimia libertas temporibus illis non congrua, eum intra quæsturam retinuit. Cæterum alium ab hoc nostro, Jurisconsultum prædiatorem Cascellium esse puto, ad quem & ad Furium, Scævola Augurem cum de jure prædatorio consuleretur, consultores suos rejecisse scribit Cicero in *orat. pro Cornelio Balbo cap. 20.* & ut à Valerio Maximo refertur *lib. 8. cap. 12.* his verbis: *Q. Scævola legum clarissimus, & certissimus vates, quotiescumq; de jure prædatorio* (Sic enim non ut in Codicibus Basileæ impressis *jure prætorio*, legendum esse Ciceronis locus satis ostendit) *consulebatur, ad Furium, & Cascellium, qui huic scientiæ dediti erant, consultores rejiciebat: quo quidem facto moderationem magis suam commendabat, quam auctoritatem minuebat.* Fieri enim non potest quin, cum in Pandectis tantus de Cascellio sermo sit, quædam in his apparerent vestigia, quæ Cascellium huic prædatoriæ scientiæ operam dedisse ostenderent. Ratio etiam seriesque temporis me movet, ut nostrum ab illo prædatorio alium esse putem, quem coætaneum Q. Scævolæ Auguris fuisse certum est, & Cicerone ad-

adhuc adolescente obiisse, ex ejus *dialogo de amicitia cap. 1.* Cascellium autem nostrum tempora Augusti Cæsaris attigisse: simileque veri non est, Cascellium prædiatorem tamdiu vixisse, cum à morte Scævola Auguris, ad victoriam usque triumviratus, sexaginta fere anni numerentur, quod Cicero clare demonstrat in *Orat. pro Balbo cap. 20.* Id enim quod supra retulimus, tanquam antiquitatis exemplum affert. Dicendum itaque est Cascellium prædiatorem, patrem Auli Cascellii fuisse. Auli etiam fit mentio in *l. 17. D. de hered. instit.* quem Aulum Cascellium esse putat vir doctissimus Cujacius in *not.* quas in hanc legem edidit. Verum ut ab eo dissentiam, veritas ipsa cogit. Hic locus, *Ut Labeo quarto posteriorum scripsit: nec Aristo, vel Aulus, utpote probabile, notant,* sine dubio mendosus est: nunquam enim alibi Cascellius in Pandectis, *Aulus* tantum nominatur. Deinde Cascellium Labeone antiquiorem fuisse, senemque Augusti tempora tantum attigisse legimus. Quamobrem ad Labeonem eum scripta edidisse dici non potest: neque ejus rei apud auctores ulla extant vestigia. Præterea temporibus Ulpiani nulla extabant Cascellii scripta, nisi *unus liber benedictorum.* Existimo itaque hac in lege pro *Aulus, Paulus* legendum, sicque exaratum est in codicibus Fradriani: quam lectionem ratio ipsa confirmat. Paulus

lus enim *notas ad libros περὶ δανῶν Labeonis* scri-
 psit, ut supra in *Paulo* docuimus. Hæc autem
 verba nec *Aristo vel Paulus ut pote probabile no-*
tant de notis ad libros *Pithanon*, i. e. *probabi-*
lium intelligenda sunt: quoniam cum ad *libros*
probabilium notas ederent Jurisconsulti, nota-
 bant ea quæ *probabilia non erant*. Ex quibus recte
 etiam auguramur superiora verba *Labeo libro*
4. posteriorum depravata esse, reponendumque
libro 4. Pithanon. Cascellii cujusdam meminit
Martialis lib. 7. epigram. 9. Auli autem Cascel-
 lii prudentiæ & in jure civili scientiæ extant in
Pandectis monumenta, & Javoleni testimonio
 eum de jure consultum sæpissime fuisse mani-
 festum est, & *Quintilianus libro 6. instit. orator.*
cap. 3. & *Macrobius lib. 2. cap. 6.* consultori
 cuidam, Cascellio dicenti, *navem dividere volo:*
verdes, respondisse eum scribunt: & Javolenus
l. hæres 100. D. de legat. 3. in duabus statuis
 marmoreis cuidam nominatim legatis, itemque
 omni marmore: nullam statuam marmoream,
 præter duas, Cascellium putasse deberi testa-
 tur; & quanquam Ofilius, & Trebatius contra
 sentirent, Labeo tamen Cascellii sententiam
 status est. contrariam sæpe Ofilius à Cascellio
 tenuit & discrepantem; non enim convenie-
 bant in significatione verbi *impensæ*. Hic enim
 debebat premium fundi deberi: Ofilius negabat
 premium significari, ut apparet ex *l. quibus die-*

R

bus

bus 40. D. de condit. & demonstrat. Cæterum ne nimis in Cascellio immorari videar, festi-
vum & jocosum ejus responsum tantum affe-
ram. Cum enim lapidatus à populo Vatinius
gladiatorium munus ederet, obtinuit ut Ædiles
edicerent, ne quis in arenam nisi pomum mit-
teret. Tunc Cascellius consultus à quodam, *an
nux pinea pomum esset*: respondit ei, *si in Va-
tinium missurus es, pomum est*, ut scripsit Ma-
crobius *lib. 2. cap. 6. Saturnal.* pomi enim ver-
bo contra communem sensum, omnem fructum
tam duri, quam mollioris corticis significari
videtur existimasse: sicut Apostoli in canone
4. verbum Græcum ὀπώρα sumpsere. Cascellius
autem plura scripta edidit, quæ tamen periere,
præter

BENEDICTORUM. LIB. UNUM.

qui extabat adhuc temporibus Pomponii, ut
ipse testatur in dicta *l. 2. §. 45. D. de orig. jur.*
ad quem librum pertinent, quæ ex Cascellio
referuntur in *l. in usu 158. D. de verb. signific.*
& in *§. sed & si 7. l. 1. quod vi aut clam.*

CAJUS FLACCUS.

CAjum Flaccum Paulus in *l. Massuri*
144. D. de verborum signif. librum *de jur. ex l. 1.*
Papyriano scripsisse tradit. sic enim legitur i
vulgatis codicibus: quanquam Jacobus Labittu
Gra

LIBER SECUNDUS.

259

Granium Flaccum legendum putet. *Granii* Flacci meminit Festus in *verborica* multisque aliis in locis, & Macrobius *lib. 1. Saturn. cap. 18.* citatur etiam ab Arnobio *lib. 3.* eumque *Granium Flaccum Licinianum* vocari reperio. *Gratii* cujusdam mentio fit apud Plutarchum in *Sylla*, quem per satellites strangulari Sylla iussit, quemque ærarii publici curam, ex hoc loco habuisse suspicari possumus, & Cicero in *Bruto cap. 46.* Q. *Gravii* præconis meminit, eum quo L. Tincam facetissimum hominem, & acacitate certasse scribit. Ejus doctrinæ nulla extant monumenta.

FULCINIUS.

Aulus Jurisconsultus in ejus quæstionis tractatione, *an ex argento surrepto, pocula facta vendici possint*, *Fulcinium* sequutus est in *l. ex argento 13. D. de condict. furtiva.* ex qua, & *l. Fulcinus 7. D. quib. ex causis in possess. ea-* & *l. si mulier 10. D. de Relig. & sumpt. fun.* (quarum duarum legum *Ulpianus* auctor est) intelligitur, *Fulcinium* nonnulla quæ ad edicti applicationem pertinent, scripsisse. Eum etiam *impensis in rem dotalem factis* tractasse apparet ex *l. 1. §. 3. D. de impens. in rem dot. fact.* conferatur cum *lege impensæ 79. D. de verb. signific.*

R 2

CAR-

CARTILIUS.

Cartilii nomen agnoscitur apud Proculum in *l. Cornelius 69. D. de hered. instit.* atque ita Florentiæ legi, Antonius Augustinus *lib. 3. emendat. cap. 6.* affirmat: non ut in quibusdam impressis libris mendose *Carfilius*. Hoc Proculi adductus testimonio idem existimat minime rejiciendum *Cartilii* nomen in *l. si ut certo 5. §. si me rogaveris 13. D. commod.* quod multos typographos fecisse videmus: quamvis Florentiæ ita circumscriptum esse dicatur, ut ea solent quæ respuuntur. Qua in re vehementer ego Augustini laudo iudicium, credoque nimium argutam scriptoris Florentini fuisse sedulitatem. Cum hæc duo capita tantum sint, quæ ex multis ut credibile est monumentis ejus memoriam prodere nobis possint. Quare non immerito Cujacius *lib. 1. cap. 9. observat.* scribit, Antonium Augustinum Cartilium ab oblivione vindicasse. Nescio autem an Cartilius noster, sit *Catilius* ille *Severus*, cujus meminit Plinius *lib. 1. epist. 22.* quique amicus Aristonis Jurisconsulti fuisse videtur: sed si noster est temporibus Trajani eum vixisse constat, & Justinianus Traini ad eum rescriptum refert in *§. plane 1. de milit. testam. in institut.* quod desumptum est ex Florentino *lib. 10. Institutio-*
num.

num. vid. l. 24. D. de milit. testam. Marci etiam Imperatoris proavus maternus fuit, auctore Capitolino *in Marco. cap. 1.* Præterea præfecturam urbis assequutus est, & bis Consul fuit, ut idem *ibidem* testatur. In vetusta inscriptione T. Aurelius Fulvius collega ei tribuitur.

PUTEOLANUS.

PUTEOLANUS LIBROS ASSESSORIORUM scripsit, quorum *primus* citatur ab Ulpiano in *l. nam & nocere 12. D. de pact.* ubi male *Assessorum* quidam putant legi. Equidem liber *Assessorum* recte non dici videtur, sed de officio *Assessorum*. Recte autem *Assessoriorum* e. qui de *Assessoribus* tractat, sive ut Gothofredus vult in *l. xii. D. de pact.* qui de rebus in *Assessorio* judicatis tractat. Sabinus etiam librorum composuit qui *assessorius* vocatur, ut Ulpianus eodem loquendi modo, librum ἀσσυνομικόν. Verum non incongruum est, Puteolanum *libros Adsefforum* scripsisse: Sic enim Suetonium *libros Prætorum* scripsisse, legimus apud Præcilianum *lib. 8.*

VIVIANUS.

Viviani meminit Paulus in *l. sed & si 4. §. 2. D. nautæ, caup. stabul.* Ex qua intelligi potest, scripsisse illum quædam quæ ad explanandam, interpretandamque eam partem edicti prætorii pertinebant, in qua nisi nautæ, caupines, stabularii quod cujusque saluum fore receperint, restituerint, judicium se daturum Prætor pollicetur. Nonnihil etiam de primo capite legis Aquiliæ, in quo scriptum erat: Cæterarum rerum præter hominem, & pecudem occisos: si quis alteri damnum facit quidve ufferit, fregerit, ruperit injuria &c. *l. 27. D. ad leg. Aquil. §. 24.* Videtur præterea ad edictum Ædilium Curulium quædam scripsisse, ex *l. 1. §. apud Vivianum 9.* & ex *l. quis sit 17. §. 3. D. de Ædil. edicto.* Et ad eam partem edicti Prætoris, qua de damno infecto agebatur in *l. fluminum 24. §. item apud 9. D. de damno inf. & de interdicto unde vi. ex l. 1. §. non alii autem 45. D. de vi & vi arm.* Interdictum denique de itinere, actuque privato explicasse apparet ex *l. 1. §. Vivianus 6. D. de itin. act. priv.* Ulpianus autem eum auctorem facit hujus axiomatis, *habitationem commodari posse*, sed in *l. si gratuitam 19. D. de præscr. verb.* ejus sententiam moderavit: quemadmodum & Paulus in *l. in commodato 17. §. duabus 4. D.*

com-

commod. Ex qua colligimus, Pomponium quædam in *Viviani scripta* notasse. Colligerem etiam libenter ex *l. qui mittuntur 35. §. ult. D. ex quib. causis major.* Vivianum ætate Proculi vixisse, vel potius post Proculum floruisse, & ex Scævola in *l. 14. D. de jure codic.* apud quem, expositam esse Sabini Cassii & Proculi controversiam refert.

QUINTUS SATURNINUS.

SATURNINUS LIBROS AD EDICTUM composuit, quorum *decimus* citatur ab Ulpiano in *l. aurum 19. §. an autem. 7. D. de auro & arg.* ejus etiam meminit Ulpianus in *l. si duo 13. §. Marcellus 5. D. de jurejur.* in qua illum Marcello consensisse refert. Ea autem quæ ex *Quinto Saturnino* desumpsit hac in lege Ulpianus, ex *libris ad edictum* desumpta esse reor. Cæterum cujusdam *Saturnini* mentio fit ab eodem Ulpiano in *l. 6. §. 7. D. mandat.* quem nostrum fuisse si quis dicat, non aberraverit. Ex quibus apparet eum *Q. Claudii Saturnini* nomen habuisse, & Prætorem fuisse: quo Prætore Marius Paulus quidam fidejusserat pro Daphnide, mercedem pactus ob suam fidejussionem, & sub nomine alterius ex eventu litis caverat, sibi certam quantitatem dari: quapropter ab eo majores fructus inferre jussus est, & advocationibus ei

interdictum, quemadmodum sæpè interdicebatut apud Romanos, ut apud Plinium *lib. 5. epist. 14.* Veruntamen Marius ille videbatur velle à Daphnide mandati judicio consequi quod erat condemnatus, quasi is judicatum solvi fidejussisset, & non redemptor litis extitisset: atque hac de re DD. fratres adiit, sed rectissimè ab iis rescriptum est, nullam actionem eum propter suam calliditatem habere, quia mercede pacta accesserat ad talem redemptionem: quam obrem hac lege à nobis sic enarrata, Ulpiani verba illa depravata esse, rectè colligimus: *Videbatur autem mihi judicatum solvi fidejussisse, & quasi redemptor litis extitisset, velle à Daphnide mandati judicio consequi, quod erat condemnatus, sed rectissimè Divi fratres rescripserunt, &c.* Quæ quidem Hotomanus *lib. 5. cap. 9. observat.* restituere tentavit, sed non feliciter. Scrupulus enim ille menti meæ inhæret dictionem *mihi* adulterinam esse. Ulpianus siquidem eadem ætate non vixit, qua L. Saturninus, sed longè post DD. fratres, sub Severo & Antonino cœpit juri civili operam dare: post sub Heliogobalo, & postremo sub Alexandro Severo maximè floruit. Quomodo igitur in auditorio DD. fratrum Ulpianus assidere potuerit non video, quinimo certissimum est non assedissee. Expungenda itaque est hæc dictio *mihi*, reponendumque nomen, *Marius*, quod ignoran-

rantia eorum qui in transcribendis libris incumbebant, vel cum litteræ vetustate exesæ fuissent, ignaro quodam notario, vel typographo facile fuit hanc dictionem *mibi* ad constructionem Latinarum vocum accommodatam, sed ad mentem Ulpiani ineptam, reponere. Locus ergo Ulpiani ille sic legendus est: *Videbatur autem Marius quasi judicatum solvi fidejussisset, non quasi redemptor litis extitisset, velle à Daphnide mandati judicio consequi, quod erat condemnatus. Sed rectissimè Divi fratres, &c.* atque ita sensus hujus legis apertissimus est. Cum enim Marius à Q. Claudio Saturnino Prætore *maiores fructus*, i. e. *duplos fructus*, ut interpretatur Cujacius *lib. 5. Observat. cap. XXI.* inferre jussus erat, (quod iniquum videretur Saturnino, eum qui ad vocationibus incumbebat, redemptorem litis extitisse) videbatur Mario, si tanquam redemptor litis condemnatus esset à Prætore, quod judicatum solvi fidejussisset, apud Imperatores à Daphnide mandati judicio consequi posse, quod erat condemnatus: sed Divi fratres nullam actionem eum propter suam calliditatem habere rescripserunt. Saturnini pleræque sententiæ ab Ulpiano notantur. Quod quidem causam præbuit Baldo dicendi in *l. 1. C. de sacros. eccl.* notatum esse, Saturninos eos in scholis appellari, qui absurdas & parum probatas sententias proferrent. Vixit autem

R 5

Clau-

Claudius Saturninus, & sub D. Pio, cujus ad Saturninum rescriptum affert Martianus in *l. 1. §. 2. D. quæ res pign. vel hypoth.* Meminit præterea Jabolenus *lib. 11. epistol. in l. 46. D. ad Senat. Trebell.* Seii Saturnini archiguberni ex classe Britannica qui testamento fiduciarium reliquit heredem Valerium Maximum, sed alius is est ab hoc nostro Jurisconsulto.

MINITIUS NATALIS.

Minitius, sive Minutius Natalis, is est ad quem Julianus libros sex, quorum in indice fit mentio, scripsit. quod intelligendum est ut supra docuimus in *Juliano*, ut Julianus notas ediderit ad Minutii scripta: non autem secundum Alciati sententiam, ut Julianus libros illos sex dicaverit Minitio Natali, quod præter ea quæ diximus manifestum reddetur, si quis inscriptionem legis *Minutius 61. D. de rei vindicat.* quæ est *Julianus libro vi. ex Minutio.* cum ipsa illa lege comparare velit, quæ hæc habet: *Minutius interrogatus, si quis navem suam aliena materia refecisset, an nihilominus, (sive, num dominus) ejusdem navis maneret? Respondit manere. Sed si in ædificanda ea idem fecisset, non posse, Julianus notat; nam proprietates totius navis, carinæ causam sequitur. Ex secundo horum librorum decerpta est l. 8. D. ad leg. Rhod de jactu.*

*Et*u. Quamobrem hæc ferè cogunt, ut credam, Minutium *de re nautica* scripsisse. Vixisse autem eum Trajani temporibus, apparet, ex *l. Divus Trajanus 9. D. feriis*, in qua rescriptum Trajani ad eum refertur. Ex qua etiam colligo, Minutium Natalem Proconsulem fuisse. Hæc siquidem lex desumpta est ex Ulpiano *lib. 7. de officio Proconsulis*. Ejus denique verba si quis attente legerit, Trajanum Imperatorem, Proconsulem alloqui satis intelliget. Cæterum Minitius juris scientia maximè floruit, Sabini sectam sequutus ex *l. tenetur 6. D. de aet empti*, & omni alia excellenti doctrina præstitit. Quapropter Plinius *lib. VII. epist. 12.* ab eo, quid de libro suo judicaret, petere non recusavit: quinimò emendandum ei libentissimè tradidit. Porro *Minitii* cujusdam Asiæ Proconsulis meminit Nicephorus Calixtus *eccles. historiæ lib. III. cap. XXVII.* qui sub Adriano vixit, & ad quem rescriptum pro Christianis misit, quod extat apud D. Justinum Martyrem, & apud Eusebium. Verum alium ab hoc nostro esse existimo. Ille enim *Fundanus* nominatur: noster autem *Natalis*. Fuit etiam alius à nostro *Minutius Felix*, quem Romæ insignem causidicum fuisse scribit D. Hieronymus, & duos *dialogos* edidisse refert: quorum alter *Octavius* inscribitur, alter *de fato*, cujus meminit Lactantius in suis libris.

BLE-

BLESUS.

Labeo in *l. is qui fundum* 31. *D. de usufr.* leg. *Blesi* mentionem facit, Trebatii quoddam responsum referentis. *Junii Blesi* meminit Tacitus *lib. 111. Annalium cap. 35.* qui Africae Provinciae praeerat.

PACONIUS.

Paconium citat Paulus in *l. Paconius* 3. *D. si à parente quis manum.* ejusque pium simul & castum responsum refert. Si quis enim à parente manumissus, turpes personas, veluti meretricem, heredes fecisset, totorum bonorum contra tab. possessionem parenti dari: & si turpis heres non esset institutus, constitutæ partis, id est tertiæ partis possessionem dari, respondit. Cornelius Tacitus *Paconii* cujusdam meminit, quem Italia depulsum fuisse cum Helvidio scribit *xvi. Annalium cap. 33.* alterius etiam *M. Paconii libro 3. ann. cap. 67.* qui Legatus C. Syllani fuit.

CAJUS CASSIUS LONGINUS.

Cassia Longinagens plebeia fuit, sed tamen Antiqua & honorata, ut ex Fastis apparet, à qua

à qua originem traxit suam C. Cassius Longinus, quem ex filia Tuberonis, quæ fuit neptis Servii Sulpitii, natum esse tradit Pomponius in dicta *l. 2. D. de orig. jur.* Hic autem majorum honoribus, qui amplissimi quidem & illustres fuere, respondit. Consulem enim eum fuisse cum Quartino, temporibus Tiberii, idem Pomponius scribit. cujus tamen rei, an cum Quartino Consul fuerit, Cajus Cassius Longinus, magna est inter auctores dissensio. Cuspinianus enim hunc locum mendosum putat, & cum *Q. Haterino*, non cum *Quartino* legendum asserit. Quem tamen errare manifestò ex eo colligi potest, quod, ut ipse fatetur, *Q. Haterius* 12. anno imperii Tiberii, C. Calvisio & Cn. Getulico Coss. mortuus sit: Cassium autem Longinum nono aut decimo anno post obitum ejus, Consulem tantum fuisse, Fasti testentur. Nescio tamen, quid extraordinariò de extraordinariis Coss. cogitaverit vir eruditus. Justus verò Lipsius L. Cassium, qui cum M. Vinucio Quartino Consul fuit anno urbis Dccclxxxiii, alium esse putat ab hoc Caio Cassio Longino Jurisconsulto: erudite quidem hoc demonstrat, contra Onuphrii, Antoniique Augustini sententiam: cum tamen Pomponium Jurisconsultum dicentem, *C. Cassium Longinum Consulem fuisse cum Quartino temporibus Tiberii*, errasse sustinet: cogit me, & invitum,

ut

ut errorem ejus apertum declarem. Quid enim cum animo meo hoc reprehensionis genus : cogit me, inquam, laus & fama Pomponii, quam omnes juris studiosi puram, & intactam conservare debent, & adversus obrectatorum calumnias pertinaciter defendere. Nec enim verba Pomponii de *M. Vinutio & L. Cassio Cos.* interpretanda sunt : nec Pomponii mens unquam hæc fuit : quæ opinio virum eximia eruditione præditum, pace ejus dixerim, fefellit. Sed Pomponius de iis loquutus est, qui in *Fastis* Cassiodori appellantur *Vinicius & Longinus*, qui Consules post passionem salvatoris nostri Jesu Christi fuere. Qui quidem consulatus de alio Longino, quàm de Cassio Longino nostro intelligi non potest, cum his temporibus, auctores alium non memorent. Fuit quidem Longinus, cujus meminit Pomponius dicta *lege 2.* sed ad eum consulatus ille referri non potest, cum is ex equestri ordine sub Vespasiano floruerit, & tantum ad præturam usque pervenerit, auctore eodem Pomponio. Causa autem Cassius noster plurimum auctoritatis in civitate habuit, donec C. Cæsar civitate eum expulit, ut est apud eundem Pomponium: quod propter nimiam ejus auctoritatem fecisse credendum est, & confirmat Lætus de *magistrat. Romanis cap. xxvi.* expulsus Cassius in Sardiniam deportatus est, dicta *lege 2. §. 47. de orig. jur.*

jur. Quæ omnia luculenter describit Tacitus lib. xvi. *Annal. cap. 7. & 8.* quamvis Philip-
pus Beroaldus in *Suetonium Tranquillum in Nerone* eum de quo Tacitus loquitur, alium ab eo de quo mentionem facit Pomponius, existimet: *Mprtem*, inquit Tacitus, *Poppeæ*, ut palam tristem, ita recordantibus letam, ob impudicitiam ejus, sævitiamque, nova insuper invidia Nero complevit, prohibendo C. Cassium officio exsequiarum, quod primum indicium mali, neque in longum dilatum est. Sed Silanus additur, nullo crimine; nisi quod Cassius opibus vetustis, & gravitate morum, Silanus claritudine generis, & modestâ juventâ præcellebant. Igitur missa ad Senatum oratione, removendos à Republ. utrosque differuit: Objectavitque Cassio, quod inter imagines majorum, etiam C. Cassii effigiem coluisset, ita inscriptam DUCI PARTIUM, quippe semina belli civilis & defectionem à domo Cæsarum quæsitam. ac ut memoria tantum infensi nominis ad discordias uteretur, assumpsisse L. Silanum juvenem genere nobilem, animo promptum, quem novis rebus ostentaret. Ipsum dehinc Silanum increpuit iisdem quibus patruum ejus Torquatum, tanquam disponderet jam imperii curas, præficeretque rationibus & libellis & epistolis libertos: & inania simul, & falsa. Nam Silanus intentior metu, & exitio patrui, ad præcavendum exterritus erat: Inducit posthac vocabulo indicum,

cum, qui in Lepidam Cassii uxorem, Silani amitam, incestum cum fratris filio, & diros sacrorum ritus confingerent. Trahebantur ut conscii Volcatius Tullinus, ac Marcellus Cornelius Senatores, & Calphurnius Fabatus Eques Romanus: qui appellato Principe instantem damnationem frustrati, mox Neronem circa summa scelera distentum, quasi minores evasere. Tunc Senatusconsulto Cassio & Silano exilia decernuntur, de Lepida Caesar statueret: deportatusque in insulam Sardiniam Cassius, & senatus jus expectabatur. Huic autem loco vulnus inflixerunt librarii, cui mederi non posse fatetur Justus Lipsius: quem tamen sanare tentabo, licet in eo hæreat cicatrix. Legi itaque hæc ultima verba, & senatus jus expectabatur, corrupte in vulgaribus codicibus existimo, reponendumque, Nec senatus jus spectabatur, i. e. probabatur. Spectari enim pro probari usurpatum sæpè legimus. Unde spectatio pro probatione pecuniæ à Cicer. lib. 3. in Verrem cap 78. sumitur: Ex omni pecunia, quam aratoribus solvere debuisti, certis nominibus deductiones fieri solebant, primum pro spectatione, & collybo: deinde pro nescio quo cenario. Quæ lectio, orationis sensui congruit: vulgata vero, aliena prorsus à mente auctoris, qui scribit Senatusconsulto Cassium, & Silanum exilio damnatos esse: Neronem autem in Insulam Sardiniam deportasse Cassium, Silanum

vero

vero per Centurionem interfici jussisse: atque
ita apparet senatus jus, vel judicium à Nerone
non probatum: *exilium* enim & *deportatio in*
insulam, diversa sunt. *Exilii* nomen generale est,
auctore Martiano in *l. 5. D. de interdict.* quip-
pe & pro relegatione aliquando sumitur, quæ
multo mitior est deportatione. Nec in Silani
causa judicium senatus à Nerone probatum,
cum eum exilio à senatu damnatum, interfici
jusserit. Conjecturam etiam nostram juvat,
quod Ulpianus scribit in *l. 6. D. de interd. &*
releg. Principem solum in insulam deportare
posse: si verò quis magistratus aliquem in insu-
lam deportandum putat, hoc ipsum Principi
scribere debet, missa plena opinione, ut Prin-
cipis ceptis æstimet, an sequenda sit ejus sententia. sic
hoc in loco senatus censuit, Cassium & Silanum
exilio damnandos: missam ejus Neroni plenam
opinionem, credendum est, ut sæpissimè scripta
mittitur: testis est præter alios, locus ille Taciti
lib. xiv. ann. cap. 42. & seqq. quum de servis apud
senatum agebatur. *item c. 49.* Quia tamen indita
cena satis dura Neroni non videbatur, non
spectavit jus senatus, ut supra demonstravimus.
Hoc remedium huic loco tam dilaniato impo-
nendum putavi: quod quidem si totum penitus
non sanat, non tamen exulcerat. Cassius ita-
que in Sardiniam contra jus senatus deportatus
est à Nerone, sed revocatus post ejus mortem à

S

Ve-

Vespasiano, ut testatur Pomponius *d. l. 2.* Antequam autem deportaretur, Syriae praefuit, Narso succedens, cumque ibi praesset, à Claudio Cæsare Meherdatem juvenem, qui rex Parthiae ab eo datus erat, ad Euphratis ripam deducere jubetur. Stola etiam sacerdotalem Pontificis Judæorum, quæ antea à Tiberio Judæis reddita erat, Romanis custodiendam dedit. *Ea tempestate Cassius ceteros præeminebat peritia legum: nam militares artes per otium ignotæ, industriosque ac ignavos pax in æquum tenet. Attamen quantum sine bello dabatur revocare priscum morem, exercere legiones, cura provisu, agere perinde ac si hostis ingrueret: ita dignum majoribus suis, & familia Cassia ratus per illas quoque gentes celebrata, ut scribit Tacitus lib. XII. annal. cap. 12. Cæterum luminibus orbatum Cassium fuisse, legimus apud Suetonium Tranquillum in Nerone, cap. 37. quidam orbitas severitatis magnæ indicium luculentum est: sic Cascellium diximus, sic Appium omnes norunt, sic Catulum Messallinum luminibus orbatum testatur Plinius lib. 4. epist. 22. Tanta enim Cassii in jure dicendo severitas erat, ut tribunale ejus, reorum scopulus appellaretur: quam deinde ipse cognovit ad sedandos motus maximè nocuam. Cùm enim Puteolani seditionem concitassent, Cassiusque adhibendo remedio delectus esset, quia severi-*
taten

statem ejus non tolerabant, precante ipso, ad Scribonios fratres cura transfertur, ut auctor est Tacitus *lib. xiii. Annal. cap. 48.* qui *eodem libro cap. 41.* tradit, cum Neroni, propter victoriam ab Artaxatis reportatam, arcus, continui consularatus, statuæ decretæ, & ut inter festos dies referretur, quo patrata victoria, quo nunciata, quo relatum de ea esset; C. Cassium de cæteris honoribus assensum; si pro benignitate fortunæ Diis grates agerentur, ne totum quidem annum supplicantibus sufficere, differuisse: eoque oportere dividi sacros, & negotiosos dies, quæque divina colerentur, & humana non impedirent. Fuit autem Cassius Longinus Sabinianæ sectæ: Sabino enim successit, auctore Pomponio in *l. 2. D. de orig. jur. §. ult.* Sabinumque Cassii magistrum vocat Paulus *lib. xiii. ad edictum in l. 19. §. 2. de recept. arb.* ubi ingenui, & probi animi memorandum, multisque nostri seculi auctoribus imitandum exemplum traditur. Cum enim Sabinus scripsisset, arbitrum mutare posse sententiam, hocque contra juris civilis regulas responsum esse videretur: tantum abest, ut Cassius eum reprehenderit, ut sententiam magistri sui totis animi viribus excusasse eum restetur Paulus: scilicet de ea sententia Sabinum non sensisse, quæ arbitrium finiat; sed de præparatione causæ: neque imitatus est Aristotelem, de quo conqueritur Plato apud Ælium

lib. 4. var. histor. cap. 9. eum ad instar mul-
fecisse, qui cum saturatus est lacte materno,
calcibus petit matrem. Cassius præterea noster
Cassianæ scholæ auctor, & parens fuit, ejusque
domus temporibus Trajani, à Quadrato clar-
o oratore possessa fuit ex testamento Quadratillæ
aviæ suæ, auctore Plinio lib. 7. epist. 24. Cujus
verba hic apponere æquum esse duxi, quoniam
id laudi, honorique Cassii non parum condu-
cit: Lætor, inquit, etiam quod domus aliquan-
do C. Cassii, hujus qui Cassianæ scholæ princeps,
& parens fuit, serviet domino non minori. Imple-
bit enim illam Quadratus meus, ut decebit, rur-
susque ei pristinam dignitatem, celebritatem,
gloriamque reddet, cum tantus orator inde pro-
cedet, quantus ille Jurisconsultus. Cassius
denique multos scriptis mandavit libros.

APUD. URSEIUM.

qui citantur ab Ulpiano in *l. quid tamen 10.*
§. 5. D. quib. mod. ususfr.

JURIS. CIVILIS. LIBR. X.

Tot enim fuisse existimo: nam ex Cassio *lib. 8.*
juris civilis hæc desumpsit Ulpianus: fructua-
rium per arbitrum cogi reficere, quemadmodum
subserere cogitur arbores (l. 7. §. 3. D. de usufr.)
& aucupiorum, & venationum redditum ad fru-
ctuarium (l. 9. §. 5. eod. tit.) & carnem fœtus
demortui ad fructuarium pertinere (l. 70. §. 2.
d. t.) Ulpianus etiam Cassium lib. x. jur. civi-

lis

lis dixisse scribit: *Si gregis, vel armenti sit usus fructus legatus, nec usufructuarius ex natis gregem suppleat, teneri eum proprietario.* Ex quibus apparet, Cassium his in libris de usufructu scripsisse.

PLAUTIUS.

DE Plautii vita nihil constare Forsterus scripsit; fit tamen mentio Plautii Sylvani in *Fastis*, qui Consul fuit tertio anno imperii Antonini Pii, cum Julio Severo, & ab urbe condita 894. secundum Gregorium Haloandrum. Plautiis etiam, Sylvanorum nomen fuisse ostendit Onuphrius. Ad eum Jabolenus scripsit libros v. Julius Paulus libros xviii. Ex quorum primo, est *l. Plautius 61. D. de procur. ex viii. l. Plautius 43. D. de condit. & demonstrat. ex ix. l. qui heredi 44. eod. tit. & l. Plautius 8. D. de auro & arg. leg. Ex xii. l. Plautius 49. D. ad leg. Falcid.* Ex ejus scriptis quoque est *§. fin. l. si proprietarius 22. D. de damno infecto.* Tribuitur etiam ei *§. Plautius 1. l. si proprietarius 21. D. eod. tit.* apud Plautium autem omnes juris auctores consensisse Ulpianus ait in *l. 1. §. interdum 3. D. de usufr. accresc. Usufructum scilicet constitutum, & postea amissum, nihilominus jus accrescendi admittiere.* Omnes autem juris auctores, interpretabimur u-

triusque sectæ, tam Proculeianos, quàm Cas-
sianos.

VINDIUS.

ULpianus *lib. xi. ad edict. in l. 11. §. 2. D. de minor.* Vindii cujusdam meminit: sed tamen alius est, ab hoc nostro Jurisconsulto. Ille enim temporibus Alexandri Severi vixit: hic temporibus Divi Pii floruit. Capitolinus enim Antoninum Pium Imperatorem ejus consilio usum scribit. *cap. 12. in ejus vita.* Unde apud Ælium Spartianum *in Hadriano. cap. 15.* hunc locum corruptum puto. *Vindium Quadratum, & Catilium Severum, & Turbonem graviter insequutus est:* nullus enim *Vindius Quadratus* apud auctores reperitur, minusque *Numidius*; quemadmodum corrigendum esse putavit Cuspinianus *in Fastis.* Restituenda igitur putarem hæc verba sic: *Vindium*, cum virgula, quæ nomen separatum significet, *Quadratum, & Catilium Severum*: hæc enim lectio literæ corruptæ prorsus conveniens est. Quæ tamen si nimis ardua videtur, sic posse etiam legi existimo: *A. Julium Quadratum.* Est enim lapis in radice Cælii montis inventus, in quo ita scriptum est: T. JULIO. CANDIDO. II. A. JULIO. QUADRATO. II. COSS. *Vindius Varus* dicitur ab Callistrato *l. 3. D. de test.* qui sub
D. Ha-

D. Hadriano Ciliciæ fuit legatus, ad quem ipse Hadrianus epistolam misit. Vindii autem testimonio Mætianus, Paulus, Ulpianusque usi sunt in *l. 2. §. si absens D. si ex nox. causa ag. l. Jurisgentium 7. §. sed si servus. 18. D. de pact. l. si quis 5. D. de jud. ex qua intelligitur,*

DE. PRÆTORIS. EDICTO
nonnulla edidisse, &

DE. DETRACTIONE. FALCIDIÆ.

ex *l. pœnales 32. §. 4. D. ad leg. Falcid. in qua* Mætianus illum vocat *suum*: ex qua Vindium Cassianæ sectæ fuisse, non pigebit dicere.

VALERIUS SEVERUS.

L. Valerii Jurisconsulti mentionem facit Cicero *lib. III. epist. 1. ad familiares*, quem commendat Appio Pulchro: sed aliud est à nostro Valerio Severo, quem sub Antonino Pio vixisse existimo. Extat enim Antonini Pii rescriptum ad Severum in *l. 1. C. de procurat.* Quapropter legendum arbitror apud Julium Capitolinum dicto *cap. 12. Vindio, Severo, Salvio, Valente. Severo non Vero*, cum quod Verus nemo unquam Jurisconsultus fuerit: tum quod Capitolinus illum cum Salvio Juliano conjungat. Julianus autem Valerii Severi responsum affert *lib. 3. Digest. in l. ex facto 30. D. de negot. gest.* Sicuti sæpissimè Jurisconsul-

tos responsis vel sententiis coætaneorum Juris-
peritorum uti, in Pandectis legimus. Hic au-
tem error ut loco *Severi* apud Capitolinum *Veri*
nomen scriptum fuerit, facile librariorum igno-
rantia irreplit: sicut & in multis Pandectarum ca-
pitibus loco *Severi & Anonini* Impp. *Veri &*
Antonini corrupte legitur. Sic quem anno ab
urbe condita 879. Fasti Græci Consulem *Seve-*
rum habent, in Cassiodori Chronicis *Verum*
corrupte legimus. Nec obstat, quod Callistra-
tus *Valerii* cujusdam *Veri* mentionem faciat,
ad quem de excutienda fide testium Hadrianum
Imp. rescriptum mandasse scribit in *l. testium*
3. D. de testib. Hæc enim ad Jurisconsultum
nostrum referenda nullo modo sunt, quod
mendosum illud nomen hac in lege esse certum
sit: in quibusdam siquidem codicibus *Valerius*
Varus legitur, & in Haloandri, *Valerianus Ve-*
rus, quæ lectio receptior est, licet non penitus
integra. Nihil enim de Valeriano Vero apud
auctores reperitur. Augurarer itaque *Valeria-*
num Verum vitiosè, pro *Valerio Veranio* legi,
hac nominum transpositione facta, quod sæpi-
sime Typographorum incuriosa facit inscitia.
Valerii enim Veranii meminere auctores, &
præcipuè antiqua quædam inscriptio, (*extat*
hæc apud Gruterum in inscript. pag. 108.) quæ
sub imperio Hadriani Hiberno Cos. honesta mi-
litia missum fuisse eum testatur. Arrii etiam
Se-

Severi fit mentio ab Ulpiano in *l. xi. D. de minor.* quem præturam exercuisse hoc ex loco constat: sed alium ab hoc nostro, series temporum affirmare nos cogit: cum illum sub Alexandro Severo floruisse appareat ex verbis Ulpiani, *Arrius Severus quia dubitabat ad Imperatorem Severum retulit*, i. e. ad Alexandrum Severum, qui *xiv.* curatores urbis fecit, auctore Lampridio *cap. 33.* in ejus vita. Attamen hoc nomen *Arrii* hac in lege mendosum est: nonnulli emendant *Demetrius*, alii, *Decius*. Sed Prætores illos fuisse nunquam legi, nec apud historiæ Latinæ scriptores eorum mentio temporibus illis congruens ulla fit: existimarem legendum *Annius Severus*: nec enim difficillimè pro *Annius* exaratum est *Arrius*. Annium autem Severum Alexandri Severi temporibus vixisse constat, & Gordiani senioris socerum fuisse apud Julium Capitolinum in *Gordianis. cap. 6.* Fit etiam mentio *Rutilii Severi* in *l. 1. princ. D. de ventre in sp.* qui sub DD. fratribus vixit, & Severi meminit Ulpianus in *l. 4. D. de in jus voc.* ubi quidam *Servium* reponendum putant, moti fortasse eo, quod Ulpianus supra, *Labbeonis* auctoritate usus sit. Cæterum *Valerium Severum* de jure respondisse Julianus ait in *d. l. ex facto 3. D. de negot. gest.* Ejus scripta probavit Ulpianus in *l. filius familias 8. vers. sed & filia familias. D. de procurat.* & in *l. 1. §. quæsitum*

est 21. *D. de aqua quotid. & aestiva*. Nec omit-
tendum corrupte in codicibus Gothofredi,
Severi mentionem fieri in *l. qui concubinam* 29.
§ 1. *D. de legat.* III. quod satis innotescet ex
auctore illius capitis. Quî enim fieri potest, ut
Labeo Severi mentionem faciat, cum Severo
multo antiquior sit? Apparet etiam ex aliorum
Jurisconsultorum nominibus quorum sententiæ
referuntur, hoc verissimum esse, & pro Severo
Servium legendum.

PEDIUS.

Hunc *Sextum Pedium* vocat Paulus in *l.*
non distinguemus 32. §. penult. *D. de re-*
cept. arb. & in *l. si servum* 33. *D. ad leg. Aquil.*
& Ulpianus in *l. de pupillo* 5. §. & *belle* 9. *D. de*
oper. novi nunciat. Quem constat ante tempora
Ulpiani vixisse, ex *l. verum* 63. §. *si servo* 9. *D. pro*
socio, & inter Salvium Julianum, & Sabinum
ex Ulpiano in *l. 63. D. eod.* apud quem Ju-
lianus scribit *Sextum Pedium* referre respon-
sum Sabini, sic enim legendum est: & ait Ju-
lianus *Sextum Pedium* referre *Sabinum* respon-
disse: non ut in vulgatis codicibus corrupte: Et
ait Julianus lib. 6. vel ut in aliis, *Sextum Pom-*
ponium referre *Sabinum* respondisse. Julianus
enim Pomponio erat antiquior, atque ita Pom-
ponii auctoritate uti non poterat. *Pedium* qui-
dem

dem sub Imperatoribus vixisse, apparet ex Ulpiano *lib. 52. ad edictum, in l. 5. D. de oper. novi nunciat.* cum tamen alium puto ab hoc Pedio, quem Persius oratorem in *Satyra 1. vers. 85.* describere videtur.

*Fur es, ait Pedio, Pedius quid? criminarasis
Librat in antithetis, doctas posuisse figuras
Laudatur.*

alium etiam ab illo Pedio Blæso, qui sub Nerone reptundarum damnatus est *Tac. xiv. ann. cap. 18.* Hunc autem scripsisse constat

AD. EDICTUM. LIB.

Ex multis Jurisconsultorum locis ex *l. si pupilli. 6. §. item quæritur 9. D. de negot. gest. l. 1. D. de dol. mal. l. item si 4. §. Pedius 2. D. de alien. judic. mut. causa fact. l. Pedius 7. l. Pomponius 13. §. recepisse 2. D. de recep. arbitr. ad quos referenda videntur, quæ ex *Pedii lib. xv.* referuntur ab Ulpiano in *l. quàm Tuberonis 7. §. pupillum autem 3. D. de pecul. & in l. 1. §. licet 1. D. de tribut. act.* Citatur à Paulo *liber xxv. Pedii ad edictum, in l. sed cum patrono 6. §. fin. D. de honorum posses. asseverantis notas, literas non esse*; quod impulit Paulum ad credendum, notis tabulas scriptas edicto non contineri. Et ad hos *libros ad edictum* referenda sunt, quæ de eo dicuntur ab Ulpiano in *l. 3. D. ne quis eum qui in jus voc.**

LÆLIUS.

Vixisse Hadriani temporibus hunc Lælium constat ex Pauli scriptis in *l. antiqui 3. D. si pars hered. pet.* eumque vidisse in palatio liberam mulierem, quæ ab Alexandria perducta erat, ut Hadriano ostenderetur cum quinque liberis, ex quibus quatuor eodem tempore enixa dicebatur, quintum post quadragesimum diem. idem hoc contigisse sub Antonino refert Capitolinus in *Antonino Pio cap. 9.* Hanc Serapiam vocari constat ex Cajo in *l. 7. D. de reb. dub.* Ex his notandum eadem ætate qua Julianus Lælium vixisse: & Paulum maluisse, Lælii in hac historia enarranda uti auctoritate, quam Salvii Juliani: licet eandem suis scriptis inseruerit ad Urseium Ferocem, ut colligere est ex *l. 36. D. de solut.* hac utique maximè ratione, ut existimo, quod Lælius eam Alexandrinam foeminam se vidisse, cum ostenderetur Hadriano, testetur: Salvius autem qui tunc temporis Romæ non erat, hoc sibi in Ægypto affirmatum tantum asserat, atq; ita in iis quæ extra communem naturæ regulam contingunt, magis oculis, quàm auribus credendum esse nos admonet. Ex iis autem quæ dicta sunt à nobis, quis non conjiciet, Lælium Hadriano Imperatori perquam familiarem fuisse. Idem Paulus in *l. postquam.*

43. *D. de hered. petit.* sententiam suam *Laelii* auctoritate comprobavit, si credimus *Labitto*, sed tamen *Ælii* lectionem retinendam puto. *Aulus Gellius* meminit cujusdam *Laelii Felicis*, qui *de comitiis* tractavit, & *Modestinus Laelii Bassi*.

ATILICINIUS.

Paulus, Ulpianus, & Pomponius Atilicini meminerunt in *l. 4. §. 4. D. si quis caut.* in *l. si unus 27. princ. D. de pact. l. mutus 43. §. 5. D. de procurat. l. postquam 43. D. de petit. hered. l. & Atilicinius 35. D. de servit. rustic. præd. l. quod si 28. D. de relig. & sumpt. fun. l. quamvis convenerit 6. princ. D. de pignorat. act.* Maximæ auctoritatis doctrina ejus fuit apud *Justinianum*. In *institutionibus* enim *tit. de hered. instit. in princ.* ait se constitutionem edidisse, qua *servos proprios instituere licet sine libertate*: quod & æquius, inquit, erat, & Atilicinio placuerat. Magnam autem illi cum *Procuro* Jurisconsulto necessitudinem intercessisse, tantique fecisse *Proculi* judicium constat ex *l. Atilicinius 17. D. pact. dotal.* ut illum per epistolam aliquando consuluerit; & sæpè citantur convenientes eorum sententiæ in *l. ergo 5. D. de servit. rustic. præd. in l. quid tamen 21. §. si quis 9. D. de recep. arbit. in l. si servus 17. D. de pecul.*
Cæ-

Cæterum de jure eum respondisse, cum Nerva filio probat. *l. qui se debere 7. D. de cond. et. causa data causa non sequuta.* de eo enim explicandus est locus ille. Quare in *l. si quis 6. §. si quid 8. D. communi divid.* suo loco scriptum non esse nomen *Atilicinii* augurarer: nec cum *Sabino* conjungendum, sed cum *Nerva*, & *Sabinum* pro *Nerva* supra reponendum. Neque enim *Sabinus*, & *Atilicinius* ejusdem scholæ fuere: sed *Nerva*, & *Atilicinius*: atque ita eos eadem sensisse verisimilius est, & de eadem re simul respondisse. *Atilicinii* tamen sententiam improbatam fuisse *Ulpianus* scribit in *l. item liberatur 6. §. ult. D. quib. mod. pign. vel hypoth. solu. existimantis, si satisfidetur alicui certæ pecuniæ, recedere eum à pignoribus debere.*

OCTAVENUS.

Cujus Imperatoris ætate *Octavenus* vixerit, facilis non est negotii explicare. *Pomponius* quidem, cum *Aristone*, qui temporibus *Traiani* vixit, eum conjungit, & utriusque sententiam affert. Non enim hic *Accursium* sequendum puto, qui *Pomponium* hanc epistolam ad *Octavenum* & *Aristonem* scripsisse existimat; eorum siquidem sententiam tantum profert de hac quæstione, quam ipse proposuerat: quod ex verbis ipsius legis facilius probabitur, quæ est

est 20. *D. de fideic. libert.* Paulus autem, & Ulpianus Octaveni mentionem faciunt in his capitibus, quæ ex eorum *ad edictum* libris excerpta esse inscriptiones ostendunt in *l. si familia* 9. *vers. Octavenus D. de jurisdict. l. quod si in diem* 16. *princ. l. item videndum* 18. *D. de petit. hered. l. qui iter* 2. *D. quemadm. servit. amitt. l. necessario* 8. *princ. D. de peric. & commodorei vend. l. si in rem* 6. *D. de rei vindicat. l. electio* 26. *§. penult. D. de noxal. act. l. non distinguemus* 32. *§. si servus* 8. *D. de recept. arbit. l. item videndum* 18. *princ. D. de petit. hered. l. si servus* 27. *§. si olivam* 25. *D. adleg. Aquil.* Unde conjici potest, AD EDICTUM quædam illum scripsisse, & Pomponium ejus scriptis maximè delectatum.

SEXTUS CÆCILIUS.

CÆcilius multos fuisse doctos, scriptoresque, omnibus notum esse puto. Hic autem *Sextus Cæcilius* ut testatur *Gellius lib. 20. cap. 1. in disciplina juris atque legibus pop. Romani noscendis, interpretandisque, scientia, usu, auctoritatèque illustris fuit.* Unde colligimus, malè Cæcilio cuidam Gallo in dictionariis & thesauris Latinis, hæc Gellii verba tribui, cum *Ælium Gallum*, non *Cæcilium Gallum*, legendum esse apud *Macrobius lib. 6, Saturn. cap. 8.*

*cap. 8. & apud Gellium lib. 16. cap. 5. supra in Gallo dixerimus: neque Bernardinus Rutilius audiendus, est, qui eum, cujus mentio fit in Pandectis à juris auctoribus, P. Cæciliam quendam Servii auditorem fabulatur. Cæterum cum Sextus Cæcilius in area Palatina salutationem Cæsaris operiretur, ad eum Philosophus Phavorinus accessit, colloquutusque est ei, Gellio, multis que aliis præsentibus: atque in illis sermonibus orta est inter eos quæstio legum xii tabularum, quæ decemviraes appellantur. Ubi cum Phavorinus obscuritatem earum legum damnaret, hoc præclarum verbum Cæcilius pronunciavit: *Obscuritates legum non assignari debere culpæ scriptionum, sed inscitæ non assequentium.* Ex quibus colligimus LEGES XII. TABUL. eum apprimè calluisse, & earum præcepta maximè probasse. Unde non immerito à Justiniano in *l. 1. princ. C. de communi servo manum.* Cæcilius *juris antiqui conditor* appellatur. Quamvis in nonnullis codicibus, legatur eò loci *Sextus Ælius.* Cæcilii tamen lectio verior est & probatur ab Haloandro, & à Cujacio *lib. 7. cap. 25. observat.* Scripta autem Cæcilii Papinianus, Ulpianusque probaverunt in *l. Titio centum 71. D. de condit. & demonstr. in l. prospexit 12. §. 6. qui & à quibus manum. in l. si postulaverit 28. §. si liber 5. D. ad leg. Jul. de adulter.* Ex qua conjici potest, quæ-*

quædam edidisse illum *ad legis JULIÆ DE ADUL-*
TERRIIS explicationem, ad quam conjecturam
 amplectendam magis impelletur, si quis huic
 legi, *legem si uxor 13. D. eod. tit.* conjunxerit.
 Ex qua etiam intelligitur, fuisse Cæcilium stu-
 diosum Homericæ lectionis. Hunc enim ver-
 sum Homeri affert ex *lib. ix. Iliados* desum-
 ptum.

Η μῆνοι φιλέουσ' ἀλόχους μερόπων ἀνθρώπων
 Ἀΐειδαι;

Præterea Cujacius in *l. frater à fratre 38. D. de*
condict. indeb. Proculeianum eum fuisse putat.

URSEIUS FEROX.

Fuit quidam Ferox temporibus Hadriani,
 vir rectus, & sanctus, quem Cos. fuisse ex
 epistola Plinii ad Arrianum *lib. 2. epist. 11.* col-
 ligere possumus; qui etiam curator alvei, &
 riparum fuit; alius tamen ab hoc nostro: & ad
 id cogitandum moveor, quod *Tit. Julius Fe-*
rox appelletur, ut ex veteri quadam inscriptio-
 ne apparet: noster autem *Urseius Ferox*, ad
 quem *Julianus libros quatuor* scripsit, quorum
 in *indice Justiniano* mentio. In quibus no-
 tasse quædam Julianum ex Urseii libris, constat
 ex *l. si quis 6. §. Urseius ait. ult. D. communi divid.*
 Quod & *Cassius* fecisse videtur, ex *l. quid ta-*
men 10. §. si massæ 5. D. quib. mod. usus fr. amitt.

T

his

his verbis: *Cassius apud Urseium scribit. Quæ*
haud dubiè intelligenda esse de C. Cassio, in-
dicat l. 1. §. quod si patronus 10. D. quarum re-
rum actio non det. in qua ita scriptum est: Et
Cassius existimasse Urseium refert. Urseii quo-
que mentio fit in lege si servus 27. §. 1. D. ad
leg. Aquil. ex qua Proculeianum eum fuisse au-
gurarer, & in l. supra iter 11. §. apud Ferocem
2. D. de aqua pluvia arc.

PAPIRIUS FRONTO.

FRontonis cognomen à fronte impositum
 esse scribit Cicero *lib. 1. de natura Deorum*
cap. 29. Multi autem Frontones fuere. Fuit
 Octavius Fronto, quem prætura functum scribit
 Tacitus *lib. 11. annal. cap. 33.* fuit & alius Fron-
 to, quem Martialis *lib. 1. epigram. 55.* vocat
Clarum militiæ togæque decus.

Frontonis etiam insignis cujusdam Oratoris
 meminit Eusebius in *Chron.* qui M. Antoninum
 Verum Latinis literis erudit, quem eum esse
 puto, de quo loquitur Julius Capitolinus in *M.*
Antonino Philosopho. cap. 2. quem multo in
 honore Antoninum habuisse, & à Senatu sta-
 tuam ei petiisse scribit. Cæterum hunc Papi-
 rium Frontonem, nepotem esse Oratoris illius
 existimo, qui M. Aufidii Frontonis pater fuit,
 quem Consulem cum P. Cornelio Anulino,
 im-

imperante Septimio Severo commemorat Cas-
 siodorus *in Chronicis*. nihil enim est, quod
 huic sententiæ repugnet. Quin & inscriptio ab
 Onuphrio *in Fastis ad A.V.C. 952.* relata. Fron-
 tonem illum simpliciter nominat, nullo adjecto
 prænomine, vel agnomine. Ita & in ea quæ est
 apud Gruterum *in inscript. p. 369.*

M. AUFIDIO. FRONTONI.

PRONEPOTI.

M. CORNELI. FRONTONIS.

ORATORIS. COS.

MAGISTRI. IMPERATORUM.

LUCI. ET. ANTONINI.

NEPOTI. AUFIDI. VICTORINI.

PRÆFECTI. URBIS. II. COS.

FRONTO. COS.

FILIO. DULCISSIMO.

Jurisconsultus autem noster ad illius Frontonis
 tempora referri potest. Neque enim quod le-
 gitur in *l. fin. D. de acquir. hered. Aristo in de-
 cretis Frontinianis ita refert*, intelligi debet, ut
 Aristonem decreta Frontiniana compilasse di-
 camus: licet Labittus ejus sententiæ assertor
 fuerit. Aristonem enim Frontone recentiore
 fuisse sequeretur: quod tamen incongruum,
 cum eum sub Trajano vixisse certum sit: sed
 hæc verba sic explicabimus, ut Frontonem *libros
 decretorum* composuisse censeamus, & in iis *ex
 Aristonis libris & opinionibus* nonnulla retu-
 lisse;

lisse ; atque eo modo Aristonem in decretis Frontinianis ita referre , rectè dicemus. Cæterum Sidonius Apollinaris *lib. 4. epist. xxi.* Frontonis cujusdam meminit , qui tamen alius est ab hoc nostro Jurisconsulto. Meminit etiam Gellius M. Frontonis , qui sermonem cum Phavorino Philosopho Academico , de generibus colorum habuit. quæ agitatio latissimè describitur *lib. 2. cap. xxvi.* Fuit & Licinius Fronto , cui per fideicommissum Philinus hereditatem dedit , si filius sine liberis vita decederet *l. 1. C. de pact.* quæ est Severi & Antonini : ad quem rescribunt iidem Imperatores in *l. eum qui 13. C. si cert. pet.* sed alius etiam est ab hoc nostro Jurisc. Forte & is , cui rescribit Ulpianus in *l. 45. D. de solut.* Unde in *l. 52. D. de manumis. testam.* hæc verba : *Impp. Severus & Antoninus Misenio Frontoni* corrupte leguntur. reponendumque *Licinio Frontoni* quondam putavi. Sed malo nunc ex Suida in verbo φρόντων legere *Emiseno* , qui sic scribit : φρόντων Εμισην & ῥήτωρ. γεγωνὼς ἐπὶ Σεβήρῳ τῷ βασιλέως ἐν Ρώμῃ. *Fronto Emisenus orator sub Severo Imperatore Romæ fuit.* Facile enim pro *Emiseno* , *Misenio* librariorum , vel typographorum ignorantia exarari potuit. Scripsit autem Fronto noster

DECRETA.

ut supra diximus.

RESPONSORUM. LIB. III.

Ter-

Tertius citatur in *l. liberorum* 22. §. 1. *D. de verb. significat.* ad quos referri debent, quæ in fine *l. navis*. 4. *D. ad leg. Rhod. de jactu.* posita sunt à Callistrato. Eleganter etiam illum dixisse Martianus refert in *l. 40. D. de pecul. peculium esse simile homini quod nascitur crescit, decrescit moritur.* Citatur quoque ab eodem in *l. filiusfamilias* 114. §. *quid ergo* 7. *D. de legat. 1.*

M E L A.

FAvium Melam eum appellat Ulpianus in *l. 1. §. unde Favius* 12. *D. de cloacis.* eumque solus Modestinus reprehendit in *l. Mela* 14. *D. de aliment. vel cibar. legat.* Ejus tamen sententiam sequuti sunt Paulus, & Ulpianus sæpissimè in suis ad edictum libris, ut videre est ex *l. 2. §. sed utrum* 6. *D. de judic. l. si servus* 27. §. *si quis servum* 34. *l. per hoc* 4. §. 1. *D. commun. divid. l. summa* 21. *D. de pec. & aliis,* quæ Pandectas pervolventi cuique occurrere possunt. Quocirca satis esse argumenti videtur Melam conscripsisse,

AD. EDICTUM. LIB.

Numerum non affirmo: ejus tamen *liber decimus* citatur in *l. si soluturus* 39. *D. de solution.* ab Africano *lib. 8. quæst.* Qua ex re conjicere possumus, Africanum post Melam vixisse.

MECIUS.

MEcii Jurisconsulti mentio fit à Paulo in *l. fin. D. de jure fisci*, quæ documento esse potest, illum fuisse cum Papiniano, Julio Paulo, Claudioque Triphonio Jurisperitis, ejuldem Imperatoris assessorem, unaque cum illis sententiam dixisse suam, cum ipse Imperator cognoscens decerneret. eumque Consulem fuisse cum Turpilio Dextro existimo, ut ex veteri epigrammate apparet, quod est Tibure, quodque profert Onuphr. *lib. 2. Fast. ad A.V.C. 778.* & Gruterus *inscript. pag. 49.* ubi *M. Mæcius Rufus* appellatur. Alium tamen ab eo Mecio, cujus meminit Horatius *de arte poëtica vers. 387.* quem Ægypto præficere Domitianum in animo habuisse scribit Suetonius *in Domitiani vita cap. 4.* & qui tam formosus sibi videbatur, ut inde ortum sit illud Domitiani dictum: *Vellem tam formosus esse quam Mecius sibi videtur*, ad quem Statius Papinius *lib. III. Sylvarum 2.* carmen scripsit, eumque *Mecium Celerem* vocat. Fuit etiam alius Mecius, qui sub Hadriano curator alvei, & riparum Tiberis, & cloacarum urbis fuit, ut ex veteri inscriptione Neapolitana, quæ est apud Onuphrium, item Gruterum *pag. 433.* constat *M. Mæcio Præf. Annonæ urbis sacrae cum jure gladii. &c.* Mecii Probi meminit

minit Ulpianus *lib. x. de offic. Procons. in l. 7. §. 10. D. de interd. & releg. ex qua eum Præsidem Provinciæ Hispaniæ fuisse, & Ulpiani coætaneum apparet.*

CAMPANUS.

COcceius Campanus Jurisconsultus iste nominatur, ex Cocceiorum familia Romæ factis cognita ortus: temporibus Severi & Antonini vixit; ad quem illi rescriptum mandavere, quod extat apud Martianum *lib. 4. instit. in l. si quis 29. D. ad Senatusc. Treb. & apud Justinianum in institut. §. 3. tit. quib. mod. testam. infirm.*

ARISTO.

Temporibus Trajani Imperatoris vixit Aristos, & maximè floruit; cujus etiam consilio Trajanum usum esse colligimus ex *l. fin. D. si quis à parente fuer. manumis. in deneganda bonorum possessione patri, quod malè contra pietatem filium affecisset. Magna inter eum & Plinium juniorem intercessit amicitia, & familiaritatis necessitudo, ut ex Plinii libro 8. epist. 14. dijudicari potest, à quo, si doctrinæ, virtutis, & morum Aristonis cognitionem adipisci nonnullam optamus, eam omnino hauriendam*

T 4

puto:

puto: Nihil est, inquit, idem de Aristone loquens Plinius lib. 1. epist. 22. illo gravius, sanctius, doctius. ut mihi non unus homo, sed inter ipsas, omnesque bonas artes, in uno homine summum periculum adire videantur. Quam peritus ille privati juris & publici! quarum rerum, quantum exemplorum, quantum antiquitatis tenet! Nihil est quod discere velis, quod ille docere non possit. Mihi certè quoties aliquid abditum quæro, ille thesaurus est. Iam quanta sermonibus ejus fides! quanta auctoritas! quam pressa & decora cunctatio! Quid est quod non statim sciat, & tamen plerumque hæsitat. dubita diversitate rationum: quas acri, magnoque judicio ab origine, causisque primis repetit, discernit, expendit. Ad hoc quam parcus in victu! quam modicus in cultu! Soleo ipsum cubiculum illius, ipsumque lectum ut imaginem quandam prisce frugalitatis aspicere. Ornat hæc magnitudo animi, quæ nihil ad ostentationem, omnino ad conscientiam refert; recteque facti, non ex populi sermone mercedem, sed ex facto petit. in summa non facile quis quemquam ex istis quæ sapientiæ studium habitu corporis præ se ferunt, huic viro compararit. Non quidem Gymnasio sectatur, aut porticus, nec disputationibus longis, aliorum otium suumque delectat: sed in toga negotiisque versatur, multos ad vocatione, plures consilio juvat. Nemini tamen istorum castitate,

pie-

pietate, justitia, fortitudine etiam primo loco
cesserit. Hæc Plinius. Cæterum longæ & per-
tinacis valetudinis Titus Aristo fuit, ea tamen
patientia valetudinem toleravit, ut dolori resi-
steret, ut sitim differret, & incredibilem fe-
brium ardorem immotus, opertusque transmit-
teret, eodem Plinio auctore. Cum ipsa tamen
infirmirate & gravi valetudine ad senectutem
pervenit. quod colligitur ex Pomponio *lib. 2.*
var. lect. in l. arbiter 40. D. de recept. arb. qui
refert Aristonem scribere, se audiisse Cassium
dicentem, in eo arbitro qui non venisset, non
esse commissam pœnam. quæ quidem de C.
Cassio Longino intelligenda sunt, quem sub
Tiberio cum M. Vinucio Quartino Consulem
fuisse, supra diximus. Sexaginta verò anni
numerantur inter Tiberii, & Trajani principa-
tus. Cassium autem non tantum audivit, sed
ad ejus libros adnotasse etiam quædam videtur
ex *l. usufr. legato 7. §. 3. & ex l. 17. D. de usufr.*
& apud Sabinum in *l. idem Neratius 3. §. non*
solum 2. D. de usufr. accresc. Neratii etiam fa-
miliaris fuit Aristo: unde ejus meminit Nera-
tius in *l. ab emptione 58. D. de pact.* quod &
epistolæ invicem missæ testantur. Nam ad Ari-
stonem Neratii epistolæ mentio fit in *l. sed ad-*
des. 19. §. 2. D. locat. & Aristonis ad Neratium
in *l. Aristo 46. D. de manum. testam.* ubi corru-
pte Apiano pro Prisco legitur. Eadem etiam

ætate vixit qua Celsus Jurisconsultus, & ab eo consultus fuit, ut testatur Ulpianus *lib. 4. ad edict.* in *l. juris gentium 7. §. 2. D. de pact.* qui responsum ejus magnopere laudat. Julianum item extrema sua ætate familiarem habuit: à quo per epistolam consultum fuisse supra diximus in *Juliano in l. 6. D. de legat. præst. contra tab.* cujus quidem hæc verba: *Salvius Aristo Juliano sal.* depravata esse manifestum est. Quis enim nescit *Salvium*, Julianum dici, non *Aristonem*, qui *Titus* vocabatur. Legendum itaque est: *Aristoni Salvius Julianus salutem.* *Aristonem* enim Julianum consuluisse verisimile non est, cum ex his quæ superius de doctrina ejus singulari ex Plinio attulimus; tum maximè quod *Aristo* provectæ jam senectutis esset, cum *Julianus* juris scientiam attigerit. Hoc denique ex ipsius legis sententia colligi omnino potest. Unde & in *l. 9. D. de jure codic.* Julianum ad scripta *Aristonis* quædam notasse legimus. Non enim (ut vulgo exaratum est) scribi debet *Ulpianus notat.* Nam *Ulpianum in Aristonem notas* edidisse nusquam reperimus: & licet edidisset, nihilo tamen magis hic, *Ulpianus* legendum est: cum hæc lex sit *Marcelli lib. 9. Digestorum*, qui sub Antonino Pio floruit, atque ita, nec *Ulpiani notas*, nec librum aliquem citare potuit. Nam fere seculo integro junior *Ulpianus* *Marcello* fuit: juvat & nostram lectionem, quod

quod Marcellus Juliani scriptis maximè usus
 sit; ideòque Julianum, *suum*, appellat in *l. 86.*
D. de condit. & dem. Cæterùm Aristo multa
 de jure scripsit: quorum quæ reperimus vesti-
 gia, reliquiasque dabimus: & primum

DE. FURTIS. LIB.

Gellius enim *lib. xi cap. 18.* dixit legisse se li-
 brum quendam Aristonis Jurisconsulti, in quo
 ille dicit; *apud veteres Aegyptios (quod genus*
hominum constat, & in artibus reperiendis soler-
tes extitisse, & in cognitione rerum indaganda
sagaces) furti omnia esse licita, & impunita.
 quare moveor ad credendum, hunc librum
 Aristonis *de furtis* fuisse, & eo maximè quod,
 cum Aristonem multa volumina edidisse sciret
 Gellius tamen quia de furtis quæstio erat, satis
 indicasse librum de furtis putavit, si tantum,
 librum Aristonis Jurisconsulti dixerit. Deinde

RESPONSORUM. LIB.

quod apparet ex *l. jurisgentium 7. §. si d & si 2.*
D. de pact. l. sicuti 8 §. Aristo 5. D. si servit.
vind. l. 3. quæ res pign. oblig. non possint. l.
Aristo 40. D. de ritu nupt. l. patrimonii 22. D. de
usufr. legato l. 3 §. item Pomponius 2. D. ad Sc.
Trebell. l. si cum 16. §. 3. D. qui & à quibus manum.

AD. C. CASSIUM.

ut supra diximus.

AD. SABINUM.

ut colligi potest ex *l. 3. D. de penu legata, & ex*
l. 3.

l. 3. §. non solum 2. D. de usufr. ad cresc. Citatur denique Aristo ab Ulpiano in *l. per servum 14. §. 1. D. de usu & habit. in l. certi conditio 9. §. si nummos 8. D. de reb. cred. & à Pomponio in l. pen. D. de rer divis.*

SERVILIUS.

Hujus Servilii nomen depromit Labittus ex *l. eum patronum. 10. D. de jure patron.* cui ego assentior; licet in vulgaribus codicibus *Servius* legatur. Quenim fieri potuit, ut Servius, quem longo tempore ante Proculum fuisse Pomponius refert *l. 2. D. de orig. jur.* & ut ex his quæ in *Servio* diximus, satis apparet, Proculi mentionem faciat, ex quibus etiam constat, hunc Servilium alium esse ab illo *P. Servilio* augure, cujus auctoritatem sequutus est Attejus Capito: & cujus mentio fit apud Festum in verbo *Stellam*. Credo autem Servilium nostrum hunc esse cujus meminit Tacitus *lib. xiv. annal. cap. 19.* qui summis honoribus, multaque eloquentia viguit; diuque foro, mox tradendis rebus Romanis celebris fuit. Eum sub Nerone obiisse certissimum est.

AR-

ARRIANUS.

Alexander Gabardus Tursesanus in quadam
epistola, ab eo ad Thomam Plonatiatiam
Patritium Constantinopolitanum Jurisconsultum
scripta, putat hunc Arrianum fuisse Nico-
mediensem Arrianum, qui res ab Alexandro ma-
gno gestas octo libris Græco sermone est profe-
quutus. Ego quidem aliquando eos diversos
putavi, & historicum potius existimabam eum,
quem historiam Græcam scripsisse testatur Ca-
pitolinus in *Maximino jun. cap. 7.* & Gordia-
nis, *cap. 2.* eaque ratione movebar, quod sub
Alexandro Severo vixisset, atque ita ut assen-
tationis artificio gratiam principis aucuparetur,
historiam Alexandri Magni scripsisse opinabar;
præcipuè quod Severus Alexandri nomen ha-
beret: quod idem dies natalis Severo esset, qui
Magni fuerit *Alexandri* interitus: quod eum
magnopere coleret, & inter divos in larario
majore consecrasset; auctore Lampridio in
Severi Alexandri vita; cap. 31. Verùm ab hac
me dimovit sententia, quod Nicomediensem
Arrianum cognomento *novum*, ceu *junio-rem*
Xenophontem, non sub Severo Alexandro, sed
sub Hadriano & M. Antonino Imperatoribus
vixisse, apud Suidam in Ἀρριανὸς postea lege-
rim; à quibus multis honoribus, literarum ergo
au-

auctus, atque honestatus fuit, auctore Raphaelle Volaterrano *lib. xiiii. comment. urban.* Consularem enim dignitatem adeptum fuisse eum testis est Heliconius apud Suidam, & Antonini Pii præceptorem eum facit Genebrardus *lib. 3. chronol.* Romæ eum fuisse sub Hadriano Marco & Antonino Suidas tradit. Hunc Arrianum Severi cognomen habuisse puto, eumque esse quem præfectum ærarii fuisse scribit Valens in *l. 42. D. de jure fisci*, & Flavii prænomen habuisse, ad quem Hadrianus rescripsit auctore Calistrato in *l. 2. §. 1. D. eodem. tit.* Scripsit autem

EPICETI. PHILOSOPHI. VITAM.

DE. INTERDICTIS. LIB.

quorum *secundus* citatur in *l. pro herede 11. D. de petit. heredit.*

Rescriptorum mentionem facerem, nisi *Arriani* vocabulum in *l. nec novum 5. D. de cond. et. indeb.* unde illorum memoria eruenda esset, mendose positum cum his existimarem, qui pro Arriano *Arrium* legendum jam pridem admonuerunt.

Gellius etiam *librorum Arriani de dissertationibus Epicteti* meminit *lib. xvii. Noct. Attic. cap. xix.* unde à Suida φιλόσοφος Ἐπικτήτης appellatur.

Arrianum autem nostrum Paulus in *l. Arrianus 47. D. de obligat. & action.* hujus sententiæ au-

autorem facit *multum interesse an aliquis obligetur, an vero aliquis liberetur, ubi de obligando queritur propensiores esse debere nos, si habeamus occasionem ad negandum: ubi de liberando ex diverso, ut faciliores simus ad liberationem. Et ex eo intelligi potest quàm miti & sedato ingenio vir ille fuerit. Arriani quoque mentio fit in l. si filium 5. D. de grad. & affinib. in l. ex facto 19. D. de hered. instit. in l. 1. §. quia autem. 4. D. quorum legatorum. cum aliqua suæ commemoratione laudis.*

VARIUS LUCULLUS.

ARisto apud Pomponium in *l. liber homo* 19. D. de acquir. rerum domin. hunc Varium ab oblivione vindicavit, quem refert aliquando dubitasse: *si liber homo qui bona fide serviens hereditatem adierit, an acquiratur mihi per eum.* Scrupulum illi injiciebat quod aliquatenus opera ejus esset in hereditate, quia per ipsum adiretur. Sed tamen verum esse scribit, & non acquiri existimasse. Ex Lucullorum nobili apud Romanos, & antiqua gente originem duxisse, nec multo juniorem Labeone cum fuisse puto.

VITELLIUS.

Vitellii nomen extare apud Ulpianum in *l. si me in vacuum 34. §. ult. D. de acquir. poss.* Labittus putat, tametsi alii ibi *Celsum* legunt. Magni nominis auctor fuit, & tantæ in jure auctoritatis, ut Sabinus ad ejus libros quædam scripserit, ut Pandectarum volumina pervolventi cuique occurret. Sabinus enim in *libris ad Vitellium*, plerumque ab alijs Jureconsultis citatur in *l. 45. D. de legat. 3. l. 8. D. de inst. vel instrum. leg. l. 12. §. 27. D. eodem*, & alibi passim. In dict. tamen §. mendum esse puto, cum in versu *quanto igitur*, sic exaratum est: *quanto igitur hoc legatum uberius sit videndum est, & Sabinus definit, & Cassius apud Vitellium notat reponendumque & Cassius definit, & Sabinus apud Vitellium notat.* Cassius enim nullas *apud Vitellium notas* fecit. Hæc autem verba Sabinus in *libris ad Vitellium*, antiquitatem auctoris satis designant. Cœlio enim Sabinus, consulatum ex destinatione Neronis mansisse in cal. Julias, neque ejus honori Vitellium victorem quidem intercessisse Tacitus refert *lib. 1. hist. cap. 77.* & sub Vespasiano plurimum potuisse Sabinum scribit Pomponius in *l. 2. D. orig. jur. §. ult. vers. Cassio Cælius* Quapropter nostrum Vitellium hunc esse existimo, qui

qui procurator Augusti fuit, auctore Suetonio
in Vitellio. cap. 2.

DRUSUS.

Exstat Drusi Jurisconsulti nomen apud Cel-
sum in *l. si venditor* 38 §. 1. *D. de act. em-
pti*, ejus sententiam non minus probantem
quàm Sexti Ælij.

FUFIDIUS.

Memoriam hujus Fufidii se eruisse Cuja-
cius gloriatur in libris Observationum,
dubitatque an sit Fufidius ille, quem M. Tul-
lius in *Bruto: cap. 29.* in aliquo patronorum
numero fuisse scribit, ad quem M. Scaurus tres
libros *de vita sua* scripsit, ut testatur Plinius
lib. 33. cap. 1. Ejus auctoritate Paulus utitur
in *l. Fufidius* 29. *D. de bon. auctor. jud. possid.* &
Africanus in *l. 5. D. de auro & arg. legato.* Ar-
pinas fuit, & Arpini fundum amœnissimum
habuit, qui Fufidianus dictus est, quem de eo
Cicero Hs. cccc. emit, ut ipse testatur *epist. 1. ad
Quintum fratrum lib. 111.*

C O E L I U S.

Multos Cœlios fuisse constat, qui juri dedere operam. Fuit *Cœlius Sabinus*, fuit *Cœlius Antipater*, & *M. Cœlius Rufus* orator, quem ab Atratino accusatum elegantissima oratione, quæ adhuc extat, Cicero defendit, & cujus ad iram proclivitatis, memorandum exemplum tradit Seneca *lib. 3. de ira. cap. 8.* *Cænabat cum eo in cubiculo lectæ patientiæ cliens: sed difficile erat, illi in copulam conjecto, rixam ejus cum quo hærebat effugere. optimum judicavit (cliens) quicquid dixisset sequi, & secundas agere: non tulit Cœlius assentientem, sed exclamavit: dic aliquid contra, ut duo simus.* Quis verò noster Cœlius ex his fuerit, dubitari potest. Antonius Augustinus in indice existimat, *Cœlium* hunc *Sabinum* esse: eò fortasse motus, quod Gellius *lib. 4. cap. 2. Noct. Attic.* citet *librum Cœlii Sabini de edicto Ædilium Curulium*: cui tamen, ut libere fatear, nullo modo assentior; Cœlius enim Sabinus sub Imperatore Vespasiano vixit, ejusque temporibus plurimum potuit auctore Pomponio in *l. 2. §. ult. in fin. vers. Cassio Cœlius. D. de orig. jur.* quod primus ejus consulatus dies, initium faustum Vespasiani principatui dederit, quare alius à Sabino illo, quem Hadriani temporibus vixit-

vixisse refert Suidas: qui tamen, ni fallor, is est quem *Sennium Sabinum* vocat Ulpianus in *l. 1. §. 1. D. de quæstion.* cuique Hadrianum & Antoninum rescripsisse testatur. Coelium dictis quibusdam pupugisse Vitellium Imperatorem scribit Plinius *lib. xxxv. cap. xii.* licet ei consulatum ex destinatione Neronis mansisse in cal. Julias, neque ejus honori Vitellium quidem victorem intercessisse supra ex Tacito retulerimus. Coelii autem hujus sententiam probat Labeo in *l. 17. §. 15 D. de ædil. edict.* qui Trebatii discipulus fuit. Fieri itaque non potest ut Coelium Sabinum Labeo auctorem habeat, cum à morte Labeonis ad Coelium Sabinum usque, ferè centum anni effluxerint. Præterea cum Sabinum Jurisconsulti citant, *Sabini* nomen *Cælio* semper jungunt, ut apparet ex Caio *lib. 1. ad edictum Ædil. Curul. in l. xx. D. eod.* & ex Papiniano in *l. 72. §. falsam 7. D. de condit. & demonstrat.* quod in hoc Coelio non faciunt, sed solo nomine Coelii designant: quam obrem existimavi aliquando Jurisconsultum nostrum *Coelium Antipatrum* esse: hisque rationibus movebar. Primum quidem, quod plerique auctores cum de Coelio Antipatro loquuntur, eodem modo quo Ulpianus, eum solo nomine Coelii appellant, ut clare patet ex Nonio Marcello in verbo *finem*, in verbo *Paucies* aliisque locis: quod & confirmat Hadrianus

Junius medicus in *elencho auctorum Nonii*, cum ait, *Caelium* solummodo scribendum esse, non *Caelium Antipatrum*, cum illud Romani sit juris: hoc vero exotici. Locus deinde Ulpiani huic nostræ sententiæ mirum in modum congruit. *Coelius* enim ibi à *Labeone* citatur: *Coelum* autem *Antipatrum* *Labeone* antiquiorem esse verissimum est, & perinde non incongruum, si *Antipatrum* opinionis suæ assertorem habuerit. *Coelius* itaque *Antipater* scriptor fuit luculentus, juris valdè peritus, multorum etiam ut *L. Crassi* magister, auctore *Cicerone* in *Bruto* cap. 26. LIBROS ANNALIUM, qui sæpissimè in testimonium adducuntur apud *Nonium* composuit, quos quidem eos esse puto, quos *de bello Punico ad Lælium* scripsisse apud *Ciceronem* legimus. Historiam autem eo stylo tractavit, ut eam erexerit, quæ jacebat humilis, addideritque illi majorem sonum vocis: perfectam tamen omnibusque numeris absolutam eam non reddiderit: neque enim rem polivit, ut ædificia bonus architectus, sed tamen dolavit, ut trabes rudis extructor: vitium non hominis, sed temporis fuit. Nemo enim Romanus studebat eloquentiæ, nisi ut in causis, & in foro eluceret. Verùm licet *Antipater*, homo neque planè doctus, neque maximè aptus ad dicendum fuerit auctore *Cicerone*; eum tamen plus eloquentiæ, quam scientiæ juris ope-

operam dedisse testatur Pomponius *d. l. 2. §. 40. D. de orig. juris*. Verum ut hunc Antipatrum à nostro Cœlio diversum faciam, cogit me locus Ulpiani in *l. ædiles 38. §. sed enim 7. D. de edil. edicto*: Idem, inquit, de Cœlio loquens, refert Ofilium existimasse. quibus verbis manifestò apparet, nostrum Cœlium Ofilio cœtaneum, quod Antipatro convenire non potest, qui Ofilio antiquior fuit. Quamobrem non errabimus, si hunc M. Cœlium crediderimus: quod & confirmant tempora, quibus ille vixit Cicerone jam ætatis provectæ, atque ita Ofilio æqualis. Præterea eum Ædilem Curulem factum esse scribit Cicero in *Bruto*, atque ita verisimile est, eum de his quæ ad ædilitium edictum pertinebant, accuratè scripsisse. Ejus etiam scripta in *Pandectis* non referuntur, nisi in titulo de *ædilit. edicto*. M. itaque Cœlius præter ædilitatem, tribunatum plebis adeptus est, in quo nemo contra civium perditorum popularem turbulentamque dementiam, à Senatu & à bonorum causa stetit constantius, teste eodem Cicerone in *Bruto*. Postea tamen à sese discessit, & quos tentaverat evertere, imitatus est. Equitis Romani filius fuit, ex Puteolano municipio, quem Puteolani absentem in amplissimum ordinem cooptarunt. Specie & forma in adolescentia fuit adeo liberali, ut libidinis infamiam non effugerit, quam tamen diluere

tentat Cicero *in oratione* quam pro eo scripſiſſe ſupra diximus.

ATTEIUS CAPITO.

C*Apitonum* cognomina à *capite* dicta Cicero auctor eſt *lib. 1. de Natura Deorum, cap. 29.* Primus *Atteiorum* quod magno capite eſſet, *Capitonis* nomen ipſi tributum, ad poſteros tranſmiſit, peculiari Romanorum more apud quos cognomina ab eventu uni ex quadam familia tradita, ad poſteros ejus familiæ propagabantur. Sic *Silones*, ſic *Scævolas*, ſic *La-beones*, *Syllas*, alioſque immuneros dictos fuiſſe apud auctores legimus. Quem quidem morem veteres Galli non retinuerunt: non enim poſteros *Hugonis Capeti Capetos* dictos reperi-mus, licet eadem ratione à Gallis *Capetus*, qua *Atteius* à Romanis *Capito* nuncupatus ſit. Sic *Caroli Martelli* ſucceſſores *Martelli* cogomen non uſurpavere. quod quidem magnæ auctoritatis ſcriptores im-poſitum ei fuiſſe putant, quia ſicuti malleus qui *martel* Gallice dicitur ferrum conſcindit & mollit: ita ipſe multas gentes devicit, earumque vires confregit. Ego verò ſic nuncupatum exiſtimo, quod caput ad ſimilitudinem mallei, quem ut diximus, Galli *martel* vocant, habuerit. Sic *Tuditano* cognomen inditum, quod caput ad mallei formam ha-

haberet. *Tudites* enim mallei sunt, auctore Fe-
to, à *tundendo* dicti. Cæterum Capitonem no-
trum, filium fuisse existimo L. Atteii Capito-
nis, qui Senatusconsulto sub scripsit, quod à Ci-
cero refertur *lib. viii. ad famil. epist. 8.* ubi tamen
vulgo corrupte legi *L. Atteius L. F. Ancapito*
certissimum est. Bernardus quidem Rutilius
reponit *L. Atteius L. F. Atteii N. Capito*: vitio-
se tamen; erat enim & Atteii filius; nec olim
cives Romani demonstrari solebant à cogno-
mine avi vel patris. sed tantum à prænومine.
Manutius autem sic legendum putat *L. Atteius,*
L. F. Aniensis Capito. ut hæc dictio *Aniensis*
nomen sit tribus Capitonis. Crederem etiam
legi hoc modo posse *L. Atteius, L. F. A. N.*
Capito, ut his duabus literis puncto distinctis,
significetur *Auli nepos*. Quicquid sit, hic L.
Atteius Capito, C. Capitonis Jurisconsulti pa-
ter fuit, vir prætorius, & in republica magnæ
satis auctoritatis. Tribunatum plebis exer-
cuit auctore Plutarcho in *C. Cæsare*, Cæsarique
familiaritate maximè junctus, apud Cicero-
nem *lib. xiii. ad famil. epistol. 29.* quam scribit
L. Planco. Avus autem nostri Capitonis Cen-
turio Syllanus fuit, auctore Tacito *lib. iii.*
Annal. cap. 75. Noster verò Capito studiis
civilibus principem in civitate locum adsequu-
tus est: hæc enim ætas duo pacis decora & orna-
menta tulit, Capitonem & Labeonem: sed

Labeonem incorrupta libertate, & ob id fama celebratiorem: Capitonis autem obsequium dominantibus magis probatum, erat enim voluntatis & potestatis principum, cum hypochrisi assentator. cuius rei extante satis ampla apud scriptores testimonia: ex quibus pauca afferemus. Scriptum est apud auctorem *de illustribus Grammaticis cap. 22.* quum M. Pomponius grammaticus ex oratione Tiberium reprehendisset, affirmasse Atteium Capitonem illud esse Latinum: & si non esset, futurum. unde rectè responsum est à Pomponio: *Mentitur*, inquit, *Capito, tu enim Cæsar civitatem dare potes hominibus, verbis non potes*, sic enim legendum esse puto, non ut vulgo legitur *verba non potes*. Scribit etiam Tacitus *d. lib. 3. annal. cap. 70.* L. Ennium Equitem Romanum majestatis postulatam, quod effigiem Principis promiscuum ad usum argenti vertisset. Recipi Tiberius Cæsar inter reos se vetare simulabat, palam aspernante Atteio Capitone, quasi per libertatem. Non enim debere eripi patribus vim statuendi, neque tantum maleficium impune habendum: sanè lentus in suo dolore esset, reipublicæ injurias ne largiretur. Intellexit hæc Tiberius ut erant, magis quàm ut dicebantur, perstititque intercedere. Qua quidem in re Capito multum famæ & existimationis amisit. *Capito*, inquit Tacitus *d. cap. 70.*
in-

*insignior infamia fuit, quod humani divinique
juris sciens egregium publicum, velut malle,
hac re jus publicum & bonas domi artes dehone-
stavisset.* His itaque adulationibus, quibus
tempora illa admodum sordida & infecta fuere,
consulatum ei Augustus acceleravit, ut Labeo-
nem Antistium iisdem artibus præcellentem di-
gnatione ejus magistratus anteiret, eodem Ta-
cito auctore *d. cap. 75.* Collega autem in con-
sulatu additur ei C. Vibius C. F. Postumus ab
Onuphrio *lib. 2. Fast.* ex quadam antiqua in-
scriptione, cujus exemplum hic apposui.

IMP. CÆSARE. D. F. AUGUSTO. P.

PONT. MAX. TRIB. POTEST. XXIX.

COS XIII. PP. IMP. XV.

... SPETUS. MAG. DD.

... OMNIA. SCRIPTA. SUNT. QUÆ. IN. HOC.

... C. ATTEIO. CAPITONE. C. VIBIO. C. F.

Coss.

POSTUMO.

Atque eos Consules sub eum annum subgerit,
quo M. Lepidus L. filius, L. Aruntius Consules
facti sunt, quasi hoc ipso anno suffectos, ut non
mirum sit, si à Cassiodoro, cæterisque qui Fa-
stos consulares ad illa usque tempora continua-
runt, produxeruntque, de Capitone Atteio,
Caioque Vibio mentio nulla facta sit; quod
illi rationem tantum habuerint eorum Consu-
lum, qui initio anni magistratum inierunt. Et

quidem suffectum fuisse Capitonem satis indicat Tacitus, quum ei acceleratum ab Augusto consulatum scribit: id etiam diserte significatur ex Pomponio *l. 2. D. de origine jur.* In consulatu autem suo fertur decrevisse: *invitam libertam patronum uxorem ducere non posse*, auctore Ulpiano *lib. 111. ad leg. Jul. & Papiam in l. quod & Atteius 29. D. de ritu nupt.* Quod tamen ita observandum est, nisi patronus ideo eam manumisit, ut uxorem eam ducat. Addendum ex Juliano, ni etiam filiusfamilias ancillam jussu patris manumiserit matrimonii causa, ut refertur à Rufino *l. 51. D. eod.* Hocque ex sententia ejus Senatusconsulti quod factum est Capitone Consule, de quo interpretanda est *l. 21. D. qui & à quib. manumiss.* Capitonem autem Jurisconsultum Consulem fuisse cum Germanico, anno ab Urbe condita 764. apud Cuspinianum scriptum legimus. Sed hallucinatur, vir alioqui antiquitatis Romanæ eruditissimus, collega enim ille Germanici Cæsaris *C. Fonteius* Capito nuncupatur: noster verò *C. Atteius*. Qui quidem non ejusdem nominis nec ejusdem familiæ fuere. Cæterum Atteium libertum habuit Philologum, quem inter Grammaticos Rhetorem, & inter Rhetores Grammaticum appellasse eum, tradit Suetonius Tranquillus de *illustr. Grammat. cap. 10.* Hæc de moribus, & honoribus Capitonis referun-

feruntur : de doctrina autem non minora, principem enim locum in civitate, studia ei civilia dederunt ; in quorum tractatione diversam perpetuo ab Antistio Labeone, ut & in reipublicæ gubernatione sententiam tenuit. Ideoque non malè Pomponius in *l. 2 D. de orig. jur.* eos *primum in jure civili, quasi diversas sectas fecisse* tradit : *Atteius siquidem Capito in his quæ ei tradita fuerunt, perseveravit : Labeo ingenii qualitate, & fiducia doctrinæ fretus, plurima innovare instituit, Atteioque Capitoni Massurius Sabinus successit, Labeoni verò Nerva, qui adhuc eas dissensiones auxerunt.* Quamvis tamen Capito diversum à Labeone semper senserit ; ejus tamen doctrinam imminuere, aut adimere, scriptis suis nunquam tentavit ; quinimò eam semper plenissimo ore, & cum laudis elogio prædicavit. Testis est Gellius *l. xiiii. cap. xii.* qui in quadam epistola Atteii Capitonis scriptum se invenisse fatetur, Labeonem Antistium, legum atque morum pop. Rom. jurisque civilis doctum apprime fuisse. Proponant sibi hujusce ævi scriptores, hoc veteris literarum candoris exemplum ; & quod quisque meruerit, liberè & ingenuè profiteantur. Hanc autem tam insignem juris cognitionem accepit totam ab Ofilio Jurisconsulto, de cujus doctrina quædam supra diximus. Cæterum Capito & honoribus, & scientia florens, tandem sub
Ti-

Tiberio Cæsare senex extremum clausit diem.
Multos tamen libros scriptos reliquit,

COMMENTARIA. AD. XII. TAB.

CONJECTANEORUM. LIB. CCLX.

Affertur quidem à Gellio *lib. xiv. cap. vii. noct. Att.* locus ex *lib. ducentesimo quinquagesimo nono Attii.*

DE. PONTIFICIO. JURE. LIB. X.

meminit idem Gellius *libri quinti in lib. 4. cap. 6.* & Festus in dictione *mundus.* Ex quo illa sunt quæ à Macrobio *lib. vii. Saturn. cap. xiii. de gestatione annuli, deque Deorum formis non insculpendis* referuntur. Scripsit præterea

COLLECTANEORUM. LIB.

Numerum non indico, eorum tamen *nonus* citatur à Gellio *lib. iv. cap. xiv.* qui inscriptus erat, *de publicis judiciis.*

DE. OFFICIO. SENATORIO. LIB. SING.

teste eodem Gellio *lib. iv. cap. x.* Reliquit etiam

DE. JURE. SACRIFICIORUM. LIB. X.

sicuti apud Macrobius legimus *lib. iiii. Saturn. cap. 10.*

Plinius de *Artopta* loquens *lib. xviii. cap. xi.* Capitonem, tanquam locupletem auctorem habet. Ejus sententiam & contrariæ sectæ auctores probarunt, ut Proculus ipse *lib. 2. epist. Parietem communem incrustare licere in l. 13.*

§. I.

§. 1. *D. de servitut. præd. urban.* ubi notandum verba illa : *Cæterum si demolitus sit vicinus, & ex stipulatu actione damni infecti agatur, non pluris quàm vulgaria tectoria æstimari debent, quod observari & in intrustatione oportet, non esse ex Capitonis sententia, sed addita à Proculo : ne quis Capitonis verbis ductus errare hac in re posset.* Is aliquando in jure, *Atteii* nomine tantum vocatur, ut in *l. qui quatuor 30. §. ult. D. de legat. III.*

NERVA.

Cocceiorum familia, Romæ varias habuit stirpes. Fuit *Nervarum*, ex qua stirpe, hi Jurisconsulti, pater & filius orti sunt. Habuit & *Cassianam*, cujus mentio fit à Papiniano in *l. 16. §. 1. D. de his quæ ut indignis aufer.* ubi Cocceius Cassianus vir clarissimus nominatur, qui *Ruffinam* ingenuam amore pleno dilexerat. Sic enim potius quam, *honore pleno*, legendum puto cum iis, qui jam illud notavere. Duo itaque Cocceii Nervæ Jurisc. leguntur, pater & filius : utriusque meminit Pomponius in *l. 2. D. de orig. jur.* Pater Labeonis doctrinam sequutus, dissensiones inter Labeonem & Capitonem cœptas, cum Massurio Sabino Capitonis sequace auxit : is patre Cocceio Nerva natus, propter præstantem juris civilis cognitionem,
Ti-

Tiberio Cæsari familiarissimus fuit, auctore eodem Pomponio: ita ut Cæsarem in Campaniam secedentem, solus ex Senatoribus sequi meruerit, Consulque ab eo factus est, ut testatur Tacitus *lib. 4. Annal. cap. 58.* Istantæ probitatis vir fuit, ut vitam abstinentia cibi finire maluerit quam crudelitatem & sævitiam, qua Tiberius in bonos cives grassabatur, diutius perpeti. Quod tamen ita grave Tiberio, ut eum à proposito avertere omnimodo tentaverit, sed frustra: eod. Tac. teste *lib. v. 1. annal. cap. 26.* quamobrem ut ejus manibus quasi parentaret, accusatores celeberrimos, & notos, necari jussit, & viginti quinque sestertiorum millia in publicum contulit, ut ex iis gratuitum mutuum per triennium obæratæ præstaretur. Paucae reperiuntur ejus in *Pandectis* sententiæ: nam ea quæ de *Nerva* leguntur, ad filium transferenda sunt, ut plurimum. Qui quidem patris partes in jure sequutus, doctrinæ præstantia maximè floruit: ita ut anno ætatis suæ decimo septimo, aut ætate paulo majore feratur publicè de jure responsitasse, auctore Ulpiano in *l. 1. D. de postul.* Temporibus Proculi vixit: quare sæpissimè à Jureconsultis cum Proculo conjungitur, quasi ejusdem ætatis, & scholæ. Ex quo notandum, cum in *l. 3. D. de usufr. earum rerum, &c.* refertur Nervam negasse, usumfructum nominum posse legari, etiam post Senatusc. quo omnium

LIBER SECUNDUS.

319

num rerum ususfructus legari poterat, ejusque sententiam à Cassio & Proculo reprobata, i. e. ab utraque schola: hoc de Nerva patre interpretandum. Filii tamen aliquando sententia confirmatur, ut ab Ulpiano in *l. 3. §. si servus 8. D. de pecul.* aliquando improbatur, ut à Celso filio in *l. si rem 29. D. de evict.* Scripsit autem Nerva filius quædam

DE. USUFRUCTU.

ut apparet ex *l. 13. §. 7. D. de usufr. & quemad.* Scripsit etiam

DE. USUCAPIONIBUS.

Ab eo Nervam Imperatorem originem traxisse certissimum est. *C. Licinii Nervæ* cujusdam mentio fit apud Ciceronem in *Bruto cap. 34.* quem civem improbum, & non indifertum Trib. pleb. scribit: sed nostros ab eo fluxisse negandum est, cum non *Licinios*, sed *Cocceios* dictos constet. Fortasse tamen non aberrabimus, si nostrorum originem ad Nervam illum referamus, quem familiarem Planco fuisse, docet ejus epistola ad Ciceronem, *lib. x. Ciceronis ad familiares. epist. 18.*

SEXTUS POMPEIUS.

Pomponius in *l. 2. D. de orig. jur.* Sexti Pompeii Jurisconsulti meminit: quem à Manilio, Bruto, & P. Mutio, cum Tuberone, Ru-

Rutilio Rufo, & Virginio profectum scribit. Patrem habuit Sextum Pompeium, fratrem Cneium, Pompeii magni patrem: cumque frater inter oratores aliquem numerum obtineret, ipse præstantissimum ingenium contulit ad summam juris civilis, & ad perfectam geometriæ, & rerum Stoicarum scientiam, auctore Tullio in *Bruto cap. 47.* quem idem Tullius eruditum hominem in philosophia appellat *lib. 1. de Orat. cap. 15.* Meminit etiam Sexti Pompeii Jurisconsulti Pomponius in *l. 41. D. de hered. inst.* alius tamen à primo, qui neque Parthenii, neque *Titi*, vel *Tiberii* (utrumvis legas) mentionem facere potuit, serie temporum repugnante. Sciendum tamen, si ad Tiberium hujus legis exemplum referatur, hunc Sextum Pompeium, eum constituendum esse, quem anno ultimo principatus Tiberii, Consulem Fasti faciunt: sin autem *Titus* hac in lege legatur, sicuti legendum *Alciatus* putat *lib. 11. cap. 11. d. punct.* non ad Titi Vespasiani filii tempora, Sextus hic rejiciendus est: sed ad Antonini Pii principatum, qui Titus quoque appellatus est, quamvis in quibusdam codicibus, pro Sexto *Pompeio*, Sextum *Pomponium* exaratum non ignorem, & corruptè. Hoc enim caput desumptum est ex Pomponii *lib. XII. ex variis lectionibus*: atque ita absurdum est existimare, Pomponium de se ipso ita scripsisse: *ut refert Sextus Pomponius.*

TU-

TUSCIANUS.

TUscianum cum Aburnio Valente, Jaboleno Prisco in Sabinianorum scholâ successisse scribit Pomponius *d. l. 2. D. de orig. jur.* Qui autem hic Tuscianus fuerit, non facilis est disquisitionis. Tuscianum quidem eloquentissimum oratorem fuisse tradit Suidas in *Τροχιανός*. Quidam tamen locum Pomponii mendosum arbitrantur; quod licet à me probetur, non assentior tamen iis qui pro *Tusciannus*, legendum *Titus Matianus* putant. Nam *Volusius* Mæcianus, quem de jure differentem M. Antoninus Philosophus audivit, non *Titus* appellatur, sed *Lucius*, apud Capitolinum in *Marci Antonini vita. cap. 3.* Propterea Mætiani ætas ad hunc nostrum Jurisconsultum referri non potest. Non incongruè itaque dixerimus, si apud Pomponium loco supra citato pro *Tusciannus* *Tuscius Fuscianus* reponamus. Hoc enim mendum exemplaribus vetustate exesis, librario- rum inscitia, & nominum similitudine, apud Pomponium facile irrepsit. Conjecturam autem nostram juvat, quod is sub Hadriano vixit, & sub D. Pio legatus Numidiæ fuerit, ad quem D. Pii constitutio refertur, tanquam ad virum peritum juris à Triphonio in *l. 7. D. de legat. præst. cont. tab.*

X

IN-

INDEX RERUM

memorabilium, quæ in hoc opere reperiuntur.

A.

A Burnium Valentem Antoninus Pius in Consilio habuit p. 92
 Accursius notatus 8
 Accursii error de Octaviano 286
 Adfessores Consilarii appellantur. 118
 Africanus, gravis & subtilis in scribendo 98
 Africanus qui apud Lampridium, non alius à Jurisc. in Pand. 98
 Alphenus reprehenditur à Gellio 56
 Alphenus Cremonæ sutrinam primum exercuit 55
 Alexander præter Ulpianum, neminem solum intra Palatium vidit 122
 Alexander Severus XIV curatores urbis fecit 281
 Alexander Imp. Christum in larario suo coluit 124
 Alciatus tuetur Africanum 101
 Alciatus repensus 13
 Ælius Gallus ex equestri ordine 187
 Ælius Gallus primus in Arabiam arma Romana intulit *ibid.*
 Ælii Spartiani locus corruptus 278
 Ælius Tubero Stoicus 193
 Æmilii nomen, Corneliorum gentis fuit 54
 Æmilius Macer sub Alexandri imperio floruit 177
 Æmilius, Papinianus vocatur 14
 Antistius antiquæ libertatis amator 59
 Antistius Labeo, veterum Jurisconsultorum princeps 58
 Antistius Labeo, prætor tantum fuit 61
 Antoninus Imp. lacte Christiano educatus 133
 Antonius Augustinus Cartilium ab oblivione vindicavit 260
 Aphrica sub Proconsule 75
 Aquilius Prætor 223
 Aquilius clarior ex domu quam ex juris scientia. *ibid.*
 Aquilius iudex in causa P. Quintii 221
 Aquilius Gallus, præceptor Servii Sulpitii 219
 Aquilius Gallus auditor Mutii *ibid.*
 Aristonis consilio Trajanus usus est 295

Aristo longæ, & pertinacis valetudinis fuit 297
 Aristo Julianum extrema sua ætate familiarem habuit 298
 Arcadius Carisius magister libellorum 179
 Arrius Menander Consiliarius Alexandri Severi 163
 Arrianus Antonini Pii præceptor 302
 Assessores, Consilarii appellantur 118
 Assessor insignissimus quid 119
 Atteius familiaris Cæsari 311
 Athenienses de Salamina contententes, testem Homeri locum adduxerunt 52
 Ateius Pacuvius, Servii auditor 240
 Atilicinius de jure respondit cum Nerva filio 286
 Aulus Cascellius 253
 Aufidius Namusa inter decem Servii discipulos 239
 Auditores Servii qui *ibid.*
 Augustini iudicium 260
 Aufidius Tuca 239

B

B Alduini sententia, de cautione legi Miscellæ adjecta, explosa 31
 Bernardus Malcius è coriaria ad legum scientiam accessit 56
 Beneficiorum origo 73
 Berytos urbs, in qua celebre legalis scientiæ gymnasium 5
 Berytos legum nutrix *ibid.*
 Bernardinus Rutilius reprehensus 112
 Bernardinus Rutilius reprehensus 92
 Brevia quid 148
 Brissonus reprehensus 82
 Brevia Edicta quid 148
 Bruto tres fundi fuere 204
 Brutus intra Prætutam se continuit 205

C

C Ajus cur *scilicet* à Justiniano appellatus 111
 Cajus Montani seclator *ibid.*
 Cassia gens plebeia, sed honorata 268
 Cau-

I N D E X.

Cautio Mutiana remedium vocatur	30	Cinna consulatu Cæsar Augustus pa-	
Cajus Grammaticis familiaris	108	ter patriæ salutatus	<i>ibid.</i>
Caroli Martelli successores	310	Cinna contra Augustum conjuravit	242
Capitonum cognomina à capite dicta	309	Cinna poëta alius à Jurisconsulto	<i>ibid.</i>
Cassius in Sardiniam deportatur	270	Cinna prætor pater Jurisconsulti	241
Cautio, velut Mutiana	32	Coenataphium quid	166
Callistratus sub Septimio Severo &		Contrariæ scholæ auctores in quibus-	
Antonino filio	159	dam conveniunt	69
Cautiois Mutianæ utilitas	32	Cognomenta ab eventu tradita, ad po-	
Cœcilius, juris antiqui conditor	288	steros propagantur	310
Cœcilius studiosus Homerici lectio-		Consilium exercere quid sit	75
nis	289	Columbæ volatus faustum signum	246
Cajus prænomen Auli Ofilii	236	Cornelio Gallo primum Ægyptus pro-	
Cassius luminibus orbatus	274	vincia commissa	188
Cassii tribunal, reorum scopulus	<i>ibid.</i>	Crassius responsorum morem con-	
Cassius fuit Sabinianæ sectæ	275	demnat	23
Cassius Sabinum excusat	<i>ibid.</i>	Cur Jurisconsulti membranæ responsa	
Cassius Cassianæ scholæ auctor	276	sua apponebant	73
Cassii domus à Quadrato claro oratore		Cur Salvius Julianus in indice primus	
possessa	<i>ibid.</i>	numeretur	3
Cælius ad iram proelivis	306	Cujacii sententia non probata	183
Cælii sententia à Labeone probata	307	Cujacius notatus	31
Cœlius Antipater Jurisperitus	<i>ibid.</i>	Cur nemo Manliæ gentis Marcus	210
Cælius Antipater libros Annalium		Cujacii emendatio reprobata	84
scripsit	308	Cum quid Julianus dicit, & Marcellus	
Capitoni Augustus consulatum accele-		consentit, verissimum	104
ravit	313	Cur Pomponius Servium patritium vo-	
Capitoni studia civilia principatum in		caverit	230
urbe dedere	315	Cujacii sententia damnata	68
Capito Ofilii auditor	<i>ibid.</i>	Cujacius improbat	141
Capito senex sub Tiberio moritur	316	Culpiniani error	269
Cascellius tempora Augusti Cæsaris		Culpiniani error	314
attigit	256		
Cascellius actor causarum probabilis			
	254		
Capitolini locus elucidatus	93		
Cassius sæpissime sub nomine Caii so-			
lo citatur	51		
Cæcili multi docti scriptores	287		
Cartilius Marci Imperatoris proavus			
maternus	260		
C. Cassius à C. Cæsare civitate expul-			
sus	270		
Centumviri	152		
Servidius, non Servidius	105		
Servidius Scævola Juris Coryphæus			
	104		
Celsus filius bis Consul fuit	79		
Celsus Prætor	81		
Christiani non putabant licitum gere-			
re honores	134		
Cinna à Servio processit	241		

D

Decreta regum apud Gallos manu	
procerum obsignabantur	83
De quibus causis Centumviri cogno-	
scebant	152
Detrahi legatum, pro minus esse in le-	
gato	35
Decreta Frontiniana quid	291
Differentia inter ἀσυνόμους & ἀγρο-	
νόμους, desumpta est ex Platone	24
D. Augustus primus instituit, ut ex au-	
thoritate ejus responderent	43
Diminuere legatum non dicitur, sed	
minuere	35
Divi nomen non dabatur Imperatori-	
bus, nisi post mortem	117
Disceptatio inter Servium, & Mutium	
	226

I N D E X.

D. Cyprianus exilio multatus sub Paterno Proconsule Carthagenensi 176
Differentia inter tractatum & quaestionem 21
Digestorum nuncupatio Jurisconsultis familiaris 12
Duo pacis decora, Antistius, & Capi-
 to 61

E

Edictum perpetuum anno 15. Imperii Hadriani à Juliano ordinatum 8
Edictum perpetuum vocatur, jus perpetuum 7
Equites inter plebejos numerantur 230
Error eorum qui Q. Mutium Scævolam P. M. eundem cum Murio Augure credunt 27
Everriculum maliciarum omnium 222
Exilium, & deportatio in insulam differunt 273
Ex Trebatio secta Proculeiana nata 249

F

Favius Mela à Modestino reprehensus 293
Fiscus privatus, ærarium publicum 162
Florentinus in consilio Alexandri 108
Formula qua posthumi heredes institui possunt 222
Fronto Emissenus 292
Frontonis cognomen à fronte impostum 290
Fronto insignis orator *ibid.*
Fufidii memoriam eruit Cujacius 305

G

Gallinaceus Vitellio, infelix augurium 246
Gracchanus Historicus 191
Gravius Flaccus 259

H

Hadrianus in jure sapere pro Antonino Pio sumitur 109
Harmenopolus notatus 162
Homeri opera, à juris auctoribus magno in precio habita 52
Hotomani error de Publicio 244

Hippocratis locus restitutus 168

I.

Iabolenus, Trajani, Hadrianique temporibus 74
Iacobi Cujacii error 108
Iabolenus contrariæ sectæ à Labeone fuit 78
Iabolenus præceptor Juliani 8
Iactus, caput tantum leg. Rhodiæ 95
Imperatores subscribere solebant libellis, & cum iis Promagistri 83
In omni quaestione tractatus præmittitur 20
In libris quaestionum Jurisconsulti non utuntur verbo, constat 22
Index Jurisconsultorum 2
Index philosophorum *ibid.*
In indicibus, numerus librorum scriptorum continebatur *ibid.*
Indices fiebant è membranulis *ibid.*
Iusti Lipsii error 270
Juris civilis scientia, patrimonium Scævolarum 26
Jurisperiti, sapientes appellati 63
Jurisperiti, juris studiosorum nomen minus arrogans sumunt *ibid.*
Jus populi, idem quod jus ærarii 161
Julius Africanus orator 100
Junius, Gracchi ab amiciria Gracchanus appellatus 190
Julius Aquila 169
Junius Blæsus Africæ præfuit 268
Juventius L. Mutii auditor 224
Julianus quaestiones tractavit 99

L.

Lampridii error de Ulpiani libris ad Sabinum 38
Lælius Hadriani temporibus vixit 284
Lampridius defensus 159
Lampridii locus de Martiano, mendo purgatus 94
Lex Miscella παλαιὸς νόμος nuncupatur 31
Lex scribit de auro arg. leg. explicata, & Cujacii emendatio non probata 33
Lex Rhodia, domina maris 96
Legum Σωματοποιοίς. 63
Legis Juliae de vicesima caput ante Justinianum sublatum 178
Lex

I N D E X.

Lex i. de resp. prud. Cod. Theod. re- stituta	17	M. Cælius Tribunus plebis	309
Lex xi. D. de minor. mendosa	281	M. Pomponius Grammaticus ex oratio- ne Tiberium reprehendit	312
Lex Cincia	153	Mammæa Alexandri mater Origenis studiosa	124
Lex <i>si ususfructus</i> D. de jur. dot. expli- cata	30	Martianus sub Antonino non parvæ auctoritatis	164
Libertas nimia Cascellium intra quæ- sturam retinuit	255	Massurius Sabinus Labeoni successit	315
Licinius Proculus vir pravus, & calli- dus, urbanæ militiæ impiger	47	Minitius, five Minutius	266
L. 32. D. de leg. i. mendo purgata	88	Minutius de re nautica scripsit	267
L. <i>si per errorem</i> D. de jurisd. restituta	129	Minutius Sabini sectam sequutus	267
Licinius Rufinus Severi Alexandri temporibus claruit	180	Minutius Felix Romæ insignis causidi- cus	<i>ibid.</i>
L. <i>cum servus</i> D. de leg. i. explicata, & emendata	100	Moris erat quum quis testamentum conderet, Jurisperitos vocare	68
Liber Beneficiorum	73	Modestinus poëseos amator	163
Liber Assessorum	261	Modestini locus restitutus	170
L. i. C. si rector provinc. restituta	76	Mos subscribendi libellis desumptus à Julio Cæsare	83
Libri responsorum Papiniani in scholis legendi proponebantur	22	Modestinus sub Alexandro Severo	171
L. Tubero Prætor Urbanus	245	Modestinus Maximini junioris præce- ptor	172
Locus Taciti restitutus	272	Multi Mutii Jurisperitissimi	26
Locus Varronis emendatus	245	Q. Mutius Scævola à Crasso Jurisperi- torum eloquentissimus, & eloquen- tium juris peritissimus appellatur	25
Lucius Lentulus primus codicillos in- trodixit	69	Multi ex Servio, tanquam ex officina Jurisprudentiæ profecerunt	282
M.		Multa quæ olim prænomina fuerunt, cognomina postea facta sunt	236
Mauritianus in Alexand. consil.	96	Mutius jus civile in artem redegit	33
Massurius Sabinus annorum fere 50. in equestrem ordinem relatus	39	Mutius primus cautionum formam introdixit	30
Massurii rubrica	40	Mutius Augur, legum vates dicitur à Valerio	28
Massutius à Paulo reprehensus	40	Mulier quinque lib. uno foetu enixa	109
Massurius Tyberii temporibus floruit	41	Mutius Scævola ludum scuprorum amavit	26
Marcellus Antonino Pio familiaris	101	Mutius Scævola optime pila lusit	<i>ibid.</i>
Marcellus homo modestus, & frugi	102	N.	
Marcellus vigilantix suæ ostentator	<i>ibid.</i>	Nerva filius 17. anno ætatis suæ, de jure responsitavit	318
Marcellus Cassianæ sectæ	103	Nerva filius Proculi temporibus vixit	318
Mecius Jurisc. eadem ætate, qua Pa- pinianus vixit	294	Nervæ Jurisconsulti Cocceii dicti, non Licinii	319
Manilius, verus Jurisconsultus	208	Nerva pater Tiberio familiarissimus	318
Manilii consulatu, M. Cato mortem obiit	209	Nemo Scævolatum Censor fuit	27
Martianus Consul susceptus	94	X 3	
Martianus Cassianæ sectæ	<i>ibid.</i>	Neo-	
Massurius Capitonis sectam sequutus est	44		
Manilianæ leges	211		

I N D E X.

Neotericus Jurisconsultus in libris de
Republ. Papiniani responsum dam-
nans, reprehensus 19
Neratus Pegasi sectator 70
Neratus Traiano charus *ibid.*
Neratus sub Hadriano Consul 71
Nicephorus explicatus 5
Notati, qui Pandectarum opifices, in-
regros non habuisse libros Juriscon-
sultorum putant 3
Nobiles, boni appellati 122

O.

O Filii Trebatii, & Cascellii do-
ctor 237
Ofilius verborum proprietati anxie stu-
duit 238
Officium Consulis 75
Ominosum in locum mortui Consulis
vocari 61
Omnia maritima negotia, Rhodia de-
finitur lege 96
Optimi & Maximi Principes 122
Optimas quid 123
Operis verbum apud Rom. explicatum 62

P.

P Aternus rei militaris diligentissi-
mus. 176
Papirius Fronto nepos Oratoris 290
Paulus non Patavinus sed Tyrius 140
Paulus homo Græcus 141
Paulus Christianis infensus 142
Paulus assessor Papiniani fuit 144
Patrii tantum Senatores, vel Senato-
rii ordinis 230
Pacinius legatus C. Sylvani 268
P. Mutius obiit morbo pediculari 201
Papiniani quicquid scriptorum erat
Imp. retinuerunt 16
Papinianus, Papiniano Hostilio patre,
& matre Eugenia Gracili natus 14
Papinianus Cerbidi Scævola discipulus
ibid.
Papinianus disertissimi nomen meruit
ibid.
Papinianus ex Pompeio Trogo respon-
sum Bassiano factum desumpsit 19
Papinianus securi percussus, non gladio
ibid.
Papirius Justus Antonini & Veri con-

stitutiones compilavit 139
Papin. responsa Paulianis difficiliora 23
Papinianus Bassiani jussu necatus 18
Papinianus multos discipulos habuit
17
Pactumejus Clemens Jurisc. 97
Patrii permulti in plebeias transi-
erunt familias 231
Patriis inter pedites militare, igno-
minia nota 232
Περὶ τῶν libri quid 65
Periculum, si servos à liberis cultus
distingueret 119
Pediſ Orator 283
Picus Martius 245
Plautius, Sylvanorum nomen 277
Pomponii verba suo loco reddita 219
Pont. Max. fuit Mutius 29
Pomponius Labeonis sectam minime
probavit 89
Pomponii verba transposita 194
Pomponii cum Cicerone conciliatio,
de Bruti libris 206
Posteriores Jurisconsulti nullo secta-
rum studio tenebantur 53
Proculi sententia in omnibus ferè sen-
tentis prævaluit *ibid.*
Proculus sub Othone præfectus præto-
rio 47
Proculi tempore juris scientia in duas
divisa familias 49
Proculeiani, diversæ scholæ auctores
vocati *ibid.*
Prædator Cascellius 255
Princeps lentus in suo dolore, Reip.
injurias largiri non debet 312
Promagistri officium 83
Præf. urbi amici vocantur ab imperato-
ribus 121
Principes civitatis P. Mutius, Manilius,
Brutus 202
Publicius prætor 244
Publicianum Edictum *ibid.*
Puteolan. libros assessoriorum scripsit
261
Publica judicia quid 168
Purpura adorabatur 118
Pythagoreorum αὐτὸς ἴσα. 147

Q.

I N D E X.

Q.

Qui offerebat preces Imperatori, apponere solebat sententias Jurisc. qui pro eo sentiebant 45
 Quid aurei libri 113
 Qui Saturnini in scholis appellantur 265
 Quid sit corpus Civile, & corpus Canonicum 63
 Qui preces Imperatori offerebant, sententias Jurisc. apponebant 172
 Quid sit è patritiis exire 231
 Quæstionum tractandarum modus gratus Jurisconsultis 20
 Q. Gravius præco 259
 Quis Brutus fuerit Jurisconsultus 203
 Q. Mutius Scævola à Mario interf. 29

R.

Regulæ Catonianæ quis autor 193
 Romæ, viri tantum magnæ auctoritatis, secessibus utebantur 62
 Rutilius vir doctus 212
 Rutilii orationes jejunæ *ibid.*
 Rutil. rei militaris scientia præstitit 213
 Rutili à quo appellati 214
 Rutilius à Scauro in consulatus petitione superatus 215
 Rutilius Rufi coloris 218

S.

Salvius Julianus *νομικὸς φάος* 4
 Salvius Julianus vixit temporibus Pii 9
 Salvius Julianus Insaber Mediolan. 10
 Salvius Julianus, proavus Juliani Aug. 11
 Saturn. libros ad Edictum composuit 263
 Salvius Julianus perpetuum composuit Edictum 3
 Salvius Julianus Aristonem per epistolam consuluit super parte Edicti 7
 Scipio à Manilio obsidionali corona donatus 209
 Scævola à Claudio derisus 106
 Scævola variavit aliquando 108
 Sextus Ælius cordatus appellatur 198
 Serapia mulier quatuor liberos eodem

tempore enixa 109
 Sext. Aurelius Victor restitutus 11
 Servius Sulpitius notas in Mutii libros scripsit
 Sextus Pomponius inter Papiniani discipulos 86
 Senatusconsulti à Cicerone relati verba restituta 311
 Servius Sulpitius Lemoniæ tribus 225
 Senatusc. Rubrianum 148
 Sextus Pompeius Jurisc. patruus Cn. Pompeii 320
 Sextus Pompeius eruditus in Philosophia *ibid.*
 Sextus Cæcilius in area Palatina salutationem Cæsaris operitur 288
 Servilius, alius à P. Servilio augure 300
 Servilius Jurisc. ubi Nerone obiit *ibid.*
 Servius ad Q. Mutium accedere non recusavit 226
 Servius Consul cum Marcello 228
 Servii consilia ad concordiam spectant *ibid.*
 Servius consulatus repulsam tulit 227
 Servius in legatione obiit 229
 Sextus Pedius Jurisc. ante Ulp. vixit 282
 Seneccæ non inertis honestum munus, consulentibus respondere 48
 Soror appellata, quod seorsum nascitur 66
 Stipendia pedibus facere, plebeium 232
 statua Servii Sulpi. pro rostris posita 230
 Stola sacerdotalis Pontif. Judæorum 274
 Subscriptio libellis apposita, annotatio vocatur 83
 Sutrinam ingenui homines olim discabant 55
 Suetonii de Antistio Labeone judicium non probatur 60

T.

Tam formosus, quam Mecius sibi videtur 294
 Ter. Clemens Consul cum Tertull. 97
 Tertyllianum S. C. sub D. Pio factum 10
 Tertii anni auditores, Papinianistæ vocabantur 16
 Trebatii ostentatio in respondendo 251
 Tertullianus maximus juris interpret 135

X 4

Ter-

NOTA

Pag. 7. lin.
 l. 14. inq
 l. 22. cum
 Attic. et
 membr
 nor), cu
 cerone
 pi. fed
 Sueton
 duo lib
 erat. l.

 p 4. lin.
 27. d
 Salv
 libro
 tur e
 nore
 inter
 cum
 vile
 & ar
 anti
 l. 22.
 poli
 l. 24.
 Sca
 ch

NO.

NOTÆ ET ANIMADVERSIONES AD BERTRANDUM.

Pag. 1. lin. 1. *Spartianum*] locus is est in *cap. 23.*

l. 14. *inquit:*] in l. 2. C. de vet. jur. enucl. §. 20.

l. 22. *eundem Cicer.*] locus Ciceronis est libr. 4. *ad Attic. epist. 4. usque* (librariolis) *imperes, ut sumant membranulam, ex qua indices fiant, quos, vos Græci* (ut opinor) *συμμάχους* *appellatis.* Ex quo apparet *indicem à Cicerone* non eo sensu quo hic ab auctore nostro accipi, sed pro cujusvis libri titulo, aut inscriptione. Ita *Sueton. in Calig. cap. 49. in secretis ejus reperti sunt duo libelli, diverso titulo: alteri gladius, alteri pugio index erat.* Item *Martial. lib. 3. epigr. 2.*

Et te (libelle) purpura delicata velet,

Et cocco rubeat superbus index.

p 4. lin. 18. & seqq. *Male Alciatus lib. 2. disjunct. cap. 27. & eum imitatus vir celeberrimus auctor noster Salvio Juliano tribuunt id epigramma, quod extat libro 4. Anthol. qui εἰς εἰκόνας ἀνδρῶν ἀγαθῶν* *inscribitur ep. 2. quodque Theætetus, recens poëta in honorem Juliani Antecessoris (novellarum Justiniani interpretis & epitomatoris) composuisse videtur; cum temporibus Hadriani, & Salvii Juliani jus civile Romanorum Beryti floruisse non constet. quod & animadvertit Fabrottus in not. prior. ad Theoph. & ante eum Pithæus.*

l. 22. *Ρώμη*] intelligit *τὴν νέαν Ρώμην* sive Constantinopolin. vid. *proæm. digest. §. 9.*

l. 24. *Βεροῖν*] eadem quæ *Berytus* uti observavit Jos. Scaliger ad *Euseb. p. 121. ex hoc Nonni loco, qui est Dionys. lib. XL I. vers. 364.*

Πρωτοφανὴς Βερόη πέλε σύγχρονος ἤλικι κόσμῳ,
Νύμφης ὀφειγόνιοι φερόνυμος, ἣν μελανάσαι
Υἱεὲς Αὔσονίων ὑπατρία φέγγεα Ρώμης

Βηρυτὸν καλέουσιν, ἐπεὶ Λιβάνῳ πέσε γήτων.

Prima apparens Beroë fuit coeva equali mundo,

Nympha serogenita nomen habens, quam exules

Filii Ausoniorum, eximia lumina Romæ

Berytum appellant, postquam Libano cecidit vicina.

vide *Menag. cap. 24.*

παντὰ θεός] lege πάντα φύσις, juxta edit.

p. 5. l. 13. *Nov. const. 10.*] in aliis edit. est ix.

p. 6. l. 18. *Gellius*] libro x. cap. 15,

l. 21. *Sacerd. vestalem*] adde in omni mea jurisdictione ju-
rare &c.

p. 7. l. 1. *met. causa,*] adde in l. 1.

l. 20. lege: *tabulas bonorum poss.*

p. 10. l. 18. *Cassiodorus*] adde & *Lampridius in Commo-
do cap. 12.*

p. 13. l. 5. & ex l. *Plautius. 49. D. ad leg. Falcid. & l. si pro-
prietarius. 22. §. ult. D. de damno inf.*] utraque hæc lex
aliena est à proposito; neutra enim *Minitii*, aut *Ju-
liani* meminit. Videtur tamen id voluisse vir nobi-
lissimus, pari ratione ac *Julianus ad Minitium*, ita *Paulum ad Plautium* libros scripsisse (uti paret ex inscri-
ptione harum legum) *commentarios* scilicet, vel *no-
tas*: neque tamen *Paulum* hosce libros *Plautio* aut
dedicasse, aut dedicare potuisse quod hic *Pauli* tem-
pora non attigerit.

l. 13. lege: *l. tenetur 6. §. si eas 4.*

p. 15. l. 2. lege: *quod ex l. manifestissimi 22. §. sed -*

l. 23. sic transponend. *instit. de fideic. hered. & in l. gene-
raliter vers. cum autem C. de instit. & subtit. hominem ex-
celsi ingenii. Nov. 4. maximum Papinianum. in Nov. 108.
Sapientissimum.* 1. 18.

- p. 18. l. 21. *nece: lege cade.*
 l. 24. *ad hoc] lege & huic.*
 l. 28. *Fratrum] adde Antoninorum.*
 p. 19. l. 8. *noluerit rationem] multa hic desunt, quæ vide apud Spartianum cap. 8.*
 l. 21. *nulla] adde satis iusta.*
 p. 20. l. 15. *Q. Mutio Scavola] male. Cervidius enim Scavola quaestiones scripsit.*
 l. 25. *locus Isidori est in libro 6. cap. 8.*
 p. 22. l. 23. *alius] adde item à Justiniano in d. l. cum acut.*
 p. 24. l. 2. *lege: Ad secundum l. Divus Hadrianus 8. D. de divort. nam l. si pœnituit est ex libro primo.*
 l. 3. *notas scripsit Matianus:] male. nam ipse Martianus, uti paret ex l. qui pupillam, auctor est harum notarum.*
 p. 27. l. 24. *lib. 8. cap. 15.*
 p. 28. l. 1. *lege à Quinto Mutio. nam & augurem Q. appellatum fuisse constat ex Cic. lib. de amicis. in princ.*
 l. 4. *lege Q. Scavola tradit Valer. Max. lib. 8. cap. 12.*
 l. 5. *pro Balbo cap. 20.*
 p. 31. lin. 5. *lege 62. adde D. de cond. & dem.*
 l. 17. *male trahit adde in paratitl. ad tit. C. de indict. viduit.*
 p. 35. l. 20. *deminuere ex legato] adde vel detrahare uti est in l. Si peculium. 10. D. de pecul. leg. vide & l. denique 8. pr. eod. tit.*
 p. 36. l. 2. *eodem verbo usus est] adde Ulpianus, nisi malis Julianus in l. si ususfructus 14. §. 1. & c.*
 l. 18. *§. commodatum] in hoc §. nihil de Mutuo occurrit, puto Bertrandum respicere ad §. quinimo 8. qui tamen & ipse Juliani non Mutii verba refert.*
 p. 38. l. 4. *Lampridius cap. 16.*
 p. 39 l. 9. *lege: in l. quaesitum 12. §. sed si fundus 27. D. de instr. vel instr. leg.*
 p. 41.

p.41. l.13. *cum Pato &c.* apud Cassiodorum est *Pio*.

l. 11. *Turpilianus enim collega &c.* non diversorum, sed unius III. viri A. A. A. F. F. nomen est *Sabinus Turpilianus*.

p.43. l.9. *Pomponio auctore*] adde in d. l. 2. D. de orig. jur. §. 47.

p.46. l. 22. lege: *Gellius librum undecimum*.

l.24. lib. 8.] in vulg. Nonii editionibus est lib.7. & rectius, nam & ita apud Gellium lib. 4. cap.20. legitur; ex quo hunc locum Nonius desumpsit.

p.47. l. 7. *auctore Tacito*] lib.1. *histor. cap. 87*.

p.48. l.8. lege: lib.18. *annal. lib. 2. histor. cap. 60*.

l.11. lege: *Tacitus lib. 1. hist. cap. 82*.

l.20. ex l. 47. de legat. 2. malè colligitur *Proculum Sempronii* nepotem fuisse.

p.51. l.11. *Iliad. 3. vers. 234. & 4. vers. 482*.

p.52. l.13. male existimat *Bertrand*. verba: *Et sues autem &c.* in l.65. §.4. ff. de leg. 3. tribui debere *Cassio* non *Martiano*; nihil enim aliud ex *Cassio* in d. l. retulit *Martianus*, quam pecoribus legatis eum existimasse etiam quadrupedes quæ gregatim pascuntur, contineri. Addidit vero de suo *Martianus*: *Et suos autem & quæ sequuntur. Menag. cap.31. p.125*.

p.54. l.3. *Æmilii si quidem nomen Cornel. gentis fuit.*] *Proculos* ex *Cornelia* gente ortos esse vix crediderim, quid enim *Cornelii Proculi* patre *Claudio Proculo*, quid nostro *Licinio Proculo* facias? Et nescio utrum verum sit *Æmilii* nomen gentis *Cornelia* fuisse. V rum quidem est *Scipionem Africanum Æmilii Pauli F.*, postquam in *Scipionum* familiam adoptione transivisset, appellatum fuisse *P. Scipionem Æmilianum*. (*Valer. Max. lib. v. cap. 10.*) Ex *Æmiliorum* gente fuere potissimum *Pauli*, *Scauri*, *Lepidi*.

p.55-

p. 55. l. 5. Vell. Paterculus lib. 2. cap. 103.

l. 9. lib. 18:] lege: 2. hist. cap. 29. & 3. hist. cap. 36.

l. 18. Sat. 3. vers. 130.

p. 58. l. 8. solum] add. l. 21. de contrah. empr.

l. 17. Appianus lib. 4. ἐμφυλ. in fin.

p. 60. l. 21. eodem Tacito] dict. lib. 3. cap. 70.

p. 61. l. 6. Livius lib. 5.] cap. 31. & lib. 6. cap. 27.

p. 68. l. ult. l. 9. D. pro socio:] puto legendum in l. 23. D.
pro socio, vel 52. §. 8.

p. 70. l. ult. Hadriano cap. 4.

p. 72. l. 13. Spartianus in Hadr. cap. 15.

p. 73. pr. Plin. lib. 7. cap. 21. quibus visus erat infirmior,
iis membranarum usum familiarem fuisse non do-
cet; verum refert, fuisse, qui in nuce inclusam Ili-
da Homeri in membrana scriptam habuerit.

l. 24. hodie] adde à principe.

p. 77. l. 19. lege: l. non ex omnibus 39. D. de recept. Ex
duodecimo l. 33. de pecul. Ex decimotertio l. 22. D.
de acquir. possess. Ex decimoquarto, & decimoquinto
l. morbus. 113. l. solvendo 114. de verb. sign.

p. 79. l. 14. lege: Anno V. C. 866. vid. Onuphrium in
Fast.

l. antep. antiq. inscript.] eam exhibet Onuphr. in com-
ment. ad A. V. C. DCCCXXCI.

p. 85. l. 4. male Labeonem in l. 30. de usurp. de Domi-
tio interpretatur quem & J. C. fuisse, & libros epi-
stolarum scripsisse contendit ex verbis l. 28. qui test.
fac. poss. Domitius Labeo Celso suo salutem. Ego quoque
cum Bertrand. nihil mutandum in d. l. 30. §. 1. exi-
stimo, sed longe alia de causa: sc. quia adduci non
possum ut credam, Domitium illum Labeonem
fuisse J. C., cujus ut Jurisconsulti meminit nemo.
Celsum quidem consuluit, sed non inde sequitur
pro-

protinus eum juris auctoribus esse annumerandum: quanquam juris auctores sese invicem consulebant, sed alii eos etiam consulebant, ut patet ex l. 3. §. 1. D. de min. l. 18. de jur. cod. Etiam J. C. non fuisse La-beonem illum apparet ex stulta, & plusquam ridicula quæstione quam Celso proposuit. Menag. cap. 20.

l. 25. INSTITUTIONUM] hi libri apud Labittum non citantur, & dubito an *institutiones* Celsus scripserit.

p. 87. l. 15. Frustra Bertrand. in l. 64. §. 9. D. pro soc. legendum existimat: Et ait Sextus Pomponius Julianum referre Sabinum respondentem &c. & in vita Pedii (dum ipse sibi non constat) & ait Julianus Sextum Pedium. Breviter autem monuisse sufficiat libros xxxv. ad Sabinum scripisse Pomponium, ut verisimilius sit, quod in d. leg. 64. sequitur, de Sabino id Pomponium retulisse, quam Julianum, qui ad Sabinum nullos libros scripsit. Menag. cap. 20.

p. 89. l. 26. ad hunc * transferenda sunt verba pag. seq. asterisco (*) simili notata AD SABINUM LIB. xxxv.

p. 91. l. 10. Pomponium scripisse librum singularem de tacitis fideicommissis, ex l. pupillus 239. D. de verb. sign. non rectè colligitur, cum d. l. pupillus sumpta sit ex Pomponii libro singulari Enchiridii.

p. 94. l. 22. lib. 4. epist. 24.

p. 95. l. 5. & seqq. Marcum Metium &c.] in inscript. quæ est apud Onuphr. lib. 2. Fast. ad A. V. C. DCCCCLXXV III. legitur Marcum Macium Rufum &c. porro notandum Ulpianum auctorem esse l. 5. D. de jure Fisci, non vero Metium. puto ita sensisse Virum Clar. ut intelligatur de Metio, jurisconsulto illo, qui auctor est novæ sententiæ in l. 50. D. de jure fisc. ubi tamen in vulg. edit. legitur Messius.

l. 15.

l. 15. *Qui alius à libris fideicommissorum est*] Fallitur hic Bertrand. dum putat libros *questionum de fideicommissis* alios esse à libris *fideicommissorum*; Ego sane non diversos crediderim. Et ita Anton. Augustino videbatur. *Menag. cap. 5. amæn. jur. civ.*

p. 97. l. 14. 944:] apud Onuphr. est 948.

p. 98. l. 4. Ad locum Lampridii quod attinet, omnino mendosus est, siquidem præter Africanum, multi alii Jurisperiti inter consiliarios Alexandri ibi numerantur, qui ætate Alexandrum antecesserunt, quales sunt Pomponius, Alphenus, Mæcianus &c. neque etiam hæc nomina in vetustis membranis comparent, quarum ope Claud. Salmas. hunc locum integrum restituit, quem vid. *Menag. cap. 23.*

p. 101. l. 1. Putat quidem Bertrand. in inscript. *leg. 42. de fideic. libert.* legi debere *Marcellus* non *Martianus*, quia sc. Marcianus sub Alexandro vixit, auctor vero dictæ leg. Pium Imper. appellat *suum*: sed omnino ibi legend. ut in *Pandectis Flor.* legitur; *Mæcianus lib. 7. Fideicommissorum.* Ille enim libros fideicomm. scripsit, non item Marcellus. *Menag. cap. 5.* Et dato Martiani esse hanc, nihil propterea mutandum, non obstante temporum ratione; extat enim rescriptum Antonini ad eundem hunc Martianum in §. 2. *Inst. de his qui sui vel alien. jur.* Vide ipsum Bertrandum pag. 164. & intellige, quam malè habitus sit ab heredibus auctoris nostri fœtus ejus postumus, quamque negligenter in lucem editus.

p. 103. l. 9. l. 85. *D. de cond.*] lege: in l. 86. quæ tamen & ipsa huc non spectat, cum Mæciani sit, non Marcelli.

l. 10. *Scauro*] in vulg. edit. *Gauro.*

p. 104.

p. 104. l. 7. & ex inscriptione l. 11. quod met. caus.] malè;
hæc enim lex non Marcelli, sed Pauli est.

p. 108. l. 18. ut ex illius verbis &c.] verba Servii hæc
sunt: *Manifesti eum furti arguit, dicendo vidi.* Eadem
allegat Cujac. lib. xi. obs. cap. 38. ubi addit: *ad*
illum, opinor, respexit locum, eumque ex Cajo sumpsit Tri-
bonianus, legit in Cajo Servius &c. Hæc cum apud Cu-
jadium legeret auctor, quæ Cujacii sunt verba,
Servii esse ratus est.

l. pen. lege: interpretis ad lib. 3. Georg. vers. 307.

p. 114. l. pen. ex lib. sing. &c.] male. nam l. si quis. Pau-
lum auctorem habet, non Cajum.

p. 115. l. 1. ejusdem &c.] & hæc lex non benè Cajo tri-
buitur, cum sit Pauli.

l. 21. & 4. seqq. Omnia quæ hic de Cajo proferuntur
Scævola competunt, cui & ipse auctor ea tribuit

p. 107. l. 22. & seqq. non tamen id ejus, verum ope-
ris postumi editorum ἀμάρτυρα crediderim.

p. 116. l. 7. C. Cassium:] atqui in vulg. edit. est *Cajum &*
Cassium.

l. pen. l. x. C. ex quib. caus. inf. irrog.] in toto hoc titulo
Venulejo lex inscripta non occurrit: imposuit Ber-
trando similitudo vocum *Venerii*, aut *Venustiani*, quæ
leguntur in inscript. l. 2. & l. 4. d. t.

p. 117. l. 1. l. xvi. D. de pæn.] hæc l. *Claudii Saturnini*
est, quem diversum à nostro *Venulejo* facit Labit-
tus, eundem vero cum eodem *Venulejo* faciunt Me-
rillus, & Bertrandus. Complures *Venuleji* libri
memorantur in indice D. Florentino, quorum quia
nullos hic recenset, contra quam solet auctor noster,
conjectare licet quam minus perfectum opus hoc,
quam destinaverat, morte præventus nobis relique-
rit.

p. 119.

p. 119. l. 15. Lampridio cap. 27.

p. 122. l. 12. lege: tradit Athenæus lib. 1. Deipnosoph.
in arg. oper.

l. seq. vocatur ab eod. ὄνομ.] verius si dixisset κα-
τακρίτ. vid. loc. cit. Non enim Ulpianus Sophi-
sta, verum ejus ζῆλωτής Pompejanus Philadelphensis
ὄνομα ἰσθίρας vocatur ab Athen. lib. 3. cap. 19. Non fa-
tis recte etiam confunditur Ulpianus Sophista, cum
nostro Jurisconsulto Ulpiano.

l. 20. libro 2. excus.] adde in l. 4. in fin. D. de excus.

p. 129. l. 6. Novella nondum edita; jam autem edita est.

l. 6. Videtur in l. 9. de jur. cod. Ulpian. notasse apud
Marcellum non apud Aristonem.

p. 133. l. 10. lege: militum impetrato imbre discussam con-
testatur.

l. 23. testimonio] adde exornavit &c.

l. pen. Spart. in ejus vita cap. 1.

p. 134. l. 1. lege: collusorem suum puerum.

l. seq. lege: neque patrem suum, neque patrem pueri.

l. 11. lege: Zeno apud Prienenfes.

p. 135. l. 4. & in l. servum 27. D. de pignor.] hæc verba
transferenda sunt ad lin. 7. ubi lege: ad Marcellum
ex l. servum 27. D. de pignor. & l. tutor 28. &c. in d.
enim l. servum non ad Papinianum, sed ad Marcel-
lum Ulpianus notat.

l. 8. non pauca ad Minitii &c.] male: lex enim vinaria
206. de verb. sign. Juliani est, non Ulpiani.

p. 136. l. 2. quadam decrevisse Ulpianus scribit in l. 2. §. sed &
si quis 9. &c.] & hic editores peccasse puto, nam in d.
§. Juliani, non Pomponii meminit Ulpianus. Sensus
erit commodus, si ita legas: quadam scripsisse apparet
ex l. ult. D. ad Sen. Tert. Ulpianus etiam meminit hujus
Tertulliani in l. five ingenua &c.

Y

l. ult.

- l. ult. in l. 4. non fit mentio Pompeii sed Pomponii.
p. 138. l. fin. *ejusque mentionem illum facere &c.*] atque id ob temporis diversitatem fieri non potuisse antea demonstravit auctor.
- p. 141. l. 4. in l. 9. de *supell. leg.*] male: cum lex hæc Papiniani sit, non Pauli.
- p. 143. l. 4. *Justinianus*] male: est enim Gordiani; quare & id falsum quod sequitur, *imitatus Diocletianum*, nam cum Gordianus antecessit.
- l. 7. lege: *Modestinus libro 1v. de excusat. tut. in l. 13. §. 2. D. de excus. tut. &c.*
- p. 147. *Justinianus*:] adde in l. 33. §. 1. C. de inoff. test.
- p. 161. l. 18. vide Marcellum Donatum ad Tac. 1. *Annal. cap. 37.*
- p. 162. l. 6. male *Harmenopulus ad l. 11.*] ea quæ adducit Scholiastæ, non Harmenopuli sunt verba (*lib. 1. tit. 2. §. 46.*) quamobrem non jure Harmenopulus reprehenditur.
- p. 167. l. 20. & seqq. Quod dicit auctor per capita Martianum libb. Instit. divisisse, absonum est, multoque magis quod confirmare id vult ex inscript. *leg. 19. de rit. nupt.* Nam non est ea de capite Institutionum Martiani accipienda, verum de capite leg. Julia.
- p. 169. l. 14. *notas in Julianum conjicio &c.*] atqui in d. l. §. 2. Mauricianus, non Martianus commemoratur; & hic variat ipse Bertrandus (confer p. 97.) aut potius hi, qui illotis manibus tanti viri opus perficiendum susceperunt.
- p. 170. l. 2. in quo *rescriptum*] scilicet in aliquibus tantum editionibus. vid. Ant. August. ad d. l. 15. *Modestini.*
- p. 173. l. 10 *probat l. 35.*] malè: est enim hæc l. Mæciani.
- p. 174. l. 22. *fit mentio &c.*] atqui hæc leges, quibus probare nititur Modestinum ad *Cassium* scripsisse Javoleni sunt. confer p. 77. l. fin.

1. fin. in inscript. leg. homo liber de adq. rer. dom. non fit mentio lib. 35. nec Modestini sed Pomponii lib. 3. ad Sabinum.

p. 177. l. 11. Theogoniam ut perp. script. est apud P. Crin.] Æmilius Macer Theogoniam scripsit (Non. in Picumnus) Licinius vero Macer Ornithogoniam, teste eod. Nonio in profecta. Non bene ergo Crinitus notatur.

p. 180. l. antep. Rufini meminit &c.] in d. l. Junii Rufini, non nostri Licinii fit mentio.

l. ult. & p. seq. consulatum etiam exercuit &c.] Titius Rufinus Col. A.V.C. 950 uti apparet ex inscriptione quam adfert Onuphrius in Fast. ad d. ann. V. C. Confundit ergo Bertrandus Licinium, Junium, & Titium Rufinos.

p. 181. in fin. Collationem legum Mosaicarum & Romanarum Licinius Rufinus non scripsit. At Licinium Rufinum illius collationis auctorem alium esse ab hoc nostro certissimum est. Illic enim tit. v. & vi. &c. referuntur constitutiones ex tribus Codicibus, Gregoriano, Hermogeniano & Theodosiano, quas Licinius Rufinus Julii Pauli J.C. æqualis legere per ætatem non potuit. Menag. cap. 7.

p. 182. l. 2. Christianum fuisse] hæc sententia jam dudum explosa à Frehero lib. 1. parerg. cap. 9.

l. 22. l. 29. de liberali causa] hæc l. non Antini est sed Arrii Menandri, in vet. edit. Arriani.

p. 183. l. ult. inscr. duar. legum si heres &c.] quatuor ll. si heres in d. t. occurrunt l. 35. quæ Pauli est. l. 73. Caji. l. 110. Africani. l. 125. Rutilii Maximi. Fallitur ergo Bertrandus, primum, quod neget esse in h. t. legem quæ inscribatur Rutilio Maximo, deinde, quod alteram harum ll. Juliano tribuat. Imposuit forte

illi hæc, nescio, quâ usus est, editio, cujus etiam vitio pleraque hujusmodi menda commissa fuisse reor.

p. 184. l. 18. Cornelium Maximum ad L. Falcidiam scripsisse mihi non fit verosimile, repugnante temporum ratione: Trebatius enim cum jam hujus discipulus esse desisset; insignisque ipse juris scientia haberetur, bello Gallico Cæsarem secutus est: lex vero Falcidia sub Augusti demum III. viratu lata est.

p. 185. l. propen. Male Bertrand. ex leg. 60. ff. de donat. inter vir. & ux. colligit Hermogenianum J.C. fuisse Christianum. Verum quidem est veteres Christianos, qui uxorem habentes ad sacerdotium vocabantur, ab uxoribus divortisse: verum hoc ante Impp. Christianos, quos ante vixisse Hermogenianum non dubitamus, legibus statutum fuisse, minus est verosimile. Igitur aut hæc vox *Sacerdotium* est à manu Tribon. aut, si est Hermogeniani, quod magis puto, de sacerdotio paganorum accipienda videtur. Paganorum quosdam sacerdotes non solum à Venere ante sacrificium abstinuisse; verum etiam matrimonium in totum abdicasse constat ex Tertulliano. *Menag. cap. 11.*

p. 187. l. 25. *ejusdem Galli meminit Virgil. &c.*] In eo graviter etiam errat Servius ad d. eclog. cum hunc Asinii Pollonis filium facit: rectius Ammianus Marcell. loc. hic cit. Gallus is, de quo Virgilius, *Cornelius Gallus* est, de quo & Ovid. lib. 1. *amor. el. ult. & lib. 3. el. 9. & 2. Trist. vers. 445.* nec non Propert. lib. 2. in fin. item Sueron. in *Aug. c. 66.* unde paret non convenire inter auctores de ejus morte. Circumferuntur quædam Maximiani Elegiæ, hujus Corn. Galli nomen præferentes. Celebris illa cujus princ.

Non

Non fuit Arfacidum tanti expugnare Seleucen &c.
 cui larvam detraxit Jos. Scaliger in opusc. postumis. C.
 Asinius Pollio Virgilii & Horatii amicus (vid. Horat. 2.
 carm. od. 1.) Cos. fuit A.V.C. DCCXV. cum Cn. Do-
 mitio Calvino. Hujus filius C. Asinius Gallus Cos. fuit
 A.V.C. DCCXLVI. qui dimissam à Tiberio Vipsaniam,
 Agrippæ F., Pomp. Attici N. uxorem duxit auctore
 Tac. l. 1. ann. c. 12. à Tiberio egestate cibi refertur
 peremptus ab eod. Tac. l. 6. ann. c. 23. Hujus Filius,
 Pollionis N., Asinius Gallus A. V. C. DCCCLXXV. nono
 principatus Tiberii anno Cos. fuit (teste Plinio lib.
 33. cap. 2.) cum Antistio Vetere. Hic sub Claudio ad
 res novas conspiravit. Suet. in Claud. cap. 13.

Cæterum nostrum Ælium Gallum, qui de verbo-
 rum significatione scripsit, eundem puto, cum eo, qui à
 Festo citatur, quique Varronis ætate vixit, eo tamen
 ætate grandior. vid. Varr. de L. L. p. 9. & 55.

- p. 187. l. antep. lege Tiberio Claudio Donato.
 p. 188. l. 8. *libenter colligerem &c.*] vid. Valesium ad
 Ammian. Marcell. p. 136.
 p. 189. l. 2. in verbo Tribunitia &c.] is locus extat in edit.
 Rom. Fulvii Ursini (quam & Gothofredus in Auct.
 L. L. exhibet) p. 159. in Ant. Augustini & Scaligeri
 editione eum suo loco non reperio.
 p. 191. l. 21. præter Josephum Scaligerum, idem Sena-
 tus consultum emendavit Villalpandus in Ezechiel.
 tom. 3. part. 2 lib 3. cap. 19.
 p. 200. l. ult. & p. seq. Frater Mutii non L. Crassus fuit, sed
 P. Crassus Dives, Cic 1. de orat. cap. 37. & in Brut. cap. 26.
 unde nota Pomponii errorem in §. 40. l. 2. de orig. jur.
 p. 219. l. 13. dicendi: ita Bertrandus. in vulg. tamen edi-
 tionibus, veluti Gruteri &c. discendi est: nihil ergo
 hic mendi apud Pompon.

l. 21. *consensu omnium qui ea aetate vixerunt.*] hæc verba apud Vi-
ctorem non occurrunt. Puto id voluisse auctorem nostrum: habuisse
Aquilium jurisconsultum domum in colle Viminali, ut scribit P. Vi-
ctor *in quinta urbis regione*, quam pulcherrimam consensu omnium
ea aetate fuisse, ita ut ex ea clariorem, quam ex juris civilis scientia
Aquilium evasisse Plinius dicere non dubitaverit.

p. 227. l. 20. *pratura ejus &c.*] teste Cic. *pro Muren. cap. 20.*

p. 231. l. 4. locus is Suetonii mendosus est, quem ita emendavit Manu-
tius in *lib. de Senat. Rom: rege inter Romanas gentes allecta, mox*
à Servio &c.

l. 17. non videtur Gruchius rectè reprehendi ab auctore nostro; nam
ob censum patritii aliquando equitibus, & hi plebi accensebantur:
ut notum ex illo Horat. l. *epist. 1. vers. 57.*

*Si quadringentis sex septem millia desunt
Plebs eris.*

p. 241. l. 22. *in Fastis:*] *lib. 2.*

p. 249. in med. Magnopere à vero aberrat Bertrandus, quod ex verbis
Ciceron. *lib. 7. ep. 5.* colligit Trebatium Sæctæ Principem fuisse.
Quod familiam ducit, proverbialis est loquendi modus significans
quod præcipuum est. Quo usus etiam idem Cicero *lib. de fin. 4.*
Sed primum illud vide, gravissimam illam sententiam, qua fami-
liam ducit &c. Traductus autem hic loquendi modus à venalium
servorum familiis, in quibus pulchriora mancipia reliquum duce-
bant gregem, ut vendibiliorem redderent, ut rectè Turneb. ob-
servat. *Menag. cap. 14.*

p. 253. l. 1. LIB. DUOS: à Macrobio tamen *d. loc.* citatur *decimus.*

p. 254. l. 8. *minime tamen cum Mess.*] non bene percepit Horatii men-
tem Bertrandus, non enim ab eo Messala cum Cascellio compo-
nitur.

p. 269. l. 20. *extraordinariis:*] fuit quidam Longinus consul suffectus.
vid. Onuphr. ad A. V. C. 764. ad quem forte respexit Cuspinianus,
non jure eo nomine hic reprehensus.

p. 278. l. 16. rectè in d. l. *Numidius* emendavit Cuspinianus, nam ex
Numidia gente *Quadrati* fuere. vid. Casaub. *ad loc. cit.*

lin. penult. Vindius Varus l. 3. *de test.* ibi legitur Vivius Varus, in
corp. gloss. Junius Varrus.

p. 279. l. 22. & 24. non bene *Salvio Juliano*. in Capitolino est *Salvio*
Valente. de quo Ulpian. in l. 7. §. 2. *de accusat.*

p. 280. l. ult. in l. 11. §. 2. *de min.* fit mentio Ætii Severi. in *corp.*
gloss. Decii Severi.

p. 292. ad fin. Bertrand. hoc loci *Emiseno Frontoni* emendat: *Emisa*
autem sive *Emissa*, sive *Emessa*, aut *Emesa* (namque omnibus his
modis

modis hujus urbis nomen à scriptoribus effertur) Phœnicia urbs fuit, de qua Ulpian. l. 1. *de cens.* & l. 8. *tit. eod.* Sed præterquam quod nomen patriæ adjungi non solet nominibus propriis in epistolis, verisimile non est de testamento militis Imperatorem ad rhetorem rescripsisse. Quare in l. 52. *de man. testam.* nihil mutandum. Aut si quid mutandum, legendum forte *Messieno Frontoni. Menag. cap. 31.*

p. 293. l. 3. *lex Mela* 14. *de alim. leg.* est lex Ulpiani.

p. 295. Campanum jurisconsultum ex Cocceiorum familia ortum fuisse & Severi atque Antonini vixisse temporibus, scribit hic Bertrand. sed utrumque falso. Alius est J.C. Campanus à Cocceio illo Campano ad quem apud Marcian. in l. si quis 29. *ad S. C. Treb.* & apud Justinian. in institut. tit. quib. *mod. testam. infirm.* exstat rescriptum Imp. Severi & Antonini. Jurisconsultum citant Valens atque Pomponius: hic in l. 34. §. 1. *de fideic. libert.* ille in l. 47. *de oper. libert.* Unde apparet Severo & Antonino antiquiorem multo fuisse. Siquidem & Pomponius & uterque Valens Hadriani & Antonini Pii vixere temporibus. *Menag. cap. 37.*

p. 308. l. 1. *Junius &c.* idem tamen priorem suam sententiam reprobabat in *erratis ad calcem libri.*

p. 321. l. 18. *Tuscius Fuscianus* reponit Bertrand. Is sub Hadriano vixit, & sub Pio legatus Numidiæ fuit, & ad eum exstat hujus Imp. constitutio in l. 7. *de leg. præst.* Sed cum Fuscianus ille à nullo scriptorum inter Jurisconsultos reponatur, accedo lubens Anton. August. sententiæ, qui scribendum putat *Macianus* in l. 2. *de orig. jur.* *Menag. cap. 5.*

F I N I S.

Errata, quæ festinantes operæ ex Tolosana editione superstitiose nimis, dicam, an oscitanter, expressere, benevolus Lector ita emendabit.

In vita Bertrandi.

pag. 8. lin. 15. lege: *vultu.*

p. 11. l. 9. *nobilitate.*

p. 2. l. 10. lege: *Justinianus.*

p. 5. l. 7. lege: *qui at. vel profess. se excus.*

p. 7. l. 6. l. 1. *D. de jur. fife. lege.*

1. 8. lege: *quisitum est?*

p. 8. l. 2. lege: *pet. part.*

1. 7. lege: *l. 57. D. de acq. her.*

1. antep. *πὲρ*, adde *ἑτεροπ.*

p. 9. l. 23. lege: *ex lib. 64.*

1. 24. lege: *l. 18. D.*

p. 13. l. 4. lege: *cui res. 29.*

1. 16. adde: *D. eod. tit.*

1. 18. lege: *Nov. const. 127.*

1. 19. lege: *utere.*

p. 21. l. 6. lege: *l. 58. D. pro socio.*

p. 22. l. 17. lege: *ex §. in tertio autem anno.*

1. 26.

l. 26. §. cum autem adde C.
 p. 23. l. 2. §. illud adde C.
 p. 24. l. 1. lege: l. etiam. 12. D.
 l. 7. lege: Α' ευροπία.
 l. 23. lege: α' ευροπία.
 p. 26. l. 14. lege: Quintilianus lib. XI.
 p. 27. l. 16. lege: pro C. Cornelio majesta-
 tis reo.
 p. 29. l. 9. lege: δ' εωρ.
 p. 30. l. 11. lege: l. Mutiana. 7. & in
 l. 79. D. de cond.
 p. 31. l. 10. lege: libro 4. obs.
 p. 32. l. 20. lege: l. is cui 18. D. de cond.
 l. 25. lege: quandam.
 l. ult. lege: Ο' ΡΩΝ.
 p. 33. l. 6. lege: in l. qui penum 3. D. de
 pen. leg. in l. 19. §. 9.
 l. 25. lege: observ. cap. 39.
 p. 37. Annullino.
 p. 38. l. 20. lege: quod ex princ. de her.
 l. 26. lege: lib. XI. cap. ult.
 p. 39. l. antep. lege: comperendinationi-
 busque.
 l. seq. & ex Sabini.
 p. 40. l. 1. communiti, & admin.
 p. 44. l. 25. leg. ad Claudianum Julianum.
 p. 46. l. 16. lege: lib. 4. cap. 9.
 p. 47. l. 1. lege: faces.
 p. 50. l. 4. lege: l. 40. D. de petit.
 p. 53. l. pen. lege: l. 5. D. de jur. imm.
 p. 55. l. 2. lege: P. Vinitio.
 p. 57. l. 6. lege: in l. in summa 2.
 l. 9. lege: Favolenus in l. si is qui 25.
 l. 12. lege: ut in l. in lege locationis 29.
 D. locat. l. Caesar vel censor 15. D.
 de public.
 l. 23. lege: l. Scapham 44. l. qui fundum
 55. D.
 l. 27. lege: l. actione 65. §. item scri-
 ptum 8.
 p. 58. l. 14. lege: in l. pediculis 32. §. 6.
 l. 21. lege: υπερεσπερφοδισ.
 p. 61. l. 20. lege: proconsulatu.
 p. 63. l. 3. lege: επεκατ.
 p. 66. l. 15. lege: l. si pater 9. D. de vul-
 gar. & pupill. subst.
 p. 67. l. 19. lege: si quis 9. §. 4. vers.
 hac.

p. 68. l. 13. lege: in l. 88. §. Lucius Titius
 17. D.
 l. pen. lege: in l. 14. in l. adiles 38. D.
 p. 71. l. 14. qui servum 6. D. ad leg. Corn.
 de Sicar. SC. quod.
 p. 72. l. 1. lege: in l. quasitum 12. §. 43.
 vers. denig. D. de instr. vel instr. leg.
 p. 74. l. 6. lege: sed addes 19. §. 2.
 l. pen. lege: an apud se manumittere 5.
 p. 76. l. 23. lege: in l. 30. D. de excus.
 p. 77. l. 17. lege: l. si is 14. de interrog. in
 jur. fac.
 p. 80. l. 16. lege: Q. JULIUS.
 p. 81. l. 10. lege: emend. 3. cap. 4.
 l. ult. reperto] adde, constat vel simile
 quid.
 p. 94. l. 25. lege: te vel praeceptis.
 p. 99. l. 23. lege: l. cum servus 39. D.
 p. 107. l. 23. lege: si pactus 54.
 p. 120. l. 3. lege: ε' υροσκα' α' δ' ι' ε' α' σ' ι' v.
 p. 131. l. 25. lege: REGULARUM.
 p. 132. l. 2. lege: sancimus.
 p. 139. l. 1. lege: quidam.
 l. 2. lege: styli sui.
 p. 144. l. 19. lege: lecta 40. vers. dicebam.
 p. 149. l. 23. FIDEICOMM.
 p. 151. l. 25. SILAN.
 p. 153. l. 14. ORATIONEM.
 p. 158. fin. lege: lib. I. dispunct. cap. 14.
 p. 159. l. 23. verbo adde nostri.
 p. 168. l. 3. lege: lib. I. definitionum in
 l. 1. cod. tit.
 l. 8. lege: υπερεσπερ.
 p. 185. l. 10. & 11. Camelia.
 p. 198. l. 23. lege: Alius Q. F.
 l. 25. lege: L. Pauli.
 p. 202. l. 1. lege: νομοδε' ι' x' t' l' v.
 p. 211. l. 1. differentem.
 p. 224. l. pen. lege: nimis quidem lentus
 in dic.
 p. 228. l. 8. lege: ipsi.
 p. 241. l. 7. lege: quod cum is.
 p. 245. l. 23. lege: capite ejus aff.
 p. 248. l. 3. lege: etiam.
 p. 259. l. 10. lege: Granis.
 p. 280. l. 6. lege: Antonini.
 p. 283. l. 10. lege: repetundarum.
 p. 311. l. 4. lege: Cicerone.
 p. 312. l. 5. lege: extant.

F I N I S.

